



ANALECTA HYMNICA

MEDII AEVI

IV.

HYMNI INEDITI.

Liturgische Hymnen

des

Mittelalters

herausgegeben

von

Guido Maria Dreves,

S. J.



Leipzig.

Fues's Verlag (R. Reisland).

1888.

HYMNI INEDITI.

Liturgische Hymnen

des

Mittelalters

aus

handschriftlichen Breviarien, Antiphonalien
und Processionalien

herausgegeben

von

Guido Maria Dreves,

S. J.



Leipzig.

Fues's Verlag (R. Reisland).

1888.



JUN - 8 1938

10784

V o r w o r t.

Der vorliegende Band enthält eine erste Folge von Hymnen im strengsten Sinne des Wortes. Nur ungern entschloß ich mich, schon jetzt mit Drucklegung dieses Teiles meiner Sammlungen vorzugehen. Lieber hätte ich das Geschäft des Sammelns vollständig zu Ende geführt. Allein die Häufung des Materials einerseits, andererseits ein Blick in die neuesten Sammlungen ähnlicher Art, ließen mich ernstlich befürchten, es möchte sich, wollte ich an meiner ursprünglichen Idee festhalten, das Beste wieder einmal als der Feind des Guten erweisen.

Die ganze Unsumme geistlicher Rhythmendichtung des MA. zerfällt, je nachdem sie der privaten (wenn auch noch so öffentlichen) oder der offiziellen Andacht (sei diese auch lediglich eine Still-Messe) diene, in liturgische und außerliturgische. Die liturgische Dichtung gliedert sich weiter in vier Arten, in Hymnen, Sequenzen, Tropen und Reimoffizien. Der Hymnus im engeren Sinne ist somit ein liturgisches Lied, das weder ein Melshymnus (Sequenz), noch eine Interpolation eines vorhandenen liturgischen Textes (Tropus) ist. Man könnte den liturgischen Hymnus einfachhin als das geistliche Lied des offiziellen Chorgebetes bezeichnen, wenn es nicht auch einen Prozessionshymnus gäbe, der nur mit völliger Verkennung seines Wesens den Tropen beigezählt werden kann, da die Begriffsbestimmung der letzteren als Interpolationen eines bestehenden liturgischen Textes das Prozessionslied noch weniger trifft als die Sequenz.

Die hier veröffentlichten Hymnen sind der überwiegenden Mehrzahl nach inedita im eigentlichsten Sinne; einige sind es nur in der Hinsicht, daß dieselben in den neueren zugänglicheren Hymnensammlungen fehlen. Streng gefaßt sind ja selbst Hymnen, die aus liturgischen Wiegendruckten entnommen werden, keine inedita, noch weniger solche Lieder, die den großen Sammel-

werken des 16. Jahrhunderts entlehnt sind. Für die praktische Förderung des hymnologischen Studiums indes bleibt es sich ziemlich gleichgültig, ob ein Lied in einem immerhin seltenen und nach Ort und Zeit schwer zu erreichenden Druckwerke sich findet oder nicht findet. Ebenso gleichgültig kann es sein, ob ein Lied in diesem oder jenem Werke, das jeden andern, nur keinen litterarhistorischen, geschweige denn spezifisch hymnologischen Zweck verfolgt, mehr vergraben denn ans Licht gezogen ist. Denn wem möchte man es im Ernste zumuten, neben der ohnehin ziemlich zerstreuten und nicht ganz leicht zu beherrschenden Fachlitteratur noch allen Werken des In- und Auslandes nachzuspüren, in denen der eine oder andere sonst unbekannte Hymnus Aufnahme gefunden. Unter dieser Rücksicht glaubte ich dem Zwecke meiner Arbeiten völlig zu entsprechen, wenn ich die Hymnen, die ich in meinen handschriftlichen Quellen fand, in den Sammlungen von Daniel, Mone, Morel, Kehrein, Duméril, Neale, Trench, Hagen, Roth u. a.¹⁾ aufsuchte. Hymnen, die hier fehlen, habe ich in meine Sammlung aufgenommen, unbekümmert darum, ob sie etwa in einem Bande der Acta SS. oder der Bibl. PP. sich finden. Ich habe nicht einmal ex professo nachgesucht, ob sie sich dort finden oder nicht, der Meinung, daß der hierdurch erzielte Nutzen (in den meisten Fällen eine bloße Schaustellung von Erudition) das große Opfer an guter Zeit nicht verdiene. Dagegen habe ich mir allerdings Mühe gegeben, Bruchstücke oder sog. Divisiones von Hymnen als solche zu erkennen und auszuschließen. Sollte mir das nicht immer gelungen sein, oder sollte ein veränderter Hymnenanfang mich in die Irre geführt haben, so wird mir derjenige leicht verzeihen, der die Schwierigkeit ähnlicher Recherchen kennt. Wird einmal eines der vollständigen Verzeichnisse sämtlicher bisan im Druck erschienenen Hymnen, die von verschiedenen Seiten in Aussicht gestellt sind, Thatsache geworden sein, dann wird eine strengere Kontrolle ermöglicht. Lieder, die in den vorgenannten Sammlungen vorhanden, habe ich mit nur zwei oder drei Ausnahmen auch dann nicht aufgenommen, wenn sie daselbst verstümmelt oder verderbt oder aus sehr späten und ungenügenden Quellen

¹⁾ Die Sammlungen von Klemming und Milchsack habe ich bei dem einstweiligen Mangel jedes Registers nur wenig zu Rate ziehen können.

abgedruckt sind. Diese (allerdings zahllosen) Mängel zu heben, ist Aufgabe eines großen abschließenden Thesaurus, der das schwierigste und darum letzte Werk der hymnologischen Forschung sein dürfte, wenn er auch nur annähernd das werden will, was Wackernagels großartiges Werk für das deutsche Kirchenlied des 15. und 16. Jahrhunderts ist.

Kommentare zu den Liedern zu geben, wie dies Daniel und Mone gethan, liegt dem Zwecke dieser Sammlung zu ferne und würde auch bei der Masse des zu bewältigenden Stoffes ein zu großes Erkühnen sein.

Hiermit könnte ich füglich diese einleitenden Zeilen schließen, glaubte ich nicht, mit ein oder zwei Worten auf einen eigenartigen Angriff auf den zweiten Band dieser Sammlung (richtiger einen Teil desselben) Bezug nehmen zu sollen. Kaum hatte dieser das Licht des Büchermarktes erblickt, da erschien auch schon in No. 5 des Bulletin Critique eine Besprechung, die den Pariser Abbé Eugène Misset zum Verfasser hatte und sich in einem Stile gefiel, der auch dem Unbefangenen den Eindruck machen mußte, daß bei der Sache eine Absicht sei. Ich sandte ein kurzes Wort der Erwiderung an das Blatt, indem ich mir vorbehielt, mich an dieser Stelle des nähern mit Herrn M. auseinander zu setzen, wofür in dem engen Rahmen einer Replik natürlich kein Raum war. Da begegnete ich zufällig in einem andern Blatte folgender Ankündigung: „Thesauris hymnologicis hactenus editis supplementum amplissimum e libris tam manuscriptis quam impressis eruerunt notulisque illustraverunt E(ugenius) M(isset) et I. W.“ Der Leser wird es darnach begreiflich finden, daß ich jeden Gedanken an eine eingehende, sachliche Auseinandersetzung mit Herrn M. fallen lasse. Noblesse oblige. Ich kann dies um so eher, als die sämtlichen Ausstellungen Misssets auf einer völligen Verkehrung des Standpunktes beruhen, den ich in der Vorrede zum zweiten Bande dieser Sammlung klar dargelegt, indem ich ausführte, daß und warum ich dem Hymnarius Moissiacensis eine Ausnahmestellung und abweichende Behandlung zu teil werden liefs, eine Darstellung, die aber Herr M. nicht verstehen wollte oder konnte.

Also nur wenige Züge, um die Art dieses Kritikers ins Licht zu rücken und zu zeigen, mit welchem Verständnis er mein Vorwort gelesen. Anläßlich der Scholarenlieder aus Kloster

Camp und mit Rücksicht auf die Blüte niederländischer Kunst an der Neige des Mittelalters hatte ich die Wendung einfließen lassen, daß der Rhein, gleichsam die Schlagader deutschen Lebens, in den Niederlanden angelangt, bereits langsamer und bedächtiger fließe; M. läßt mich sagen, daß der Rhein „bat aujourd'hui (sic) avec plus de calme et de lenteur“ denn ehemals. Ob da nicht der Wunsch der Vater dieses kuriosen Gedankens ist? Das (sic) hat der geistreiche Übersetzer selbst angebracht, damit ja niemand seine Leistung übersehen möge.

Eine Seite weiter schreibt M.: „Mabillon, dites-vous, a donné en entier l' antiphonaire de Bangor.“ Mir ganz neu, daß Mabillon das Antiphonarium Benchoriense ediert, aber noch neuer, daß ich selbst diese Entdeckung sollte gemacht haben. Wollte Herr M. sich die Mühe nehmen, die betreffende Stelle meines Vorwortes etwas weniger flüchtig anzusehen, würde er vielleicht finden, daß ich von Muratori geredet. Indes wer wird das so genau nehmen; das wäre wieder „votre science allemande“.

Herr M. glaubt offenbar, ein besonders guter Lateiner zu sein. Daß es ein Mittel-Latein giebt, das allerdings sehr starke Eigentümlichkeiten hat und verhältnismäßig wenig erforscht ist, davon scheint er keine Ahnung zu haben. Am meisten erhitzt er sich darüber, daß ich den Vers

Qui fuit ex diaconibus
Electus ab apostolis

beliefs, wie ihn die Handschrift bietet, statt ihn zu verschlimmbessern in Qui fuit ex diaconis. „Diaconis s'impose,“ ruft er aus, „mais diaconibus n'a rien qui vous choque; vous conservez bravement diaconibus.“ Herr M. hat, wie es scheint, nie die Charfreitags-Oration gehört mit dem Anfang: „Oremus et pro omnibus episcopis, presbyteris, diaconibus, subdiaconibus“ etc.; ist auch nie im Glossarium auf das Wort: „Diacon, diacones pro diaconus, diaconi, passim apud veteres scriptores“ gestoßen.¹⁾

¹⁾ Soeben kommt mir eine Duplik Misssets zu Gesicht, worin er seine Korrektur aus metrischen Gründen als absolut notwendig (ich sage absichtlich nicht: als richtig, sondern: als notwendig) aufrecht halten will. Ich muß es aber doch entschieden ablehnen, mich mit Herrn M. über metrische Anfangsgründe zu unterhalten. Er empfiehlt mir Huemers „Untersuchungen über den jambischen Dimetern“. Wien 1876. Möge er meine Antwort nachsehen in Huemers „Untersuchungen über die ältesten lateinisch-christlichen Rhythmen“. Wien 1879. S. 33 ff.

Ein andermal hätte ich notwendig den Vers

Reddentes Domino glorificos melos

wie ihn die Handschrift bietet, verbessern müssen in *glorificum melos*. „Un solécisme épouvantable,“ ruft M. aus, „*glorificos melos, comme si melos n'était pas un singulier neutre et glorificos un pluriel masculin*. Et cela sans une note, sans une variante qui puisse mettre sur la voie.“ Da will ich dem Herrn (pour le mettre sur la voie) doch nur erinnern, daß Cato bei Nonius (213, 17) sagt: „*Omnes qui loquuntur, habere debent quosdam melos*,“ gerade als ob *melos* nicht ein Neutrum im Singular und *quosdam* ein Maskulinum im Plural wäre. Wenn Nonius, Accius, Pacuvius das Wort so gebrauchen, begreift sich, wenn mittelalterliche Schriftsteller ebenso thun. Daß sie es thun, davon kann sich Herr Misset — ein Beispiel für viele — im *Missale Sleswicense* (imp. 1486) überzeugen, woselbst die Sequenz de *sancto Kanuto rege* gerade mit diesem „*solécisme épouvantable*“ beginnt:

*Verbum bonum personemus
Dulcem melum jubilemus.*

Ich glaube aber nicht, daß Herr M. ein Recht hat, solche Anmerkungen in meinen *Analecta* zu fordern, die ja keine Schülerausgaben sein wollen.

Ein drittes Mal hätte ich das handschriftliche „*Gloria psallat, gloria dicat*“ notwendig verbessern müssen in „*Gloriam psallat*“ und „*gloriam dicat*“. „*Souvenez vous*,“ hat der gelehrte Herr die Güte, mich zu instruieren, „*de la vieille règle que nous exprimons en France par ,amo Deum' et que votre science allemande hélas! a fait disparaître de nos prétendues grammaires savantes*.“ Es fällt mir natürlich nicht im mindesten bei, Herrn M. seine Freude am Besitze dieser wichtigen Regel zu stören; allein außerdem müßte man doch auch noch einiges andere wissen, ehe man sich ausläßt, wie es Herrn M. beliebt zu thun, so z. B., daß es auch ein indeklinabeles „*Gloria*“ giebt, z. B. „*Occurrere ad primum gloria*“. Bemerken möchte ich nur, daß neben dem *Cod. Moissiacen.* auch *Cod. Bruxellen. 8860 saec. 11.* dies indeklinabele *gloria* gerade in dieser *Doxologie* kennt:

*Gaudia psallat chorus et resultet,
Gloria Dei canat et revolvat.*

(Anal. Bolland) VI, 256). Die Lesart des Cod. Rhenovien. 91 bleibt ungewiß, weil Morel, der denselben benutzt, leider die Methode des Herrn Misset befolgt, nämlich an den Texten zu ändern, ohne dafs man seine Änderungen überall verfolgen könnte, wie ich mich bei Vergleich der St. Gallen Handschriften überzeugt habe.¹⁾ Ich will damit keineswegs diese Lesart als die „richtige“ verteidigt haben; aber sie ist offenbar mehr als ein lapsus calami der Schreiber des Cod. Moissiacensis und deshalb (cfr. Vorwort) von mir belassen worden. Doch schliessen wir die Akten. *Γλαῦκ' Ἀδύναζε!*

¹⁾ In seiner Duplik will nun Herr M. aus Gründen der Metrik aufrecht halten, es sei „Gloria canat“ eine unmögliche Lesart, weil sich da fünf kurze Silben folgten. Möge er in Huemers „Untersuchungen über den jambischen Dimeter“, die er ja kennt, S. 15 ff. das Nötige nachsehen.

Exaeten, im Juni 1888.

Guido Maria Dreves.

I.

D E D E O.

1. De ss. Trinitate.

1. Laus trinitati resonet perennis,
Sit unitati decus athanaton,
Pectoris hymnum deitate ayon
Celebret sancte.
2. Angeli summi, patriarchae, sancti,
Apostolorum chorus beatorum,
Ordines cuncti benedicant theon
Laude beata.
3. Doxa sit patri genitaeque proli
Et tibi, compar utriusque semper
Spiritus alme, Deus unus omni
Tempore saeculi.

Brev. ms. Pragense. VI F 12 a. saec. 14. A. — Hymnar. bonus per manus Johannis de Domassin anni 1429. Cod. Pragense. XVII. F. 20. B. — 1, 3 agion B. — 3, 1 genitoque B.

2. De ss. Trinitate.

1. Laus tibi honor magno sit parenti,
Qui potens mundi machinae creator,
Cuncta qui solus regis et gubernas,
Trinus et unus.
2. Laus tibi nato, favor et potestas,
Qui luis poenas hominum docesque
Nos piis dirum sapienter hostem
Vincere factis.
3. Laus tibi sacrum sit ubique pneuma,
Tu piis mentes hominumque sensus
Imbuens afflas dirigisque sanctos
Semper ad usus.

Hymn. ms. Griesen. 154. saec. 16. —

3. De ss. Trinitate.

- | | |
|--|--|
| 1. Festi laudes hodierni
Ritu ductas annuo
Cives gaudio superni
Celebrant perpetuo,
Regem trinum dum ter terni
Chori laudant mutuo. | 2. Vita, melos, cor supinum
Trini cultus munere,
Veneremur regem trinum
Voce, votis, opere,
Quem lex jubet masculinum
Ter in anno colere. |
|--|--|

3. Singulari majestati
decus et imperium,
Sacrosanctae trinitati
Sit perenne gaudium,
In quo simus nos beati
Per te, Christe, praeium.

Brev. ms. Lambacen. 476. saec. 15. A. — Brev. ms. S. Petri Salisburgen. a IV 12. saec. 15. B. — Brev. ms. S. Petri Salisburgen. a I 10. saec. 15. C. — Brev. ms. S. Petri Salisburgen. a IV 1. saec. 14. D. — 1, 2 ductas animo A. — 3, 5 In duo sumus ABD.

4. De ss. Trinitate.

- | | |
|--|--|
| 1. Adesto, sancta trinitas,
Par splendor, una deitas,
Qui exstas rerum omnium
Sine fine principium. | 4. Unum te lumen credimus,
Quod et ter idem colimus,
Alpha et O quod dicimus,
Te laudat omnis spiritus. |
| 2. Te coelorum militia
Laudat, adorat, praedicat,
Triplexque mundi machina
Benedicit per saecula. | 5. Illumina cor hominum,
Absterge sordes mentium,
Resolve culpae vinculum,
Everte moles criminum. |
| 3. Adsumus et nos cernui
Te adorantes famuli,
Vota precesque supplicum
Hymnis junge coelestium. | 6. Laus patri sit ingenito,
Laus ejus unigenito,
Laus sit sancto spiritui,
Trino Deo et simplici. |

Orat. ms. saec. 15. Cod. 7977 bibl. fam. imp. reg. Austriacae. Vindobon. Obschon nur einem Gebetbuche entnommen, beweist die ganze Haltung des Gedichtes, dafs wir einen Hymnus im strengen Sinne des Wortes vor uns haben.

5. De nativitate Domini.

- | | |
|---|---|
| 1. Ab aeterno ordinata
Mater Dei praeparata,
Per te cunctis salus data,
Quae per Evam est sublata. | 2. Benedicta mulierum,
Stella fundens solem rerum,
Jubilare Dei clerum
Tibi carmen fac sincerum. |
|---|---|

- | | |
|---|---|
| <p>3. Castae matris coelibatus
 Patet Mosi praenotatus,
 Quando rubus est monstratus
 Flamma tactus non crematus.</p> | <p>4. Dulcem virgo profert florem,
 Suavem vitis dat odorem,
 Cum jam suum genitorem
 Nata parit praeter morem.</p> |
|---|---|
5. En antiqua carnis jura
 Nova mutat genitura,
 Et dum factor fit factura,
 Suum perdit jus natura.

Brev. ms. S. Floriani XI. 477 saec. 15. Zuschrift. — Scheint ein Stück Abcedarius. Nach Str. 5 stehen in der Handschrift die folgenden leoninischen Verse:

Sponsum virgo paris ejus tu sponsa vocaris
 Nescia peccati genitrix et filia nati
 Sana peccantes et protege te celebrantes.

6. In Nativitate Domini.

Infra Nocturnum.

Judicii signum, tellus sudore madescit.

1. E Coelo rex adveniet per saecula futurus,
 Scilicet in carne praesens ut judicet orbem.
2. Unde Deum cernent incredulus atque fidelis
 Celsum cum sanctis aevi jam termino in ipso.
3. Sic animae cum carne aderunt, quas judicat ipse,
 Cum jacet incultus densis in vepribus orbis.
4. Rejicient simulacra viri cunctam quoque gazam
 Exuret terram ignis pontumque polumque.
5. Inquirens taetri portas confringet Averni,
 Sanctorum sed enim cunctae lux libera carni.
6. Trudentur sontes, aeterna flamma cremabit,
 Occultos actus retegens tunc quisque loquetur.
7. Secreta atque Deus reserabit pectora luci,
 Tunc erit et luctus, stridebunt dentibus omnes.
8. Eripitur solis jubar et chorus interit astris,
 Volvetur coelum, lunaris splendor obibit,
9. Dejiciet colles, valles extollet ab imo,
 Non erit in rebus hominum sublime vel altum.
10. Jam aequantur campi montes et caerula ponti,
 Omnia cessabunt, tellus confracta peribit.
11. Hic pariter fontes torrentur fluminaque igni,
 Sed tristem sonitum tubarum mittet ab alto.
12. Et coram hic domino reges sistentur ad unum,
 Decidet e coelo ignis et sulfuris amnis.

Cod. Scotor. Vindobonen. 53 f 6. anni 1419 mit Mel. A. — Cod. Palat. Vindob. 4096. anni 1478. B. —

„In die Nativitatis Christi infra octavam lectionem S. Augustini duo cantores cantent versum: *Judicii signum, quo repetito o choro demum post quoslibet duos versus chorus vel duo repetunt: Judicii.*“ A.

„Versus Sybillae Cyntheae de die judicii et poenis inferni septem“ B. — 2, 2 cui jam vero in ipso B. — 3, 2 und 4, 1 fehlen B. — 4, 2 terras. Von 5, 1 an fährt B folgendermaßen fort:

Vox ibi nulla sonet, dirus nisi fletus ubique,
Non sentitur ibi quidquid nisi frigora flammae,
Et foetor pigmenti complet putredine nares.
Os quoque flammivomo ingens implebitur igne
Et vermes lacerant ignitis dentibus ossa.
Insuper et pectus curis torquetur amaris,
Nec vox ulla valet miseris edicere poenas.
Ignibus aeternae nigris loca plena gehennae,
Frigora mixta simul ferventibus algida flammis,
Nunc oculos nimis flentes ardore camini,
Nunc iterum nimio stridentes frigore dentes,
His miseris vicibus miseri volvuntur in aevum.

7. De ss. Nomine Jesu.

Ad Completorium.

- | | |
|--|---|
| 1. Virtus summa coelestium
Fulget et mundi gloria,
Dum triumphalis titulus,
Jesu nomen recolitur. | 5. Spes aeternorum viguit
Fidesque invisibilium,
Dum summi patris filio
Jesu nomen imponitur. |
| 2. Summi Tonantis dextera,
Qua mundus exstat conditus,
Mortalibus increbuit
Potenti Jesu nomine. | 6. Succensus amor cordibus
Flagranti desiderio
Suspirat ad coelestia,
Jesu dulcis memoria. |
| 3. Et nati sapientia,
Qua cuncta sunt disposita,
Notatur, dum mirabile
Jesu nomen insonuit. | 7. Supernae vigor gratiae
Profusus rorat animam,
Dum sursum mens attollitur,
Jesu nomen recolitur. |
| 4. Spiritus almi bonitas
Monstrataque clementia,
Dum reparantur perdita
Per Jesu nomen inclytum. | 8. Ad te ergo confugimus,
Spes unica mortalium,
Exaudi preces supplicum
Jesu, o Jesu Domine. |

Antiph. ms. Hilarien. V. anni 1632. — Mel: Deus tuorum militum.

8. In festo trium regum.

Ad Vesperas.

- | | |
|--|---|
| 1. Vergente mundi vespere
Degentes terrae termino
Lucis suffulti sidere
Hymnum canamus gloriae. | 3. Tria sumentes munera
Stellam secuti praeiviam
Quaerunt regentem sidera
Urbem ingressi regiam. |
| 2. Ex orientis patria
Fidelium primitiae
Divina magi gratia
Luce lustrantur gratiae | 4. Instructi vaticinio
Bethlehem petunt lumine,
Inventum in praesepio
Colunt natum de virgine. |

- | | |
|--|--|
| <p>5. Trinum Deum et Dominum
Tribus signant muneribus,
Hominem, regem hominum,
Potentem in coelestibus.</p> <p>6. Herodem vitant perfidum
Angelico admonitu,
Christum praedicant splend-
dum
Genti suae in reditu.</p> <p>7. Post passionem Domini
Thoma loti baptisinate,
Trino credentes nomini
Signis clarent et dogmate.</p> | <p>8. Exuti tandem saeculo
Exsultant coelo spiritus,
Corpora fragrant tumulo
Consepulta divinitus.</p> <p>9. Magorum patrocínio
Nos solvat Christus maculis
Vitae donatos gaudio
In saeculorum saeculis.</p> <p>10. Praestet pater ingenuus,
Filius cum paraclito
Vitam nobis post obitum
Sancto magorum merito.</p> |
|--|--|

Brev. ms. Meliten. in Pedepontis Pragens. 8 anni 1398. — 2, 4 lustrant
Hs. — 5, 1—4: Trinum Deum et hominem | Et dominum tribus signant |
Miraculis hominem regem hominem | Potentem in coelestibus Hs. — 6, 4
Gentis Hs. — 10, 4 Sanctorum magorum Hs.

9. In festo trium regum.

Ad Nocturnum.

- | | |
|--|---|
| <p>1. Hymnis, laudum praeconiis
Deum cole, Colonia,
Trium regum reliquiis
Dei ditata gratia.</p> <p>2. Magi et reges inclyti
Noctem pellunt perfidiae,
Virtute Deo placiti,
Luce lustrati gloriae.</p> | <p>3. Stellam secuti praevidiam
Lumen requirunt lumine,
Majestatis potentiam
Parvo colunt in homine.</p> <p>4. Salutem terrae praedicant,
Tollunt errores gentium,
Signis virtutum emicant
Regni cives coelestium.</p> <p>5. Patri, nato et flumini
Sit laus, honor et gloria,
Qui nos magorum lumini
Jungat in pacis patria.</p> |
|--|---|

Brev. ms. Meliten. in Pedepontis Pragens. 8 anni 1398. — 1, 4 Dei fehlt
Hs. Unvollständig bei Dan. I. 278.

10. In festo trium regum.

Ad Laudes.

1. Stella lucente mundo matutina
In Oriente sedit gens divina,
Splendida luce claret puer cruce,
Rex superiorum.
2. Tribus cum donis magi tres professi
Religionis limitem ingressi
Natum adorant, dominum honorant,
Deum cunctorum.

3. Fidei lumen suae ferunt genti,
Praedicant numen suum orienti,
Damnant errores, bonos formant mores
Viri virtutis
4. Sit trinitati decus et potestas,
Laus unitati, virtus ac majestas,
Cujus nos dono sancti locent throno
Patres salutis.

Brev. ms. Melitens. in Pedepontis Pragense. 8. anni 1398. — 3, 2 Praedicant unum Hs.

II. De inventione pueri Jesu.

In 1. Vesperis.

- | | |
|--|--|
| 1. Festiva nobis gaudia
Jesu inventi pueri
Devota dat materia,
Fructus ventris virginei. | 4. Felix nobis Christifera
Confer, ut culpis perditum
Quaeramus cum frequentia
Et non perdamus habitum. |
| 2. Mater virgo moestissima
Jesum quaerit per triduum,
Amisum sed laetissima
In templo cernit filium. | 5. Virgo, vera puerpera,
Colentibus da gaudia
Haec tua festa, penitus
Aufer poenas, quas traximus. |
| 3. Quanta matris laetitia,
Dum cernit, replet intima
Natum suum dulcissimum
Inter doctos doctissimum. | 6. Laus patri sit et genito
Simulque sancto flamine,
Qui genitricis meritis
Nos coeli jungat agmini. |

Brev. ms. Trebonens. saec. 15. Cod. Pragense. VI F 20. A. — Brev. Melitens. in Pedepontis Pragense. 8 anni 1398. B. — 3, 4 Inter doctores A.

12. De inventione pueri Jesu.

In 2. Vesperis.

1. Festiva gaudia dant mysteria
Inventi pueri Jesu domini,
Ventricis virginei fructus unici.
2. Mater moestissima, virgo Maria
Quaerit per triduum Jesum amisum,
Quem in templo tandem cernit sedentem.
3. Quanta laetitia matris intima
Replet, dulcissimum videt ut natum,
Vix mens credens capit, Dominus novit.
4. Felix Christifera, nobis impetra,
Ut culpis perditum quaeramus Jesum
Et inventum rursus nunquam perdamus.
5. Surge, puerpera, gaudia vera
Colentibus dona haec tua festa,
Da inventum tecum tenere Jesum.

6. Laus uni Domino nomine trino,
Qui dedit filium esse unicum
Verbum summi patris virginis matris.

Brev. ms. Melitens. in Pedepontis Pragens. 8. anni 1398.

13. In feste Transfigurationis.

Ad 1. Vesperas.

- | | |
|---|---|
| 1. Anni reduxit circulus
Diem festum, qui tristibus
Tollens laboris taedium
Vitae ministrat gaudium. | 4. En hic meus stat filius
Nativus et carissimus,
Audite, quidquid dixerit,
Instruxerit, praeceperit. |
| 2. Hac in die Christus Jesus
Se transfigurans coelitus
Dignatus est ostendere
Vultum futurae gloriae. | 5. Petrus, Johannes, Jacobus
Interfuerunt, testibus
His rite credit credula
Felix parens ecclesia. |
| 3. Qui solis instar claruit,
Et vestis ut nix canduit,
Audita est vox paterna,
De nube clamans lucida: | 6. Nobis fidem corroborant
Haec gesta, spem sursum levan
Et charitatem suggerunt
Fructumque vitae conferunt. |
7. Deo patri sit gloria
Ejusque soli filio
Cum spiritu paraclito
Et nunc et in perpetuum.

Brev. ms. Trebonense saec. 15. Cod. Pragens. VI F 20. A. — Brev. ms. Voraviens. 108 saec. 14/15 B. — Brev. ms. Nonnebergens. 26 B 29. saec. 15. C. — Brev. ms. Claustroburgens. 590 saec. 14. add. saec. 15. D. — Brev. sec. notulam et ritum dominorum Teutonicorum imp. s. l. 1500 E. — Brev. Kimense imp. s. l. 1518 F. —

1, 2 qui testibus B; qui aestibus C. — 3, 1 solis instar praeceperit CDF. — 4, 1 est filius B. — 4, 2 Votivus et AE. — 4, 3 u. 4 Quidquid dixerit audite | Quod praeceperit facite BCF. — 5, 4 Praebens fidem ecclesia BCF. — 6, 3 suggerant A. — 6, 4 conferant A.

14. In festo Transfigurationis. D. N.

Ad Nocturnum.

1. Sacris solemniis mater ecclesia
Praeclari candoris sonet praeconia,
In novis nuptiis Christi vestimenta
Ecce sunt alba sicut nix.
2. Nobis aperitur dies clarissima,
In qua referuntur inclita gaudia
Ceteris fratribus de Christi gloria
Priscis ostensa patribus.
3. Magnum sacramentum, expletis promissis
Fit transfiguratum coram discipulis
Corpus dominicum, quibus sic congruit,
Ut hoc revelent caeteris.

4. In monte excelso virtus apparuit
Christi, ac de coelo vox patris sonuit
Dicens de filio: Hic mihi placuit,
Hunc audite pro bravio.
5. Te trina deitas unaque poscimus,
Sic tu nos visites sicut te colimus,
Per tuas semitas duc nos, quo tendimus,
Ad lucem, quam inhabitas.

Antiph. ms. Plagens. s. sign. saec. 16. A. — Vesperale ms. saec. 15. Cm.
univers. Monacen. 167. B.

15. In festo Transfigurationis D. N.

- | | |
|--|---|
| 1. Deus manens primordium
Simulque finis omnium,
Precamur, ut nos milites
Multo reatu debiles. | 3. Tu fons perennis luminis,
Lux es et vita permanens,
Unus potentialiter
Trinusque personaliter. |
| 2. Auge tui charismata
In ore nostro et pectore
Ut nostra mens te percolat,
Et lingua digne proferat. | 4. Purga mala, quae gessimus,
Bonis adorna moribus,
Addens tui custodiam,
Ne post agamus perperam. |
| 5. Praesta, pater piissime,
Patrique compar unice
Cum spiritu paraclito
Nunc et per omne saeculum. | |

Diurn. ms. Neoclaustren. XII. F. 23 saec. 15. A. — Brev. ms. Admontens.
746 a anni 1439 B. — Brev. S. Emmerami saec. 15. Clm. Monacens. 1488 C.
2, 2 pectora B. — 5, 1 u. 2 Praesta pater omnipotens | Per Jesum
Christum Dominum C; das Weitere fehlt.

16. In festo Transfigurationis D. N.

- | | |
|--|--|
| 1. Festiva jam solemnna
Nobis recurrunt annua,
Qua proles Dei unica
Paterna fulsit gloria. | 4. O clientes eximii,
Hujus tamen egregii
Clarum decus prodigii
Suis viderunt oculis. |
| 2. Prospicuo nam lumine
Candido tectum potere
Christum in arvo hac die
Clari viderunt heroes. | 5. Tu patris nate unice,
Cunctos clementer refove,
Qui tuae festum gloriae
Devote colunt hodie. |
| 3. O quam digna celebritas,
In qua polorum dignitas
Telluris hujus infima
Irradiavit nubila. | 6. Laus patri invisibili,
Laus ejus almo flamine
Lausque sit unigenito,
Orbis terrarum Domino. |

Brev. ms. Palat. Vindobon. 1945 anni 1420.

17. De armis Christi.

- | | |
|--|--|
| 1. Lauda Sion gloriosa
Christi torcularia,
Per quae nimis fructuosa,
Valde salutaria
Sunt exorta gratiosa
Nobis pocularia. | 5. Unde fluit mundus liquor
Et potus nectaricus
Cujus mirus dulcis sapor
Et totus sanaticus,
Ejus salvativus odor,
Bonus, aromaticus. |
| 2. O quam felix hasta, latus
Christi quae aperuit,
Cruci clavis conclavatus
Qui transfigi meruit,
Per quem mundus renovatus
Et salus refluoruit. | 6. Fundat bonus Christianus
Vasa hinc vinaria,
Mentem scopet cordis manus
Vera per scoparia,
Replens lotus non mundanus
Sua promptuaria. |
| 3. Nexus clavis et ligatus
Christus, ut nos solveret,
Deus homo captivatus,
Ut captos redimeret,
In hoc mundo conversatus,
Ut nos coelo redderet. | 7. Felix sanguis, felix unda,
Christi fluens latere,
Mendas nostras tergens munda,
Lava nos a scelere,
Per te nobis laetabunda
Salus sit ac vivere. |
| 4. Christus, botrus Engaddinus,
Est expressus ferulis,
Nostra salus, flos divinus
Et salvator nobilis,
Bonus pastor celestinus,
Rex totus amabilis. | 8. Miserere, qui latronem
Poenitentem sumpseras,
Transfigentem militonem
Hasta sustinueras,
Nobis bonum des agonem
Nec extremos deseras. |

9. Genitori genitoque
Laus et jubilatio,
Salus, honor virtus quoque
Sit et benedictio,
Procedenti ab utroque
Compar sit laudatio.

Cod. S. Petri Salisburgens. a VII 52. saec. 15.

18. De corona spinea.

Ad Vesperas.

- | | |
|--|---|
| 1. Hymnum dicamus hodie
Psallentes laudum cantica
Aeterni regi gloriae
Pro corona dominica. | 3. De spinarum acculeis
Christi corona plectitur,
Qua ministris tartareis
Mundi potestas tollitur. |
| 2. Coronat regem omnium
Corona contumeliae,
Cujus nobis opprobrium
Coronam confert gloriae. | 4. Corona Christi capitis
Sacro perfusa sanguine,
Poenis solutos debitis
Reos purgat a crimine. |

- | | |
|---|--|
| <p>5. Lauda fidelis concio
 Spinae trophaeum inclytum,
 Per quam perit perditio
 Vitaeque datur meritum.</p> <p>6. Nos a puncturis liberat
 Aeterni patris filius,
 Dum spinis pungi tolerat
 Spinarum culpa nescius.</p> | <p>7. Plaudat turba fidelium,
 Quod per spinae ludibrium
 Purgat creator omnium
 Spineti nostri vitium.</p> <p>8. Laus Christo, regi gloriae,
 Pro coronae virtutibus,
 Qui nos reformans gratiae
 Coronat in coelestibus.</p> |
|---|--|

Brev. ms. Sanctae Coronae saec. 14. Cod. Pragense. XII E 6 a. A. — Diurn. ms. Altovadense. 7 saec. 15. B. — Diurn. ms. Ducumburgense. 80 saec. 15. C. — Brev. ms. Pragense. XII A 22 saec. 14. D.

6, 4 Vitae coronam contulit C. — Nach Str. 6: Dum spinarum aculeos | Christus pro nobis pertulit | Per diadema spineum | Vitae coronam contulit B. — Nach Str. 4 Divisio BC.

19. De corona spinea.

Ad Vesperas.

- | | |
|--|---|
| <p>1. Hymnum canamus gloriae
 Superno regi regiae,
 Qui coronam victoriae
 Patris praesentat curiae.</p> <p>2. Mira Christi prudentia
 Victa jacet victoria,
 Christus passus opprobria
 De probris carpit praemia.</p> <p>3. Sertum de spinis plectitur,
 Quibus dum Christus pungitur,
 De spina spina tollitur,
 Dum per hanc culpa pellitur.</p> | <p>4. Ecce cruor et punctio
 Est lavacrum et unctio,
 Pulso nos purgat vitio
 Unctionis infusio.</p> <p>5. O corona credentium,
 Consolamen et mentium,
 Paris currens ad stadium
 Coronae capit bravium.</p> <p>6. Laus, honor, virtus, gloria
 Patri, nato cum flamine,
 Qui duce matre virgine
 Nos coronet in gloria.</p> |
|--|---|

Diurn. ms. Altovadense. I saec. 14. — 4, 2 In lavacrum Hs. — 5, 3 Parit Hs. — Nach Str. 3 divisio.

20. De corona spinea.

Ad Nocturnum.

- | | |
|--|---|
| <p>1. Auctor salutis unice,
 Mundi redemptor inclyte,
 Tu Christe nobis annue
 Crucis fecundae gloriae.</p> <p>2. Tu sputa, colaphos, vincula
 Et dura passus verbera,
 Crucem volens ascendere
 Nostrae salutis gratia.</p> | <p>3. Hinc morte mortem diruens
 Vitamque vita largiens,
 Mortis ministrum subdolum
 Deviceras diabolum.</p> <p>4. Nunc in parentis dextera
 Sacrata fulges victima,
 Audi, precamur vivide,
 Tuo redemptos sanguine.</p> |
|--|---|

5. Te summa Deus trinitas etc.

Brev. ms. Pragense. XII A 22. saec. 14. A. — Brev. ms. S. Georgii saec. 15. Cod. Pragense. XIII C 1 a. saec. 15. B. — 1, 1 unicus B. — 1, 2 inclytus B. — Auf Kreuzerhöhung B.

21. De corona spinea.

Ad Tertiam.

- | | |
|---|---|
| <p>1. Vexilla regis prodeunt
Et coronae mysterium
Corruscat, per quod omnium
Ad Deum corda redeunt.</p> <p>2. Sertum de spinis plectitur,
Quibus dum Christus pungitur,
De spina spina tollitur,
Dum per hanc culpa tollitur.</p> | <p>3. O corona, spes unica,
O redemptorum gloria,
Mundana post naufragia
Nobis coronas duplica.</p> <p>4. Laus, honor, virtus, gloria
Patri, nato, paraclito,
Qui cummulato merito
Nos coronet in patria.</p> |
|---|---|

Brev. ms. Sanctae Coronae saec. 14. Cod. Pragense. XII E 6 a. A. —
Diurn. ms. Altovadense. I saec. 14. B. — Diurn. ms. Altovadense. 7 saec. 15.
C. — Diurn. ms. Ducumburgense. 80 saec. 15. D.

22. De corona spinea.

Ad completorium.

- | | |
|--|--|
| <p>1. Pange, lingua, gloriosi
Coronam certaminis,
Pange poenas speciosi
Summi nati numinis,
Qui nos purgat pretiosi
Unda sui sanguinis.</p> <p>2. Hinc Judaei deicidae
Diadema spineum,
Criminosi patricidae
Chlamydem coccineum
Circumponunt sprete fide,
Cor ferentes ferreum.</p> | <p>3. O corona coronati
Domini ludibrium,
Omnes per te coronati
Sedent super solium,
Ut sic prius judicati
Faciunt iudicium.</p> <p>4. Coeli maris atque soli
Soli Deo gloria,
Spiritus, patri, proli,
Cui parent imperia,
Qui nos ad superna poli
Perducat palatia.</p> |
|--|--|

Brev. ms. Sanctae Coronae saec. 14. Cod. Pragense. XII E 6 a. A. —
Diurn. ms. Altovadense. I saec. 14. B. — Diurn. ms. Altovadense. 7 saec. 15.
C. — Diurn. ms. Ducumburgense. 80 saec. 15. D. — 1, 2 soli fehlt einmal D.

23. De corona spinea.

- | | |
|--|--|
| <p>1. Coronam, Sion filia,
Dignis attolle laudibus,
Quam figurant mysteria
Legis figuris pluribus.</p> <p>2. Inter vepres ostenditur
Vervex adhaerens cornibus,
Quo Christus intelligitur
Coronandus sub sentibus.</p> | <p>3. Arca corona cingitur
Mensaeque legis labium,
Per quae sertum exprimitur
Coronans Dei filium.</p> <p>4. Altare thymiamatis
Coronae cingens gloria
Signum est diadematis,
Sub quo Christus fit hostia.</p> |
|--|--|
5. Laus Christo, regi gloriae,
Pro coronae virtutibus,
Qua nos reformans gratiae
Coronat in coelestibus.

Brev. ms. Chunegundis filiae Ottokari regis. Cod. Pragense. XII D 9.
saec. 14. init. — 3, 2 legis labrum.

24. De facie Salvatoris.

In 1. Vesperis.

- | | |
|--|---|
| 1. Magnum gaudium gignitur,
Moeror ingens depellitur,
Quando coluntur inclita
Vultus Christi sollemnia. | 4. Vultum et vitam ipsius,
Cujus festa recolimus,
Perquiramus ardentius,
Imitemur devotius. |
| 2. Corde, ore et vocibus
Diebus atque noctibus
Sacro psallamus vultui,
Quantum possumus cernui. | 5. Alapis quondam caeditur,
Sputis foedis polluitur,
In magna reverentia
Est modo in ecclesia. |
| 3. Caritate praecipua
Succensi ac continua
Veneremur imaginem
Cunctis angelis celebrem. | 6. Agentes ejus gloriam
Atque jugem memoriam
Remunerat hic gratia
Et satiat in patria. |
7. Trino laus uni Domino,
De cujus beneficio
Forma haec venerabilis.
Fidis donatur populis.

Brev. ms. Trebonense saec. 15. Cod. Pragense. VI F 20. — 1, 2 pellitur
Hs. — 5, 4 In modo in Hs. — 6, 3 Munerat hic Hs.

25. De facie Salvatoris.

Ad Completorium.

- | | |
|---|---|
| 1. Omnis fidelis gaudeat
Et grates Deo referat,
Quantum quit, tantum audeat,
Laudesque dignas offerat. | 4. O mira Christi bonitas
Et stupenda clementia,
Nec aestimanda caritas
Ob multa beneficia. |
| 2. Jesus in mundum veniens
Se manifestum prae-buit,
Fines orbis pertransiens
Consolari nos voluit. | 5. O beata effigies,
Te veneramur in via,
Ut hinc cedentes saties.
Cum gaudio in patria. |
| 3. Vultum suum praelucidum
Universis exhibuit,
Bonis ac malis placidum,
Nulli unquam prohibuit. | 6. Summo parenti gloria,
Honor quam ingens filio,
Laus paraclito varia
Dicatur sine termino. |

Brev. ms. Trebonens. saec. 15. Cod. Pragense. VI F 20. — 1, 3 Quantum
quid Hs. — 5, 3 hinc recedentes Hs.

26. De sepulchro Domini.

- | | |
|--|--|
| 1. Rex gloriose martyrum,
Triumpho tam mirabili
Mortis sternens imperium,
Inhabitor tumuli. | 2. Accubuisti dulciter
Absconsus in cubiculo,
Qui leo ut velociter
Resurrexisti clanculo. |
|--|--|

- | | |
|---|---|
| 3. De terrae corde floridus
Resurgit hic spectabilis,
Qui prius velut marcidus
Aruerat horribilis. | 5. De sepulchro irradiat
Creator rerum omnium,
Nos consepultos faciat
Transire ad consortium. |
| 4. O quam formosus claruit
Indutus stola gloriae,
Ortus ut sol exsiliit
De sepulchri origine. | 6. Electorum suffragium
Nobis tunc subveniat,
Cum cordis nostri vinculum
Naturae solvit debitum. |
| 7. A peccatis nos liberet
Aeterni patris filius,
A poenis nos eripiat
Spiritus paraclitus. | |

Cod. bibl. Jagellonicae 2012 saec. 15.

27. In festo Paschatis.

Infra Nocturnum.

- | | |
|--|--|
| 1. Resurrexit leo fortis,
Qui vastavit tartara,
Resurrexit agnus mitis
morte caesus barbara,
Gaudet coelum, gaudet terra
jubilantque maria. | pectore recolimus,
Quam per annum semel omnes
super dies ponimus. |
| 2. Lumen redit ex abyssu,
lampada de tenebris,
Granum mortuum frumenti
Surgit culmen celeris,
Gaudet coelum, terra, pontus
Fructus culmo foederis. | 6. Cetus vomuit Ionam
redivivum saeculo,
Per quem Ninive salvata
claro fulget saeculo,
Decantantes in excelsis
corde laudes strenuo. |
| 3. Hic est aries Abrahae,
cui vepres haeserant,
Hic est optimus sacerdos,
Quem non culpa laeserant,
Hic est serpens exaltatus,
Qui serpentes fecerat. | 7. Qui pro filio recepto
vitulus interiit,
Qui pro culpis solis nostris
sicut vermis periit
Et illustris ab inferno
cum triumpho rediit. |
| 4. Ave nunc, perenne decus,
tali graves pondere
Qui per te salutem nostram
dispensavit condere,
Atque crimen omnis mundi
potuit absolvere. | 8. Nunc aperta via vitae
Cunctis patet gentibus,
Nunc et lacrimae tergantur
Oculis fluentibus,
Nunc lux alma reparatur
tenebrosis mentibus. |
| 5. Ave dies benedicta,
Quam creavit Dominus,
Quam nos ipsam laetabundo | 9. O Maria, virgo vera,
qualem partum feceras,
Tu ad mortem vulneratum
epithyma dederas,
Tu in reparatione
fracto mundo veneras. |

- | | |
|---|---|
| <p>10. Gaude, mater, resurrexit
 tuae carnis filius,
 Resurrexit de sepulchro
 patefactis viribus,
 Non est hac nativitate
 quidquam mirabilius.</p> <p>11. Ecce vacuum sepulchrum,
 patet sanctuarium,
 Ecce linteum ligatum
 simul et sudarium,
 Ecce saxum revolutum
 monstrat omne gaudium.</p> <p>12. Hinc et inde servant locum
 Duo cives superi,
 Resurrexit, ajunt, Jesus,
 funus factus funeri,
 Qui confregit portas mortis
 in virtute humeri.</p> <p>13. Tu, Maria, tuum primum,
 tu nunc cerne dominum,
 Quem mortaliter offendit</p> | <p>prima mater omnium,
 Qui destruxit infernorum
 modo triste solium.</p> <p>14. Vos, discipuli, siccate
 lacrymantes oculos,
 Victoricii cantate
 laetabundos modulos,
 Resurrexit ecce Christus,
 dicite per populos.</p> <p>15. Et nos, fratres, decantemus:
 Resurrexit Dominus,
 Ut in fine resurgentes
 vultum ejus cominus
 Mereamur contemplari
 cum electis omnibus.</p> <p>16. Gloria sit tibi, Christe,
 qui captasti tartara,
 Tuos omnes abstraxisti
 ad superna gaudia,
 Junge nos simul cum illis
 in aeterna saecula.</p> |
|---|---|

Cod. Scotorum Vindobonens. 53 f 6 anni 1419. mit Mel: „In die paschae infra XII lectionem homiliae beati Gregorii papae quatuor cantores cantant versus sequentes, bini tres versus ex una parte, alii duo alios tres ex alia parte. Deinde continuatur lectio XII incipiendo ibi: »Hanc ergo rationis gloriam« usque ad finem.“ — 2, 3 frumenta Hs.

28. In ascensione Domini.

Ad processionem.

Ascensor sessorque poli, tibi gloria, Christe,
 Laus et honor pariter, gratia multimoda.
 Qui nos sponte tua proprio cum sanguine cunctis
 Solvisti Zabuli compedibus miserans.
 Forma servili humilis mundum veniendo
 Namque redemisti omne genus hominum.
 Atque triumphator coelum scandens petiisti,
 Illuc nos, petimus, scandere fac, Domine.

Cod. Cremifanen. 309 saec.¹²/13. — 6. genus humanum Hs. — 7. scandere fecisti Hs.

29. In ascensione Domini.

Ad processionem.

Salve, festa dies, toto venerabilis aevo,
 Qua Deus ascendit victor et astra tenet.
 Hinc tumulum repetens post tartara carne resumpta
 Belliger ad coelos ampla trophaea refert.

Quos habuit poenale chaos, jam reddidit vitae,
Et quos mors petiit, hos nova vita tenet.
Rex sacer, ecce tui radiat pars magna triumphi,
Cum puras animas sacra lavacra habent.
Candidus egreditur mundis exercitus undis,
Atque vetus vitium purgat in amne novo.
Fulgentes animas vestis quoque candida signat,
Et grege de niveo gaudia pastor habet.
Additur ac felix consors mercede sacerdos,
Qui dare vult domino dupla talenta suo.

Processionale ms. Cremifanen. 31 saec. 14.

30. In festo Pentecostes.

Ad processionem.

Salve, festa dies, toto venerabilis aevo,
Qua Deus in sanctos affluit igne suos.
Ad meliora trahens gentili errore vagantes,
Bestia ne raperet, munit ovile Dei.
Quos prius Eva nocens infecerat, hos modo reddit
Ecclesiae pastos ubere lacte sinu.
Mitibus alloquiis agrestia corda colendo,
Munere felici de vepre nata seges.
Aspera gens saxo vivens quasi more ferino,
Messis abundantis horrea fruge reple.
Immaculata tuis plebs haec vegetetur in ulnis
Atque Deo purum pignus ad astra feras.
Una corona tibi de te tribuatur ab alto,
Altera de populo vernet adepta tuo.

Processionale ms. Cremifanen. 31 saec. 14.

31. In festo corporis Christi.

- | | |
|--|---|
| 1. Exultent coeli agmina
Et militans ecclesia,
Devota laudum carmina
Decantent cum laetitia. | 4. Cunctae quidem creaturae
Suum laudent creatorem,
Nam adorant omnes jure
Christum regem et pastorem. |
| 2. Hinc cleri universitas
Preces, hymnos et cantica
Et laudes Christo debitas
Voce psallat magnifica. | 5. Sitientes inebriat
Nectare sui sanguinis,
Se diligentes satiat
Carne summae dulcedinis. |
| 3. Hinc gratiarum actio
In oratione resonet,
Hinc cordis jubilatio
Et lingua melos intonet. | 6. Panis, qui de coelo venit,
Est divinus et coelestis,
Cor dulci sapore lenit
Et dat solatia maestis. |

7. Trinitati sit gloria,
Unitati potentia,
Cujus nos eucharistia
Ad coeli ducat gaudia.

Diurn. ms. Altovadens. XVII. anni 1404 A. — Brev. ms. Pragens. VI
F 3. saec. 14. B. — Brev. ms. Trebonens. saec. 15. Cod. Pragens. VII C 3.
C. — Brev. Pragens. imp. Venetiis 1517. D.

32. In festo corporis Christi.

- | | |
|--|---|
| 1. Ad coenam agni providi
Et stolis albis candidi
Post rubri maris transitum
Laetum paremus aditum. | 6. O vere potens victima,
Holocaustorum optima
Cunctaque sacrificia
Perficiens legalia. |
| 2. Cujus carnis edulium
Vitam servat credentium,
Et calix sui sanguinis
Sitim exstinguit criminis. | 7. Non agnum neque vitulum
Nobis offers in pabulum,
Immo subcinericium
Das panem corpus proprium |
| 3. Hic magnum est convivium
Et pauperum refugium,
Qui ferventes in spiritu
Pascuntur ejus habitu. | 8. Tradis in potum sanguinem,
Bene procurans hominem
Hic in praesenti gratia,
Ut vivat post in gloria. |
| 4. Hic est panis et olei
Gustus sapore mellei,
Quem temperat divinitas
Et pariter humanitas. | 9. Os tangis signi specie,
Cor tangas rei serie,
Pascis panis in nubilo,
Pascas in rei jubilo. |
| 5. Is cibus delectabilis
Est solum commestibilis
A mundae mentis cordibus
Et purgatis a sordibus. | 10. Honor et laus ingenito
Patri et unigenito
Cum spiritu paraclito
Pro sacramento tradito. |

Brev. ms. Altovadense LXVI. saec. 14. A. — Antiphonale Cisterc. saec. 14.
Cod. Pragens. XII C 7. B. — Brev. Cisterc. saec. 14 Cod. Pragens. VII F 8. C.

33. In festo corporis Christi.

- | | |
|---|---|
| 1. Ad coenam agni providi
Et stolis albis candidi
Post transitum maris rubri
Christo canamus principi. | 4. Quibus vitae substantiam
Hora sui memoriae
Carnem suam propriam
Subministrat quotidie. |
| 2. Cujus corpus [sanctissimum
In ara crucis torridum
Cruore ejus roseo
Gustando vivimus Deo]. | 5. O fidei mysterium,
Mundos, fortes nos effice,
Quo intremus in gaudium
Trinitatis deificae. |
| 3. O vere digna hostia,
Per quam Christi vestigia
Sequentibus laetitia
Hic et in coeli curia. | 6. Ut cum sanctis feliciter
Conregnantes praeconia
Tibi laudum perenniter
Immolemus in gloria. |

- | | |
|--|--|
| <p>7. Quaesumus, auctor omnium,
Ut hoc vitae mysterio
Ab omni mortis impetu
Tuum defendas populum.</p> | <p>8. Praesta, pater, per filium,
Praesta per alium spiritum,
Quibus hoc das edulium,
Prosperum serves exitum.</p> |
|--|--|

Brev. ms. Cisterciens. saec. 14. Clm. Monacens. 23280. — Nach Str. 4 die bei den Cisterziensern übliche divisio.

34. In festo corporis Christi.

- | | |
|--|---|
| <p>1. Vexilla regis prodeunt,
Corpus et sanguis subeunt
Hujus festi memoriam
Ad utriusque gloriam.</p> | <p>4. O sacramentum gratiae,
Portentum amicitiae,
Vitae nostrae viaticum,
Nos tuum corpus mysticum.</p> |
| <p>2. Fixum crucis patibulo
Pro redimendo populo
Nunc a nobis assumitur
Corpus, dum signum editur.</p> | <p>5. Quos nunc foves in speculo,
Tunc in futuro saeculo
Nos revelata facie
Foveto sine specie.</p> |
| <p>3. Sanguis, qui veris exiit
Christi membris, dum obiit,
Nunc mysticis infunditur
Membris, dum signum bibitur.</p> | <p>6. Sit trinitati gloria
Pro filii victoria,
Quam per carnem obtinuit,
Quam nobis escam tribuit.</p> |

Antiph. ms. Cisterc. saec. 14. Cod. Pragens. XII. C. 7.

35. In festo corporis Christi.

Ad Nocturnum.

- | | |
|---|--|
| <p>1. Cantemus laudis canticum
Coram salutis hostia,
Quae est nostrum viaticum
In angelorum gloria.</p> | <p>4. Te edentes a sordibus
Purgans orna virtutibus,
Annue matris precibus,
Defende nos ab hostibus.</p> |
| <p>2. Panis vitae, vivifica
Defunctos morte animae,
Pax aeterna, pacifica
Discordes, Jesu optime.</p> | <p>5. Coelestis panis gratia
Nos in adversis protege,
Confer vitae solatia
Et nos gubernare et rege.</p> |
| <p>3. In altis es mirabilis,
In terris rex placabilis,
Vultu desiderabilis,
Bonis totus amabilis.</p> | <p>6. Trinitati sit gloria,
Unitati potentia,
Cujus nos eucharistia
Ad coeli ducat gaudia.</p> |

Liber viaticus Johannis Noviforensis saec. 14. Cod. Musaci Bohemici s. sign. A. — Diurnale ms. Altovadens. XVII. anni 1404 B. — Brev. ms. Trebonens. saec. 15. Cod. Pragens. VII C 3. C. — Brev. ms. Pragens. VI F 3. anni 1341 D. — Brev. Pragens. imp. Venet. 1517 E.

2, 2 mortis animae B. — 6, 4 ducant gaudia B.

36. In festo corporis Christi.

Ad Laudes.

- | | |
|--|---|
| 1. Collaudent omnes populi
Deifica magnalia,
Per totum gyrum saeculi
Deo cantent praeconia. | 3. In cymbalis et tympano
Magnificent solemniter,
In cithara et organo
Deo decantent jugiter. |
| 2. Reges et omnes principes,
Senes cum junioribus,
Carnis Christi participes
Jubilent totis cordibus. | 4. Tota fidelis concio,
Jucundis Deo laudibus
Psallens cordis tripudio
Totis insistat nisibus. |
| 5. Trinitati sit gloria,
Unitati potentia,
Cujus nos eucharistia
Ad coeli ducat gaudia. | |

Liber viaticus Johannis Noviforensis saec. 14. Cod. Mus. Bohem. s. sign. A. — Diurn. ms. Altovadens. XVII. anni 1404 B. — Brev. ms. Trebonens. saec. 15. Cod. Pragens. VII C 3. C. — Brev. ms. Pragens. VI F 3. saec. 14. D. — Brev. Pragens. imp. Venetiis 1517. — 2, 1 Reges et omnes populi B. — 4, 3 Psallas B. — 5, 2—4 fehlen B.

37. In festo corporis Christi.

Ad Primam.

- | | |
|--|--|
| 1. Christus nos suo corpore
Reficiat et sanguine,
Melchisedech libamine
Nos firmet sancto robore. | 3. Mores, vitam et opera
Reges momentis omnibus
Et beatis accelera
Pacem dare cum civibus. |
| 2. O salutaris hostia,
Quae coeli pandis ostia,
Nos bella premunt hostium,
Fer robur et auxilium. | 4. Hymnum demus cum hostia
Hac die festa domino,
Qui sacra eucharistia
Nos pascat sine termino. |

Clm. Monacens. (ol. Underdorens.) 7522 saec. 15 A. — Hymn. ms. S. Galli 16 anni 1446 B. — 2, 3 Bella premunt hostilia B. — 3, 4 dare concivibus B.

38. De corpore Christi.

Ad Primam.

- | | |
|---|--|
| 1. Verbum prodiens a patre,
Lumen verum de lumine,
Deus de coelis humilis,
Homo nobis visibilis. | 3. Servos veni redimere
Tuo sacramento sanguine,
Fac nos tecum resurgere
Cibatos tuo corpore. |
| 2. Da ut lege deposita
Tua simus sub gratia,
Qui diu clausis aperis,
Das lumen nostris tenebris. | 4. Ut cum sanctis perenniter
Laudes solvamus pariter,
Saeculorum altissimo
Ovantes regi Domino. |

5. Laus sit patri et filio,
Spiritus paraclito,
Unitati sit gloria
Per infinita saecula.

Hymn. ms. S. Galli 16 anni 1446 A. — Psalt. cum hymn. imp. Lipsiae 1509 B. — 1, 1 procedens a A. — 1, 3 Deus fehlt B. — 2, 3 Qui aperis diu clausis A. — 3, 4 Dans A. — 4, 4 Regi ovantes A. — 5, 1 patri cum A.

39. De corpore Christi.

Ad Tertiam.

- | | |
|--|---|
| 1. Magister cum discipulis
Virtutis suae consciis
Sedens de pane conficit
Se ipsum et his porrigit. | 4. Hoc nemo valet alius
Sanctus homo vel angelus,
Quod solum potest presbyter
Formas servans integriter. |
| 2. In divinis operibus
Est nihil mirabilius,
Nam commedens comeditur,
Foris manens ingreditur. | 5. Decet ergo presbyteros
Honore tanto praeditos,
Se ipsos circumspicere,
Fideliter attendere. |
| 3. Hoc posse dat hominibus
In ordine sublimibus,
Sic panem benedicere,
Carnem Christi conficere. | 6. Regale sacerdotium,
Mirificum officium,
His unctio quod contulit,
Character quantum extulit. |
| 7. Sint pura cordis intima
Et recta foris omnia,
Introeat mellissimus
Cibus cibans nos dominus. | |

Brev. ms. Augiae minoris saec. 14. Cod. montis S. Georgii 247 A. — Hymn. ms. Hermetisvillan. anni 1553. Cod. Griesen. 23 B. — Brev. ms. S. Deodati saec. 16. Clm. Monacens. 10 909 C. — 3, 2 sublimius A.

40. In festo corporis Christi.

Ad Tertiam.

- | | |
|--|--|
| 1. Christe, qui tuo corpore
Nos cibas, potas sanguine,
Te nobis omni tempore
Da cum divino flamine. | 3. Hora ductus es tertia
Ad passionis hostiam
Crucis portans suspendia,
Ut nos ferres ad gloriam. |
| 2. O fidei mysterium,
Mundos, fortes nos effice,
Quo intremus in gaudium
Trinitatis deificae. | 4. Hymnum demus cum hostia
Hac die festa domino,
Qui sacra eucharistia
Nos pascat sine termino. |

Hymn. ms. Sangalleus. 16 anni 1446 A. — Clm. Monacens. (ol. Underdorsens.) 7522 saec. 15 B. — 1, 2 atque potas B. — 2, 4 Trinitate A.

41. In festo corporis Christi.

Ad Sextam.

- | | |
|--|--|
| <p>1. Christus nobis sit epulum,
Nostrae mentis substantia
Quo firmetur, et poculum
Corda replens laetitia.</p> <p>2. O divina clementia,
Duc nos ad sanctam patriam,
Ubi vera sunt gaudia,
Per salutarem hostiam.</p> | <p>3. Ut cum sanctis feliciter
Conregnantes praeconia
Tibi laudum perenniter
Immolemus in gloria.</p> <p>4. Hymnum demus cum hostia
Hac die festa Domino,
Qui sacra eucharistia
Nos pascat sine termino.</p> |
|--|--|

Clm. Monacens. (ol. Underdorsens.) 7522 saec. 15. A. — Hymn. ms. S. Galli 16 anni 1446 B.

42. In festo corporis Christi.

Ad Nonam.

- | | |
|--|---|
| <p>1. Christe, qui ut agniculus
Oblatus volens moreris,
Praesta, ne mortis titulus
Nos det ultori sceleris.</p> <p>2. O coeleste convivium,
O redemptorum gloria,
O requies humilium,
Aeterna confer gaudia.</p> | <p>3. Hujus cultu memoriae
Ne mortis des supplicio,
Sed de lacu miseriae
Educe, qui clamas: Sitio.</p> <p>4. Hymnum demus cum hostia
Hac die festa Domino,
Qui sacra eucharistia
Nos pascat sine termino.</p> |
|--|---|

Clm. Monacens. (ol. Underdorsens.) 7522 saec. 15. A. — Hymn. ms. S. Galli 16 anni 1446 B. — 1, 1 Christus, qui A. — 3, 2 Dirae mortis supplicio B.

43. In festo corporis Christi.

Ad Completorium.

- | | |
|---|---|
| <p>1. Christe te das saeculo
Sed tripharium,
Matris habitaculo
Per substantiam,
Sed beato populo
Sacrificium.</p> | <p>2. Trinum corpus efficis
In ecclesia,
Quod unicum reficis
Per mysteria,
Hoc trino munusculo
Sit cor saucium.</p> |
|---|---|
3. Corpus primum editur
Patris socio,
Pneumate perficitur
Haec conjunctio,
Ima summis jungitur
Benedictio.

Clm. Monacen. (ol. Underdorsen) 7522. saec. 15.

44. In festo corporis Christi.

Ad processionem.

Salve, festa dies, toto venerabilis aevo,
Qua caro Messiae fit cibus ecclesiae.

Ecce dies instat multum venerabilis, in qua
 Humano generi contigit impar honor.
 Non est angelicae naturae tanta potestas
 Unquam concessa, quanta datur homini.
 Presbyteris tantum conceditur ista facultas,
 Christi conficere corpus ut est hodie.
 Praesens mysterium credentibus auget abunde
 Et satis accumulatur ad fidei meritum.
 Currant Christicolae solemnia pervenerantes
 Muneris magni mundus adesse modo.
 Praesens ista dies designat tempus idem, quo
 Discipulos pavit carne suo Dominus.
 Nec miretur homo, quod summa potentia fecit,
 Quae potuit verbo cuncta creare simul.
 Nam transmutare minus est quid in hoc vel in illud,
 Quam totum mundum condere de nihilo.
 Sancta fides confert his maxima, corde fideli
 Omnia qui credunt, ut docet ecclesia.
 Nam scriptura refert, patres fecisse stupenda
 Contra naturam grati ferente fide.
 Nulla fides merita capit hinc, ubi vis rationis
 Certificans dubios experimentum dedit.
 Hoc sacramento nos commemorare fatemur,
 Quod mortem tulerit omnis creator homo.
 Est quoniam quotiens tractaverit ista sacerdos,
 Christus cum memorem praecipit esse sui.
 Sub cruce, sub verbo natura novatur et aram
 Panis honorificat atque cruor calicem.
 Ecce fides quanta facit per verba locuta,
 Ecce fit haec animae, quae modo carnis erat.
 Quod surgens coelos ascendit haec tria sane,
 Quale sacrificium vult cibus ille, notant.
 Scilicet ut carne moriatur, inde resurgat,
 Ter quinis gradibus templa superna petat.
 Sic memores passi, surgentis, ad astra meantis
 De donis propriis munera Christo demus.
 Non minus hoc placat, quam puer obtulit Abel
 Quam quod Abram, quam quod rex sacrificexque Salem.
 His tribus nititur variorum forma sacrorum,
 Quae ratio, quae lex, quae sacra coena dedit.
 Fac quoque nos et eos Deus esse perenniter illic,
 Quo Cherubim, Seraphim nocte dieque clamant.

Miss. ms. Oxonien. anni 1384. Cod. Monacen. 705. — „In festo Corporis Christi ad processionem tres clerici de superiori gradu in medio processionis in cappis sericis dicant prosam.“

45. In festo inventae crucis DN.

- | | |
|--|---|
| <p>1. Laudemus regem Dominum
In saeculorum saecula,
Cujus lignum vivificum
Invenit sancta Helena.</p> <p>2. Mundatus corporaliter
Ejusdem sanctae filius
Convertit se totaliter
Factus christianissimus.</p> | <p>3. Post haec transmittit Helenae
Moranti Jerosolymis,
Ut crucem sibi quaereret
Dignam membris dominicis.</p> <p>4. Precamur cordis intimis,
Dilecta Dei famula,
Ut tuae patrociniis
Acquiras nobis gratiam.</p> <p>5. Praesta pater per filium,
Praesta per alium spiritum,
Ut per hujus suffragium
Aeternum dones praemium.</p> |
|--|---|

Brev. ms. Albense saec. 15. Cod. Lambacen. LXXXIX. A. — Brev. Strigon? imp. bibl. Francisc. Posenien. B.

2, 1 Nudatus A. — 2, 3 Committit se A. — 3, 1 Propter hoc transmittit A. — 3, 2 Moranti Helenae Jerosolymis A. — 5, 3 per famulae A.

46. In festo exaltationis sanctae crucis.

1. Christe supreme, dominator alme,
Rex triumphator, celebris redemptor,
Quos redemisti pretio valenti,
Nosmet obaudi.
2. Debitas laudes meritasque grates
Reddimus votis tibimet, benigne,
Quos crucis magno redemis trophaeo
Sanguine fuso.
3. Hoste submerso barathri profundo
Vicerat ligno draco qui nocivo,
Christi per lignum sua damna sanctum
Plorat per aevum.
4. Moeret extincto coluber veneno,
Viribus pressis soliti doloris,
Luget assumptum veterem colonum
In paradisum.
5. Per crucis signum, crucifer, jucundum
Per tui dulcis pretium cruoris
Jure clementi famulos atroci
Eripe morti.
6. Doxa regnanti supero parenti,
Laus simul proli maneat perenni
Cum coaeterno pariterque digno
Pneumate sancto.

Brev. ms. Lambacen. CLXXVII saec. 14. A. — Brev. ms. Lincen. L p 19. saec. 12. B. — 4, 1 Geret A. — 4, 3 Luget sumptum B. — 4, 4 fehlt B.

II.

DE BEATA.

47. De B. V. Maria.

1. Summi regis mater virgo,
virgo gemma virtutum,
Virgo sancta, virgo prudens,
filia Jerusalem,
Stella maris, porta coeli,
mitis sponsa Domini.
2. Tu decora plus quam luna,
tota ut sol rutilans,
Speciosa ut columba,
Evam lapsam reparans,
Sicut rosa inter spinas,
sic tu inter filias.
3. Omnes chori angelorum
laudes tibi concinunt,
Deum super se cernentes
factum ex te hominem,
Unde proni te salutant
secus thronum gloriae.
4. Nullis ergo sicut tuis
Christus favet precibus,
Nam matrem habet honori
faciens, quod monuit,
Hinc coelorum es regina
Et terrarum domina.
5. Surge teque pone murum
pro peccatis populi,
Ordo, gradus, aetas, sexus
viam vitae deserunt,
Virtus vera procul abest,
sanguis tangit sanguinem.
6. En scelestis fervet ira,
ultor saevit gladius,
Mundus iste sceleratus
crebris labat ictibus,
Tene, tene, mater pia,
ferientis dexteram.
7. Tolle malum, auge bonum,
esto salus omnibus,
Ecclesiam inter fluctus
totis rege manibus,
Ut mansurae pacis portum
salvis intret mercibus.
8. Ubi tecum miro modo
omnes sancti jubillant,
Adorantes trinitatem,
unum deum pariter,
Qui trinus et unus exstat
per aeterna saecula.

Cod. Virunensis (bibl. publ.) 38 saec. 12. — Aus einem Officium Conceptionis B. M. V., ohne daß indes das Lied speziell auf dies Geheimnis Bezug nähme.

48. De B. V. Maria.

1. Ave Dei thronus,
Quam creator bonus
Totam consecravit
Sibique aptavit.
2. Genuisti regem,
Qui delevit legem
Veteris edicti,
Qua eramus stricti.
3. O virgo beata,
Nostra advocata,
Femina regalis,
Serva nos a malis.
4. Dissolve nostrorum
Vincla peccatorum,
Orna nos moribus
Et justis actibus.

5. Carnis castitatem,
Cordis puritatem,
Pacem nobis dona
Et optata bona.

6. Pietatis fune
Trahe nos impune
Post te ad gaudia,
O dulcis Maria.

7. Christe, verbum patris,
Servis tuae matris
Te ipsum ostende
Et vitam impende.

Cod. Palat. Vindobon. (olim Campensis) 883 saec. 14/15. — Das Lied steht im Verlaufe einer Serie liturgischer Hymnen und ist dadurch als solcher beglaubigt. Seine Melodie war offenbar die des Ave maris stella.

49. De B. V. Maria.

1. O regina regni Dei,
O coelestis vas dici,
Verbi Dei felix aula,
Coeli melos et coraula.

2. Mundi jubar et aurora,
Nos protege, Deum ora,
Serva precor, maris stella,
A gehennae nos procella.

3. Virgo dulcis, virgo pia,
Naufragantum spes Maria,
Da salutem, redde portum,
His qui tuum colunt hortum.

4. Rosa coeli, preces audi,
Quas aptamus tuae laudi,
Audi preces, sume vota,
Quae plebs offert tibi nota.

5. Placa nobis, quem fovisti,
Virgo pura, mater Christi,
Virgo pura, sponsum ora,
Ne nos damnet mortis hora.

6. Ut cum fuerit finita
Hic mortalis nobis vita,
Sorti donet angelorum
Nos creator saeculorum.

Hymn. ms. Voravien. 87 saec. 14. — 2, 2 Hoc protege Hs.

50. De B. V. Maria.

1. Gaude mater in gaudio,
Tantis referta gaudiis,
Coeli locata solio,
Nati fruens deliciis.

2. Enixa virgo filium
Decoro sponso virginum,
Sanctorum consors agminum
Sono praecellis carminum.

3. Sanctos excedis meritis
Amoris privilegio,
Castis stringendo gremiis
Natum in cordis júbilo.

4. Tibi congaudent virgines
Sertis ornatae roseis
Et constipatae liliis
Albis fulgentes niveis.

5. Ergo gaudens cum filio
Tantis dotata dotibus,
Fulgens ex lucis radio,
Trinis locata sedibus;

6. Assiste, virgo virginum,
Ostende nato viscera,
Ne mors devoret criminum
Pro quibus suxit ubera.

7. Conforta virgo trepidos,
Peccati pressos vulnere,
Nec diu sinas tepidos
Torpente carnis pondere.

8. Precare, mater, filium
Pro lapso fratrum ordine,
Reduc nos ad principium
Sancto flante spiramine.

9. Gloria tibi, Domina,
Assumpta super sidera,
Ubi fruamur gratia
Per sempiterna saecula.

Hymni et Sequent. mss. S. Emmerami saec. 15. Clm. Monacen. 14667. —
Nach 9, 2 Et coronata in coeli regis curia Hs. — 9, 3 fruamur tuti Hs. —
9, 4 aeterna Hs.

51. De B. V. Maria.

- | | |
|---|--|
| 1. Aeternae mortis tenebras
Ortusque noctem superas,
Tolle per matrem virginem
Nostram, Jesu, caliginem. | 5. Qui fortiter diluculo
Clauso resurgis vinculo,
Castae matris oramine
Nos omni munda crimine. |
| 2. Illuminatrix saeculi,
Te invocamus cernui,
Tuum ut nobis filium
Efficias propitium. | 6. De clauso cujus utero
Sponsus prodit ut thalamo,
Ipsi nos, mundi domina,
Commendans reconcilia. |
| 3. In maris fundo Pharaon
Dum mergitur periculo,
Christe, matris ob gratiam
Fer ultra nos ad patriam. | 7. Qui das in lignis igneis
Paraclitum discipulis,
Nostris amorem cordibus
Matris infunde precibus. |
| 4. Succurre, o Theotocos,
Dans cunctos adversarios
In matutino sternere
Et carmen Deo psallere. | 8. Et genitrix altissimi,
Plena virtute domini,
De ipsa plenitudine
Nobis partire satage. |

9. Gloria tibi, Domine,
Qui natus es de virgine,
Cum patre et almo spiritu
In sempiterna saecula.

Brev. ms. Voravien. 152 saec. 15 A. — Hymn. ms. Superioris Altae
saec. 15. Clm. Monacen. 9508 mit Mel. B. — Der Hymnus bezeichnet als
de Conceptione BMV., was seinem Inhalte (vgl. Str. 5, 7) wenig entspricht.

52. De B. V. Maria.

Ad Laudes.

- | | |
|---|---|
| 1. Pendens in crucis cornibus
Longe porrectis manibus,
Ob genitricis merita
Trahe nos ad coelestia. | 3. Tu sol occasum nesciens,
Mortem qui vincis moriens,
Piae parentis precibus
Nostris appare mentibus. |
| 2. Quam prope stantem, caritas,
Plaga doloris penetras,
Fac, pia, nos in pectore
Hoc sauciare vulnere. | 4. Virgo, quae unigenitum
Tuum plorasti mortuum,
Da pietatis lacrymas
Nostrasque dele maculas. |

- | | |
|---|--|
| <p>5. Verum Joseph in tumulum
Christi ponunt corpusculum,
Matris obtentu, Kyrie,
Nos morte victa redime.</p> <p>6. Stella maris praefulgida,
Ad viam vitae praevia,
Exutos carnis pondere
In Christo fac quiescere.</p> | <p>7. Custos tuarum ovium,
Quam turma servat militum,
Ab omni nos temptamine
Matris oratu protege.</p> <p>8. Regina coeli Maria,
Quam laudat omnis anima,
Completo nos servitio
Remuneret donatio.</p> |
|---|--|
9. Gloria tibi, Domine,
Qui natus es de virgine
Cum patre et sancto spiritu
In sempiterna saecula.

Brev. ms. Voravien. 152 saec. 14 A. — Clm. Monacen. (ol. Superioris Altae) 9508 saec. 15. B; Mel.: A solis ortus cardine. — Str. 5—9 in Brev. ms. S. Georgii Pragense. saec. 14. Cod. Pragense. XIII E 4 a. C. — 5, 1 Novum Joseph C. — 5, 2 Christi ponit C. — 9, 2 Cujus mater concepta est hodie C. — Vgl. das zu No. 52 Gesagte.

53. De conceptione BMV.

- | | |
|--|--|
| <p>1. Gaude, Sion, quod cypressus
Super te extollitur,
Ex qua ramus est progressus,
De quo flos egreditur,
Cujus fructus nece pressus
Ad vitam reficitur.</p> <p>2. Gaude, Jacob quia Stella
Ex te sic progreditur,
Quae in Annae ventris cella
Ad tempus reconditur,
Et post orta fit puella,
De qua Christus nascitur.</p> <p>3. Anna, Gedeonis vellus
Exoritur roridum,
Quod figurat madens tellus
Florem edens candidum,
Quem expressit rex novellus
Mundum curans morbidum.</p> | <p>4. Virgam ex se radix Jesse
Egressuram innuit,
Quae producta mox in esse
Miro modo floruit,
Cujus fructus nobis esse
Salutare tribuit.</p> <p>5. Fons signatus, clausus hortus
Hujus est indicium,
Quod Mariae praesens ortus
Mortis est exitium,
Quae, cum sit salutis portus,
Vitae dat initium.</p> <p>6. Ave, tu Jericho rosa,
Lilium convallium,
Tu oliva speciosa,
Cedrus alta omnium,
Fructum paris, gloriosa,
Mundo Dei filium.</p> |
|--|--|
7. Gloria, laus, par majestas,
Honor patri, filio,
Cujus aequa est potestas,
Honor sit paraclito,
His cum una sit majestas
Compar sit laudatio.

Brev. ms. S. Floriani XI 402 saec. 15. A. — Brev. S. Floriani ms. XI 404 saec. 15. B. — Brev. ms. S. Floriani XI 475 saec. 15. C. — Brev. Mellicen. 992 saec. 15. D. — Brev. ms. Pragense VI E 4 saec. 14. add. saec. 15. E.

1, 3 Ex quo AB. — 2, 4 Ad vitam reficitur E. — 2, 5 Et post sancta A. — 5, 3 Quod Mariae matris ortus AB. — 5, 4 Praesens est AB. — 6, 1 Ave virgo gloriosa AB; Quae (l.: Ave) tu rosa Jericho D. — 6, 5 Fructum profers E. — 7, 1 par honestas E. — 7, 2 Patri sit cum filio E. —

54. De immaculata conceptione BMV.

In 1. Vesperis.

- | | |
|---|--|
| 1. Gaude, mater salvatoris,
Magni vellus Gedeonis,
Rubus, igne, qui non uris,
Veri templum Salomonis. | 5. Babylonis rex in praedam
Non abduxit te captivam,
Philistaei nec Goliae
Es transfixa pugione. |
| 2. Sponsa Dei, stella maris,
Porta coeli tu vocaris,
Mundi salus, saevientis
Caput caedens Holofernis. | 6. Sicut suum sol nitorem
Nunquam perdit nec decorem,
Primi patris nec tu labem
Nullam sentis nec foetorem. |
| 3. Mare sicco calle transis
Currus mergens Pharaonis
Inque Sion dominaris
Pulsis inde Jebusaeis. | 7. Tu sol occasum nesciens
Et lumen semper rutilans,
Tu sidus lucem pariens,
Delicti nubes profugans. |
| 4. Assueri regis sceptrum
Caput tangens virgo tuum
Mori fecit laqueatum
Aman, sanctis inimicum. | 8. Nullus in te confidentes
Unquam vidit infelices,
Vere tibi nam devotus
Est necesse, sit beatus. |

9. Ad te ergo nos clamantes
In hac valle lacrimantes
Ad nuptias aeternales
Fac venire triumphantes.

Cod. S. Petri Salisburgens. a VI 52. saec. 15. A. — Cod. ms. Ducumburgensis. 7 saec. 15. B. — „Incipit devotissimum officium immaculatae conceptionis BM. editum per Fratrem Bernardinum de Busti ordinis minorum. Quod quidem officium approbatum est et confirmatum a sanctissimo Dno. nostro Sixto IV. pont. max.“ B.

55. De conceptione BMV.

Ad Nocturnum.

- | | |
|--|---|
| 1. O benedicta femina,
Quam coeli laudant agmina,
Te confitemur hodie
Conceptam sine crimine. | 3. Nullum redemit filius
Ex omni gente dignius,
Qui te servavit provide
Mundam paterno scelere. |
| 2. Sicut solaris radius
Corruptionis nescius
Intrasti matris viscera,
O gloriosa domina. | 4. Gloria tibi Domine,
Qui natus es de virgine,
Cum patre et sancto spiritu
In saeculorum saecula. |

Cod. S. Petri Salisburgens. a VI 52. saec. 15.

56. De conceptione BMV.

Ad Laudes.

- | | |
|--|--|
| 1. Exultet coeli concio
Mariae dulci filio
Nosque laetemur hodie
Conceptione dominae. | 3. Originalis macula
Cuncta respersit saecula,
Sola post natum vitiis
Nunquam contacta diceris. |
| 2. Maria, mundi gloria,
Lucis aeternae filia,
Te praeservavit filius
Ab omni labe penitus. | 4. Maria, mater gratiae,
Exemplar innocentiae,
Te deprecamur intime,
Nos a peccato protege. |
| 5. Patri, nato, paraclito
Decus, honor et gloria
Atque Mariae virgini
Per infinita saecula. | |

Cod. S. Petri Salisburgens. a VI 52. saec. 15. A. — Cod. Ducumburgens.
7 saec. 15. B. — Cfr. „Gaude mater salvatoris“.

57. De conceptione BMV.

In 2. Vesperis.

- | | |
|---|--|
| 1. Magnum Dei consilium
Per incarnandum filium
Providit nobis miseris
Nos redimens ab inferis. | 3. Quam praedictam per prophetam
Justorum fidem completam
Necdum carnis officio
Colit nostra devotio. |
| 2. Cui sacro ministerio
Incarnandi conceptio
Mariae necessariam
Primam dedit materiam. | 4. Non carnis ministerium,
Cujus tamen contagium
Atque labem originis
Vis lavit sacri flaminis. |
| 5. Deo auctori gratiae,
Patri misericordiae
Sit laus cum unigenito
Et spiritu paraclito. | |

Diurn. ms. Mallerstorpens. saec. 15. Clm. Monacens. 8159. A. — Cod.
S. Petri Salisburg. a VI 52. saec. 15. B. — 1, 4 Nos fehlt B. — 2, 2 In-
carnando B. — 3, 1 praedicta B. — 3, 3 officia B. — 5, 3 cum fehlt B. —
5, 4 spiritui B.

58. De conceptione BMV.

1. O parens virgo pariens parentem,
 Splendor aestivus sine carnis aestu,
 Dumus incensus, sine rore virga
 Florida, salve.
2. Germinat radix, humus irrigatur,
 Planta pubescit, rosa purpuratur,
 Hortus alludit, violae resultant,
 Incola plaude.

3. Lucis es latrrix, medicina morbi,
Sordium lotrix, lavacrum reorum,
Gratiae mater, genitura pacis,
Surgit oliva.
4. Virgo lactatrix, genitrix pudica,
Laeta spes, vernans via, sol obumbrans,
Umbra perlucens, inarata tellus
Perdita reddit.
5. Erigas lapsos, tenebras serena,
Planta deserta fragilesque firma,
Pauperes dita, moderare motum,
Pectora munda.
6. Vasculum fusum Joachim decorum,
Nectar includens, satiem verorum
Manna de coelo, medicum reorum,
Cuncta regentem.
7. Summe rex clemens, tribuas colenti
Festa conceptae genitricis almae,
Posco, coelestem patriam videre
Te duce Christe.

Brev. ms. Lambacens. CLXXIV saec. 14. A. — Brev. ms. S. Floriani XI 403 saec. 15. B. — Brev. ms. Palat. Vindob. 1893 saec. 14. C. — Brev. ms. Montis aprini saec. 15. Clm. Monacens. 6035. D.

1, 2 Splendor fehlt A. — 1, 3 Divinis incensus A. — 3, 2 lavatrix B. — 5, 2 In se disertas A; Planta desertas B. — 6, 1 Vasculo fuso B. — 6, 2 virorum A; reorum B.

59. De conceptione BMV.

Ad Matutinum.

- | | |
|---|---|
| 1. Novum surgant in gaudium
Mens, sensus, cor et ratio,
Plebi datur fidelium
Dei matris conceptio. | 3. Arbor vitae fructifera,
Cujus flos fructus, folia
Nova det, fuget vetera,
Tollat mortis ludibria. |
| 2. Nam grata lux producitur
Superni nostri luminis,
A qua mox umbra pellitur
Primae labis originis. | 4. Fons erumpat quadrifidus,
Riget, fecundet arida,
Gratus, dulcis, perlucidus
Corpus, cor reddat florida. |
| 5. Fructus sacratae virginis,
Jesu, dulcedo gratiae,
In nostrae vitae terminis
Nos redde luci gloriae. | |

Brev. ms. saec. 15. Cod. lat. 132. Mus. Hungar. Pestini. — 3, 3 fulget Hs. — 5, 3 Ut nostrae Hs. — 5, 4 Nos reddet Hs.

60. In conceptione BMV.

- | | |
|--|--|
| <p>1. In plausu grati carminis
Adsit nova laetitia,
Dum Dei matris virginis
Sacra dantur initia.</p> <p>2. Cujus serpentis callidi
Pede caput conteritur,
Fastus gigantis perfidi
David funda devicitur.</p> | <p>3. Columba mitis, humilis,
Quae felle caret criminis,
Signum Dei clementiae
Ramum virentis gratiae.</p> <p>4. Puteus clausus lapide
Prodit salutis ostium,
Quo sitis lapsis fervidae
Restrigitur incendium.</p> |
|--|--|
5. Fructus sacratae virginis,
Jesu dulcedo gratiae,
In nostrae vitae terminis
Nos reddat luci gloriae.

Brev. ms. saec. 15. Cod. lat. 132 Mus. Hung. Pestini.

61. De conceptione BMV.

- | | |
|--|---|
| <p>1. Stirpe Jesse generosa
Prodis, virgo regia,
Gloriosa legis glosa
Es, mater egregia,
Nobis praesta, coeli rosa,
Sanctorum collegia.</p> <p>2. Figuris patriarcharum,
Virgo, praefiguraris
Scripturisque prophetarum
Futura proclamaris,
Jam concepta lumen clarum
Aeternum largiaris.</p> <p>3. Rubus ille visionis,
Moysen qui expavit,
Vellus quoque Gedeonis,
In quod pluvia roravit,
Tu es, nata Salomonis,
Concepta stirpe David.</p> | <p>4. Stella maris, lux solaris
Micas de caligine,
Jam concepta veneraris
Futura verbigenae
Ut sis mater, sic bearis
Tua in origine.</p> <p>5. Evae maledictionem
Deus exstirpaverat
Tuam per conceptionem,
Per quam restauraverat
Hierarchiae ruptionem,
Dum te sic creaverat.</p> <p>6. Hujus ergo concionis,
Virgo et mater pia,
Laudes jubilationis
Audi, ut vitae via
Nobis detur coeli thronis
Per te, virgo Maria.</p> |
|--|---|

7. Genitori genitoque etc.

Hymn. ms. Salisburgens. (bibl. publ.) V 1 J 201. saec. 15.

62. De conceptione BMV.

- | | |
|---|---|
| <p>1. Jam nostra floret vinea,
Jam hiems cessit propraera,
Te vocat sponsi gratia
Ad conceptum veni, filia.</p> | <p>2. Te exspectant deliciae
Coelestesque militiae,
Te sponsus in meridie
Veni, sic vocat cottidie.</p> |
|---|---|

- | | |
|---|--|
| <p>3. Isaiae vox expresse
Te nascituram de Jesse
Ut praedixit, generaris
Atque oreris, stella maris.</p> | <p>4. Veni in lucem gentium,
Immensa spes credentium,
Ut sis salus moerentium
Ad regem cunctorum entium.</p> |
| <p>5. Laetificando flebiles
Et sublevando debiles
Per te nostra precamina
Sint laus et perennis gloria.</p> | |

Hymn. ms. saec. 14/15. Cod. bibl. publ. Salisburgens. V 1 J. 201. —
Die vierten Zeilen mit 9 statt 8 Silben.

63. De conceptione BMV.

Ad Laudes.

- | | |
|--|---|
| <p>1. Maria, Dei genitrix,
Succurre nobis miseris,
Ut pio tuo filio
Serviamus perpetuo.</p> | <p>3. Nos peccatores adjuva
Prece pia continua,
Ut quidquid mali fecimus,
Remittat tuus filius.</p> |
| <p>2. Quo fugiemus, Domina,
Nisi ad te, piissima,
Mater misericordiae,
Tibi devotos protege.</p> | <p>4. Ut expiatos sordibus
Reddat polorum sedibus,
Tibi vera sint gaudia,
Benigna virgo Maria.</p> |
| <p>5. Gloria tibi, Domine,
Genitricis origine
Cum patre et sancto spiritu
In sempiterna saecula.</p> | |

Brev. ms. Trebonens. saec. 15. Cod. Pragens. VI G 6. A. — Brev. ms.
Pragens. IV F 4. saec. 15. B.

64. De conceptione BMV.

Ad Completorium.

- | | |
|--|--|
| <p>1. O stella maris praevia
Fluctus turbantes levia
Et navigantes crimine
Tuo salva munimine.</p> | <p>3. Da potum salutiferum,
Statum vitae fructiferum,
Post mortem Dei fruitum,
Dulcem ejus intuitum.</p> |
| <p>2. Flantem refrena fremitum
Hostis, exaudi gemitum
Et fletum te colentium,
Solare luctus mentium.</p> | <p>4. Cui laus, honor, victoria
In trinitatis gloria,
Unitatis essentia
Per saecula manentia.</p> |

Brev. ms. Trebonens. saec. 15. Cod. Pragens. VI F 20. — 1, 3 navigan-
tes vielleicht statt naufragantes. — 3, 1 Vielleicht portum

65. De conceptione BMV.

1. Virga de Jesse generata stirpe,
Virgo tu floris genitrix perennis,
Sume prolatas tibi symphonias,
Sancta Maria.
2. Te canat primum chorus angelorum
Solis auroram maris atque stellam,
Quae poli portas reserare clausas
Promeruisti.
3. Concinant vates proceresque bis sex,
Quod sacro sanctae thalamo puellae
Jungitur verbo caro, terra coelo
His paranympsis.
4. Martyrum coetus nece purpuratus
Te melodiis canat ordinatis
Morte quam nati penetravit alti
Mucro doloris.
5. Personent hymnum tibi confitentum
Ordines votis jubilationis,
Hunc Deum coeli quia credidisti,
Quem genuisti.
6. Tu parens nati sine conjugali
Solvīs antiquum muliebre damnum,
Virgines almae viduaeque sanctae
Laude resultent.
7. Laus Deo patri parilique proli
Pneumati sancto sit ubique juncto,
Qui creaturae Deus universae
Regnat in aevum.

Cod. Virunens. (bibl. publ.) 38 saec. 12. A. — Cod. S. Petri Salisburgens. a VI 52 saec. 15. B. — Brev. ms. Altovadens. LXIII saec. 14. C. — Brev. ms. Trebonens. saec. 15. Cod. Pragens. VI G 6. D.

1, 1 Virgo B. — 3, 3 Jugiter verbum B. — 4, 1 Martyrum chorus B. — 4, 2 cantat B. — 5, 2 Ordines vocis B. — 6, 4 Laudes rependant B. — 7, 4 Regnas in B.

66. De conceptione BMV.

Ad Matutinum.

- | | |
|--|---|
| 1. O sponsa Christi fulgida,
Regina coeli inclita,
Virgoque prudentissima
Et mater Dei intacta. | 3. Tu virga stirpe regia
David sacrata exorta,
Quae regem sine macula
Regum lactasti domina. |
| 2. Floresce, dulcis filia,
In matris alvo concepta,
De qua flos campi speciosus
Nasci voluit dominus. | 4. Tu porta semper serata,
Prophetarum ore praedicta,
Quod nulli unquam pervia
Mortali esses, Maria. |

- | | |
|---|---|
| <p>5. Princeps solus sed transivit
Per te, qui cuncta creavit,
Qui verbum Dei dicitur
Et toto orbe colitur.</p> | <p>6. Haec nobis det conceptio
Virtutum dona in mundo,
Ut grates tuo filio,
Dicamus cum tripudio.</p> |
| <p>7. Laus trinitati inclyta
Sit semper ac victoria
In unitate solida
Per saeculorum saecula.</p> | |

Brev. ms. Raitenbuchens. saec. 15. Clm. Monacens. 12214. A. — Clm. Monacens. (ol. Superioris Altae) 9508 saec. 15. B. — Cod. S. Petri Salisburgens. a IV 42 saec. 15/16. C. — Hymn. ms. Hermetisvillan. anni 1553. Cod. Griesen. 23. D. — Diurn. ms. Griesen. 49 saec. 15. E.

1, 3 Et virgo prudentissima A. — 5, 1 sed fehlt C. — 6, 1 Det nobis haec tua A; Det tua nobis C.

67. De conceptione BMV.

Ad Laudes.

- | | |
|--|--|
| <p>1. O Maria dignissima,
Stella maris clarissima,
Mater misericordiae
Et aula pudicitiae,
Ora pro nobis Dominum
Tuum patrem et filium.</p> | <p>3. Sancta tua conceptio
Sit salus et protectio
Omnium te colentium
His odisque canentium,
Ne perturbet hos daemonum
Incursio vel hominum.</p> |
| <p>2. Ut nos a malis eruat
Cunctis et bonis instruat,
Evacuet criminibus,
Corrobores virtutibus,
Perversitatem comprimat,
Et pacem mundo conferat.</p> | <p>4. Hujus in vitae termino
Esto nobis auxilio,
Ut terrorem tunc Satanae
Per te queamus vincere,
Conservans et ecclesiam
Coelitus duc ad patriam.</p> |
| <p>5. Deo patri sit inclito
Ejusque nato gloria
Cum spiritu paraclito,
Agmini laus et coelico,
Cum quibus gaudimonium
Sit nobis in perpetuum.</p> | |

Brev. ms. Oenipontan. 610 saec. 15. A. — Clm. Monacens. (ol. Superioris Altae) 9508 saec. 15. B; mit Mel. = O Christi mater fulgida, zu je 4 Zeilen abgeteilt und mit der Doxologie: Gloria tibi Domine, Gloria unigenito etc. — 4, 3 tunc insaniae A.

68. In nativitate BMV.

- | | |
|---|---|
| <p>1. Maria, mater Domini,
Aeterni patris filii,
Fer opem nobis omnibus
Ad te confugientibus.</p> | <p>2. Deum de Deo genitum
Tu genuisti filium,
Qui non habet initium
In te sumpsit exordium.</p> |
|---|---|

- | | |
|---|---|
| <p>3. Coelum terramque qui regit,
In te formatus exstitit,
Quem mundus totus non capit,
In tuo ventre jacuit.</p> | <p>5. Tunc nobis nasci profuit,
A morte nos eripuit,
Pro nobis ipse mortuus
Et nos per illum vivimus.</p> |
| <p>4. Deus et homo nascitur
Unus et Christus colitur,
Jesus, redemptor omnium,
Salvator atque gentium.</p> | <p>6. Gloria tibi Domine,
Qui natus es de virgine,
Cum patre et sancto spiritu
In sempiterna saecula.</p> |

Brev. ms. Gradicens. saec. 15. Cod. Olomucens. II VIII 38. A. — Brev. ms. Voraviens. 268 saec. 15. B. — Orat. ms. Tegurin. anni 1469. Clm. Monacens. 20124. C. — 5, 1 Hinc nobis A.

69. De nativitate BMV.

- | | |
|--|---|
| <p>1. Lux ecce surgit aurea,
Coeleste sidus fulminat
Orta matre virginea,
Totum mundum illuminat.</p> | <p>4. O lux de stirpe regia,
Per te divina gratia
Post mundi hanc tristitiam
Aeternam det laetitiam.</p> |
| <p>2. Aurora lucis rutilat,
Aeternae lucis nuntia,
Exsultans mundus jubilat
Novae lucis ob gaudia.</p> | <p>5. Adesto mitis omnibus,
Virgo mater deifica,
Nomenque in vocantibus,
Maria, stella coelica.</p> |
| <p>3. Haec lux serenum conferat
In tenebris sedentibus
Et umbram mortis auferat
Illustrans nos virtutibus.</p> | <p>6. Honor matris et gaudium,
Jesu, cum patre pariter
In choro te videntium
Fac nos gaudere jugiter.</p> |

Oration. ms. Tegurin. anni 1467. Clm. Monacens. 19991.

70. De nativitate BMV.

- | | |
|---|---|
| <p>1. O sancta mundi domina,
O dignitatis femina,
O stella maris inclita,
De David stirpe genita.</p> | <p>3. Natalis tui lumine
Verique solis numine
De te, virgo, emicuit
Totus orbis resplenduit.</p> |
| <p>2. Emerge dulcis filia,
[Nitesce jam virguncula],
Regum nascens prosapia,
Maria lux deifica.</p> | <p>4. Per te simus coeligenae
Nos exsules terrigenae,
Nos natos ad miseriam
Renasci fac ad gloriam.</p> |

5. Sit trinitati gloria
Piae matris memoria,
Nobis dulce solatium
Sit nunc et in perpetuum.

Orat. ms. Tegurin. anni 1467. Clm. Monacens. 19991. — Der Hymnus ist offenbar eine Umarbeitung des ältern gleichen Anfangs bei Mone 340.

71. In Praesentatione BMV.

- | | |
|---|---|
| 1. Veni, veni, o filia,
Intra nostra cubicula,
Surge, surge ac prospera,
Jam tua floret vinea. | 5. Te nos devotis mentibus
Devotisq̃ affectibus
Venientem suscipimus,
Laudantes benedicimus. |
| 2. Te exspectant deliciae,
Sponsus vocat meridie,
Adorant Sion filiae,
Laudant adolescentulae. | 6. Precamur ergo, domina,
Nostra spes, salus unica,
In nos intende supplices
Et juva pusillanimes. |
| 3. Salve, splendor justitiae,
O gemma pudicitiae,
Tu nos ab hoste protege,
Mater misericordiae. | 7. Nostram vide miseriam,
Nobis confer clementiam
Et in coeli clarissimo
Nos colloca palatio. |
| 4. Salve, virtutum cellula,
Mundi spes atq̃ue domina,
Regina coeli incl̃yta,
Aeternae vitae janua. | 8. Hanc, o rex regum Domine,
Suscipientes suscipe,
In templo tuae gloriae
Bonis adimplens gratiae. |
| 9. Sit trinitati gloria,
Sit decus et victoria,
Qui nos salvet pro meritis
Mariae semper virginis. | |

Brev. ms. Pragens. XII D 15 saec. 15. — 2, 2 Te sponsus vocat in.
Hs. — 3, 2 Gemma pudicitiae Hs. — 4, 2 spes que domina Hs. — 5, 3
Venientem in templum suscipimus Hs. — 5, 4 Laudantem Hs. — 6, 3
Nos intende Hs. — 7, 2 Nobis fehlt Hs. — 8, 3 Nos in templo Hs.

72. In Praesentatione BMV.

- | | |
|--|--|
| 1. Ave maris stella,
Clarum jubar orbis,
Deitatis cella,
Mater salvatoris. | 4. Templi gradus trima
Quindecim ascendis,
Castitatem prima
Domino promittis. |
| 2. Stirpe generosa
Regum, sacerdotum,
Prae cunctis formosa,
Tuum sumis ortum. | 5. Morem seniorum
Servans Joseph nupta,
Regem angelorum
Paris incorrupta. |
| 3. Die hac praeclara
Devoti parentes
Praesentant in ara
Te vota reddentes. | 6. Mater opulenta,
Dulcis et benigna,
Nos tuo praesenta
Nato prece digna. |
| 7. Sit laus Deo patri,
Creatori nostro,
Parilique proli
Cum flamine sacro. | |

Antiph. ms. Hilariens. V. anni 1632. — Mel.: Ave maris stella.
Dreves, Hymni Inediti.

73. In Praesentatione BMV.

- | | |
|--|--|
| 1. Ave maris stella,
Virgo Deo grata,
Inclita puella,
Regum stirpe nata. | 3. Salve porta coeli,
Femina intacta,
Credens Gabrieli
Mater Christi facta. |
| 2. Virgo singularis,
Infans ablactata,
Templo praesentaris,
Mundi advocata. | 4. Sit laus Deo patri,
Igni atque proli,
Honor almae matri
Et reginae poli. |

Brev. ms. Frisingens. saec. 15. Clm. Monacens. 19283. A. — Vesperale ms. Underdofens. saec. 15. Clm. Monacens. 7772. B. — Ad completorium A. — In secundis vesperis B. — Mel.: Ave maris stella.

74. In praesentatione BMV.

- | | |
|--|--|
| 1. Ave novi partus
Generosa proles,
Ave mundi salus,
Benedicta mater. | 4. Monstra te sponsam Dei
In templo Domini,
Imple votum matris
Et virginittatis. |
| 2. Sumens matris Annae
Ramum de radice
Jesse et Abrahæ,
Mutans fructum Evæ. | 5. Virga turgens gemmis,
Florens rore coeli,
Sola virgo manens
Fructum peperisti. |
| 3. Solve vae serpentis,
Tere caput hostis,
Tu sola immunis
Ab omni vae ventris. | 6. Vita salutarem
Praesta puram natis,
Ne mors vincat fortem,
Da gaudia pacis. |
7. Sit laus vivae fonti
Aquae salientis
In terram virginis
Virtute pneumatis.

Antiph. ms. Plagense saec. 16 s. sign. A. — Brev. sec. rit. candidiss. ord. Praemonst. imp. Parisiis 1598. B. — Mel.: Ave maris stella.

75. In praesentatione BMV.

In 1. Vesperis.

- | | |
|---|--|
| 1. Ab aeterno ordinata,
Maria, virgo virginum,
Prius est sanctificata
Ante parentis uterum. | 3. Coelibatum inchoavit
Prae omnibus hominibus,
Jejunavit et oravit
Prae singulis virginibus. |
| 2. Benedicta mundo nata
Aetatis post triennium
Est in templum praesentata
Ad virginum collegium. | 4. Dormiendo vigilavit
In Domini servitio,
Vigilando laboravit
Acu, colo et licio. |

5. En quam prudens et fidelis
 Maria, mundi Domina,
 Constituta nunc in caelis
 Regina tuens omnia.

6. Filio cum Bonitate
 Patrique laus et gloria,
 Qui trinus in unitate
 Per cuncta regnat saecula.

Brev. ms. Frisingense saec. 15. Clm. Monacens. 19283. A. — Orat. ms. Underdorsens. saec. 15. Clm. Monacens. 7815. B.

Der Hymnus ist in wechselnden trochäischen und jambischen Zeilen geschrieben, was auf die Hymnen des hl. Bonaventura und damit auf einen Franziskaner-Dichter weist. Er ist abedarisich.

76. In Praesentatione BMV.

Ad laudes.

1. Omnes fideles plaudite
 Et virginis infantiam
 Devoto corde colite
 Mirantes ejus gratiam.

3. Docta, matura, strenua
 Et honore spectabilis,
 Virtute scandens ardua,
 Cunctis praestans et humilis.

2. Nam in puella tenera
 Vernat sensus maturitas
 Et panditur per opera
 Habitans intus deitas.

4. Sic conditoris munere
 Miris ornata dotibus,
 Ut digna foret parere
 Deum castis visceribus.

5. Gloria tibi Domine etc.

Brev. ms. Altovadens. XXV saec. 14. add. 15. A. — Brev. ms. Trebonens. saec. 15. Cod. Pragens. VII C 3. B. — Brev. ms. Secoviens. anni 1380 add. saec. 15. Cod. Graecens. 1424. C.

77. In Praesentatione BMV.

Ad Tertiam.

1. O gloriosa domina,
 Prae cunctis felix femina,
 Sumis ex regum germine
 Ortum, regina gloriae.

4. Ut sacramentum daemoni
 Redemptionis hominum
 Occultaretur, virgini
 Virgo sponsaris virginum.

2. Totius expers criminis
 Bonis impleris omnibus
 Naturae et gratuitis
 In maternis visceribus.

5. Fis sponsa patris, geniti
 Mater, templum paracliti,
 Angelicis beatior
 Spiritibus et dignior.

3. Tuis sanctis parentibus
 Ex more se parantibus
 Ter quinos gradus hodie
 Scandis sine juvamine.

6. Gloria tibi, Domine,
 Qui natus es de virgine,
 Cum patre et sancto spiritu
 In sempiterna saecula.

Ant. ms. Hilariens. V anni 1632.

78. In Praesentatione BMV.

1. Plasmator coeli siderum
 Lumen creat magnificum,
 Cujus vita sanctissima
 Illustratur ecclesia.

2. Munda ab omni crimine
 Prodit ex regum germine,
 Affertur a parentibus
 Deo vota redditibus.

- | | |
|---|--|
| 3. Solis divinis usibus
Mancipanda prae ceteris,
Magnis nitet virtutibus,
Custoditur ab angelis. | 4. Prudens, cunctis humilior,
In amore ferventior,
Prior est in vigiliis
Frequentior in canticis. |
|---|--|

Antiph. ms. Hilariens. V saec. 16. — 4, 3 Prior in Hs.

79. In Praesentatione BMV.

- | | |
|---|--|
| 1. Sacrae parentes virginis,
Steriles naturaliter,
Hanc dono summi numinis
Susceperunt feliciter. | 3. Infantiae tam tenerae
Crevit virtus et gratia
In omni complens opere
Creatoris obsequia. |
| 2. Votum solventes filiam
Ad templum trimam deferunt
Deo placentem hostiam,
Ibi mansuram deserunt. | 4. Regitur sancti spiritus
Domestico dictamine,
Omnis virtutis penitus
Decus splendet in virgine. |
5. Gloria tibi, Domine,
Qui natus es de virgine
Cum patre et sancto spiritu
In sempiterna saecula.

Brev. ms. Trebonens. saec. 15. Cod. Pragens. VII C 3. A. — Brev. ms. Salisburgens. saec. 15. Cod. bibl. publ. Salisburgens. V 1 J 201. B.

80. De Visitatione BMV.

Ad Nocturnum.

1. Sacris solemnibus dat virgo gaudia
Novis eloquiis reserans labia,
Deum magnificat humilis et pia,
Quam gratia vivificat.
2. Festi recolitur dies laetissima,
Qua rite panditur salus uberrima,
Dudum veteribus per signa plurima
Sanctis ostensa patribus.
3. Post verbum coelicum salubris foederis
Per os angelicum missum a superis,
Visitat proximam virgo prae ceteris
Se exhibens humillimam.
4. Rem admirabilem jam intellexerat,
Feminam sterilem, quae consenuerat,
Filium gerere, cui dignum duxerat
Laetam salutem promere.
5. Praecelsae dominae dum vox insonuit,
Interno lumine Johannes claruit,
Exsultat gaudio, sanctus qui meruit
Christum lavare fluvio.

6. Te trinum dominum unumque colimus,
Reginae virginum meritis petimus:
Post vitae terminum duc nos, quo tendimus,
Ad te datorem luminum.

Brev. ms. Scotor. Vindobon. 52 d 10 anni 1471. A. — Orat. ms. Tegurin. anni 1446. Clm. Monacens. 19991. B. — Brev. ms. S. Odiliae Rapoltivillan. saec. 15. Clm. Monacens. 10929. C. — 4, 2 consueverat A. — 5, 2 In utero lumine A. — 6, 4 datorem luminis A. — Gehört mit dem Hymnus Pange lingua (Mone 416) und dem folgenden zum Festofficium des Baseler Konzils, das in 1. Vesp. mit der Antiphon: In splendoribus beginnt.

81. De Visitazione BMV.

Ad Laudes.

- | | |
|---|--|
| 1. Verbum supernum prodiens
A fonte vivi luminis,
Homo factus est oriens
Intra uterum virginis. | 4. Mater senior praedicat
Gestricem verbi coelici,
Illa junior explicat
Opus regis magnifici. |
| 2. Mox florens Jesse virgula
Progreditur a Nazareth,
Festinat Christi gerula
Ut videat Elisabeth. | 5. Haec quasi tribus mensibus
Durat sanctarum concio,
In canticis suavibus
Gratulans Dei filio. |
| 3. Ferre salutem incipit,
Hanc sentit infra viscera,
Et jam ventura percipit,
Qui nondum vidit aera. | 6. Uni trinoque gloriam
Laetis psallamus cordibus,
Qui benigne det veniam
Mariae servitoribus. |

Frag. Brev. ms. Feldkirchen. s. sign. saec. 15. A. — Diurn. ms. Hermetisvillan. saec. 15. Cod. Griesens. 56. B. — Orat. ms. Tegurin. anni 1466. Clm. Monacens. 19991 C. — Brev. ms. S. Odiliae Rapoltivillan. saec. 15. Clm. Monacens. 10929. D.

82. De visitatione BMV.

Ad Completorium.

- | | |
|--|---|
| 1. Ave dulcis angelica
Vox dixit Gabrielica
Mariae, per quam coelica
Sumpsit annunciata. | 4. Dominus potens praefuit
Ancillae, quae non defuit,
Hoc Ave quam dulce fuit
Carmen in hac beata. |
| 2. Gratia sancti spiritus
In illa fuit coelitus,
Dum Gabriel divinitus
Praedixit verba grata. | 5. Tecum tunc, virgo, trinitas,
In te tota divinitas,
A te venit humanitas,
Est Eva qua mutata. |
| 3. Plena fidei credidit,
Illi responsum reddidit,
De quo salutis edidit
Fructum virtus sacrata. | 6. Gloria tibi, Domine,
Qui Deum sic in homine,
Ut in Maria virgine
Abdis matre serata. |

Clm. Monacen. (ol. S. Emmerami) 14926 saec. 15. Mit Mel. — Die Aufschrift ad Completorium beweist, daß wir ein im kirchlichen Offizium gebrauchtes Lied vor uns haben; die metrische Form legt den Gedanken nahe, daß es ursprünglich als auferliturgisches Lied (Cantio, Cantilena) gedacht worden.

83. In purificatione BMV.

Ad processionem.

- | | |
|---|---|
| <p>1. Laetetur omne saeculum
Veritatis reditum,
Diei penset pretium,
Retracket mysterium,
Templo Deus pro homine
Praesentatur hodie.</p> | <p>7. Maria, sancta femina,
Virgo integerrima,
Nullis tacta excessibus
Nihil debet legibus,
Jussa servat legalia
Pro peccatis habita.</p> |
| <p>2. Magnus ante luciferum
Et mundi principium,
Fit parvus, fit infantulus,
Verus non phantasticus
Ex casta Dei virgine
Factus est mirifice.</p> | <p>8. In templo mater puerum
Laeta ducit plurimum,
Praesentat Deo filium
Ipsam Deum inclytum,
Columbas atque turtures
Offert Deo supplices.</p> |
| <p>3. Dives rex sine tempore
Fit pauper in tempore,
Coeli sedens palatio
Nascitur in stabulo,
Virgo mater et bajula
Nulla ibi altera.</p> | <p>9. In columba dilectio
Mutua perpetuo,
In turture est castitas
Geminaque sanctitas,
Haec quia virgo meruit,
Haec offerre debuit.</p> |
| <p>4. Nutritur, qui vivificat,
Crescit, qui magnificat,
Datis obedit legibus
Subditus parentibus,
Deus creator omnium
Jussa complet hominum.</p> | <p>10. Hunc Simeon ut aspicit
Justus, ulnis accipit,
Dimitte, dicit, Domine,
Me in pace hodie,
Viderunt oculi mei
Salutare Domini.</p> |
| <p>5. Mira haec dispen[s]atio,
Mira haec dignatio,
Non lucens sed lucibilis
Deus invisibilis
Videtur in praeseptio,
Virginis in gremio.</p> | <p>11. Paratum omni populo
Longinquo et proximo,
Omnium lumen gentium
Gratia et praemium,
Lumen et plebis gloria
Israel non modica.</p> |
| <p>6. Legem servat purissimus,
Ne oblatret impius,
Sicut in lege scribitur,
Infans circumciditur,
Servantur dies provide
Et complentur hodie.</p> | <p>12. Omnes gentes accedite,
Cernite et credite,
Lumen inaccessibile,
Lumen invisibile
Apparet et illuminat
Et in templo rutilat.</p> |

- | | |
|--|---|
| <p>13. Videte omnes populi,
Omnes Christum Domini,
Deum, lumen de lumine
Accurrentes sumite,
Accedite, precamini
Et illuminamini.</p> <p>14. Ferte lumen in cordibus
Hoc diebus omnibus,
Luceat corpus actibus,
Ferte lumen manibus,
Candelas manus teneant,
Ut obscura pereant.</p> <p>15. Hoc lumen cor illuminet
Et hoc corpus rutilet,
Ut mente atque corpore
Clarefacti optime
Laudetis deum plenius
Vestris in operibus</p> <p>16. Hoc lumen est altissimus,
Summi patris filius,
Puer iste tenerrimus
Deus est interminus,
Dierum antiquissimus
Primus et novissimus.</p> | <p>17. Hoc lumine castissima
Genitrix dignissima
Hoc lumen ventre pertulit,
Hoc intacta peperit,
Istud ad templum detulit,
Simeon hoc extulit.</p> <p>18. Quibus te, virgo, laudibus
Efferam in talibus,
Mens nescit, sermo deficit,
Stupor sensum eximit,
Filius habens, Domina,
Non per viri opera.</p> <p>19. Moti sunt dialectici,
Victi sunt haeretici,
Concubuit sic peperit,
Syllogismus periit,
Mundana sapientia,
Victi sunt a femina.</p> <p>20. Sion adorna thalamum
Et intende canticum,
Surge, appare fulgide,
Christum regem suscipe,
Quem virgo mater genuit,
Virgo mater peperit.</p> |
|--|---|

Cod. Cremifanensis 309 saec. 12/13. — 2, 5 Et casta Hs. — 3, 4 Nas-
cetur Hs. — 9, 2 Mutuo Hs.

84. De compassione BMV.

Ad Nocturnum.

- | | |
|--|---|
| <p>1. Congaudentes condolete,
Adoptionis filii,
Et gementes congaudente
Sanctae Dei genitrici.</p> <p>2. Nam crucis per mysterium
Cunctis est effecta mater,
Quibus per mortis meritum
Filius est factus pater.</p> <p>3. Hoc illa commendatio
Vult, quam Dominus tunc fecit,
Quando matrem discipulo
Ipsamque matri commisit.</p> | <p>4. Hinc clamans expirat Jesus
Et mors parum matri parcit,
Aperitur latus ejus
Mater hoc, non ipse, sensit.</p> <p>5. De cruce corpus tollitur,
Sepelitur reverenter,
Dolor matris intenditur,
Nam dilexit vehementer.</p> <p>6. O pia Dei genitrix,
Cujus jam plenum gaudium,
Sis nobis semper adiutrix
Ob luctus tui meritum.</p> |
|--|---|
7. Honor, laus, virtus, gloria
Uni Deo nec non trino,
Quo largiente materna
Prosit nobis compassio.

Hymn. ms. Hermetisvillanus anni 1553. Cod. Griesens. 23. „Hoc opus scribi fecit Domina Meliora a Grüth, abatissa monasterii Hermatschuil. Constat novem coronas francicas. A. — Orat. ms. Dorotheae de Mittelhuseu anni 1449 Clm. Monac. 10930. B.

4, 1 exspiravit Jesus A; exspirans B.

85. De compassione BMV.

Ad Laudes.

- | | |
|--|---|
| 1. Dignas laudes reddant matri
Morte nati libertati,
Sine qua non est solutum
Redemptionis pretium. | 4. Valde mater tunc doluit,
Cum duodenem perdidit,
Sed post dure Judaeorum
Fert machinas in filium. |
| 2. Ipsa nascentis gerula,
Praedicantis discipula,
In passione socia,
Regni consors in gloria. | 5. Filio dato perfidis
Crevit matris dolor nimis,
Quae filius in corpore,
Sustinet mater in corde. |
| 3. Simeonis tunc gladius
Fremebat in cor ipsius,
Herodis cum propter metum
In Aegyptum tulit Jesum. | 6. O mater et martyr Christi,
Per poenas quas pertulisti
In passionis tempore,
Sucurre nobis in morte. |

7. Sit trinitati gloria
Pro redemptorum venia,
Quam meruerunt miseris
Filius et mater nobis.

Hymn. ms. Hermetisvillanus anni 1553. Cod. Griesens. 23. A. — Orat. ms. Dorotheae de Mittelhuseu anni 1449. Clm. Monac. 10930. B.

86. In transfixione BMV.

Ad 1. Vesperas.

- | | |
|---|--|
| 1. Ave stans sub cruce,
Privata mundi luce,
Fide semper clara,
Jesu mater cara. | 4. Monstra te esse matrem,
Per te suum patrem
Filius inclinet
Seque nobis donet. |
| 2. Sume nostrum ave,
Nostri miserere,
Tu nos hic tuere,
Culpam nostram dele. | 5. Decor virginalis,
Flos stirpis regalis,
O fons lucis mundi,
Fac, ut simus mundi. |
| 3. Mater Jesu clemens,
Quae stas ad crucem gemens,
Per te nobis detur,
Taetrum quod vitetur. | 6. Sit laus Deo patri,
Crucifixo decus,
Spiritus sancto
Honor trinus et unus. |

Brev. ms. Trebonense saec. 15. Cod. Pragens. VI F 20. A. — Antiph. ms. Praedicat. Cracovien. s. sign. saec. 15/16. B. — Brev. Misnen. imp. Lipsiae 1502. C. — 6, 4 tribus unus C.

87. In transfixione BMV.

Ad Completorium.

- | | |
|--|---|
| <p>1. O gloriosa domina,
Quae tua cruciamina,
Cum Barrabas dimititur
Et Christus poenas patitur.</p> <p>2. Tuus tractatur filius
Longe quam latro vilis,
Irrisus fert ludibria
Gente vallatus impia.</p> <p>3. Pastorem heu percutiunt,
Oves dispersae fugiunt
Te sola cum discipulo
Manente sub patibulo.</p> <p>4. Beata matris viscera,
Transfixa crucis gladio,
Procurent nobis gaudia
Post haec in coeli solio.</p> | <p>5. Nec mirum, si sis anxia
Visa crudeli furia,
Te sciens puram virginem,
Christum Deum et hominem</p> <p>6. Jesu, nate de virgine
De mystico spiramine,
Qui mortem crucis pateris
Confossus plagis asperis;</p> <p>7. Amore matris anxiae
Nostrae parcas miseriae,
Suique fletus copia
Nos ducat ad coelestia.</p> <p>8. Imperatrix clementiae,
Rorem in funde gratiae
In corda nostra arida,
Ut tibi fiant placita.</p> |
|--|---|

9. Sit laus, honor, devotio
Jesu Mariae filio,
Tenso crucis patibulo
Pro redimendo populo.

Brev. ms. Trebonens. saec. 15. Cod. Pragens. VI F 20. A. — Antiph. ms. Praedicatt. Cracovien. s. sign. saec. 15/16. B. — Brev. Misnen. imp. Lipsiae 1502. C. — 2, 3 Mira et fert A. — 8, 4 placida AB. — Str. 9 fehlt B.

88. In Assumptione BMV.

In 1. Vesperis.

- | | |
|--|---|
| <p>1. Gaude, fidelis concio,
Cujus spes est in domino,
Plaude mater in filio
Regnanti sine termino.</p> <p>2. Ipsa, quae Christum genuit,
Mortem devicit hodie
Et in carne reffloruit
Templum solis justitiae.</p> <p>3. Ancilla quondam humilis
Nunc sublimis in gloria,
Cui nulla fuit similis
Nec par erit alia.</p> <p>4. Somno pacis dormierat
Sacro eruta corpore,
In spe caro quieverat
Cum virginali decore.</p> | <p>5. Sponsus dilectam excitat,
Suam unicornis virginem,
Christus carnem suscitavit,
In qua se fecit hominem.</p> <p>6. Ave virgo, maris stella,
Verbi Dei sacrarium,
Salve summi regis cella,
Majestatis solium.</p> <p>7. Agnosce, qui te diligunt,
Ut, quod credunt, hoc sentiant,
Qui te patronam eligunt,
Spei fructum inveniant.</p> <p>8. Gloria tibi, Domine,
Qui natus es de virgine,
Quam suscitavit in gloria
Trinitatis potentia.</p> |
|--|---|

Cod. Graceens. (ol. Secovien.) 1247 saec. 12.

89. In Assumptione BMV.

Ad Laudes.

1. Salve sancta virgo, sancta parens,
Virgo virginum, exemplo carens,
Cujus sole mundus nitet clarens,
Cujus rore revirescit arens.
2. Mundi gaudium tua viscera
Ad terras inclinârunt supera,
Ut reis de convalle misera
Fieret regressus ad aethera.
3. Et tandem venit vitae terminus,
Quem et ipse subiit Dominus,
Mora brevi facta divinitus
Ad carnem tuus redit spiritus.
4. Caro carni omni nobilior,
Cujus partus coelis excelsior,
Morte facta prius humilior,
Resurgit se ipsa sublimior.

Cod. ms. Graecens. (ol. Secovien.) 1247 saec. 12. — Die Doxologie:
Gloria tibi Domine | Qui natus es de virgine | Quam suscitât in gloria | Trini-
tatis potentia, gehört nach Ausweis des Metrums nicht hierher.

90. De gaudiis BMV.

1. Gaude, sideribus mater quae imperas,
Felix theotoca, corda laetificas
Prompte moesta varie,
Nobis asta noctu, mane.
2. Gaude nunc, domina, mater et intacta,
Dulci oraculo angelî dum credis
Concipisque auctorem
Summum mortis atque vitae.
3. Gaude, quae peperis virgoque permanes,
Lactasti propriis uberibus Deum,
Creantem te gerebas
Ulnis prona trementibus.
4. Gaude multiplici laude, puerpera,
Reges Christum quaerunt, te Saba veniunt
Nova stella ducente
Dantque munera regia.
5. Gaude, quod in templo Christus praesentatus
Quem et amplexatur Simeon hic justus,
Dicens: servum, domine,
Tuum dimittis in pace.

6. Gaudet angelicus chorus de victore
Christo, praesidium ferentem patribus
In inferno entibus
Gaudes et, virgo Maria.
7. Gaudet summus pater, natus et spiritus
Amborumque simul, quod virgo ascendis
Super orbis coelorum,
Laudent angeli te semper.

Brev. ms. Trebonense saec. 15. Cod. Pragense. VI F 20.

91. In festo Mariae nivis.

In 1. Vesperis.

- | | |
|---|---|
| 1. Jesu Christi mater,
Virga stirpis Jesse,
Sponsa Dei digna,
Salve, salus nostra. | 5. Novum condit templum
Fide, mente pura,
Miro modo locum
Templi demonstrasti. |
| 2. Ore, corde, voce
Cunctae creaturae
Promunt laudes, hymnum
Tuae sanctitati. | 6. Nives praeter morem
Montem, impleverunt,
Turbae stupent, voces
Dulces extulerunt. |
| 3. Honor nostri cultus
Et vera spes nostra,
Pietate plena,
Praelecta mater. | 7. Et ad laudem tuam,
Sancta mater Christi,
Gratum fundat templum
Liberius papa. |
| 4. Almae quidem urbis
Digne curam gerens
Votum vovit virgo
Tuae pietati. | 8. Salus, virtus, decus
Summo Deo patri,
Qui in arce poli
Per saecula regnat. |

Brev. ms. Plagens. s. sign. anni 1499. A. — Clm. Monacen. (ol. Superioris Altae) 9508 saec. 15. B. — Brev. Kimense imp. s. l. 1518. C. — Mel: Ave maris stella B.

92. In festo Mariae nivis.

In 1. Vesperis.

- | | |
|---|--|
| 1. Exultet coelum laudi-
bus,
Romae quod dedit nivibus
Aestatis sed sub aestibus
Templum sacratae virginis. | 2. Summae Deus clemen-
tia,
Hic laudem matris gloriae
Sic amplias mirifice
Magnificae indaginis. |
|---|--|

- | | |
|--|--|
| 3. Chorus novae Jerusalem
Decantet idcirco talem,
Quae divinitatis salem
In crucis ponit acie. | 4. Conditor alme siderum,
Ut te dares propitium,
Nobis paras refugium
Matrem misericordiae. |
| 5. Ad coenam agni providi,
Ad legem patris coelici,
Ad gaudia paracliti
Nos ducat mater Domini. | |

Brev. ms. bibl. Jagellonicae 1257. saec. 15. — 4, 2 Ut se dares.

93. In festo Mariae nivis.

In 1. Vesperis.

- | | |
|--|---|
| 1. Plaude, coelestis civitas,
Gaude, mater ecclesia,
Adest nova festivitas
Mariae praeclarissima. | 4. Super nives et lilium
Virguncula nitidior
Ex nive domicilium
Format nive candidior. |
| 2. Qua in aestate media
Virginitatis speculum
Nives spargit et gelua,
Miretur omne saeculum. | 5. Pudorem ejus niveum
Figura haec praecinuit,
Quae summi patris filium
Summo pudore genuit. |
| 3. Nam praegrandi miraculo
Romana plebs obstupuit
Et nivis sub signaculo
Basilicam mox construit. | 6. Ob hoc reginam virginum
Laudemus mente sedula,
Ut nos per suum filium
Salvificet per saecula. |
| 7. Praesta, pater, per filium
Una cum sancto spiritu,
Et virginale lilium
Nos servet ab interitu. | |

Brev. ms. Capit. Cracovien. 22 saec. 15. — 1, 4 praeclarissimae Hs. —
3, 4 construxit Hs. — 6, 1 regina Hs.

III.

DE S A N C T I S.

94. De ss. Abdon et Sennes.

- | | |
|--|--|
| <p>1. Orent pro nobis martyres
Abdon et inelytus Sennes,
Cum Christus nobis debitam
Conferat pius veniam.</p> <p>2. Exoret nunc altissimum
Amor sacratus martyrum,
Ne nos iudex in tartarum
Detrudat immanissimum.</p> | <p>3. Sint nobis devotissimi
Martyres invictissimi,
Consolentur precibus,
Quos diligit altissimus.</p> <p>4. Sit laus, perennis gloria
Deo patri cum filio
Sancto simul paraclito
In sempiterna saecula.</p> |
|--|--|

Brev. ms. Patavien. (?). saec. 14. Clm. Monacen. 11015.

95. De sancto Achatio.

- | | |
|--|--|
| <p>1. Amator dulcis hominum
Caneris, Jesu Domine,
Usque ad terrae terminum
A solis ortus cardine.</p> <p>2. Concilias Achatium
Tibi cum turba procerum
Militum nova milium,
Conditor alme siderum.</p> <p>3. Hos spernendo simulacra
Turbis unis fidelium
Sanguinea per lavacra,
Rex Christe factor omnium.</p> <p>4. A Deo dignos comites
Theodori cum gaudio
Mille conjungis milites,
Jesu nostra redemptio.</p> | <p>5. Claram sic et purpuream
Numero decem millium
Tuam consummas vineam,
Deus tuorum militum.</p> <p>6. Judicati supplicia
Crucis volenter subeunt,
Fulget crucis victoria,
Vexilla regis prodeunt.</p> <p>7. Veneremur hos nobiles
Per pietatis opera,
Qui meruerunt stabiles
Aeterna Christi munera.</p> <p>8. Sit nunc hic et in patria
Vera nobis felicitas,
Laus tibi sit et gloria,
O lux beata trinitas.</p> |
|--|--|

Brev. ms. Campoliliense No. 1. saec. 14. — Die Schlufszeilen der Strophen
Anfänge bekannter Hymnen.

96. De sancto Achatio.

1. Promat carminibus, turba fidelis
Laudes martyribus, quos sacra caelis
Fexit emeritos passio servos.

2. Milibus his denis foedere junctis,
Spreto terrigeno rege, superno
Spondent obsequium ferre benignum.
3. Crescentes igitur progrediuntur,
Augmento fidei, qua solidati,
Ardent pro domino se dare leto.
4. In furiam raptus rex Adrianus
Omnem diis aciem thura negantem
Mandat terrificis cedere flagris.
5. Post inflexibiles corde tirones
Affixit crucibus, sol radiosus
Clausit ad occubitum lumen eorum.
6. Christi martyrii sic quoque facti
Consortes, placiti cunctipotentii
Commendant homines se recolentes.
7. Nunc, Achatii pie, propitiare
Adjunctis sociis crimine tectis,
Bona, quae petimus, percipiamus.
8. Laus uni domino nomine trino
Sit pro militia tam numerosa,
Qua jam siderea promicat aula.

Brev. ms. Claustreoburgens. 967 anni 1369. A. — Brev. ms. Claustreoburgens. 1191 saec. 15. B. — Brev. ms. Voravien. 108 saec. 15. C. — 1, 3 ut commeritos A. — 2, 2 supremo B. — 3, 1 ingrediuntur A. — 3, 1 qui soli dati. A. — 5, 1 corde tytores A. — 7, 3 Ut bona quae A.

97. De sancto Achatio et sociis.

Ad Vesperas.

- | | |
|---|---|
| <ol style="list-style-type: none"> 1. Agni sponsa Hierusalem
novis insta laudibus,
Radiantibus ornata
sanctorum monilibus,
Quae tot claris illustraris
hodie martyribus. 2. Adrianus rex profanus
sacra dena milia
Venerari jubet vana
daemonum sculptilia,
Spernunt martyres vesana
principis consilia. 3. Thura surdis non litamus,
inquiunt, simulacris,
O Caesar, sed adoramus
Christum, natum virginis,
Qui per crucem protoplasti
nexus solvit criminis. | <ol style="list-style-type: none"> 4. Saevis regibus assistit
Tortor crudelissimus,
Contra Christi bellatores
arma sumit concitus,
Perimens diris athletas
crucifixionibus. 5. In his fulsit rediviva
tota Christi passio,
Signa cuncta passionis
et rerum concussio,
Clarificans sanctos suos
divina dignatio. 6. „Christe, nostrae passionis
colentes sollemnia,
Precamur, supernis donis
dita, dans praesidia.“ —
Quod petistis fiat, inquit
vox de coelo nuntia. |
|---|---|

7. Gloria et honor Deo,
Christo, regi martyrum,
Gloria resultet semper
pio patri luminum,
Gloria flamini sancto
nunc et in perpetuum.

Clm. Monacen. (ol. S. Emmerami) 14926 saec. 15. — Mel. = Urbs beata Hierusalem.

98. De sancto Achatio.

- | | |
|--|--|
| 1. O rex aeterne conditor,
Fidelium redemptor,
Fac nos devote colere
Martyrum festa hodie. | 3. Flagellis hi afflicti sunt
Et felle hi potati sunt
Et spinis coronati sunt
Et clavis perforati sunt. |
| 2. Qui propter te, Domine,
Crucifixi sunt hodie
In diversis doloribus,
Nos exaudi, quaesumus. | 4. Ipsorum ergo meritis
Nos junge coeli gaudiis,
Ubi regnas et imperas,
O lux beata trinitas. |

Brev. ms. Teplense anni 1353. Cod. Pragense. VII F 23 — 1, 3 recollere Hs.

99. De sancto Achatio et soc.

Ad Nocturnum.

- | | |
|--|---|
| 1. Natura creans omnia
Si daret omni machinae
Posse loqui praeconia
Laudantia te Domine; | 4. Sic reparas tot milibus
Ablatam coelo decimam,
In cruce promerentibus
Offerre carnis victimam. |
| 2. Pro minimo deficeret
Laudare beneficio
Te, quamvis laudes diceret
In aevum sine medio. | 5. Adjuvet intercessio
Nos apud te tot milium,
Sanctorum contubernio
Frui post hoc exilium. |
| 3. Praeter ineffabilem
Donorum beneficia
Dans mundo decem milium
Martyrum patrocinia. | 6. Tibi laus, virtus, gloria
Sit, sempiterna deitas,
Cui simplex est essentia
Sed personarum trinitas. |

Clm. Monacen. (ol. S. Emmerami) 14243 saec. 15.

100. De sancto Achatio.

Ad Completorium.

- | | |
|--|---|
| 1. Hymnizantes exsulemus,
Dum divinam recensemus
Palmam decem milium,
Qui per gloriam trophaei
Perque passionem Dei
Secuti sunt filium. | 2. O commilitones Christi,
Vestra nos a clade tristi
Liberet victoria,
Pendet nostra spes in vobis,
Impetrate partem nobis
In coelesti gloria. |
|--|---|

3. Prosit vestra singularis
Efficax et salutaris
Nobis intercessio
Et distinctae trinitatis
Unicaeque deitatis
Fides et confessio.

Clm. Monacen. (ol. S. Emmerami) 14926 saec. 15. A. — Brev. Basileen. imp. s. l. 1478. B. — 2, 1 O fehlt B. — 2, 4 vobis fehlt B. — 3, 4 Et districtae B. — Mel: Pange lingua (was natürlich nicht ohne Gewaltthätigkeit abgeht).

101. De sancto Adalberto.

- | | |
|--|--|
| 1. Exultet claro sidere
Fulgens mater ecclesia,
Adalbertus in aethere
Nova profudit gaudia. | 4. Lux vitae, coeli meritum
Cum signorum frequentia
Ejus commendat exitum
Et praedicat magnalia. |
| 2. Pauper, pudicus, humilis
Christo se totum dedicat,
In lege Dei docilis
Verbis, exemplis praedicat. | 5. Quaesumus, auctor omnium,
Ut hoc paschali gaudio
Per ipsius suffragium
Crescat nostra devotio. |
| 3. Triumphat per martyrrium
Christi fortis in acie,
Conservans semper lilium
Viginalis munditiae. | 6. Gloria tibi, Domine,
Qui surrexisti a mortuis
Et fortes in certamine
Sertis ornas perpetuis. |

Brev. ms. Trebonens. saec. 15. Cod. Pragens. VI G 6. A. — Brev. ms. Pragens. IV F 4 saec. 15. B. — Brev. ms. Capit. Cracovien. 22. saec. 15. C. 1, 2 martyr ecclesia C. — 1, 3 Adalbertum B. — 2, 1 Puer pudicus A. — 2, 4 exempla C. — 4, 1 Dux vitae B; Dux coeli, vitae A.

102. De sancto Adalberto.

Ad Vesperas.

- | | |
|---|--|
| 1. Festum agat ecclesia,
Laetentur coeli hodie,
Adalbertus victoria
Possedit thronum gloriae. | 4. Triumphat per martyrrium
Pugil fortis in acie,
Tenens pudoris lilium
Cum rosa patientiae. |
| 2. Servus prudens et humilis
Christo se totum dedicat,
Martyr et praesul habilis
Dictis et factis praedicat. | 5. Jesus ob sancti meritum
Requie pacis praevia
Direxit ejus spiritum
Ad gaudiorum praemia. |
| 3. Fulgens vultu angelico
Corda illustrat gentium
Sermone evangelico
Obscura fugans mentium. | 6. Salutis auctor, petimus,
Audi voces in jubilo,
Da perfrui quod metimus
In hoc paschali gaudio. |

Antiph. ms. Praedicatt. Cracovien. s. sign. saec. 15/16.

103. De sancto Adalberto.

Ad Nocturnum.

- | | |
|--|--|
| 1. Laetare pacis foedere
Nova, mater ecclesia,
Adalbertus in aethere
Mundo refudit gaudia. | 4. Fons modice scaturiens
Excrevit inundantia,
Gemmae in se parturiens
Virtutum abundantia. |
| 2. Exortum lumen tenebris,
Erranti gratum homini,
Et dies cogit celebris,
Laudare nomen Domini. | 5. Romae agens officium
Sepelivitque funera,
Reversus ad obsequium
Sanctificavit munera. |
| 3. Sub sanctitatis tegula
Florens vitali palmite,
In patricina regula
Recto incessit tramite. | 6. Salutis auctor, petimus,
Audi voces in jubilo,
Da perfrui, quod metimus,
In hoc paschali gaudio. |
| 7. Honor et virtus, Domine,
Tibi sit laude sedula,
Pro cuius passus nomine
Martyr gaudet per saecula. | |

Antiph. ms. Praedicatt. Cracovien. s. sign. saec. 15/16.

104. De sancto Adalberto.

Ad Laudes.

- | | |
|---|---|
| 1. Fulget in templo legifer
Lucens doctrinae radio,
Fortis armatus signifer,
Custos potens in atrio. | 3. Pruthenos et Hungariam,
Polonos et Bohemiam
Docet vitae munditiam
Salutem monstrans praeiviam. |
| 2. Ferens crucem in humeris
Servorum signat facies,
Prodigiis innumeris
Hostiles rumpit acies. | 4. Mandat Christum diligere,
Mundi caduca spernere,
Corda sursum dirigere,
Coeleste regnum quaerere. |
| 5. Salutis auctor petimus etc. | |

Antiph. ms. Praedicatt. Cracovien. s. sign. saec. 15 — 16.

105. De sancto Aegidio.

1. Gaudet Jerusalem, visio pacis,
Gaudet, plaudit, ovat cive recepto,
Cui pariter noster chorus dat hymnum.
2. Felix Aegidius, fortis ad arma,
Victor celsa petens hoste triumphat,
Gaudent regna poli plena trophaeis.
3. Surgunt exanimes huc revocati,
Leprae squalor cadit tactibus hujus,
Nec restat precibus febris anhela.

4. In vocis júbilo, machina mundi,
Tali laetitiam prome patrono,
Pro te namque Deum sedulus orat.
5. Sit patri gloria, laus, hymnus, honor
Nato semper idem, pneumati sancto,
Qui vivit pariter trinus et unus.

Brev. ms. Sitanstetten. CIX saec. 15. A. — Brev. ms. Plagens. s. sign. saec. 15. B. — Brev. ms. Pragenses. VII A 12 saec. 14. C. — Brev. ms. Claus-troneoburgens. 596 saec. 14. D. — Brev. ms. Voravien. 122 saec. 14. E. — Brev. Kimense imp. s. l. 1518. F.

1, 1 Jerusalem, fortis ad arma AF; Jerusalem, dicta pacis visio D. — 2, 1 Aegidius, visio pacis AF. — 5, 3 Qui nunc pariter regnat A.

106. De sancto Aegidio.

- | | |
|---|---|
| <ol style="list-style-type: none"> 1. Festum sancti Aegidii
Mente colamus parili,
Qui cum supernis civibus
Nunc gaudet in coelestibus. 2. Genere quidem nobilis
Sed nobilior meritis,
Signis clarebat pluribus
Opem ferens debilibus. | <ol style="list-style-type: none"> 3. Ab obsessis corporibus
Daemones fugans precibus,
Peccatum regis diluit,
Mortuis vitam reddidit. 4. Hinc gaudet tota Gallia
Cum Francis et Germania,
Hinc omnis lingua jubilet,
Omnisque reus supplicet. |
|---|---|
5. Ut a nostris reatibus
Suis nos mundet precibus,
In trinitatis nomine
Te adoramus, Domine.

Brev. ms. Palat. Vindob. 1717 saec. 14. — Mel.: Fit porta Christi pervia.

107. De sancto Aegidio.

- | | |
|--|--|
| <ol style="list-style-type: none"> 1. Gratuletur ecclesia,
Resultet ad haec gaudia,
Aegidii quae annua
Nunc recolit solemnna. 2. Aegidii festa gerimus
Eumque prece quaerimus,
Ut suo patrocinio
Conciliet nos domino. | <ol style="list-style-type: none"> 3. Nos idem Christi famulus
A vitiorum nexibus
Solvat summisque civibus
Conjungat coeli precibus. 4. Hoc genitor praestet summus
Genitorisque filius,
Sanctus simul paraclitus,
Trinus et unus dominus. |
|--|--|

Cod. S. Petri Salisburgens. a VI 52 saec. 15.

108. De sancta Afra.

1. O martyr Afra, particeps paradysi,
Rosea gemma inter coeli principes,
Quae purpurata per stolam martyrii
Gaudia vitae meruisti ingredi,
Thalamum agni nobis orans aperi.

2. Ut renovati per virtutem spiritus
Sanctisque tuis, martyr alma, precibus
Coelicularum aggregati coetibus,
Virginum agmen mereamur subsequi
Voce cantantes semper incessabili.
3. Gloria Deo per immensa saecula,
Sit trinitati decus et imperium,
Honor, potestas sanctoque spiritui
Sit trinitati, [sit] laus individua
Per infinita saeculorum saecula.

Brev. ms. Claustroneoburgens. 596 saec. 14. — 1, 1 O fehlt Hs. — 1, 4 ingredi fehlt Hs. — 3, 4 trinitati laus Hs.

109. De sancto Agapito.

Ad processionem.

- | | |
|--|--|
| 1. Alma virgo, sponsa regis,
O Maria nobilis,
Te elegit, qui plasmavit,
Quando mundum condidit. | 4. Quo sanctorum sancta simus
Digni puris sensibus
Introire et tractare
Membra sacratissima. |
| 2. Tota pulchra es amica
Sine naevi macula
Et decora ac praeclara
Summi regis famula. | 5. Surge, sancte martyr Christi,
Mansione propria
Et praecedere coram plebe
Iter mirae gloriae. |
| 3. Sunt pollutae manus nostrae
Omni prorsus crimine,
His, precamur, ut preceris
Nos absolvi vinculis. | 6. Jubilemus Christo regi
Et Mariae virgini. |

Codex Cremifanensis 309 saec. 12/13. — Str. 6 scheint den Rundreim zu bilden, aus Str. 5 hervorzugehen, daß das Lied ein Prozessionshymnus war. Der hl. Martyrer ist jedenfalls Agapitus, dessen Reliquien ungetragen wurden. So erinnert der Hymnus an die ähnlichen St. Galler Hymnen, z. B. den Prozessionshymnus des Radpertus zum Feste des hl. Gallus. — 1, 2 O fehlt Hs.

110. De sancta Agnete.

1. Cedat tristitia cordis ab aula,
Intret laetitia pectoris alta
Ob natalitia virginis alma.
2. Castrum munditiae casta puella
Scandens militiae condere bella,
Sensu conspicua, carne tenella.
3. Ut ferrum superans omneque magnes,
Sic Christum venerans preddidit Agnes,
Per quem proba, minas vincit et ignes.

4. Mundi divitias virgo subegit,
Carnis delicias eminus egit,
Cunctas nequitias hostis abegit.
5. Stanti magnifice sic in agone
Fertur mirifice arrha coronae
Victo terrificae hoste dracone.
6. Sit laus ingenito summo parenti,
Sic ejus genito sit sapienti,
Sit laus paraclito cuncta regenti.

Brev. ms. Brixinens. saec. 15. Cod. semin. Brixin. s. sign. A. — Brev. Brixinens. imp. Augustae 1489. B. — 3, 3 vicit et agnes B.

III. De sancta Agnete.

- | | |
|--|---|
| 1. Pange lingua studiose
Regis mei nuptias,
Nupsit illi gloriose
Castas per delicias,
Virgo stirpis generosae,
Sion mater filias. | 4. Verbum caro te cibavit
Mox et in se perficit,
Mellis, lactis gustu pavit,
Quo te plene reficit,
Cor[que] tuum exsultavit
Et in laude deficit. |
| 2. Nobis, Agnes, advocata
Sis ad Christum Dominum,
A quo prece tua grata
Postules auxilium,
Ne sententia prolata
Tradat in supplicium. | 5. Tantum ergo nunc dignare
Placare sponsum servulo,
A quo velis impetrare
Gratiam in saeculo,
Ut post tecum exultare
Possit in palatio. |
| 3. In supremo tuae vitae
Transit dies ultimus,
Conservasti fidem rite,
Guttur ferit gladius,
Triumphantem forti lite
Praemiat te Dominus. | 6. Genitori genitoque
Psallat nostra concio,
Procedenti abutroque
Compar sit laudatio,
Virginalis ipsum quoque
Laudet benedictio. |

Miss. ms. saec. 15. Cod. lat. 132. Mus. Hungar. Pestini. — Obschon einem Missale entnommen, doch, wie die Nachahmung des Pange lingua beweist, ein Hymnus im engern Sinne des Wortes.

II2. De sancta Agnete.

Ad Vesperas.

- | | |
|--|---|
| 1. Gloriosae veneremur
Agnētis solemnia,
Venerantes inflammemur
Ad cujus praeconia,
Ut amorte liberemur
Per ejus suffragia. | 2. Fides fulsit in puella
Fervens et mirabilis,
Annis erat haec tenella
Sed vita laudabilis,
Minae probant et flagella
Vim mentis immobilis. |
|--|---|

- | | |
|--|--|
| <p>3. Christum amat nec terrenum
 Sponsum vult inspicere,
 Sed abhorret ut venenum
 Juvenem cum munere,
 Cuncta reputat ut caenum
 Deo juncta foedere.</p> | <p>4. Veritatis ratione
 Post certandi studium
 Passionis in agone
 Percurrendo stadium
 Glorietur jam coronae
 Consecuta bravium.</p> |
|--|--|

5. Ergo sponsi speciosa
 Sponsa mira specie,
 Tua prece pretiosa
 Mox datori gratiae
 Nostra fiat gratiosa
 Turma deinde gloriae.

Hymn. ms. saec. 15. Clm. Monacens. 10108 A. — Orat. ms. Dorotheae de Mittelhusen. anni 1449. Clm. Monacens. 10930 B.

2, 2 Fervens admirabilis B. — 5, 1 Virgo sponsi B. — 5, 2 Sponsa fehlt B.

113. De sancta Agnete.

Ad Nocturnum.

- | | |
|---|--|
| <p>1. Dulce melos et melodis
 Concrepet concordiam
 Chorus noster, ornans odis
 Agnetis historiam
 Passionis, quibus modis
 Pervenit ad gloriam.</p> <p>2. Virgo sacra literatis
 Studiis imbuitur,
 Legi vacans veritatis
 A scholis revertitur,
 Viso vultu venustatis
 Juvenis exurit.</p> <p>3. Pulsat mentem virginalem
 Votis, prece, munere,
 Thorum petit nuptialem,
 Jungi pari foedere,
 Sed sermonem virgo talem
 Respondet cum pondere:</p> | <p>4. Ah peccati nutrimentum
 Et fomes nequitiae,
 Scias meum cor praevenit
 A sponso justitiae,
 Qui dat mihi complementum
 Inundantis gratiae.</p> <p>5. Cujus pater est uxoris,
 Mater viri nescia,
 Inde mihi fons amoris,
 Inde mentis gaudia,
 Vernant genae per cruoris
 Ejus stillicidia.</p> <p>6. Lux decoris, dignitatis
 Apex, gemma generis
 Sponsum meae castitatis
 Praedecorat ceteris,
 Nec pro jugo novitatis
 Damnum feram veteris.</p> |
|---|--|

7. Ob amorem hujus nolo
 Quemquam vel inspicere,
 In hoc placet mihi solo
 Jugiter quiescere,
 Hunc et colo, hunc adoro
 Huic laus sine tempore.

Orat. ms. Dorotheae de Mittelhusen. anni 1449. Clm. Monacens. 10930. — 1, 3 Chorus ut ornans Hs. — 1, 5 modis fehlt Hs. — 1, 6 ad aeternam gloriam Hs. — 2, 1 literarum Hs. gegen den sonst beachteten Reim. — 2, 5 Visu Hs. — 6, 5 pro jungis Hs. — 6, 6 Damnum verum Hs. — 7, 1 Ab amoris Hs.

114. De sancta Agnete.

Ad Laudes.

- | | |
|--|--|
| <p>1. Spretus livet nec livoris
Contempti confusio
Causam promit, dat languoris
Lectum desperatio,
Morbum prodit cautioris
Medici scrutatio.</p> | <p>3. Mox lupanar illustratur
Operante numine,
Alba sibi stola datur,
Nondum tacta virgine
Procus obit, suscitatur
Virginis praeamine.</p> |
| <p>2. Tunc praefecti praesentatur
Virgo tribunalibus,
Denudata perornatur
Resolutis crinibus,
Jubet judex, ut tradatur
Scortanda laenonibus.</p> | <p>4. Fides ergo roboratur
Et error confunditur,
Stat in igne nec crematur,
Populus incenditur,
Cursus ense terminatur,
Virgo palma fruitur.</p> |
5. Laudes ergo creatori
Conemur persolvere,
Pro quo virgo sancta mori
Habet [vere] vivere,
Laus sit nostro redemptori,
Qui hanc fecit vincere.

Orat. ms. Dorotheae de Mittelhusens. anni 1449. Clm. Monacens. 10930.

115. De sancta Agnete.

- | | |
|---|--|
| <p>1. Agnes, virtutum speculum,
Digna Christi ovicula,
Devicit omne saeculum
In fide manens sedula.</p> | <p>4. Nunc decollata gladio
Per vitae innocentiam
Coeli conregnat gaudio
Dei cernens clementiam.</p> |
| <p>2. Norma et decus virginum
Spes, vita, virtus, praemium,
Debilibus solatium
Reddit in vitae spatium.</p> | <p>5. Collo fuso sanguine
Divino adjuta flamine
Regis intrat palatia,
Fulta virtutis gratia.</p> |
| <p>3. Gemebundis laetitia
Datur, fugantur tristitia,
Per hanc et vitae premium
Datur per omne saeculum.</p> | <p>6. Sidus haec praeclarissimum,
Rosa splendens et lilium,
Dei exoret filium
Pro salute omnium.</p> |
7. Summo parenti gloria etc.

Hymnarius ms. cum commento saec. 15. Cod. Pragenses. XIII G. 9. —
2, 2 virtutis praemium. — 4, 2 Per vitatae.

116. De sancto Albano.

- | | |
|--|---|
| <p>1. Fortitudo certantium,
Deus, in te sperantium,
Audi preces fidelium
Tuorum te laudantium.</p> | <p>2. Quod in sanctis mirabilis
Tuis es et laudabilis,
Albani tui pugilis
Virtus ostendit stabilis.</p> |
|--|---|

- | | |
|---|---|
| 3. Vir fortis in certamine
Pro fide fuso sanguine
Confessus est te, Domine,
Pro tuo passus nomine. | 4. Hic fidei catholicae
Normam docendo publice
Pravitate haereticae
Repugnavit mirifice. |
|---|---|

Hymn. ms. Gracens. 392 saec. 15 mit Mel. A. — Brev. ms. Graecens. 1462 saec. 15. B.

117. De sancto Alexio.

In 1. Vesperis.

- | | |
|---|---|
| 1. Novum depromat canticum
Noster chorus cum jubilo,
Extollens virum coelicum
In hujus vitae nubilo. | 3. Gustata Christi gratia
Mundo factus spectaculum,
Contemnit impropria
Patientiae speculum. |
| 2. Vocatus est Alexius,
Ortus nobili genere,
Sanctitate eximius,
Dei repletus munere. | 4. Honestate mirabilis,
Urbis decus et gloria,
Odore immutabilis,
Flagrat in tota patria. |
5. Trino Deo sit gloria,
Alexio qui merita
Confert pie et praemia
Voluntate gratuita.

Brev. ms. Secoviens. saec. 15. Cod. Graecens. 1548. — 3, 1 Gustatur Christi Hs.; vielleicht für Ditatur Christi. — 4, 4 Flagrat Hs. — 5, 2 Alexio que Hs.

118. De sancto Alexio.

Ad Nocturnum.

- | | |
|---|--|
| 1. In hoc festo Alexii,
Adoptionis filii,
Gaudete cum laetitia
Ad tam sacra solemnia. | 4. Lucernam manu bajulans,
Semper praecinctis lumbis stans,
Cucurrit sic in stadio,
Ut potiatur bravio. |
| 2. Qui sciat causam pauperum
Et noscat omnem miserum,
Beatus est Alexius,
Eufemiani filius. | 5. Sancte Alexi nostra spes
Sis et laborum requies,
Pro nobis Deum supplica
Malaque nostra replica. |
| 3. Claro stipatus semine
Virtutis exstat geminae,
In paupertate patiens
Et castitate praeminens. | 6. Da nobis cuncta prospera,
Allevia sic aspera,
Ut post haec transitoria
Tecum sinus in gloria. |
7. Fac unitatis trinitas,
Trina regnantis unitas,
Ut laudum prece sedula
Laudemus te per saecula.

Brev. ms. Secoviens. saec. 15. Cod. Graecens. 1548.

119. De sancto Ambrosio.

Ad Laudes.

- | | |
|--|---|
| 1. Quod speculum laudabile
Datur matri ecclesiae,
Canite omnes populi
Cantu Domino celebri. | 5. Mysteria incognita
Scripta quoque abscondita
Plana fecit fidelibus
Pontifex hic catholicus. |
| 2. Vates magnus Ambrosius
Praedestinatus coelitus
Templum Deo recuperat,
Quod Sathanas foedaverat. | 6. Gubernando ecclesiam
Plebem correxit deviam,
Pestem fugans haereticam
Per doctrinam catholicam. |
| 3. Deus, qui nunquam deserit,
Fideles quos hic reperit,
Virum tantae indaginis
Suis praefecit filiis. | 7. Arrianorum gravia
Dicta ac nefandissima
Excluserit a fidelibus
Haec exstirpando penitus. |
| 4. Infulas pontificii
Hic gerens corde humili
Paradisi Ambrosius
Incola fit dulcissimus. | 8. Nox taetra cedit lumini,
Confunduntur haeretici,
Coeli augentur munera
Ambrosii per opera. |
| 9. Sacro confectus senio,
Carnis solvitur sacculo,
Conregnaturus Domino,
Regi regum altissimo. | |

Brev. ms. Melitens. in Pedepontis Pragens. 8. anni 1398. A. — Hymn. et Sequent. ms. S. Emmerami saec. 15/16. Clm. Monacens. 14667. B. — 1, 4 Canticum Domino B. — 2, 3 Templa Deo AB. — 2, 4 Sathan A. — 5, 3 Plana fehlt A. — 7, 1 dicta gravia verstellt A. — 7, 4 Hac A, Hoc B. — 9, 1 senio fehlt B; servo A.

120. De sancta Anastasia.

1. Clangat fortis tuba evangelica,
Nos mundum spernere, deum timere,
Sequi Jesum Christum pro cunctis passum.
2. Quem secuti multi fide suffulti,
Sexuque fragili mente virili
In Anastasia manente pia.
3. Mundi divitias, caducas pompas,
Sensibus noxia calcans omnia
Dilexit dominum in perpetuum.
4. Ipsa carceratos gratia natos
Visitans dapibus servit actibus,
Prompta martyrio gaudet cum Christo.
5. Felix martyr, ora, nobis implora
Peccatis veniam, post mortem vitam
In coelis vivere omni tempore.

6. Laus patri, laus nato, laus paraclito,
 Laus sit trinitati, laus unitati,
 Laus in hoc saeculo, laus in futuro.

Hymn. ms. Benedictoburanus anni circiter 1494. Clm. Monacens. 4750. —
 2, 1 secuturum. Hs. — 2, 2 fragilis, virilis. Hs.

121. De sancto Andrea.

- | | |
|---|---|
| 1. Gaude sacrata meritis
Andrae tellus inclytis
Festa revolvens annua,
Quis petiit coelestia. | 6. Patras hinc sane oppido
Degens divo suffragio
Urbem sanavit languidam
Salutem ferens profluam. |
| 2. Ortus Israelitica
De gente legi subdita,
Qua patriarchae splendidi
Fulserant et fiedici. | 7. Aegea sed proconsule
Furente contra Dominum
Crucis tulit suspendium,
Coelo reddidit spiritum. |
| 3. Germanus et clavigeri
Coelestis aulae exstitit,
Carnali tam propagine
Quam passionis genere. | 8. Quis sermo quaeve valeat
Lingua referre omnia,
Illa solum in patria
Quae gesserat miracula. |
| 4. Vitae qui spargens semina
Pellebat procul delubra
Achajam purgans lavacro
Plebemque sacrans domino. | 9. Nunc te precamur, hagio,
Nostra libenter excipe
Vota ferque remedium
Levando moles criminum. |
| 5. Denos quater exanimes
Ejectos maris fluctibus
Mortis tulit e faucibus,
Vitae donavit usibus. | 10. Laus, decus, par et gloria
Dicatur ab ecclesia,
Sit trinitati unicae
Constans aeterno foedere. |

Brev. ms. Mme. de Memorency anni 1597. Hsch. der kk. Familien-Fidei-
 Kommifs-Bibliothek Wien. A. — Brev. ms. Aquilegien. saec. 15. Cod. semin.
 Brixinens. s. sign. B. — Brev. ms. Damasian. saec. 15. Clm. Monacens. 5695 C.
 1, 2 inclyti A. — 4, 3 Achaeam AC. — Nach Str. 4 „Divisio“ C. —
 9, 1 Hinc te precamur C. — Str. 8 fehlt AB. — 9, 3 Vota fertque B; Vota-
 que fer A. — 10, 1 decus, pax AC.

122. De sancta Anna.

Ad Vesperas.

- | | |
|---|---|
| 1. A solis ortus cardine
Ad usque terrae limitem
Annam canamus principem,
Matrem Mariae virginis. | 3. A tempestate saeculi
Per stellae adminiculum
Hacc felix mater liberat,
Dum stellam maris generat. |
| 2. Haec inter matres praeminet
Nobilitate germinis,
Quod ventris arca continet,
Fit mater Dei hominis. | 4. Luna noctem clarificat,
Cum stirps Jesse fructificat,
Cum proles Annae nascitur,
Aurorae lux progreditur. |

- | | |
|---|---|
| <p>5. Haec mundo solem protulit,
Qui sol splendorem attulit
Nobis paternae gloriae,
Lumen totius gratiae.</p> | <p>7. Laudet chorus fidelium
Jesum Mariae filium,
Qui hanc honore, gloria
Coronavit in patria.</p> |
| <p>6. Beata mater munere,
Quae pavit sacro ubere
Mariam, fovit gremio,
Strinxit amplexu proprio.</p> | <p>8. Regnat mater cum filia,
Festa ducunt solemnna,
Jesu earum precibus
Nos junge coeli civibus.</p> |
9. Sit trinitati gloria,
Maria plena gratia,
Per te sit Christi visio
Felix nostra fruitio.

Clm. Monacens. (ol. Sanemmeramen.) 14926 saec. 15. — Mel. = A solis ortus. — 7, 1 Gaudet chorus.

123. De sancta Anna.

Ad Vesperas.

- | | |
|---|--|
| <p>1. Sanctae Annae solemnna
Jam nobis dant solatia,
Nam sua primogenita
Magna attulit gaudia.</p> | <p>3. De tua carne prodiit
Nata, quae Deum genuit,
Ipsius nos per merita
A cunctis malis libera.</p> |
| <p>2. Anna sancta, fac filiam
Tuam nobis propitiam,
Ut ipsius per gratiam
Reducamur ad patriam.</p> | <p>4. Anna, tuis fac precibus,
Vitam nostram in melius
Bene reformet citius
Aeterni patris filius.</p> |
5. Gloria tibi, Domine,
Qui natus es de virgine,
Cum patre et sancto spiritu
In saeculorum saecula.

Brev. ms. Melitens. in Pedepontis Pragens. a IV L. 270 saec. 15.

124. De sancta Anna.

Ad 1. Vesperas.

- | | |
|---|---|
| <p>1. Anna, mater egregia,
Orta de stirpe regia,
Per partum honorabilis
Filiae venerabilis.</p> | <p>3. Pari virtute conjuges
Voto jugi pervigiles
Preces fundebant humiles,
Ne permanerent steriles.</p> |
| <p>2. Cum Joachim connubio
Juncta legali studio,
Omni decore claruit,
Haerede tamen caruit.</p> | <p>4. Post crebra desideria
Divina per imperia
Anna concepit, peperit,
Femellum foetum reperit.</p> |

- | | |
|--|--|
| <p>5. Gaudet beata femina,
Humana ferre semina,
Sed gaudebat uberius,
Cum rem noscebat verius.</p> <p>6. Anna Mariam genuit,
Scretum fide tenuit,
Prius sanctam quam genitam,
Inter filias inclitam.</p> | <p>7. Arbor o salutifera
Magno fructu magnifica,
Mater prolis amabilis,
Ava prolis mirabilis.</p> <p>8. Hujus precatu, Domine,
In trinitatis nomine
Spe gaudeamus jugiter
Et vivamus perenniter.</p> |
|--|--|

Brev. ms. Pataviense saec. 15. Clm. Monacens. 11047. A. — Brev. ms. S. Nicolai ap. Patav. saec. 15. Clm. Monacens. 16146. B.
3, 3 fundebat A. — 5, 1 Gaude beata AB. — 6, 2 fidem tenuit A. —
7, 1 Arbore salutifera AB.

125. De sancta Anna.

In 1. Vesperis.

- | | |
|--|--|
| <p>1. Gaude, mater ecclesia,
Lauda Mariae gaudia,
Annae dum natalitia
Recensentur ex filia.</p> <p>3. Ergo Deo sit gloria,
Sit gratiarum actio,
Qui nos Annae ex filia
Visitavit in filio.</p> | <p>2. Felix Anna ex Maria
Tam praedulci propagine,
Ex qua divina sophia
Fulsit sub carnis tegmine.</p> |
|--|--|

Brev. ms. Dominic. saec. 14. Cod. bibl. publ. Olomucens. I VIII 4.

126. De sancta Anna.

In 1. Vesperis.

- | | |
|--|--|
| <p>1. Ave mater Anna
Dei matris alma,
Semper benedicta,
Felix coeli porta.</p> <p>2. Sumens de Abraha
Ortum patriarcha,
In partu Mariae
Mutans Evae nomen.</p> <p>3. Solve primae matris
Vincla maledictae,
Contra vim serpentis
Bona cuncta posece.</p> | <p>4. Monstra te esse matrem
Benedictionis,
Ut sis mater matris
Nati dei patris.</p> <p>5. Virgo singularis,
Fructus ventris tui
Sine labe venit
Pro salute mundi.</p> <p>6. Vitam de radice
Jesse assumpsisti,
Ex David semine
Virgam produxisti.</p> <p>7. Sit laus Deo patri,
Christo, paraceto,
Virgini, filiae
Piae matris Annae.</p> |
|--|--|

Antiph. ms. Plagense saec. 16. s. sign. A. — Brev. sec. rit. caudidiss. ord. Praemonst. imp. Parisiis 1598. B. — 2, 1 Abrahae A. — 2, 2 patriarchae A.

127. De sancta Anna.

Ad Vesp. et Noct.

- | | |
|--|---|
| 1. Honos Deo, dulce melos
Promat homo sic, ut caelos
Voce tangat, simul pangat
Laudes turba coelica. | 5. Regis ava et reginae
Mater alma, tu ruinae
Peccatorum miserorum
Miseratrix subveni. |
| 2. Annae piae sanctissimae,
Adsunt festa mitissimae,
Rex, adesto sit et praesto
Phalanx archangelica. | 6. In conspectu deitatis,
Ubi mandis cum beatis,
Nobis, Anna, dulci mœna
Dona tecum perfrui. |
| 3. Joachim te patriarcha
Ducit, Anna, sed monarcha
Heli caeli dat fideli
Tibi vitae gaudia. | 7. Civitatis tu supernae
Civis haeres, nos veterinae
Culpae natos expiatos
Redde Dei filio. |
| 4. Noemi et tu, decora
Dei sponsa, nos in hora
Salva mortis, asta fortis,
Confer et subsidia. | 8. Ut beata visione
Et coelesti mansione
Digni simus, dum transimus
Mundi de exsilio. |
9. Summo laus sit genitori,
Proli quoque redemptori,
Nobis flamen sit solamen,
Chorus hic dicat Amen.

Brev. ms. Caesareen. saec. 15. Clm. Monacens. 7924. A. — Brev. ms. Cisterciens. saec. 14. Cod. Oenipontan. 542. add. saec. 15. B. — Diurn. ms. Cisterc. saec. 15. Cod. Hamburg. 1571. C.

128. De sancta Anna.

Ad Nocturnum.

- | | |
|--|---|
| 1. Praeclari patris Abrahae
Celso exorta semine,
In quo es et benedicta
A Deo, Anna inclyta. | 3. In te insignis pietas,
In te mira benignitas,
In te felix fecunditas,
In te refulget sanctitas. |
| 2. Quae ut gemma pretiosa
Promicasti gloriosa,
Ex Aaron stirpe sacra
Christi matrem paritura. | 4. Funde preces ad filium
Tuae prolis, Jesum pium,
Ut nos post hoc exsilium
Vehat ad coeli solium. |
5. Praesta laudanda Trinita
Et adoranda unitas
Ut transferamur candii
Ad coenam agni providi.

Brev. ms. S. Floriani XI 468. saec. 14. A. — Brev. ms. Teplense anni 1353. Cod. Prag. VII G 23. B. — Brev. ms. Prag. VII A 12 saec. 14. C. — Dieselbe Hsch. C ad Laudes: „Hymnus: Sancta Anna exaltata | Es in Abrahae semine | Et amabili amicta | Virtutum pulchritudine. || Ex Aaron prosapia | Originem duxisti | Sanctitate eximia | Dei matrem protulisti. || In te insignis etc. || Funde preces etc. || Praesta laudando trinitas etc.“ || Vgl. den Hymnus: Sancta Anna benedicta.

129. De sancta Anna.

- | | |
|--|---|
| 1. Sancta Anna, benedicta
Es in semine Abrahae,
In laudabili amicta
Virtutum pulchritudine. | 3. In te insignis claritas,
In te felix benignitas,
In te viva fecunditas,
In te refulget sanctitas. |
| 2. Ex Aaron prosapia
Originem duxisti,
Sanctitate eximiam
Dei matrem protulisti. | 4. Funde preces ad filium
Tuae prolis, Jesum pium,
Ut nos post exilium
Ad coeli ducat solium. |
- Brev. ms. Pragense. VI E 4 saec. 14. A. — Brev. Pragense. imp. Venetiis
1517. B. — 2, 3 Sanctitatem B. — 3, 3 felix fecunditas A.

130. De sancta Anna.

Ad Nocturnum.

- | | |
|---|---|
| 1. Quem terra, pontus, aethera
Colunt, in Anna cumulat
Christus virtutum munera,
Quae matrem ejus bajulat. | 3. Beata mater munere,
Deus verus et pontifex
Per natam tuam libere
Casta sub arca clausus est. |
| 2. Cui luna, sol et omnia
Subsunt et cuncta sidera,
Benigna sua gratia
Replevit Annae viscera. | 4. Beata coeli nuntio,
Quo ventris tui fructus est
Salutis reparatio,
Ex quo salvator fusus est. |
5. Gloria tibi, Domine,
Qui sic disponis singula,
Ut suo sistant ordine
In sempiterna saecula.

Antiph. ms. Plagense s. sign. saec. 16. — Die ersten Zeilen der Strophen
mit der Mel. entlehnt dem Stammliede Quem terra, pontus.

131. De sancta Anna.

Ad Laudes.

- | | |
|---|--|
| 1. O gloriosa domina,
De cujus virgo genere
Coeli regentem culmina
Lactavit sacro ubere. | 3. Tu regis alti gratiam
Deposce atque veniam,
Nobis qui festa colimus
Tuae perennis gloriae. |
| 2. Quod Eva tristis abstulit
Redditur partu filiae,
Quae dum salutem protulit,
Coeli fenestra facta est. | 4. Gloria tibi, Domine,
Ex Annae nato germine,
Cum patre et sancto spiritu
In sempiterna saecula. |
- Antiph. ms. Plagense s. sign. saec. 16.

132. De sancta Anna.

Ad Matutinum.

- | | |
|--|--|
| 1. Plaudat chorus fidelium,
Coetus canat credentium
Annæ beatam feminam,
Annam matronam inclytam. | 2. Ex hac Maria prodiit,
Quae sola matrem protulit
Salva pudoris clausula
Natum regentem condita. |
|--|--|

- | | |
|--|---|
| 3. Ambae parentes nobiles
Ambaeque praedicabiles,
Mundi lucernae splendidae
Divino micant lumine. | 4. Sit laus paterno numini,
Sit filio, sit flamini,
Qui nos per Annae meritum
Coeli ducat ad aditum. |
|--|---|

Brev. ms. Altenhohenavien. saec. 15. Clm. Monacen. 2905. A. — Brev. ms. Dominic. saec. 15. Cod. Constantien. 1393. B. — Nocturnale ms. Dominic. saec. 15. Clm. Monacen. 23155. D.

133. De sancta Anna.

Ad Laudes.

- | | |
|--|---|
| 1. Felix Maria filio,
Totius orbis domino,
Felix Anna per filiam,
Stellam maris praefulgidam. | 3. Obtentu matris filiae
Mariae, plenae gratiae,
Nobis auctorem omnium
Redde, Anna, propitium. |
| 2. Annam dies hic inclytus
Vidit beari coelitus
Et cum melodis laudibus
Jungi supernis civibus. | 4. Sit laus paterno numini,
Sit filio, sit flamini,
Qui nos per Annae meritum
Coeli ducat ad aditum. |

Brev. ms. Dominican. saec. 15. Cod. bibl. publ. Constantien. 1393. A. — Brev. ms. Altenhohenavien. saec. 15. Clm. Monacen. 2905. B.

134. De sancta Anna.

In 2. Vesperis.

- | | |
|--|---|
| 1. Felix Anna, stella caeli,
Laude digna est fideli,
Hunc mundum replens gaudio
Sacrato puerperio. | 4. Memento, mater inclyta,
Quam potens es per filiam,
Nobisque prece sedula
Impetra Dei gratiam. |
| 2. Anna carnis propagine
Mariam nobis protulit,
Quae suo reddit germine,
Quod Eva tristis abstulit. | 5. Ejus nunc dona precibus,
Dator bonorum omnium,
Ut gaudiis coelestibus
Fruamur post exilium. |
| 3. O vas coelestis gratiae,
Mater reginae virginum,
Te deprecamur intime,
Posce veniam criminum. | 6. Patri natoque gloria
Simul cum sancto spiritu,
Qui per Annae suffragia
Nos defendat in exitu. |

Diurn. ms. Melitensium in Pedepontis Pragens. a IV L 270 saec. 15. A. — Brev. FF. Praedicatt. imp. Venetiis 1514. B. — 1, 1—4 Felix Anna prae aliis | Digna laude fidelium | Mundum replevit gaudio | Per sacrum puerperium B. — 2, 1 Haec de carnis progenie B. — 3, 3 Per te precamur anxie B. — 3, 4 Remissionem criminum B. — 4, 4 Procura Dei B. — 5, 1 Tuisque donet precibus B. — 6, 2 Detur cum B. — 6, 4 Conservet nos in B. — Wie man sieht, ist B stellenweise eine Überarbeitung von A.

135. De sancta Anna.

Ad Laudes.

- | | |
|--|---|
| <p>1. Hymnum coelestis gloriae
Pro Annae natalitio
Noster depromit hodie
Chorus cordis ex gaudio.</p> | <p>3. Quam benigna divinitas,
Humana pati voluit,
Fecunda dum virginitas
Fructum floris exhibuit.</p> |
| <p>2. Haec est Jesse prosapia,
Hoc gaudens privilegio,
Hac dum praefulget Maria
Fit mater Dei filio.</p> | <p>4. Ergo Deo sit gloria,
Sit gratiarum actio,
Qui nos Annae ex filia
Visitavit in filio.</p> |

Antiph. ms. Praedicatt. Cracoviens. s. sign. saec. 15/16. — Mel.: Lauda mater ecclesia.

136. De sancta Anna.

Ad Laudes.

- | | |
|--|---|
| <p>1. Omnis sanctorum concio
Claro laudis praeconio
Matrem attollat virginis
Tam gloriosi nominis.</p> | <p>3. Stirps Jesse clara floruit,
Dum Anna rosam genuit,
Quae tulit Dei filium,
Florem virtutum omnium.</p> |
| <p>2. Anna matrona nobilis,
Virtutibus spectabilis,
Mira refulsit gratia
Tali dotata filia.</p> | <p>4. Hanc filiam cum filio
Coeli locatam solio
Jam pia videt oculo,
Sancto salutat osculo.</p> |
5. Deus, lux vera cordium
Et nobile solatium,
Fac Annae per suffragia
Nos tua frui gratia.

Brev. ms. Ord. Theutonici anni 1488. Cod. arch. ord. Vindob. 184. A. —
Brev. ms. Carmeli Abenspergani anni 1482. Clm. Monacens. 2502. B.

137. De sancta Anna.

- | | |
|--|--|
| <p>1. Lauda, mater ecclesia,
Lauda Mariae gaudia,
Annae dum natalitia
Recensentur ex filia.</p> | <p>3. O quam festa felicia
Quamque profusa gaudia,
Ubi mater ex filia
Tanta praefulget gloria.</p> |
| <p>2. Felix Anna ex Maria
Tam praedulci propagine,
Ex qua divina Sophia
Fulsit carnis sub tegmine.</p> | <p>4. Ergo Deo sit gloria,
Sit gratiarum actio,
Qui nos Annae ex filia
Visitavit in filio.</p> |

Antiph. ms. Praedicatt. Cracoviens. s. sign. saec. 15/16. — Mel.: O gloriosa domina quae tua cruciamina.

138. De sancta Anna.

- | | |
|--|--|
| <p>1. Nova Annae solemnia
Novum ornat praeconium,
Nova dat nobis gaudia
Deus, creator omnium.</p> <p>2. Anna sidus aethereum
Vivis juncta sideribus,
Terra, pontus, empyreum
Exultet coelum laudibus.</p> <p>3. Anna virtutum floribus
Floruit ab infantia,
Cujus da, Jesu, precibus
Beata nobis gaudia.</p> | <p>4. Novi ut ortu sideris
Moeror cedat et gemitus,
Paraclitus qui diceris,
Veni, creator spiritus.</p> <p>5. Solve de culpa noxiis
Amore nos propitio,
Salutem confer omnibus,
Jesu, nostra redemptio.</p> <p>6. Ardorem fuga noxiis,
Fores expurga scelerum,
Pacem largire cordium,
Conditor alme siderum.</p> |
|--|--|
7. Praesta, laudanda trinitas,
Da, adoranda unitas,
Ut transferamur candidi
Ad coenam agni providi.

Brev. ms. Campoliliens. 4 saec. 15. A. — Brev. ms. Ducumburgens. 80 saec. 15. B. — Nach Str. 3 Divisio.

139. De sancta Anna.

- | | |
|---|--|
| <p>1. Sacrae parentes virginis
Post thorum diu sterilem
Deo placentem meritis
Almam dederunt sobolem.</p> <p>2. Anna Joachim credidit,
Novi partus novam prolem
Concepit, tulit, genuit,
Dei et hominis matrem.</p> | <p>3. Primam matris vae carentem,
Culpae, poenae, miseriae,
Solam serpentis victricem
In benedicto semine.</p> <p>4. Domum Dei, portam coeli,
Arcam, templum, sacrarium
Portavit spiritus sancti
Mater, matrem fidelium.</p> |
|---|--|
5. Gloria tibi, Domine,
Qui natus es de virgine,
Quam caput trivit draconis
In cubili Annae matris.

Antiph. ms. Plagens. s. sign. saec. 16. — Mel.: A solis ortus cardine.

140. De sancta Anna.

- | | |
|--|--|
| <p>1. Sol, qui de stella illuxit,
Stellae parentem produxit
Ut novae lucis radium,
Deus, creator omnium.</p> <p>2. De sancta Anna exorta
Est Maria, coeli porta,
Quasi stella matutina,
O gloriosa Domina.</p> | <p>3. Proles, quam Anna genuit.
Dominum carne induit
Pro salvandis hominibus,
Exultet coelum laudibus.</p> <p>4. Virgo et mater unica
Vim hostium annihilat,
Necans cuncta haeretica
Aurora lucis rutilat.</p> |
|--|--|

- | | |
|--|--|
| <p>5. Conemur nos excutere
De tenebrarum pulvere
Deique regnum quaerere
Jam lucis orto sidere.</p> | <p>6. O mater beatissima,
Cum prole clementissima
Posce semper prece pia
Beata nobis gaudia.</p> |
|--|--|

7. Praesta, laudanda trinitas,
Da, adoranda unitas,
Ut transferamur candidi
Ad coenam agni providi.

Hymn. ms. c. commento saec. 15. Cod. Pragens. X G 18. A. — Brev. Pragens. imp. Venetiis 1517. B. — 4, 2 annihila A. — 4, 4 rutila BA. — Str. 6 fehlt B.

141. De sancta Anna.

- | | |
|---|---|
| <p>1. Ave vitae vitis,
Ava Christi mitis,
Anna tu dignare
Nos te collaudare.</p> <p>2. Sumens nostra vota,
Quae mente devota
Tibi resonamus,
Audi quae rogamus.</p> <p>3. Solvens mortis lora
Christi nobis ora,
Anna, prece grata
Ostende placata.</p> | <p>4. Monstra vitae viam
Factam per Mariam,
Christum quae gestavit
Ipsumque lactavit.</p> <p>5. Virgo, vitae porta,
Per quam est exorta,
Annam extollamus,
Hymnos concinamus.</p> <p>6. Vitam praesta puram,
Ut mundi picturam
Laeti transeamus,
Coelos conscendamus.</p> |
|---|---|

7. Sit laus Deo patri
Summum decus Christo,
Spiritus sancto
Honor trinus et unus.

Brev. ms. Cremifanens. 262 saec. 15. A. — Antiph. ms. Cremifanens. 359 anni 1465 B. — Brev. ms. Lambacens. CLXIV. saec. 15. C. — Brev. ms. Nonnbergens. 26 B 29 saec. 15. D. — Brev. ms. S. Floriani XI 386 saec. 15. E. — Brev. ms. Lincense F o 24 saec. 15. F. — Brev. ms. Claustroneoburgens. 967 anni 1369 G.

1, 2 Anna Christi A. — 3, 2 Christum nobis ora C. — 4, 2 Sanctam per AC. — 5, 2 Per quam lux est orta AB. — 6, 2 Mundi perituram C.

142. De sancto Ansuino.

Ad Vesperas.

- | | |
|---|---|
| <p>1. Pastor gregis summi regis
Est Ansuinus ovium,
Quem decoras et honoras,
Christe, redemptor
omnium.</p> | <p>2. Hunc in templo sub exemplo
Rite formasti dotibus,
Culpas vellat, hostem pellat,
Exsultet coelum lau-
dibus.</p> |
|---|---|

- | | |
|---|---|
| <p>3. Qui mundana velut vana
Exhorruit per opera,
In quo florent et refflorent
Aeterna Christi mu-
nera</p> | <p>4. Omnis prorsus necis morsus
Vitent per sancti meritum,
Ut in messe possint esse, c. d.
Deus, tuorum mili-
tum.</p> |
| <p>5. Liga restem, fuga pestem,
Elisor hostis invidi,
Nos vocando et minando
Ad coenam agni providi.</p> | |

Brev. ms. bibl. Rossianae s. sign. saec. 14.

143. De sancto Ansuino.

Ad Nocturnum.

- | | |
|---|--|
| <p>1. Clamor plebis attollitur,
Ansuinus exposcitur,
Justus, sanctus et innocens
In praesulem eligitur.</p> | <p>4. Ergo, pater, te petimus,
Ut hostis ille pessimus,
Qui nos laborat laedere,
Pellatur, ut te cernimus.</p> |
| <p>2. Spretis terrenis opibus
Dotatus est coelestibus,
Quidquid verbis edocuit,
Comprobavit operibus.</p> | <p>5. Camerinensem populum
In tua laude sedulum
Guberna semper, inclyte,
Pellendo pacis aemulum.</p> |
| <p>3. Pauperum curam habuit
Eisque semper tribuit,
Quaecunque in hoc saeculo
Habere ipse potuit.</p> | <p>6. Decus, honor et gloria
Patri, nato, paraclito,
Sancti sint hujus gratia
Nobis mansura gaudia.</p> |

Brev. ms. saec. 14. bibl. Rossianae s. sign.

144. De sancto Ansuino.

Ad Laudes.

- | | |
|---|---|
| <p>1. Canat turba fidelium
In Ansuini laudibus,
Exsultet et cor omnium
Decoris ejus actibus.</p> | <p>3. Quorum curam retinuit,
Ut patuit in opere,
Alimoniam tribuit
Mundano spreto munere.</p> |
| <p>2. Electus est divinitus
A fratribus in praesulem,
Donatus exstat coelitus
Pauperibus in consulem.</p> | <p>4. Hujus ergo praesidium
Petimus unanimiter,
Perpetuum exsilium
Fugiamus perenniter.</p> |
| <p>5. Decus, honor et gloria
Patri, nato, paraclito,
Sancti sint hujus gratia
Nobis mansura gaudia.</p> | |

Brev. ms. saec. 14 bibl. Rossianae s. sign.

145. De sancto Antonino.

Ad Matutinum.

- | | |
|--|---|
| <p>1. Atræ noctis obscuritas
Antonini fulgoribus
Fugatur, qui prodigiis
Vitæ et signorum radiat.</p> <p>2. Virginitate niveus,
Doctrinæ luce splendidus.
Praesul et pastor optimus,
Clarum virtutis specimen.</p> <p>3. Pauper amavit pauperes,
In miseros misericors,
Intrepidus in perditos,
Plus quam mitis in humiles.</p> | <p>4. Quam potens apud Dominum,
Qui mortis jura subruit,
In hanc lucem dum revocat
Mortis revinctum nexibus.</p> <p>5. Quaesumus, auctor omnium,
In hoc paschali gaudio
Aeternæ mortis jaculum
Ejus vitemus precibus.</p> <p>6. Gloria tibi, Domine,
Qui surrexisti a mortuis,
Cum patre et almo spiritu
In sempiterna saecula.</p> |
|--|---|

Antiph. ms. Praedicatt. Cracoviens. s. sign. saec. ¹⁵/₁₆ add. saec. 16. Mit
der Intonation: Ad coenam agni.

146. De sancto Antonino.

Ad Laudes.

- | | |
|--|--|
| <p>1. Cum sol ad cursum properat,
Ad te, praesul, confugimus,
Qui tuas laudes canimus,
Tuis sub alis protege.</p> <p>2. Tu qui tot a corporibus
Morbos depellis hominum,
Casus afflictos miserans
Emenda nostras animas.</p> | <p>3. Tot jam malis atterimur,
In tot lapsus incidimus,
Ut pene spes nos deserat,
Dextram nisi porrexeris.</p> <p>4. Virgo, perpurga corpora,
Doctor, animos instrue,
Pastor, egentes refice,
Tibi cuncta debemus.</p> |
|--|--|

5. Quaesumus auctor omnium,
In hoc paschali gaudio
Aeternæ mortis jaculum
Ejus vitemus precibus.

6. Gloria tibi Domine
Qui surrexisti etc.

Antiph. ms. Praedicatt. Cracoviens. saec. ¹⁵/₁₆. — Mel.: Ad coenam agni.

147. De sancto Antonio erem.

Ad Vesperas.

1. Impetra nobis gaudia beata
Vita praesenti labili decursa,
Qui tibi hymnum canimus libenter,
Sancte Antoni.
2. Omnes remittat poenas delictorum,
Morbos avertat memorans suorum
Obtentu ignis stratis hostis telis
Pater de caelis.

3. Hos morum flores te reddentes tutum,
Quos tibi gignit area virtutum,
Te deprecamur, nobis impertiri
Pie digneris.
4. A cunctis malis prorsus liberati,
Christo renati serviamus grati,
Sic defensati, vitae praeparati
Fine carenti.
5. Nomen ut totus veneretur orbis
Christi devotus, ipsum placa nobis,
Ut viam nostrae videat salutis
Perfidus hostis.
6. Nunquam praefatus hostis dominetur,
Praestet hoc pater filiusque nobis
Spiritu sancto compareque sibi
Trinus et unus.

Antiph. ms. S. Katharinae Hamburgens. 431 saec. 15. — Mel.: Iste confessor. — 2, 3 hostis fehlt Hs. — 4, 1 prorsus liber Hs.

148. De sancto Antonio erem.

In 1. Vesperis.

- | | |
|--|---|
| 1. Nova procul et vetera
Culpa, laudemus intime
Tibi canentes vespere,
Lucis creator optime. | 4. In his Christus exhibuit
Perfectionis ordinem,
Modum vivendi statuit
Mundi parans originem. |
| 2. Qui normam poenitentium
Et formam vitae conferens
Nobis donas Antonium
Lucem dierum proferens. | 5. Ab his sumpsit exordium
Monastica perfectio,
Qua mens vivit fidelium
Et regulatur ratio. |
| 3. Cum Paulo primus vigit
Divinis vacans studiis,
Tunc desertum incoluit
Lucis novae primordiis. | 6. Regi regum sit gloria,
Qui nobis in Antonio
Dat virtutis vestigia
Eum sequendo studio. |

Diurn. ms. Paulinorum saec. 15. Cod. Gottwicens. 439 saec. 15. — 1, 4 Lucis causator Hs. — Die Schlufszeilen der vier ersten Strophen bilden die erste Strophe des Morgenhymnus Lucis creator optime.

149. De sancto Antonio erem.

Ad Nocturnum.

- | | |
|--|---|
| 1. Plaude, mater ecclesia,
Sacro gaude tripudio,
Digna prome solemnna
Pro coronato filio. | 2. Victor regnat Antonius
Hoste victo domestico,
Se victo vincit plenius
Throno locatus coelico. |
|--|---|

- | | |
|---|---|
| <p>3. Ditatus hic inopia
Contemptu gaudet hominum,
Superna dives gloria
Coelorum videt dominum.</p> <p>4. Collega felix colitur,
Dignus coeli collegio,
Cujus vita reficitur
Innovatur religio.</p> | <p>5. Antoni, lux ecclesiae,
Vitae perfectae speculum,
Consortes regi gloriae
Fac nos spernentes saeculum.</p> <p>6. Gloria patri domino
Sancti sit hujus merito
Ac ejus unigenito
Cum spiritu paraclito.</p> |
|---|---|

Brev. ms. Francisc. saec. 15. Cod. bibl. Rossianae s. sign. — 4, 1 Collegat Hs. — 4, 4 Innova chorum Hs.

150. De sancto Antonio erem.

Ad Laudes.

- | | |
|---|--|
| <p>1. Lux hortatur nos solemnibus
laudis ad praeconium,
Venerantes gloriosum
meritis Antonium,
Signa cujus tanta nostrum
implet testimonium.</p> <p>2. In deserto servus dei
florens sicut lilium,
Supernorum zelo ductus
et invisibilium,
Per angustam sequebatur
viam Dei filium.</p> <p>3. Oriundus in Aegypto
sicut sol in tenebris,
Lupa duce visitavit
montium in latebris
Paulum, qui tunc primus erat
eremita celebris.</p> | <p>4. Mira virtus et non sanae
fidei remedium,
Fuit panis angelorum
integer ad prandium,
Quem tot annis corvus ante
tulerat dimidium.</p> <p>5. Obsequentes mansuetos
vir leones meruit,
Quibus durum pro ligone
cespitem aperuit,
Ubi Paulum cum moerore
mortuum inseruit.</p> <p>6. Flagellatus et afflictus
fuit a daemonibus,
Cruce tamen praemunitus
et orationibus,
Declinavit ab illatis
infestationibus.</p> |
|---|--|
7. Deo patri sit et nato,
sancto quoque flamini
Laus et honor et potestas
deo sit et homini,
Qui fecundae partum matri
contulit et virgini.

Brev. ms. Diessens. saec. 15. Clm. Monacens. 5695. A. — Clm. Monacens. (ol. Underdorsens.) 7522 saec. 15. B. — Brev. ms. Palat. Viindob. 1945 anni 1420. C. — Brev. ms. bibl. Rossianae s. sign. saec. 14. D. — Brev. Paderbornen. imp. Lipsiae 1513 E.

1, 6 implevit E. — 2, 3 zelus dictus D. — 2, 4 et fehlt A. — 4, 1 et non inane E. — 4, 3 angelorum fehlt A. — immanuetos E. — 5, 5 Ibi Paulum D. — 5, 6 instituit.

151. In translatione s. Antonii erem.

Ad Vesperas.

- | | |
|---|--|
| <p>1. Psallat praesens haec concio
Cum cordis desiderio
In beati solemnio,
Cujus fulget confessio.</p> <p>2. Qui transportatus hodie
De transmarinis partibus
Cum triumpho victoriae
Exsultat in coelestibus.</p> <p>3. Adsit huic familiae
Suis necessitatibus
Ipsam choro ecclesiae
Et cunctis exorantibus.</p> | <p>4. O confessor sanctissime,
Qui vicisti fortissime
Hostem felicitis animae,
Ad te suut nostrae lacrymae.</p> <p>5. Ut deleas facinora,
Quae perpetrarunt corpora,
Et per tua suffragia
Nos Deo reconcilia.</p> <p>6. Sit laus patri et filio,
Qui beato Antonio
Dedit pro sacro munere
Flammas ignis exstinguere.</p> |
|---|--|
- Brev. ms. Palatinae Vindobon. 1945 anni 1420. A. — Brev. ms. Monacens. 366 saec. 15. B.

152. In translatione s. Antonii erem.

Ad Laudes.

- | | |
|--|---|
| <p>1. Antonio conferamus
Laudes et praeconia,
Cordis sibi praebeamus
Et oris obsequia,
Ut ab ipso valeamus
Possidere praemia.</p> <p>2. Qui in Thebarum privatus
Diu fuit partibus
Nunc in oris sublimatus
Exstat Viennensibus
Et frequenter nominatus
In terrarum partibus.</p> <p>3. Ut in transportatione
Narrat rei veritas,
Non ulla in conditione
Latorum asperitas
Fuit, quod tui, patrone,
Fecerat societas.</p> | <p>4. Corpus sancti gestabatur
In hostili agmine,
Quisquis hostis vincebatur
Prae ejus munimine
Et ferenti flectebatur
Ut arundo flammis.</p> <p>5. Papa ferri dum percepit
In feroci acie
Corpus sancti, tunc incepit
Vi obedientiae
Huic mandare, praecepit,
Tradi hoc ecclesiae.</p> <p>6. Dum audivit sancti lator
Mandatum, quod fecerat
Animarum gubernator,
Sibi condescenderat,
Sancti volo fore dator,
Clero sic contulerat.</p> |
|--|---|
7. Trino Deo creatori
Sit honor et gloria,
Qui tot suo confessori
Praesentavit praemia,
Ut ignis daret dolori
Barathri remedia.

Brev. ms. Palat. Vindob. 1945 anni 1420. A. — Brev. ms. Monacens. 366 saec. 15. B. — Zum Verständnis vgl. Acta SS. Jan. II. 516.

2, 1 primatus B. — 3, 3 concione AB. — 5, 1 praecepit AB; dum ferri B. — 5, 5 Hinc mandare A; praecepit fehlt B. — 5, 6 Tradi hoc fehlt B.

153. In inventione s. Antonii abbatis.

In Vesp. et Laud.

- | | |
|---|--|
| 1. Exsultet coelum laudibus
Antonii solemnio,
Adsis nobis psallentibus,
Jesu, nostra redemptio. | 5. Orans cinctus cilicio
Membra domabat tenera,
Flens meretur jejunio
Aeterna Christi munera. |
| 2. Annis puer, sensu vetus
Antonius clarissimus,
Virgo prudens, locupletus
Dei fide, qua vivimus. | 6. Superatur versutia
Daemonis per Antonium,
Protectum tua gratia,
Christe, redemptor omnium. |
| 3. Perfectus esse cupiens
Praediorum dat pretia
Egenis, frui sitiens
Aeterna coeli gloria. | 7. Antoni, fuga vitia,
Hostis fugator callidi,
Ducat nos tua gratia
Ad coenam agni providi. |
| 4. Eremum petit devium,
Fugiens turmas hominum,
Te semper habens praeivium,
Jesu, corona virginum. | 8. Laus, honor, virtus, gloria,
Imperium et dignitas
Tibi sit, regens omnia
O lux beata trinitas. |

Brev. ms. Palatin. Vindob. 1945. anni 1420. A. — Brev. ms. Francisc. saec. 15. Cod. bibl. Rossianae s. sign. B.

3, 1 Praefactus esse B. — 3, 3 Egenis frui sciens B. — 5, 3 meretur fehlt B. — 7, 3 tua fehlt B.

154. In inventione s. Antonii erem.

Ad Nocturnum.

- | | |
|--|---|
| 1. Tanti viri solemnio
Jubilemus divinitus,
Super nostro consortio
Veni, creator spiritus. | 5. Cadaver Pauli fletibus
Sepelit egens sarculi
Missis a te leonibus,
Jesu, salvator saeculi. |
| 2. Vulneratus daemonibus
Pergens iter per asperum,
Solatur tuis vocibus,
Conditor alme siderum. | 6. Felix pater Antonius
Coelos conscendit hodie,
Suscepit eum obviis
Splendor paternae gloriae. |
| 3. Expers litteris sapiens,
Vincit vates scientiae,
Signo tuo se muniens,
Magne Deus potentiae. | 7. Antoni, pater hagie,
Coelesti fulgens gloria,
Donet per te rex gloriae
Beata nobis gaudia. |
| 4. Docens eum tugurium
Pauli ferre teterrime,
His corvo mittis prandium,
Lucis creator optime. | 8. Patri sit laus et filio
Paraclitoeque flamini,
Quem laudat coeli solio
Iste confessor Domini. |

Brev. ms. Palat. Vindob. 1945 anni 1420. — Die letzten Zeilen der Strophen Antänge bekannter Hymnen.

155. De sancto Antonio Patavino.

Ad Vesperas.

- | | |
|--|---|
| <p>1. En gratulemur hodie
Christo regi jucundius,
In cujus aula gloriae
Jam jubilat Antonius.</p> <p>2. Francisci patris aemulus
Sic illi se contemperat,
Ut fonte manans rivulus
Aguas vitae circumferat.</p> <p>3. Longe lateque defluit
Sitique mortis aridos
Verbo salutis imbuat
Dans rore sacro invidos.</p> | <p>4. Hic stigmatum qui bajulo
Patri natus innititur,
Dum praedicat de titulo,
Confixus ille cernitur.</p> <p>5. Sub tanto duce militans
Vincendo se non vincitur,
Duci miles cohabitans
Jam bello non concutitur.</p> <p>6. Nos in campo certaminis
Patrum zelantes gloriam
Hic sub re nostri nominis
Vincamus ignominiam.</p> |
|--|---|
7. Praestet hoc nati genitor,
Hoc genitoris genitus
Ac par utrique conditor
Paraclitus hoc spiritus.

Brev. ms. Francisc. anni 1464. Cod. Admontens. 851 A. — Brev. ms. Francisc. saec. 14. Cod. Griesens. 27. B. — Antiph. ms. Francisc. saec. 14. Cod. Pragenses. XIII. C. 14 C. — Cod. Pragenses. XIII. B. 1. saec. 14. D. — Unvollständig und fehlerhaft bei Mone 812.

1, 1 Congratulemur C. — 3, 1 difluit A. — 5, 4 illi cernitur C. — 7, 2 genitoris fehlt A.

156. De sancto Antonio.

Ad Nocturnum.

- | | |
|---|---|
| <p>1. Laus regi plena gaudio,
Qui merces militantium,
Seipsum dat Antonio
Militiae stipendium.</p> <p>2. Antoni, vir egregie,
Qui tuae, quam praenoveras,
Hic vivens arrham gloriae,
Christum videns acceperas.</p> | <p>3. Pro te digna, dum moreris,
Natorum fit commotio,
Margaritae non funeris
Cujus fiat possessio.</p> <p>4. Hujus honorem gloriae
Praedixeras in Padua,
Quae tantis vitae gratia
Manet donis irrigua.</p> |
|---|---|
5. Per te, pater, cum filio,
Consolatorque spiritus,
A criminum contagio
Nos hic emundet funditus.

Brev. ms. Francisc. anni 1474. Cod. Hilariens. CXII. A. — Brev. ms. Francisc. anni 1464. Cod. Admontens. 851 B. — Brev. ms. Francisc. saec. 14. Cod. Griesens. 27. C. — Antiph. ms. Francisc. saec. 14. Cod. Pragenses. XIII. C. 14. D. — Mel.: In coelesti collegio D.

157. De sancto Antonio.

Ad Laudes.

- | | |
|--|---|
| <p>1. Jesu, lux vera mentium,
Nos illustra diluculo
Tot signis per Antonium
Opaco fulgens saeculo.</p> <p>2. Hic nautis in naufragio
Signo salutis adfuit,
Quibus sub lucis radio
Viae ducatum praeiuit.</p> | <p>3. Haereticum lux fidei
Signo purgat, dum jacitur
Ab alto vasis vitrei
Fragilitas nec frangitur.</p> <p>4. Irrisor lucis gratiae
Signorum languet clericus,
Post votum surgens gloriae
Sancti fit testis publicus.</p> |
|--|---|
5. Per hunc nos, pater luminum,
Signes et, lux de lumine,
Illustratoris hominum,
Cum spiritus munimine.

Brev. ms. Francisc. anni 1474. Cod. Hilariens. CXII. A. — Brev. ms. Francisc. saec. 14. Cod. Griesens. 27. B. — Antiph. ms. Francisc. saec. 14. Cod. Pragenses. XIII. C. 14. C. — Brev. ms. Francisc. anni 1464. Cod. Admontens. 851 D. — Mel.: Proles de coelo prodiit. C.

158. De sancta Apollonia.

Ad Vesperas.

- | | |
|---|---|
| <p>1. Apolloniae virginis
Inhaerentes solemniis
Cantu dulcis harmoniae
Regem laudemus gloriae.</p> <p>2. Natam a puerilibus
Annis, quam ditans moribus,
Vitiis humoribus
Privat atque squaloribus.</p> <p>3. Cellidriano tradita
Ad imbuendum inclita
A patre viro nobili
Corde flagrat immobili.</p> | <p>4. Tandem nutrici strenuae
Virginis corpus tenue
Ad educandum redditur
Christianae et creditur.</p> <p>5. Alit tenellam virginem
Nutrix, Domino celebrem,
Docens, placeret ut Deo,
Plus quam cibo corporeo.</p> <p>6. Ad verba salutifera
Nutricis Apollonia
Delectatur in Domino
Nequam despecto saeculo.</p> |
|---|---|
7. Almae sit laus trinitati,
Victoria unitati,
Apolloniae precibus
Quae nos jungat coelestibus.

Brev. ms. Melitensium in Pedepontis Pragenses. No. 8 anni 1398 add. saec. 15. A. — Antiph. ms. Pragenses. XII A 9 saec. 15 B. — Hymn. ms. c. commento saec. 15. Cod. Pragenses. XIII G 9 C. — Brev. ms. S. Jacobi Brunae 26 saec. 15. D.

2, 1 Nata puerilibus B; Natam a parentibus CD. — 2, 2 Annis puerilibus C; Annis qui ditans D. — 2, 3 Vitiis oneribus C. — 2, 4 Privatur os squaloribus C. — 3, 1 Colidano C. — 3, 2 Ad nubendum A. — 3, 4 flagratur C. — 4, 2 corpus tenerae C. — 4, 4 ut creditur C. — 5, 1 teneram virginem A; virginem teneram C. — 5, 2 Domino nutrix celerem C. — 5, 3 Docens complacere Deo C. — 6, 1 Adversa C. — 6, 4 Despecta nequam saeculo C; Nequam despecto saeculo B.

159. De sancta Apollonia.

Ad Nocturnum.

- | | |
|---|---|
| <p>1. Orbis splendor per climata,
Apollonia inclyta,
Virtutum ejus merita
Mater pandit ecclesia.</p> <p>2. Non generis mens virginis
[Nec] quoque pulchritudinis
Advertit efficaciam
Hujus per Dei gratiam.</p> | <p>3. Induta culto regio
In via, non in devio
Pedem reponens animae
Deum [petit] precamine.</p> <p>4. Almae sit laus trinitati,
Victoria unitati,
Apolloniae precibus
Qui nos jungat coelestibus.</p> |
|---|---|

Brev. ms. Melitensium in Pedepontis Pragens. 80 anni 1398.

160. De sancta Apollonia.

- | | |
|--|--|
| <p>1. Quem terra, pontus, aethera
Colunt et coeli curia,
Dignam elegit famulam
Virginem Apolloniam.</p> <p>2. Cui luna, sol et omnia
Condigna dant obsequia,
Impendit beneficia
Per hujus sanctae merita.</p> <p>3. Mirantur ergo saecula
Coelestia miracula
Patrata in hac virgine,
Quae militavit inclyte.</p> <p>4. Beata mater munere,
Quae meruisti vincere
Dira tormenta gentium
Excussione dentium.</p> | <p>5. Benedicta coeli nuntio,
Quae pro Dei filio
Ignem subisti validum
Properans ad martyrium.</p> <p>6. O gloriosa domina,
Quae post tot cruciamina
Membra relinquens saeculo
Animam coeli solio.</p> <p>7. Quod Eva tristis abstulit
Nunc paradisi gaudia,
Hoc tibi Deus contulit
Salutis per compendia.</p> <p>8. Tu regis alti janua,
Quae sanctis exstat pervia,
Fac miseris sit patula
Et nobis, Christi famula.</p> |
|--|--|

9. Gloria tibi, Domine,
Pater, fili, paraclite,
Qui sanctae Apolloniae
Exaudis nos precamine.

Hymn. ms. Hermetisvillan. anni 1553. Cod. Griesens. 23 A. — Hymn. ms. Griesens. 155 saec. ¹⁵/₁₆ B. — 1, 2 Coluntur B; coeli fehlt A. — 3, 4 militat B. — 4, 1 Sancta mater B. — 8, 3 sic pocula AB. — 9, 4 Exaudi B. — Die ersten Zeilen sämtlicher Strophen gleichen den entsprechenden des Hymnus Quem terra, pontus.

161. De sancto Arsacio.

In 1. Vesperis.

- | | |
|--|--|
| <p>1. Jucundemur melodia,
Dulcis cantus symphonia
Christo regi summo, quia
Festa adsunt nobis pia.</p> | <p>2. Vir praeclarus, venerandus
Arsacius et laudandus
Fidei se subdit, dandus
Ambrosio imbuendus.</p> |
|--|--|

- | | |
|---|---|
| <p>3. Catholicus comprehensus
Divo spiritu accensus,
A non-fide est suspensus
Factus confessor immensus.</p> <p>4. Convertit Mediolanum
Patremque Eustorianum
Et Eustorium germanum,
Toti terrae facit sanum.</p> <p>5. Matrem convertit Laudinam,
Rimariam consobrinam
Centuagiesque trinam
Tandem convertit ruinam.</p> | <p>6. Phoracem nec non Vercellas
Sanans convertit procellas,
Inopias, curisellas,
Medicinas dans novellas.</p> <p>7. Laudam demum est reversus
Et ad praesulatum versus
Per conciliique versus
Est dignitati immersus.</p> <p>8. Hic gratibus Dei rexit,
In terris quod hunc dilexit,
Quem de coelis El prospexit,
Ad se spiritum transvexit.</p> <p>9. Laus sit tibi, Deus vere,
Ex affectu cordis mere,
Omni malo nos tuere
Et da juge te videre.</p> |
|---|---|

Brev. ms. Ilminense anni 1437. Clm. Monacens. 7391. — Zum Verständniss vgl. Acta SS. Mai VII. p. LVIII. n. 21 sqq. — 5, 3 Centuagiemque Hs. — 7, 3 Pro concilii Hs. — 9, 4 da junge Hs.

162. De sancto Auctore.

Ad Vesperas.

- | | |
|---|---|
| <p>1. De Auctore nunc patrono
Nostro libet pangere,
Quem adepti Dei dono
Sumus, ne nos angere
Possit hostis, dum in throno
Huic vox queat clangere.</p> <p>2. Hunc auctor nobis coelestis
Pro patrono statuit,
Quod ex miris per hunc gestis
Gregi bene patuit,
Invocantibus nam maestis
Juvando non latuit.</p> <p>3. Iste auctor Deo gratus
Omni menda caruit,
Cum Treviris conversatus
Signifer apparuit
Et post mortem nobis datus
Ut defensor claruit.</p> | <p>4. Novae laudis hinc patroni
Hujus festa quaerito,
Nam pro laude Dei boni
Hunc laudabis merito,
Corde, voce clari soni
Laudes ergo gerito.</p> <p>5. O beate pater Auctor,
Tu te invocantibus
Tutor, rector sis et fautor
Et te deprecantibus
Sis morumque pacis auctor,
Ut adsint regnantibus.</p> <p>6. Sit divinae trinitati
Honor, laus et gloria
Auctoris veri, beati
Hujus ex memoria
Ut per hoc nostri peccati
Deleatur scoria.</p> |
|---|---|

Brev. ms. Lubicens. saec. 15. Cod. bibl. civit. ol. 62.

163. De sancto Augustino.

Ad Vesperas.

- | | |
|---|--|
| 1. Laetetur Sion filia
Ex alto fulta munere,
Chorus pangat solemniam
Jam lucis orto sidere. | 5. Altitonat sententiis
Manichaeorum pendula
Trudens, cedit a dubiis
Nox, tenebrae et nubila. |
| 2. Sidus ex solis spiculo
Augustinus scintillulat,
Obscuris in propatulo
Aurora lucis rutilat. | 6. Hinc nubila qui revehit
Ex anima justitiae,
Intronizatum provehit
Summae Deus clementiae. |
| 3. Erutilat prodigiis
Hujus in terris radius,
Edixerat ecclesiis
Ales diei nuntius. | 7. Clemens pater nos pauperes
A fauce hostis invidi
Sic praetuens fac praepares
Ad coenam agni providi. |
| 4. Praenuntius scientiae
Sacrae secreta luminat,
Imbre refusa gratiae
Vox clara ecce intonat. | 8. Provido patri, genito
Paraclitoque gloria,
Sint Augustini merito
Beata nobis gaudia. |

Brev. ms. bibl. Rossianae s. sign. saec. 15. — Die letzten Zeilen der Strophen Anfänge bekannter Hymnen; die ersten Zeilen der Strophen nehmen jedesmal ein Wort aus der letzten Zeile der vorhergehenden Strophe herüber, das durch Sperrdruck hervorgehoben.

164. De sancto Augustino.

- | | |
|---|---|
| 1. Festa patris Augustini,
Gesta praesulis divini
Celebrantes veneremur,
Admirantes imitemur. | 5. Simulacra perfidorum,
Spurca sacra reproborum
Ut Moyses annullavit
Et Phinees castigavit. |
| 2. De profundo Babylonis,
De mundo confusionis
Rex coelorum duxit talem
Ad coelestem Hierusalem. | 6. Sacra principis muscarum,
Genimina viperarum,
Ut Elias profanavit,
Ut Johannes increpavit. |
| 3. Sacerdotium regale
Regnumque sacerdotale
Hic ut David ordinavit,
Ut Salomon exornavit. | 7. Hunc post Christum imitemur,
Hunc ad Christum comitemur,
Scholam ejus frequentantes,
Stolam ejus praestolantes. |
| 4. Hic ut Aaron zelotes
Abiron consacerdotes
Aemulatus est viventes
Ad infernum descendentes. | 8. Praesta, pater et patrone,
Praesta, fili, pastor bone,
Praesta, spiritus amborum,
Stolam nobis beatorum. |

Brev. ms. Claustroneoburgens. 1200 saec. 14. A. — Hymn. ms. Claustroneoburgens. 999 saec. 14. B. — 4, 1 helotes A. — 4, 3 est fehlt A.

165. De sancto Augustino.

- | | |
|--|---|
| <p>1. Exsulemus Deo caeli
Caritatis spe fidei,
Qui ut angelum divinum
Mundo misit Augustinum.</p> <p>2. Oriens nos visitavit,
Quibus talem destinavit
Post apostolos pastorem
Apostolicum doctorem.</p> <p>3. Malleus haereticorum,
Dux et decus clericorum
Schismaticos confutavit,
Catholicos confortavit.</p> | <p>4. Libros scripsit infinitos
Et instruxit imperitos,
Lacte parvulos potavit,
Majusculos pane pavit.</p> <p>5. Hujus, Christe, nunc ducatu
In tuo discipulatu
Nos indignos tu dignare
Deo dignis aggregare.</p> <p>6. Praesta, pater et patrone,
Praesta, fili, pastor bone,
Praesta spiritus amborum
Sortem nobis electorum.</p> |
|--|---|

Brev. ms. Claustroneoburgens. 1200 saec. 14. A. — Hymn. ms. Claustroneoburgens. 999 saec. 14. B. — Mel.: Festa matris Augustini B.

166. De sancto Augustino.

- | | |
|---|---|
| <p>1. Gratulentur eremitae
Uniti coenobio,
Laetentur anachoritae
Cum cleri collegio,
Augustinus lumen vitae
Cepit ab Antonio.</p> <p>2. Audiens Simplicianum
Sociis exclamitat:
Surgunt indocti, tunc vanum
A se mundum abdicat,
Nec fuit opus humanum,
Eremum inhabitat.</p> <p>3. Augustinus baptizatur,
Exsultat ecclesia,
Te Deum hic ordinatur,
O mira solertia,
Pia mater delectatur,
Ovat coeli curia.</p> | <p>4. Veste migra hic indutus,
Praecinctus corrigia,
Ut Johannes redimitus
Est zona pellicea,
Gestus cujus est secutus
Thesbite cum Elia.</p> <p>5. Fratres Deum norma data
Jubet praediligere,
Caritate ordinata
Proximo se nectere,
Qua virtutibus ornata
Monet libros legere.</p> <p>6. Salve, pater et dux noster,
Caput nostrum inclytum,
Exoretur virgo mater,
Supplicet ad filium,
Ut in eo quivis frater
Perhorrescat vitium.</p> |
|---|---|
7. Enti summo, uno trino,
Laus, honor et gloria,
Vel rerum numero quino,
Jesu Christi gratia
Hic detur utili bino
Nobis et in patria.

Cod. Palat. Vindob. 3301 saec. 16 A. — Brev. Roman. imp. Venet. 1521 B. — 5, 1 data fehlt A. — 7, 3 Vel verum B.

167. De sancto Augustino.

- | | |
|--|--|
| <p>1. Alma parente genitus,
 Doctorum doctor maximus,
 Est primus puer deditus
 Augustinus in studiis.</p> <p>2. Hic omne, quod in literis,
 Quod artibus in liberis
 Et quidquid in scientiis,
 Nullo tradente concipit.</p> <p>3. Summe peritus apicem
 Tenebat rerum omnium,
 Replebat aures, tollitur
 Augustinus ad sidera.</p> | <p>4. Baptizat hunc Ambrosius,
 Deum laudamus intonat,
 Simplicianus monachus
 Habitum dat et cingulum.</p> <p>5. Commemoramus te, patrem
 Eremitarum colimus,
 Augustine, te poscimus,
 Sis filiis solatium.</p> <p>6. Da, pater alme, da, fili,
 Spiritus sancte, caritas,
 Te venerari jugiter
 Et Augustinum colere.</p> |
|--|--|

Cod. Palat. Vindob. 3301 saec. 16.

168. De sancta Barbara.

- | | |
|---|---|
| <p>1. Digne colit ecclesia
 Haec praeclara solemnia,
 In quibus virgo Barbara
 Conscendit super sidera.</p> <p>2. Haec blandimenta saeculi
 Sprevit et minas populi
 Reputavit pro nihilo
 Se commendando Domino.</p> | <p>3. Hinc traditur tortoribus,
 Qui poenis hanc atrocibus
 Affligunt donec abneget
 Nomen, quod [Christus] edocet.</p> <p>4. At virgo Christi nobilis,
 In fide stans immobilis,
 Fortis pugnat in stadio,
 Devicit icta gladio.</p> |
|---|---|
5. Sit honor patri Domino,
 Laus ejus unigenito,
 Pneumati sancto gloria
 In sempiterna saecula.

Brev. ms. Chimense. saec. 15. Clm. Monacens. 5306.

169. De sancta Barbara.

- | | |
|--|---|
| <p>1. Bonis sonis concordiiis
 Vox psallat in praeludiis
 Musicarum suffragia,
 Beata nobis gaudia.</p> <p>2. Auctorem mundi noverat
 Dum virgo votum apperit,
 Puritatis adest rigor,
 Rerum Deus tenax vigor.</p> <p>3. Barbara ense traditur,
 A patre sponso mittitur,
 Hanc laudant omnis angeli,
 Beatus auctor saeculi.</p> | <p>4. Ab igne post consumitur,
 Dum corpus bysso colitur
 Lucens amictu splendidi
 Ad coenam agni providi.</p> <p>5. Reis solamen porrige,
 Carnem infectam corrige,
 Ut des nobis imperium,
 Rex gloriose martyrum.</p> <p>6. Annue, sancta trinitas,
 Concede simplex unitas,
 Videre floris roridam
 Auroram lucis fulgidam.</p> |
|--|---|

Antiphon. ms. Raigradense. $\frac{F}{K}$ I α 1 anni 1325. — 2, 2 apperuit Hs. —
 4, 3 amictos Hs. — 5, 3 Ut det Hs. — 6, 1 beata trinitas Hs.

170. De sancta Barbara.

In 1. Vesperis.

- | | |
|--|--|
| <p>1. Praeelsae festum Barbarae
Concedat nos depromere
Christus, amator virginum,
Rex gloriosus martyrum.</p> <p>2. Virilem sexum respuit,
Patrisque vota renuit,
Nobilis haec locupleta
Virgo permansit Barbara.</p> <p>3. Abraham natum immolat,
Dioscorus hanc natam dat
Ad supplicia, tormenta,
Constans haec erat Barbara.</p> <p>4. Angelorum solatia
In carcere haec reclusa
Accepit, vitae pascua
Cum serto virgo Barbara.</p> | <p>5. Sicut Moyses obumbrata,
Cum stola candidissima
Te texit Christus in hora
Passionis tuae, Barbara.</p> <p>6. Tu in adspectu iudicis
Vindictam tolle vindicis,
Pro nobis prece cara sta,
Virtuosa tu Barbara.</p> <p>7. Necessitatis tempore
Corde, verbo et opere
Te invocant, o praeclara,
Cuncta ministrans Barbara.</p> <p>8. Trinum et unum rogita,
Ut corpus Christi, sacrata,
Nos pascat in mortis hora
Tuo obtentu, Barbara.</p> |
|--|--|

Brev. ms. Ilmense anni 1473 Clm. Monacens. 7391. A. — Vesperale ms. Underdorfen. saec. 15. Clm. Monacens. 7772. B. — Clm. Monacens. (ol. Superioris Altae) 9508 saec. 15. C. — Cod. S. Petri Salisburgens. a VI 52 saec. 15. D. — Brev. ms. S. Emmerami saec. 15. Clm. Monacens. 14910. E. — Brev. ms. Scriptor. Vindobon. 50 h 8. saec. 15. F.

1, 3 Christus cunctarum virginum D. — 1, 4 gloriose D. — 2, 3 Nobilisque A. — 3, 3 Ad supplicium A; Ad tortorum supplicia F. — 3, 4 Ob deitatis nomina F. — 4, 2 carcere recondita F. — 4, 4 serto haec Christicola F. — Str. 5 fehlt F. — 5, 1 adumbrata D. — Str. 6 fehlt F, dafür

Haec cum Judith castissima,
Cum Hesther praeclarissima
Reatus caput amputet,
Nos Mardochoeo colloceat.

7, 3 u. 4 Qui hanc invocant corditer | Succurrit his celeriter F. — 8, 3 Nos fehlt D. — Str. 8 lautet in F unverständlich:

Trino et uni gloria
Haec semper Dei famula,
Ut hujus per suffragia
Coeli fruamur laurea.

171. De sancta Barbara.

Ad Nocturnum.

- | | |
|--|---|
| <p>1. Beatorum ad roseta,
Tormentorum ad spineta
Barbara transivit laeta,
Laudemus Dei filium.</p> <p>2. Auster flans virtute forti
Rosam duxit hujus horti,
Quam complantant castae sorti
Flos campi, florens lilium.</p> | <p>3. Rore coelico compluta,
Fidei virtute tuta,
Sprevit et deridet muta
Simulacra gentilium.</p> <p>4. Bona nobis posce cuncta,
Sponsa sponso tuo juncta,
Contra dirae mortis puncta
Da robur et auxilium.</p> |
|--|---|

- | | |
|--|---|
| <p>5. Armis lucis te vestisti,
Dum luctamen hoc inisti,
Quibus actum devicisti
Poenarum horribilium.</p> | <p>6. Ramus palmae virescentis
Datur laudibus vincentis,
Auri cultus resplendentis
Coelestium mobilium.</p> |
| <p>7. Alme Deus, trine monos,
Jugis tibi laudis honos,
Virginales nos ad thronos
Perduc post exsilium.</p> | |

Brev. ms. S. Emmerami saec. 15. Clm. Monacens. 14910. A. — Clm. Monacens. (ol. Superioris Altae) 9508 saec. 15. Mel. = O Christi mater fulgida.

172. De sancta Barbara.

- | | |
|---|--|
| <p>1. Barbara, virgo inclita,
Coelos conscendit hodie,
Quam vexit ad coelestia
Splendor paternae gloriae.</p> | <p>4. Beata, quae in acie
Inter Sion juvenculas
Te videt lacta facie,
O lux beata trinitas.</p> |
| <p>2. Agnum sequens cum cantico
Et sponsum sine macula,
Cum quo degustat sodule
Aeterna Christi munera.</p> | <p>5. Assumpta est feliciter
Mundum linquens nequissimum,
Tecum gaudet perenniter,
Jesu corona virginum.</p> |
| <p>3. Rosa rubens martyrio
Floret ut candens lilium,
Tenet cum Dei filio
Magnum salutis gaudium.</p> | <p>6. Rogamus ergo pariter
Nos, virgo, irae filii,
Ut perducas feliciter
Ad coenam agni providi.</p> |
| <p>7. Alme pater, nos protegas,
Fili, tu nos illumina,
Det flaminis benignitas
Beata nobis gaudia.</p> | |

Clm. Monacens. (ol. S. Emmerami) 14926 saec. 15. Mit Mel. — Die Schlufszeilen der Strophen Anfänge bekannter Hymnen. — 6, 1 Rogemus Hs.

173. De sancta Barbara.

Ad Laudes.

- | | |
|---|--|
| <p>1. Hymnizemus regi Christo,
Quem collaudant in excelsio
Cives coelestis patriae
Hymnum canentes gloriae.</p> | <p>4. Pastor nequam oves perdit,
Patri prolem dum ostendit,
Oves ejus sunt locustae,
Sic punitur pastor juste.</p> |
| <p>2. Et simul nos in hac vita
Pro Barbarae solemnina
Hymnizando jubilemus,
Per hanc Christum collaudemus.</p> | <p>5. Corpus sanctum verberatur,
Cilicio dissecatur,
Costae ejus perforatae
Et lampades applicatae.</p> |
| <p>3. Confitetur trinitatem,
Infert ei pater mortem,
Sed et marmor sub pedibus
Transfert eam in montibus.</p> | <p>6. Caput ejus ex malleo
Tundi jubet ferus leo
Et mamillas amputari
Posteaque decollari.</p> |

7. Gemma Christi, o Barbara,
Nobis tecum sedem para,
Ut nos tecum feliciter
Conregnemus perenniter.

Brev. ms. Damasini. saec. 15. Clm. Monacens. 5695. — 2, 2 solemnaria Hs.; über solemnia, ae cfr. Du Cange s. h. v. — 5, 2 desiccatur Hs. — 6, 2 Tondi jubet Hs.

174. De sancta Barbara.

Ad Laudes.

- | | |
|---|--|
| <p>1. Tua prece nos insigni,
Nunc rosa, veris primula,
Dira ducis et maligni
Ne nos attentent jacula.</p> <p>2. Cum sis mitis ut agnella,
Throno regis nos insella,
Jesu, corona virginum,
Qui lux es vera luminum.</p> | <p>3. Ne dicatur nobis „ite“,
Martyr virgoque proroga,
Sed ad verbum „huc venite“
Regna patris tu eroga.</p> <p>4. Tibi decus, Jesu bone,
Laborantes qui coronae
Coeli decoras bravio,
Mundi currentes stadio.</p> |
|---|--|

Brev. ms. Ducumburgen. 74 saec. 15. A. — Brev. ms. Claustroneoburgens. 1199 saec. 14. B. — Brev. ms. Aquilegien. saec. 15. Cod. semin. Brixin. s. sign. C. — Brev. ms. Lambacen. CLXXVII saec. 15. D. — Brev. sec. notulam et ritum DD. Theutonicorum imp. s. l. 1500. E.

1, 1 Illa prece D. — 1, 2 Rosa veri primula D; Fulgens vernalis primula E. — 2, 2 instella B; installa E. — 3, 1 Ne dicas C. — 3, 3 hoc venite ABE; da venire D. — 3, 4 Regnare patris eroga BC; Stare patris tu D; Stans tu patris o roga. — 4, 1 sqq. Deo patri sit gloria ABCD.

175. De sancta Barbara.

Ad Vesperas.

- | | |
|--|--|
| <p>1. Ave vernans rosa,
Virgo gratiosa,
Barbara dignare
Nos te collaudare.</p> <p>2. Gaude Deo digna,
Dulcis et benigna,
Barbara, flos clare,
Nostri recordare</p> <p>3. Salve agna mitis,
Palme verae vitis,
Barbara fecunda,
Nos a noxa munda.</p> | <p>4. Vale cedrus lata,
In coelo plantata,
Barbara beata,
Abige peccata.</p> <p>5. Barbara formosa,
Felix, gratiosa,
Torcularis uva,
Precibus nos juva.</p> <p>6. Sit laus Deo patri,
Summo Christo decus,
Spiritus sancto,
Tribus honor unus.</p> |
|--|--|

Clm. Monacens. 8394. saec. 15. A. — Cod. S. Petri Salisburgens. a VI 52. saec. 15. B. — Cod. S. Petri Salisburgens. a VI 35. saec. 15. C. — Clm. Monacens. (ol. Tegurin.) 20021 anni 1470. D.

176. De sancta Barbara.

Ad Nocturnum.

- | | |
|--|---|
| 1. Ave, martyr alma,
Florens sicut palma,
Barbara decora,
Tu pro nobis ora. | 4. Vale, templum Dei
Pulchrae speciei,
Barbara nunc rei
Miserere mei. |
| 2. Gaude, benedicta
Athleta invicta,
Barbara insignis
Opem fer indignis. | 5. Barbara praeclara,
Christo Jesu cara,
Pia, reverenda,
Ipso nos commenda |
| 3. Salve, vas honoris,
Sponsa salvatoris,
Barbara dilecta,
Duc nos via recta. | 6. Sit laus Deo patri
Summo Christo decus
Spiritus sancto
Tribus honor unus. |

Clm. Monacens. 8394. saec. 15. A. — Cod. S. Petri Salisburg. a VI 52 saec. 15. B. — Cod. S. Petri Salisburg. a VI 35 saec. 15. C. — Clm. Monacens. (ol. Tegurin.) 20021 anni 1470. D. — 2, 1 u. 2 Gaude athleta invicta | Barbara benedicta BC.

177. De sancta Barbara.

Ad Laudes.

- | | |
|--|--|
| 1. Ave gemma splendens
Liliumque candens,
Barbara praeulgens,
Nobis esto clemens. | 4. Vale, salve, gaude,
Ave digna laude,
Barbara suavis,
Junge nos beatis. |
| 2. Gaude vitae vena,
Caritate plena,
Barbara serena,
Salva nos a poena. | 5. Barbara, flos florum,
Consors angelorum,
Memento reorum
In regno coelorum. |
| 3. Salve micans stella,
Gratiarum cella,
Barbara sacrata,
Nobis Christum placa. | 6. Sit laus Deo patri,
Summo Christo decus,
Spiritus sancto,
Tribus honor unus. |

Clm. Monacens. 8394. saec. 15. A. — Cod. S. Petri Salisburgens. a VI 15. saec. 15. B. — Cod. S. Petri Salisburgens. a VI 35 saec. 15. C. — Clm. Monacens. (ol. Tegurin.) 20021 anni 1470. D.

178. In translatione sanctae Barbarae.

- | | |
|--|--|
| 1. Adsunt plausu celetria
Lucis hujus praeconia,
Qua virgo martyr inclita
Mundi triumphat Barbara | 2. Haec vaga mundi gaudia
Et blandimenta noxia,
Patrem linquens et praedia
Lucra metit coelestia. |
|--|--|



- | | |
|---|---|
| <p>3. Grata patri per omnia
Digna nutritur gloria,
Lautam favoris gratia
Turris servat custodia.</p> <p>4. Formosa foris facie,
Sed fidei pro specie
Fulget intus formosior
Et sponso sponsa gratior.</p> <p>5. Unica patris filia
Unico matris filio,
Eximio eximia
Se copulat obsequio.</p> <p>6. Perempta patris furia
Sponsi potitur copia,
Suscepta coeli curia
Regis locatur regia.</p> | <p>7. Qua virgo cum virginibus
Et martyr cum martyribus
Cantat felix feliciter,
Laus tibi, Christe, jugiter.</p> <p>8. Juncta sponsi complexibus
Jam coelica coelestibus
Nos virgo martyr socia
Post hujus vitae spatia.</p> <p>9. Ut agnum sine macula
Sequamur per tripudia
Sanctorum aeternalia
In saeculorum saecula.</p> <p>10. Praesta, pater ingenite,
Patrisque unigenite
Et utriusque spiritus,
Dexter Dei tu digitus.</p> |
|---|---|

Hymn. ms. Superioris Altae saec. 15. Clm. Monacens. 9508 mit Mel. A. — Brev. ms. saec. 15. Clm. Monacens. 26681. B. — Brev. ms. S. Floriani XI, 475 saec. 14. C. — Brev. ms. S. Floriani XI 403 saec. 15. D.

1, 3 Patris linquens D. — 3, 3 Tanta favoris C. — 3, 4 Munda servat praecordia D. — 4, 2 per speciem D. — 6, 4 Regis locat in regia B; locat in gloria D. — 7, 3 Tanta felix B. — 8, 1 Cuncta sponsi B. — 9, 1 Et agnum B. — 9, 2 Sequatur B.

179. De sancto Bartholomaeo.

- | | |
|--|--|
| <p>1. Psallat chorus in jubilo
Superno regi domino,
Qui nos dat apostolico
Gaudere patrocinio.</p> <p>2. Bartholomaei merita
Decantet haec ecclesia,
Cujus sacra solemnina
Praesentet laude debita.</p> <p>3. Christi missus dum praedicat,
Gentilitatem abdicat,
Plebemque Deo dedicat,
Deum patrem magnificat.</p> | <p>4. Vexatam regis filiam
Per daemonis invidiam
Sanat ad Dei gloriam,
Convertit idolatriam.</p> <p>5. Christo credit Polymius
Creditque Deo populus,
In eis atque omnibus
Laudatur Dei filius.</p> <p>6. Astragis saevit feritas,
Exuitur humanitas,
Sancto datur felicitas,
Superno regi claritas.</p> |
|--|--|
7. Voto precamur supplici,
Ut precibus apostoli
Nos a reatu liberi
Possimus Deo perfrui.

Brev. ms. Secovien. saec. 15. Cod. Gracen. 1548. — 2, 4 laude semita.

180. De sancto Bartholomaeo.

1. Laudibus dignis resonemus hymnis,
Additur caelis Domino fidelis
Civis, elatus meritis, beatus
Bartholomaeus.
2. In die coetus modulari laetus
Vocibus festis jubilans canoris,
Gloriae sanctum recolens triumphum
Bartholomaei.
3. Hominis sedem gembundus aedem
Hostis antiquus fugiens iniquus,
Tristis abscedit quaerulusque cedit
Bartholomaeo.
4. Noluit justum latere magistrum
Indus antiquum fugiendo ritum,
Verae sementem fidei serentem
Bartholomaeum.
5. Te parem Petro memorem beato,
Qui tenet primam monetam sacratam,
[Cui datur] prima, tibi sors secunda,
Bartholomaeae.
6. Laus Deo patri genitaeque proli,
Flamini sancto reboat in alto
Gloria coeto, requie potito
Bartholomaeo.

Hymnar. ms. Griesens. 154 saec. 16. — 2, 2 canorum Hs. gegen den Reim. — 3, 1 gemebundum Hs. — 4, 1 Noluerat Hs. — 5, 1 beate Hs. gegen den Reim. — 5, 3 Lücke von drei Silben. — 6, 1 genitique Hs.

181. De sancto Bartholomaeo.

- | | |
|--|--|
| <p>1. Apostoli sollemnia
Suscipiat ecclesia,
Concinat vox angelica
Plebs laudet cum laetitia.</p> | <p>4. Sic Deus hoc ulciscitur,
Rex Astrages confunditur,
Daemonio prosternitur,
Nece saeva corripitur.</p> |
| <p>2. Per quem teruntur crimina,
Curatur regis filia,
Rex cedit atque milia,
Gaudet coelestis curia.</p> | <p>5. O sancte Bartholomeae,
O pontifex aetheree,
Fer nobis opem veniae
A Deo tibi traditae.</p> |
| <p>3. Qui vincens in martyrio,
Carnis discerpto corio,
Coetu ductus angelico,
Caput submitit gladio.</p> | <p>6. Ut cum iudex consederis
Judicibus cum ceteris,
Ne damnemur sceleris
Adsta pro tuis famulis.</p> |

7. Praesta, pater piissime
Jesuque perdulcissime
Ac spiritus clementiae,
Rex regum electissime.

Brev. Misnense imp. Lipsiae. 1502. — 1, 4 laudat. — 2, 2 Curare. — 3, 2 discerptus. — 6, 4 Adsta tu pro.

— 182. De sancto Benedicto.

1. Rex benedicte, benedic et protege
Laudantes tuum Benedictum fanulum,
Qui benedictus nomine et moribus
Claruit signis, quod est tui muneris.
2. Vas reformabat, quod casus diviserat,
Nunc miserando nos reformet animo,
Impetrans nobis fontem veri luminis,
Ad cujus precem silex fudit laticem.
3. Vincla ligati nutu solvit oculi,
Clemens nostrorum vincla solvat scelorum,
Ut certo pede gradiamur tramite,
Quem suasit nobis ipse dux examinis.
4. Rex Christe, tuum secretalem intimum,
Qui ut orabat, mortuus revixerat,
Nos mortis reos, morte cordis mortuos,
A morte mala ejus prece libera.
5. Ad te tendebat, ad te per te venerat,
Nunc videns tecum tui regni gaudium,
Nos tanti patris congaudentes gaudio
Psallamus odas, sit tibi laus, trinitas.

Brev. ms. Lambacen. CLXXIII. saec. 14. A. — Brev. ms. Lincen. F p 19.
saec. 12. B. — Brev. ms. Raigraden. $\frac{D}{K}$ I a 17. saec. 14. C. — Cod. Palatin.
Vindob. 1826 saec. 12. D. — Diurn. ms. Graecens. 1463 anni 1357. E. —
Brev. ms. Cellae Principum saec. 14. Clm. Monacens. 7213. F. — Brev. ms.
Caesareense saec. 15. Clm. Monacens. 7922. G. — 3, 3 recto pede B. — 3, 4
exanimis A. — 4, 1 Per Christe B; O Christe tuum CD. — 4, 3 mortis corde
B. — 5, 4 laus tibi A.

183. De sancto Benedicto.

Ad Nocturnum.

1. Ut tuae vitae, Benedicte, laudes
Nunc tui digne famuli canamus,
Cordis impuri maculam tu apte
Solve precatu.
2. Tu monachorum pater et magister,
Caelibem vitam sacer edidisti
Atque doctrinae monumenta signis
Ipse probasti.

3. O nimis felix, pater alme, semper
Angelis vita, spiritu prophetis,
Patribus signis, Domini ministris
Par documentis.
4. Est satis solos alios venire
Et suas Christo animas lucrari,
Tu subornatus grege centuplato
Appetis astra.
5. Quo tot a Christo redimite sertis,
Quot tuis scriptis animas lucraris,
Inter has et nos simul adnotari,
Sancte, precare.
6. Hoc pater praestet, hoc idem parentis
Unicus natus sibi comperennis,
Hoc sacer flatus, Deus unus una
Omne per aevum.

Brev. ms. Benedict. saec. 14. Clm. Monacens. 23 179.

184. De sancto Benedicto.

Ad Completorium.

- | | |
|--|--|
| 1. Te, Christe, rex piissime,
Hic confitendo jugiter
Calcavit hostem fortiter
Superbum ac satellitem. | 3. Plus currit in certamine
Confessor iste sustinens,
Quam martyr ictu sufferens
Mucrone fundens sanguinem. |
| 2. Virtutum actu et fide
Confessionis ordine
Jejuna membra deferens
Dapes supernas obtinet. | 4. Proinde te, piissime,
Precamur hujus supplices,
Ut hujus almi gratia
Nobis remittas debita. |
| 5. Gloria tibi, Domine,
Gloria unigenito
Una cum sancto spiritu
In sempiterna saecula. | |

Brev. ms. Thierhauptense saec. 15. Clm. Monacens. 21 007.

185. De sancto Benedicto.

- | | |
|--|---|
| 1. Monachorum praeducem,
Benedictum caelibem
Laudemus cum cantico
Cordis in tripudio. | 3. Regularis vitae mores
Reputans ut coeli flores,
In specus latibulo
Se recepit clanculo. |
| 2. Annos pueritiae
Dispensando provide
Subtraxit a saeculo,
Quos libavit Domino. | 4. Curam carnis respuens,
Poenis se subjiciens,
Totum suum vivere
Dedit parsimoniae. |

- | | |
|---|---|
| <p>5. Merulae sub specie
Princeps castrimargiae
Temptat doctorem gratiae
Per florem pudicitiae.</p> <p>6. A Romano monacho
Pascitur edulio,
Quem a specu solito
Vocat tintinnabulo.</p> | <p>7. Nobis ejus precibus
Sit placatus Dominus,
Ut per ejus gratiam
Consequamur gloriam.</p> <p>8. Nobis pater et filius
Praestet hoc et paraclitus,
Ut simus in patria
Per infinita saecula.</p> |
|---|---|

Cod. Palat. Vindobon. (ol. Campensis) 883 saec. ¹⁴/₁₅. — Das Lied steht in einer Reihe liturgischer Hymnen.

186. De sancto Benedicto.

Ad Laudes.

- | | |
|---|--|
| <p>1. Laudes canoras concrepet
Pugnantium ecclesia,
Hostesque malos increpet
Benedicti potentia.</p> <p>2. Qua membra sanat arida,
Visum caecis restituit,
Surgunt defuncta corpora,
Istud in multis patuit.</p> <p>3. Construuntur coenobia,
Sacra dat pater monita,
Arcta vivunt inedia,
Dote dotantur coelica.</p> | <p>4. Uterque sexus advenit,
Datam observant normulam,
Coctum vinumque horruit
Istam professus regulam.</p> <p>5. Recitat hoc Gregorius,
Doctor hujus et filius,
Quem sublimavit Dominus
Non aliis infimius.</p> <p>6. Patri natoque gloria,
Decus, honor paraclito,
Nobis aeterna gaudia
Sint Benedicti merito.</p> |
|---|--|

Brev. ms. Francisc. saec. 15. Cod. s. sign. bibl. Rossianae. — 3, 4 Docte doctantur Hs. — 5, 1 hoc Hieronymus Hs.

187. De sancto Benedicto.

- | | |
|--|--|
| <p>1. Gaude civitas coelestis,
Quod beatus adest testis
Junctus tibi Benedictus,
Dei famulus invictus.</p> <p>2. Hic in terris mundum suis
Despexit cum fallaciis,
Vas ubi prece solidat,
Fugit, ne laude pereat.</p> <p>3. Vestem panem dat Romanus,
Sed antiqui saevit manus,
Dum submitti panem novit,
Hostis ictu molem movit.</p> | <p>4. Sacerdote visitatur,
Paschae dies nuntiatur,
Sumunt cibum simul laeti
Dei gratia repleti.</p> <p>5. Currit Maurus jussu patris
Petri graditurque viis,
Super liquens elementum
Demersum trahit Placidum.</p> <p>6. Electo grex veneficum
Patri praesentat poculum,
Sed signo crucis edito
Vas eliquescit subito.</p> |
|--|--|

7. O Benedicte, sine mora
Tu pro nobis semper ora,
Utque nobis expurgatis
Sit portio cum beatis.

8. Honor, decus et potestas
Una tibi sit majestas,
In qua pater, verbum, flamen
Unus Deus regnat. Amen.

Brev. ms. Alrispacen. saec. 15. Clm. Monacens. 2820. A. — Brev. ms. Campi principum anni 1494. Clm. Monacens. 6918. B. — Brev. ms. Cisterciens. saec. 14. Clm. Monacens. 23280. C. — 7, 1 Benedicte sine C.

188. De sancto Benedicto.

Ad Matutinum.

1. Felix nostra religio
Ad Benedictum clamitet,
Eductos de exsilio
Jesu sanctis nos societ.
2. Jesu virtute clericum
A potestate daemonis
Eripuit, propheticum
Jussum hoc dans et numinis:
3. Non carnes edas amplius,
Sacros non petas ordines,
Sin vero tibi fortius
Adhuc illudent daemones.

4. Sed jussum patris clericus
Oblitus verbum accidit,
Quod dixit Christi famulus
Turpique morte concidit.
5. Abba pater, nos visita
Tuae splendore gratiae,
Perficere da cognita,
Consortes nos fac gloriae.
6. Patri natoque gloria,
Decus, honor paraclito,
Nobis aeterna gaudia
Sint Benedicti merita.

Brev. ms. Francisc. saec. 15. Cod. bibl. Rossianae. s. sign.

189. De sancto Benedicto.

1. Deus, tuorum militum
Spes et corona, praemium,
Intende pronis auribus
Indignis nostris vocibus.
2. Qui Benedictum hodie
Ab omni purum crimine
Eductum carnis cavea
Levasti super aethera.

3. Ob ejus alma merita
Nostra relaxa crimina
Hic liberans a noxiis
Et in futuris saeculis.
4. Te cuncta laudant pariter,
Summe cunctorum arbiter,
Est cujus regnum stabile
Per aevum sine tempore.

Brev. ms. S. Emmerami. anni 1511. Clm. Monacens. 14575.

190. De sancto Benedicto.

Ad Vesperas.

1. Christe, verum lumen patris,
Te fatemur, hagio,
Natum almae carne matris
Humanae substantiae,
Hic patrem promisit natis
Benedictum hodie.

2. Christus sibi lumen dedit,
Quo lustravit lumine
Mundum tenebrosam, cedit
Daemon sibi fulmine,
Suo Deo cum obedit
Sancto plenus flamine.

- | | |
|---|---|
| <p>3. Hic nam scripsit monachorum
Planam stilo regulam,
Altam donis meritum
Observantibus eam,
In qua normam vidit morum
Et vivendi formulam.</p> | <p>5. Cum invidit patri, vidit
Quod necare poterat
Sanctum patrem, tulit panem,
Viro, quem infecerat,
Sancto mandat, quod hunc
mandat,
Hic ut corvus auferat.</p> |
| <p>4. Sicut scripsit, ita vixit,
Testis est Gregorius,
Ut vivebat, sic monebat
Alios liberius,
Inde furit, mentem urit
Presbyter Florentius.</p> | <p>6. Da, ut rite, Benedicte,
Vivamus in regula,
Quam professi sumus, fessi
Non simus, sed omnia
Peragamus, ut vivamus
Cum sanctis per saecula.</p> |

Brev. ms. Francisc. saec. 15. bibl. Rossianae s. sign. — 1, 5 Hic pacem
Hs. — 5, 1 in vidi Hs. — 5, 6 His ut Hs. — 6, 3 Quem professi Hs.

191. De sancto Benedicto.

Ad Completorium.

1. Bonum doctrinae, gratia nomine,
Vas disciplinae, tradito lumine
Terrae Nursinae sine caligine,
Mentis ruinae lux carens flamine.
2. Errantem mundum cum sua gloria
Et moribundum patrisque praedia,
O Benedicte, spernis ut labilis,
Vitae non fictae vir venerabilis.
3. Non temptamenta carnis acerrima
Vel blandimenta trahunt ad infima
Te, sed frutecta purgant incendia,
Virtus directa superat omnia.
4. Errorem gregis provide pectore
Non facto tegis mystico robore,
Ampullae virus in cruce spargitur,
Sic hostis dirus publice sternitur.
5. Diu vagantem cum pio verbere
Facis orantem coelico munere,
Aquam producis montis in vertice,
Servum reducis cadens a stipite.
6. Instans mergentem trahis a flumine,
Post zeli dentem sentis asperrime,
Hinc levigatur lapis in opere,
Daemon fugatur, flamma stridet aere.

7. Contritum servas subito puerum,
Gulam explanas, Totilam scis herum,
Dicis futura, clericus solvitur,
Fles pro stuctura flascae tegitur.
8. Dum mappas spernis, puer abjicitur,
Farinam sternis, fabrica struitur,
Linguis das minas vagusque moritur,
Draconem minas, debitum solvitur.
9. Vas stat illaesum, defluit oleum,
Hinc sanas caesum, galla ducit reum,
Defunctus redit, flet soror nimium,
Haec morti cedit, fis sciis omnium.
10. Scribis mandata, nuntias ultima,
Specu sanata fit cito femina,
Labem peccati dele, da gaudia,
Sit trinitati laus, honor, gloria.

Clm. Monacens. (ol. S. Emmerami) 14926 saec. 15. — Mit Mel.

Nach Str. 5 Divisio, wodurch der liturgische Gebrauch aufser Zweifel. — 1, 3 Nursiae gegen den Reim Hs. — 7, 2 Glilam explanans Hs. Es ist das Lib. 2 Dialogg. c. XII erzählte gemeint, weshalb sich gula, allenfalls noch cella, als Emendation empfiehlt.

192. De sancto Benedicto.

- | | |
|---|--|
| 1. Benedictus sit dominus,
Qui junxit sibi cominus
Sanctum patrem Benedictum,
Quia gessit cor invictum
Christum prae cunctis
diligens. | 5. Ferrum natat de profundo,
Crux vas fregit cum immund
Potu, Placidus levatur
Ex aquis et reportatur
Ad paternum gremium. |
| 2. Is nomine de gratia,
Progenitus de Nursia,
Clarior ortus parentibus
Scolis est Romae traditus
Nil praeter Deum sitiens. | 6. Oleum multiplicatur,
Patris natus suscitatur,
In columba demonstratur
Anima sororis, datur
Ad supernum gaudium. |
| 3. Mundum fugat cum floribus
Pomposius spreto moribus,
Romani sumit habitum
Divine sibi praescitum,
Hunc nutrix quaerit sedula. | 7. Aquas petra produxisti,
Verus legis lator Christi,
Animam ferre vidisti
Germani teque praescisti
Finiendum citius. |
| 4. Sacerdos illi mittitur,
Paschae cibos ut deferat,
Qui ab ambobus sumitur
Et laudes Deo praedicat,
Cui sit honor per saecula. | 8. Archimandrita fidelis,
Verus haeres Israelis,
A morte nos suscitatos
Domino conjunge gratos,
Ut assumamur mitius. |

9. Pater, flamen et tu, Christe,
Fac, quod rogat sanctus iste,
Ut pro nobis oret is te
Collaudetque plus quam bis te
Sanctis cum coelestibus.

Diurnale ms. Campolilien. anni 1433. Cod. Altovadens. XIV. A. — Brev.
ms. Graecen. 1658 saec. 14. B. — 4, 2 cibus B. — 9, 3 Te ut pro nobis B;
nobis orat A.

193. De sancto Benedicto.

Ad Vesperas.

- | | |
|---|---|
| 1. Benedicti solemnitas
Adest, quem mira sanctitas
Christi monstravit famulum,
Dum puer sprevit saeculum. | 5. Defunctos culpis exuit,
Dracone vagum terruit,
Dat debitori pretium,
Adauct vasis oleum. |
| 2. Vas fractum prece reparat
Et ad deserta properat,
Carnis obstat illecebrae,
Crux virus frangit funebre. | 6. Vexatum mundans alapat,
Cathenas visu dissipat,
Defunctum patri reddidit,
Sororem coelo respicit. |
| 3. Virgo domat instabilem,
Dat rupis aquam bibilem,
De lacu ferrum redditur,
Fluctus Mauro percurritur. | 7. Jesu munitus sanguine
Dum ad preces erigitur,
Transit et clara lumine
Via, qua migrat, cernitur. |
| 4. Venenum corvus dejecit,
Mors hostis sanctum afficit,
Saxum gravatum tollitur,
Illudens flamma pellitur. | 8. Insanae sensum tribuit
Specus, quam quondam coluit,
Sic etiam post obitum
Viventis vivit meritum. |
| 9. Cum genitore genito
Sit honor et paraclito,
Qui salvet nos a crimine
Benedicti precamine. | |

Clm. Monacens. (ol. S. Emmerami) 14343. saec. 15.

194. De sancto Benedicto.

Ad Laudes.

- | | |
|---|--|
| 1. Aurora surgit aurea
Festa restaurans annua,
Cum Benedictus arduum
Coeli scandit palatium. | 3. Cujus carentum gratia
Tellus vomit cadavera,
Devotis unda liquida
Sicca lambit vestigia. |
| 2. Quanta in summis accipit,
Qui sic in imis claruit,
Cujus micant prodigia
Per ampla mundi climata. | 4. Totius orbis ambitum
Per solis vidit radium,
Mens in auctore posita
Subjecta cernit omnia. |

- | | |
|---|--|
| <p>5. Te, summe pater, quaesumus
Pronae mentis visceribus,
In coelum des conscendere,
Quos terram doces spernere.</p> | <p>6. Sit patri laus ingenito
Sit decus unigenito
Sit utriusque parili
Majestas [sacro] flomini.</p> |
|---|--|

Brev. ms. Neoclaustren. XII F 23 saec. 15. A. — Brev. ms. Admonten. 746 anni 1439. B. — Brev. ms. Benedict. saec. 15. Cod. Palat. Vindob. 1896. C. — Inter opp. Petri Damiani PP. LL. 145, p. 958.

1, 2 restaurat C. — 2, 1 accepit B. — 3, 2 Tellus movit C. — 4, 3 in actore C. — Doxologie fehlt AC.

195. De sancto Benedicto.

- | | |
|--|--|
| <p>1. Beata nobis gaudia
Anni reduxit orbita,
Dum Benedicti spiritus
Thronis datur coelestibus.</p> <p>2. Exsultet Sion filia
Tanti patris praesentia,
Cujus vita terrestria
Florent, fragrant coelestia.</p> <p>3. Naturae stupent opera
Nova patris miracula,
Dum nutrici compatitur,
Vas fractum quod reficitur.</p> <p>4. Aeterni regis munera
Degustans petit abdita,
Quibus dum fert angustias
Hostis vincit versutias.</p> <p>5. Doctus hinc Dei digito
Dei vir exercitio
Sed ad vitae monasticae
Fit pastor regis gloriae.</p> | <p>6. Ira frendens plebs subdita
Patri veneni pocula
Dat, sed crucis signaculo
Vas rumpit velut jaculo.</p> <p>7. Curam confert dolentibus,
Aegris salutem mentibus
Praestat, fugat daemonia,
Praesens videt absentia.</p> <p>8. Totam sub solis radio
Mundi conspexit machinam,
Sicut columbam candidam
Vidit sororis animam.</p> <p>9. Vitam duxit sanctissimam
Et famam felicissimam
Fineque perfectissimo
Cessit ab hoc ergastulo.</p> <p>10. Summo patri sit gloria
Natoque laus sit maxima,
Honor, decus, decentia
Sit pneumati per saecula.</p> |
|--|--|

Brev. ms. S. Crucis 310 saec. 15. A. — Brev. ms. Campolilien. 1 saec. 14. B. — 4, 2 Petra degustans abdita B. — 6, 4 tamquam jaculo B.

196. De sancto Benedicto.

- | | |
|--|--|
| <p>1. Beata nobis gaudia
Commendant haec solemnia,
Quae pater unctus gratia
Fruens habet in gloria.</p> <p>2. Exsultet ergo concio
Patris hoc natalitio,
Sit gratiarum actio
De Dei beneficio.</p> | <p>3. Ne mundi sequens vitium
Subiret praecipitium,
Reliquit artis studium
Deserti petens stadium.</p> <p>4. Aetatem transit moribus
Resistens voluptatibus,
Spretis vitae favoribus
Se dedit fatigatibus.</p> |
|--|--|

- | | |
|--|--|
| <p>5. Dehinc virtute proficit,
Quem Deus patrem praeficit,
Vita doctrinam elicit
In regula, quam conficit.</p> <p>6. In cujus almo dogmate
Vita formatur stigmate
Christi virtutum schemate
Culpa remota themate.</p> <p>7. Culmen postremo gratiae
Contingens mentis acie
Refulsit sine macie
Perfectionis facie.</p> | <p>8. Tantis pollens virtutibus
Mirandis lucet actibus,
Quare coronis pluribus
Exsultat in coelestibus.</p> <p>9. Vir venerande numine
Benedictus et nomine,
Fac, o pater et domine,
Nos dignos coeli lumine.</p> <p>10. Sit trinitati gloria,
Quae nos ab hac aporia
Mundos a culpa scoria
Locet in monte Moriah.</p> |
|--|--|

Brev. ms. Altovaden. LXVI. saec. 14. A. — Diurnale ms. Altovaden. XV saec. 14. B. — Antiph. Cisterc. saec. 14. Cod. Pragense. XII C 7. C. — Cod. Palat. Vindob. (ol. Campensis) 883 saec. 14 et 15. D.

197. De sancto Benedicto.

- | | |
|--|---|
| <p>1. O Benedicte inclite,
Christi athleta splendide,
Adesto nostris precibus,
Quas pie tibi fundimus.</p> <p>2. O gloriose patrone,
Nostrae salutis opifex,
Ut digne demus cantica
Nostra disrumpe vincula.</p> | <p>3. Adesse tuis famulis
Dignare, dux amabilis,
Sentiant nostra pectora
Tua semper munimina.</p> <p>4. Tu es nostrum refugium,
Tu robur potentissimum,
Tu salus et protectio,
Nostraque jubilatio.</p> |
|--|---|

Cod. Palat. Vindob. 4089 anni 1460. — Die Form des Liedes läßt in demselben den liturgischen Hymnus nicht verkennen.

198. De sancto Bernardino.

In Vesperis.

- | | |
|---|--|
| <p>1. Lux ex Olympo prodiens
Mentes humanas docuit,
Dum vis divina praeferens
In Bernardino claruit.</p> <p>2. In Bernardino claruit
Triplex virtutis ratio,
Os puro corde paruit,
Concordat operatio.</p> <p>3. Concordat operatio
Petentium oraculis,
Dum sancti praedicatio
Corruscavit miraculis.</p> | <p>4. Corruscavit miraculis
Vivens et mundo moriens,
Cujus claret spectaculis
Sepulchrum votis annuens.</p> <p>5. Sepulchrum votis annuens
Sanat morbos et vulnera,
Extollit quisque rediens
Deum, qui fecit opera.</p> <p>6. Deum, qui fecit opera,
Collaudat omnis spiritus,
Ut nobis septem munera
Sancti prece det coelitus.</p> |
|---|--|

Brev. ms. Francisc. Graecens. T 12° 2. saec. 15. A. — Diurn. ms. Francisc. saec. 15. Cod. Pragense. VII II 8. — mit vier Intonationsweisen. B. — Der Hymnus hat die Eigentümlichkeit, daß jede Strophe die Schlusszeile der vorhergehenden wieder aufnimmt.

199. De sancto Bernhardino.

Ad Nocturnum.

- | | |
|---|--|
| <p>1. Innovatur plebs fidelis,
Aeternae vitae nescia,
Quam pater duxit in caelis,
Francisci proles inclita.</p> <p>2. Bernhardinus, praeco tonans,
Perlustrans mundum opere,
Decem legis cordas servans,
Coelesti plenus ubere.</p> <p>3. Spernens opes, salvans oves,
Carnis conculcans zabulum,
Quem ligavit, supplantavit,
Pudicae mentis aemulum.</p> | <p>4. Pastoris jussa peragit
Sed nulla profert jurgia
Et claritatis contulit
Piae matris obsequia.</p> <p>5. Mitis corde, verax ore,
Doctrina facto consonat,
Orta spinis cum decore
Haec vernans rosa pullulat.</p> <p>6. Trinae sedis praesulatum
Volenti corde renuit,
Christi regis principatum
Perennis vitae meruit.</p> |
|---|--|
7. Ingenitus et genitus
Cum spiritu paraclito
Nos hic absolvat penitus
Per hunc a culpa debito.

Brev. ms. Francisc. anni 1492. Clm. Monacens. 23152. — 1, 3 pater, Konj.; fehlt Hs. — 2, 4 Coeleste Hs. — 7, 1 Ingenito et genito Hs.

200. De sancto Bernhardino.

Ad Laudes.

- | | |
|--|--|
| <p>1. O Sena, vetus civitas
Matris Mariae virginis,
Dic Bernardini inclytas
Probati laudes carminis.</p> <p>2. Sic aegris in servitium
Se dedit pestis tempore,
Quibus sicut mancipium
Curvo servivit corpore.</p> | <p>3. Hujus vita prodigiis
Per universum rutilat,
Solitisque suffragiis
Christi fideles visitat.</p> <p>4. Nam caecis lumen renovat,
Arentes artus solidat
Et morientes sospitat,
Quos languor jam consumpserat.</p> |
|--|--|
5. Patri, nato, spiritui
Sit sempiterna gloria,
Et nostro sit confluctui
Patris sancti memoria.

Diurn. ms. Francisc. saec. 15. Cod. Pragenses. VII H 8, mit dreifacher Intonation. A. — Brev. ms. Francisc. Graecens. T 12° 2. saec. 15. B. — 5, 3 confluctui B.

201. De sancto Bernhardino.

In 2. Vesperis.

- | | |
|---|--|
| <p>1. Bernhardinum, qui divinum
Jesu nomen egregium
Praedicavit et amavit,
Concinat plebs fidelium.</p> | <p>2. Miles purus, dux futurus,
Carni praefecit spiritum,
Quem coronas, dum te donas,
Jesu, corona virginum.</p> |
|---|--|

- | | |
|---|--|
| <p>3. Orat patrem, rogat matrem,
 Quem praedilexit nimium,
 Ut praeserves, ut conserves,
 Jesu, redemptor omnium.</p> <p>4. Pauper mundo, te jucundo
 Corde, reliquit junior
 Haec terrena votis plena,
 Jesu, corona celsior.</p> <p>5. Ergo mores non honores
 Sancti fit hujus mentio,
 Quem decoras, quem honoras,
 Jesu, nostra redemptio.</p> | <p>6. Dat cor ipsum, dum se ipsum
 Subdit more discipuli,
 Gerit crucem post te ducem,
 Jesu, salvator saeculi.</p> <p>7. A maligno sub Martino
 Culpatur doctor gentium,
 In docendis quem defendis,
 Jesu, lux vera mentium.</p> <p>8. Pater vere, nos tuere,
 Fili nate divinitus,
 Nobis parce, sed non parce
 Veni, creator spiritus.</p> |
|---|--|

Diurnale ms. Francisc. saec. 15. Cod. Pragense. VII H 8. A. — Brev.
 ms. Francisc. saec. 15. Cod. Graecense. T 12^o 2. B.
 Mel.: O Sena vetus civitas. Inftonation derselben in A.

202. De sancto Bernardo.

Ad Nocturnum.

- | | |
|---|---|
| <p>1. Jesu, amor unice,
 Fons totius gratiae,
 Lilium convallium,
 Dulcis amor cordium,
 Felices, quos reficis,
 Amor, qui non deficis.</p> <p>2. Grande donum gratiae,
 Sequi regem gloriae,
 Quem circumdant lilia,
 Sanctorum tot milia,
 Concrepantque dulcibus
 Hymnis atque laudibus.</p> <p>3. Quorum in consortio
 Lactabundus gaudio
 Fonte hausto gratiae
 Canticum laetitiae,
 O Bernharde, concinis
 Regem cernens oculis.</p> <p>4. Venustatus candidis
 Paradisi liliis,
 Agnum sequens jugiter
 Promis singulariter
 Virginal canticum
 Turmis junctus virginum.</p> | <p>5. Jam cum sponso dulcia
 Pascis inter lilia,
 In abyssu luminum
 Coeli consors agminum,
 Opulenta requie
 Cubans in meridie.</p> <p>6. Jam securus habitas,
 Vere fervet caritas,
 Caritatis otium,
 Perenne solstitium,
 Jugis exsultatio,
 Frequens jubilatio.</p> <p>7. Angelorum curiae
 Praesentatus hodie,
 Regis in cubiculo
 Debriaris osculo,
 Sponsi clarus roseum
 Introgressus thalamum.</p> <p>8. O quam dulci júbilo
 Regis in palatio
 Ad consortes cursitas,
 Cogit enim caritas,
 Flore jam perpetuo
 Coronatus candido.</p> |
|---|---|

- | | |
|---|--|
| <p>9. Sion regis filia,
Cujus omnis gloria
Ab intus in aureis
Praedicatur fimbriis,
Oleo non vacuum
Amplexare filium.</p> | <p>10. Quem decorum gloria
Honestavit gratia,
Unxit intus fervidum
Caritatis oleum,
Oleum laetitiae,
Decor conscientiae.</p> |
|---|--|

11. Summa tibi trinitas
Temporum aeternitas,
Canticorum dulciter
Laus perennis jugiter,
Honor, virtus, gloria
Per aeterna saecula.

Brev. ms. Altovadens. LII saec. 14. A. — Brev. ms. Cellae Principum
saec. 14. Clm. Monacens. 7213. B. — Diurn. ms. Graecens. 1463 anni 1357. C.
2, 1 Gaude donum A. — Str. 5 u. 6 fehlen AC. — Str. 7 fehlt B. —
9, 1 Magni regis B. — 11, 1 tibi fehlt A.

203. De sancto Bernhardo.

Ad Tertiam.

- | | |
|--|--|
| <p>1. Gaudet chorus angelicus
Et ordo apostolicus,
Confessor cum martyribus,
Uterque cum virginibus.</p> | <p>3. Cum pausas hic, sanctissime,
Salutem poscas animae,
Vide causam miseriae
Sanctae matris ecclesiae.</p> |
| <p>2. Regis summi suavissimus
Cibat omnes intuitus,
Bernhardus hoc prae omnibus
Refulget ut carbunculus.</p> | <p>4. Et corporis et animae
Tota salva compagine
Dei sinus essentiae
Participes et gloriae.</p> |
5. Summi patris hoc filius
Praestet hoc et paraclitus,
Cum quibus gaudet plenius
Bernhardus Dei famulus.

Brev. ms. Fürstenrellens. saec. 15. Clm. Monacens. 7215.

204. De sancto Bertholdo Garstensi.

Ad Nocturnum.

- | | |
|---|---|
| <p>1. Voce clara personemus
Et sinceris cordibus,
Manus nostras emundemus
Operum a sordibus,
Ut sic magnum collaudemus
Deum in coelestibus.</p> | <p>2. Qui Perchtoldum enutrivit
Disciplinae moribus,
Sub qua regnum introivit
Purus ab erroribus
Et in vera pace vivit
Junctus confessoribus.</p> |
|---|---|

- | | |
|--|--|
| <p>3. Ille mente gloriosa
 Carnis jura domuit
 Et exempla copiosa
 Fratribus intonuit,
 Quae ut bona pretiosa
 Sic venari monuit.</p> <p>4. Hic saphyrum in decore
 Justus sine macula
 Coelum induit colore
 Nubis in obstacula
 Clara cordium stupore
 Fulgurans miracula.</p> | <p>5. Sub aeterno salutari
 Vivens nunquam hebuit,
 Qui post carnem elevari
 Super astra debuit,
 Ipse viam in hoc mari
 Stricto jure praebuilt.</p> <p>6. Quam dignetur aperire
 Nobis in exsilio,
 Ut valentes pertransire
 Plano supercilio
 Nos disponat dies irae
 Patris in auxilio.</p> |
|--|--|
7. Praesta, summi genitoris
 Aeterna potentia,
 Praesta, nati redemptoris
 Vera sapientia
 Et nostri consolatoris
 Spiritus clementia.

Cod. Mellicensis 617 saec. 15.

205. De sancto Bertholdo.

Ad Laudes.

- | | |
|---|--|
| <p>1. Coelestis aulae gloria
 Aeterna in memoria
 Perchtoldum jam constituit
 Et vitae stolam induit.</p> <p>2. Qui totus coelo deditus
 Tractavit mente redditus
 Ad paradisi gremium
 Dulce salutis praemium.</p> | <p>3. Sub nostrae carnis hedera
 Reliquit mundi foedera
 Nec adhaerebat homini,
 Tactus fervore Domini.</p> <p>4. Ipse benignis precibus
 Gregem demersum faciebus
 A damno mortis erigat
 Et via pacis dirigat.</p> |
|---|--|
5. Praesta pater etc.

Cod. Mellicens. 617 saec. 15.

206. De sancto Bertholdo.

In 2. Vesperis.

- | | |
|--|--|
| <p>1. Gaude, Sion, urbs electa,
 Super Christum stans erecta,
 Quae in armis bellatorum
 Ordinatum tenes chorum.</p> <p>2. Tu es nutrix subalterna,
 Semper tendens ad superna,
 Tu Perchtoldum enutristi
 Sub amore Jesu Christi.</p> | <p>3. Gaude, summa civitatum,
 Quae altissimum primatum
 In aeterno sede geris,
 Ubi sponsum intueris.</p> <p>4. Tu es mater electorum,
 Semper viva spes bonorum,
 Tu Perchtoldum, sanctum Dei
 Confessorem, jungis ei.</p> |
|--|--|

5. Sit laus vera Deo soli,
Summa virtus magnae proli,
Sit aeternum decus quoque
Procedenti ab utroque.

Cod. Mellicens. 617 saec. 15.

207. De sancta Brigitta.

Ad Laudes.

- | | |
|--|--|
| 1. Dies salutis agitur
Et tempus acceptabile,
Brigidae dum recolitur
Festum praecommendabile. | 4. Sicut ovis quae periit
Frater errans incredulus
Ad veram fidem rediit,
Christi minister sedulus. |
| 2. Actus reformat regios
Monens regem salubriter,
Ut per viros egregios
Regnum regat feliciter. | 5. Venenum castrimargiae
Serpens antiquus obruit,
Quod mater pudicitiae
Cum angelo mox repulit. |
| 3. Virtute Dei liberat
Possessum a daemonio
Sponsa fratrem, quem visitat,
Sano curat remedio. | 6. Jesu, nostra redemptio,
Fac nos in regnis coelicis
Hujus patronae merito
Sanctorum frui gaudiis. |

Brev. ms. Altovadense LXII saec. 14. A. — Cod. Sitanstetten. CCXXXII. saec. 15. B.

1, 4 recommendabile A. — 2, 2 und 3 fehlen A. — 3, 4 Sana B. — Str. 5 fehlt B. — 5, 4 mox repellit A.

208. De sancto Bonaventura.

Ad Laudes.

- | | |
|---|--|
| 1. Sol claro fulget radio
Latebras fugans gentium,
Quas catholicarum gladio
Connexit miti mentium. | 4. Electus Bonaventura
Miro gessit omine,
Funis laetetur cinctura
Plebs alto pressa nomine. |
| 2. Alto innixus lumini
Prospicit iconismata,
Tartaris trucidis flumini
Unitis fert charismata. | 5. Felix tu gaude Lugdunum
Tanti patris praesentia,
Qui tibi trinum et unum
Sua monstrat clementia. |
| 3. Tusa Graecorum pectora
Sacro reduxit flamine,
Quique sprevere litora,
Christi quos emit sanguine. | 6. Tuae nos, pater luminum,
Nate aeternae gloriae
Paracliteque numinum,
Adjunge tuae gratiae. |

Brev. ms. Francisc. anni 1492. Clm. Monacens. 23152. A. — Brev. Roman. imp. Venetiis (de Paganinis) 1512. B. — Brev. Roman. imp. Venetiis (de Giunta) 1519. C. — 4, 3 Finis laetetur AC. — 6, 1 Qua nos B; Tua nos A.

209. De sancto Burchardo.

1. Gaudium magnum referunt per annum
Festa Burchardi veneranda sancti,
In quibus regnum meruit supernum
Scandere felix.
2. Ipsius laudes resonemus omnes
Mente devota animaque tota,
Gratias dantes Domino canentes
Munere tali.
3. Hic Deo carus, pietate clarus,
Angliae nobis veniens ab oris
Coelicam vitam docuit colendam
Vocibus, actis.
4. Post datum vitae spatium peractae
Carne defunctus superisque junctus
Pro suis servis simul et catervis
Sedulus orat.
5. Doxa, majestas, honor et potestas,
Laus, salus, virtus, decus, ordo certus
Trino sit simul unitati Deo
Saecula cuncta.

Brev. ms. Plagense s. sign. anni 1499. A. — Brev. Pataviense imp. Augustae (Erh. Radolt) s. a. B.

5, 3 Trino sit simul unitati Deo AB. — Der Hymnus verbindet Quantität und Reim. — Vgl. Acta SS. Oct. VI, 572.

210. De sancto Carsulo.

- | | |
|---|--|
| 1. Congaudentes jubilemus
Sonoris concentibus,
Altithrono Deo trino,
Qui junxit zetarium
Post sentinam mundi choris
Hodie angelicis. | 4. Qui locatus cum supernis
gratularis civibus,
Aurem praebe pietatis
nostris supplicatibus,
Intercedens pro salute
corporis et animae. |
| 2. Virgis caesus et plumbatis,
appensus equeleo,
Ter auditur captivatus,
sub praefecto Castulus
Fabiano suffocatur
arenae sub pondere. | 5. Summe martyr athletarum
cum deo regnantium,
Cleri tui et populi
adesto precatibus
Et criminum veterorum
resolve chirographum. |
| 3. Hinc migrantem coeli civem
coelestis militiae
Stipant turmae voce clara
ferentes in aethera,
Sic suum contigit phase
sacro paschae tempore. | 6. Cujus tumbae advolutus
sanus redit languidus,
Lumen ministratur caeco,
claudi gaudent gressibus,
Fauces clamant, quae veterinis
haerebant silentiis. |

7. Sit patri virtus, potestas,
perpes sempiternitas,
Ejus concrepet et nato
honor, jubilatio,
Pneumati salus perennis
saeculorum saeculis.

Brev. ms. Mosburgense saec. 14. Clm. Monacens. 2368. A. — Brev. ms. Mosburgense saec. 15. Clm. Monacens. 23067. B.

2, 1 Virgis caesis B. — 2, 3 captivatus B. — 3, 3 voce clarae B. — 6, 3 Lumen administratur cetus A; administratur caeco B. — 7, 5 Pneumati sit salus B.

211. De sancto Christophoro.

- | | |
|--|--|
| 1. Regem coelestis gloriae
Laudent flores ecclesiae,
Supernorum qui patria
Victoris fulgent gratia. | 4. Qui fretus Dei munere
Deum cepit postponere,
[Plus quam] militis cingulum
Legis dilexit vinculum. |
| 2. Hos inter flores praeditum
Virtutibus Christopherum
Suo Christus clarissimo
Intronizat palatio. | 5. Mundo totus emoritur,
Christum vivendo sequitur,
Laborum fructus aggregat,
Ad coelos liber evolat. |
| 3. Ortum primis natalibus
Et procerum primordiis
[Deque] gente Chanananea
Vera refert historia. | 6. Nos ergo tanto martyri
Corde et voce supplici
Laudes canamus debitas,
Deo ferventes gratias. |

7. Sit Deo perpes gloria,
Cujus magna potentia,
Per quam victor egregius
Mundum vicit Christophorus.

Brev. ms. Voraviense 220 saec. 15. — 1, 3 Supernorum patria Hs. — 1, 4 fulget Hs. — 2, 1 Nos inter Hs. Versehen des rubricator. — 2, 3 Suo nos Christus Hs. — 7, 1 Sit ergo Deo Hs. — 7, 2 magna est Hs.

212. De sancto Chrysogono.

- | | |
|--|--|
| 1. O Christe, fons omnis boni,
Testis tui Chrysogoni
Festum colentes respice,
Salvans reos hujus prece. | 4. Sepultus illic corpore
Longo manebat tempore,
Sed nunc Tegrensensem lacum
Ornat per adventum suum. |
| 2. Falsos Deos hic abnegans
Tibique multos aggregans
Afflictus est a perfidis
In carne poenis plurimis. | 5. Jam semper ejus spiritus
Te, Christe, laudat coelitus,
Culpis per hunc nos exime
Coeloque dignos effice. |
| 3. Romae diu quas pertulit,
Et post Aquilejae fuit
Jussu peremptus Caesaris,
Diocletiani trucis. | 6. Praesta, pater cum filio
Et spiritu paraclito,
Trinus per aevum nomine
Regnans et unus numine. |

Diurn. ms. Tegurin. saec. 15. Clm. Monacens. 26285. A. — Diurn. ms. Tegurin. saec. 15. Clm. Monacens. 20112. B. — Diurn. ms. Tegurin. saec. 15. Clm. Monacens. 20000. C. — Brev. ms. Lambacen. CLXIX. saec. 14. D. — 1, 1 O fehlt AB; boni fehlt A.

213. De sancta Clara.

In 2. Vesperis.

- | | |
|--|---|
| 1. Clara clarens, labe carens,
Luce lucet siderea,
Stella poli juncta soli,
Lux ecce surgit aurea. | 4. Dum conatur, ut sequatur
Clara Christi signiferum,
Fit novella per te stella,
Conditor alme siderum. |
| 2. Clara mente, clara gente
Causam traxit originis,
Incorrupta Christo nupta,
Consors paterni luminis. | 5. Assucro juncta vero
Hesther in choris virginum,
Veneramur, invocamus
Te lucis ante terminum. |
| 3. Hostem sternens, fastum sper-
nens
Vias vitat discriminum,
Iter pandit, post te scandit,
Jesu, corona virginum. | 6. In hoc festo gaudens esto,
Soror senex, juvencula,
Cui congaudes, redde laudes,
Plaude, turba paupercula. |
| 7. In hac die, pater pie,
Mitte nobis paraclitum,
Qui per natum fers reatum,
Deus, tuorum militum. | |

Diurn. ms. Hermetisvillan. saec. 15. Cod. Griesens. 56. A. — Brev. ms. Odiliae Rapoltivillan. saec. 15. Clm. Monacens. 10929. B.
5, 3 Ne ritamus A. — 6, 2 Soror fehlt A. — 7, 2—3 fehlen A.

214. De sancta Clara.

- | | |
|---|--|
| 1. Decus clarum feminarum
Cum Christo Clara jubilat,
Coelibatus surgit status,
Aurora lucis rutilat. | 4. Huic junguntur, concluduntur
Velut in coelo sidera,
Continentes, requirentes
Aeterna Christi munera. |
| 2. Plaudat mater, deus pater
Quam tanto ditat munere,
Cedat metus, psallat coctus
Jam lucis orto sidere. | 5. Curam gregis sponsa regis
Gerit ut dux in acie,
Quam commendet, ut defendet
Splendor paternae gloriae. |
| 3. Lucet Clara, lux praeclara,
Velut sol in meridie,
Quam perducis et inducis,
Magnae Deus potentiae. | 6. Matris prece ut a nece
Solvas ac nexu criminum,
Vera vitis, dulcis, mitis,
Jesu, corona virginum. |

Cod. Pragense. XIII E 2 auf einliegenden losen Blättchen des 14. Jhrh.

215. De sancta Clara.

In 2. Vesperis.

- | | |
|---|--|
| 1. En praeclara virgo Clara,
Regnat in regno luminum,
Quam amasti, desponsasti,
Jesu, corona Virginum. | 4. Puritate, paupertate
Mater et ejus agmina
Te sectantur, imitantur,
O gloriosa Domina. |
| 2. Mundo spreto corde lacto
Francisci magisterio
Carnem terit et te quaerit,
Jesu nostra redemptio. | 5. Finit cursum, scandit sursum
Claret multo prodigio,
Annotatur, comprobatur
In coelesti collegio. |
| 3. Per te solem parit prolem
Sanctarum gregem pauperum,
Quas tu ditas et maritas,
Conditor alme siderum. | 6. Virgo pura, nostri cura
Fac tibi sit in curia,
Sint optata per te data
Beata nobis gaudia. |

Brev. ms. Francisc. saec. 14. Cod. Pragenses. XIII C 14. A. — Brev. ms. Francisc. anni 1464. Cod. Admonten. 851. B. — 5, 3 u. 4 fehlen B. — 6, 1 u. 2 fehlen B.

216. De sancta Clara.

In 2. Vesperis.

- | | |
|---|---|
| 1. Laetabundus plaudat mundus
Novis utens muneribus,
Hilarescat et laus crescat,
Exsultet coelum laudibus. | 6. Mundi blanda ut nefanda
Contempsit, sumens aspera,
Sic mercatur, sic lucratur
Aeterna Christi munera. |
| 2. Gaude, coetus, novi fretus
Sacro Francisci germine,
Sacrae gestus dies festus
A solis ortus cardine. | 7. Morte tacta, vitam nacta
Optato vivit gaudio,
Jucundatur, gloriatur
In coelesti collegio. |
| 3. Virgo Clara vita clara,
Cujus clarent spectacula,
Lux accessit, qua decessit,
Plaude turba paupercula. | 8. Cujus actus vitam nactus
Morborum tollit onera,
Admirantur, venerantur
Quem terra, pontus, aethera. |
| 4. Juxta nomen ejus omen
Nutu peregit coelico,
Vicit Clara mundo cara
Ex more docta mystico. | 9. Hujus funus, sacrum munus,
Donis ditat Assisium,
Vota dando te laudando,
Christe, redemptor omnium. |
| 5. Clausa aedes, nuda pedes,
Praecincta funem tenuit,
Sic cordata illibata
Proles de coelo prodiit. | 10. O praeclara virgo Clara,
Obtenta per te venia
Deprecare et lucrare
Beata nobis gaudia. |

11. Cujus prece nos a nece
 Conserva, pater, invidi,
 Nec non ducas et inducas
 Ad coenam agni pro-
 vidi

12. Tibi decus, honor aequus,
 O lux beata trinitas,
 Collauderis, honoreris,
 Tu trinitatis unitas.

Antiph. ms. S. Johannis Pistoriens. saec. 15. Cod. bibl. Rossianae s. sign. A. — Antiph. ms. bibl. Rossianae s. sign. saec. 15. B. — 3, 2 clarant A. — 4, 2 pergit A. — 4, 3 Juxta A; vixit B. — 4, 4 docti AB. — 5, 1 Clausam . . nudam A. — 7, 1 vita A. — 9, 1 Cujus B.

217. De sancto Claudio.

Ad Vesperas.

- | | |
|---|---|
| 1. Jam Christus, dator munerum,
Munus Claudio gloriae
Dedit in locum siderum
Mutans luctum miseriae. | 5. Impleta sancto spiritu
Maneant vasa cordium,
Qui implevit in sonitu
Fide corda fidelium. |
| 2. Cujus celebre hodie
Celebremus solemnum,
Novae festum laetitiae
Novum dans mundo gaudium. | 6. Judaea Judae similis
Cur ei differs credere,
Qui pro te natus humilis
Te primo venit quaerere? |
| 3. Hic dum in laudes Domini
Se praesentat praesentibus,
Suo reddamus nomini
Laudes votis et vocibus. | 7. Tu signis et virtutibus,
Quae Claudius, lumen hominum,
Tuis offert obtutibus,
Convertaris ad Dominum. |
| 4. Lumen de patris lumine,
Beatae proles virginis,
Nos labefactos crimine
A labe mundet criminis. | 8. Gloria tibi, trinitas,
Sit in coeli palatio,
Ubi per te felicitas
Nobis detur cum Claudio. |

Brev. ms. S. Deodati saec. 16. Clm. Monacens. 10909.

218. De sancto Colomanno.

Ad Laudes.

- | | |
|--|--|
| 1. Salve, felix miles Christi,
Colomanne, qui vicisti
Vagam mundi vanitatem
Ac hostilem feritatem. | 4. Es acriter verberatus,
Forcipibus laniatus,
Ovis, testis concrematus
Et in cruribus serratus. |
| 2. Christi crucem bajulabas,
Quando te ipsum domabas,
Laeta mundi respuendo,
Plus adversa diligendo. | 5. Haec tormenta nil ferebas,
Jesu Christo adhaerebas,
Pari nece tu necatus
Es in ligno strangulatus. |
| 3. Poenas diras es perpressus,
Viae causam dum confessus
Eras, per quam Deo gratus
Et a malis criminatus. | 6. Laureatis jam congaudes,
Ergo Deo nostras laudes
Illic facito jucundas,
Ubi gaudiis abundas. |

- | | |
|---|--|
| <p>7. Fac nos tuo interventu
Collocari in conventu,
In quo agmina sanctorum
Psallunt regi saeculorum.</p> | <p>8. Praesta pater, quod optamus,
Praesta fili, quod speramus,
Praesta spiritus amborum
Nobis regnum gaudiorum.</p> |
|---|--|

Brev. ms. Mellicense. 1780 saec. 15. A. — Brev. ms. Lambacense CLXVI saec. 15. B. — Brev. ms. Hospitalens. saec. 15. Cod. S. Pauli ad Laventum chart. 320. C.

219. De sancto Constantio.

- | | |
|---|---|
| <p>1. Chorus hymnizans coelitem,
Ob mundae vitae meritum
Christi solis justitiae
Vernat cohaeres gloriae.</p> <p>2. Hujus ubertas gratiae
Sic alludit ecclesiae,
Ut carnis motu labiles
Reddat supernis habiles.</p> <p>3. Horum situs consortio,
Cum sit aequa proportio,
Palmae vitalis omnibus
Gaudet praesul Constantius.</p> | <p>4. Decente comptus laurea,
Corona fulgens aurea,
Dierum longitudine
Crescit in sanctitudine.</p> <p>5. Nocentis mala turbinis
Fili repellas virginis,
Admittens preces martyris
In orbe lato celebris.</p> <p>6. Tranquilla dones tempora,
Sana mentes et corpora,
Sacro nos emptos sanguine
Salves in tuo nomine.</p> |
|---|---|
7. Patri verboque inclito
Cum spiritu paraclito
Laus decantetur sedula
Per infinita saecula.

Hymn. ms. S. Galli 16 anni 1446 ohne Mel. — 6, 4 Salvas Hs.

220. De sancto Constantio.

- | | |
|---|--|
| <p>1. Decente comptus laurea
Gaudet praesul Constantius,
Dierum longitudini
Crescit in sanctitudine.</p> <p>2. Deum confessus balnea
Laetus intrat ferventia
Nudatis atque calcibus
Premit carbones igneos.</p> | <p>3. Nocentis mala turbinis
Fili repellas virginis,
Admittens preces martyris
In orbe lato celebris.</p> <p>4. Tranquilla donans tempora
Sana mentes et corpora,
Sacro nos emptos sanguine
Serva in tuo nomine.</p> |
|---|--|
5. Patri verboque inclito
Cum spiritu paraclito
Laus decantetur sedula
Per infinita saecula.

Hymn. ms. S. Galli 440 saec. 15 et 16. Mit Mel. — Vgl. No. 219.

221. De sancto Corbiniano.

- | | |
|--|--|
| 1. Ave pastor bone,
Praesul ac patrone
Plebis Christianae,
Flos Corbiniane. | 7. Hora matutina
Splendet lux divina,
Qua ut leti tui
Meruisti frui. |
| 2. Sumens donum piscis
Te tuosque pascis,
Fame pro urgente
Aquila ferente. | 8. Mortis praescis horam,
Fratribusque coram
Sacramentis fretus
Astra scandis laetus. |
| 3. Solvitur a nece
Crucis tua prece
Latro triduanus
Sanae vitae sanus. | 9. Ad coenam vocatus
Intras trabeatus
Nuptiali veste,
Discumbis honeste. |
| 4. Monstratur in fure
Mulae redditurae
Signum sanctitatis
Tuae pietatis. | 10. Sublato pastore
Oves in errore
Luporum furore
Uno clament ore: |
| 5. Virga fodis fontem,
Unda rigat montem,
Signum hodiernum
Manet sempiternum. | 11. Nos favore precum,
Quo scandisti, tecum
Trahe, pastor bone,
Pater et patrone. |
| 6. Vitam praecellenti
Enecti jumenti
Mansuetus in cursu
Saginam fert ursus. | 12. Sit laus patri, nato,
Pneumati beato,
Qui est Deus unus,
Honor trino trinus. |

Brev. ms. Plagense anni 1499 s. sign. A. — Hymn. ms. Claustroneo-burgens. 968 saec. 14. B. — Brev. ms. Graecens. 1548 saec. 15. C. — Brev. Kimense imp. s. l. 1518. D.

6, 2 Evecti AD. — 6, 2 in cursu A. — 6, 4 defert ursus AD. — 8, 2 Fratribus coram AD.

222. De sanctis Cyrillo et Methodio.

1. Festis praecepis debita cantica
Pangant multiplici laude sonantia
Ora unanimem cordis habentia
Sonum cum vocis strepitu.
2. Digne fert hominum commemoratio,
Quos coeli suscepit splendida optio
Augens angelicis coetibus agmina
Pontificum haec fraterna.
3. Quare coelicolis inclita gaudia
Et Moravicolis festa celebria,
Quorum conciliis se sociat pia
Plebis convenientia.

4. Clemens obsequiis talibus affore
Dignetur deitas clementi amore
Nostris pectoribus inserens gratiam
Et fidei constantiam.
5. Virtus, laus et honor simul et gloria
Sit patri, genito, spiritui sancto,
Cujus manet trina, regnat et unica
Sine fine potentia.

Brev. ms. Capit. Olomucens. 155 saec. 15. A. — Hymn. ms. c. comment.
saec. 15. Cod. Pragens. XIII G 9. B. — 1, 3 Oris unanime B. — 5, 3 Cujus
manet aeterna B.

223. De sanctis Cyrillo et Methodio.

1. Festa celebra colit ecclesia
In vocis jubilo dulci symphonia
Vehitque ad regnum Christus sempiternum
Cyrillum cum Methodio.
2. Digne fert hominum dulcis memoria,
In Christum Dominum quod tunc Moravia
Credidit fortius, fidem felicius
Haec dum praedicant lumina.
3. Adsunt coelicolis inclita gaudia
Terraecque incolis sacra solennia
Quorum consiliis se sociat omnis
Plebs fidelis Moraviae.
4. Clemens obsequiis talibus affore
Velit ut deitas clementi amore,
Populi unitas cordis ex fervore
Precum impetret amore.
5. Virtus, laus et honor omniumque decor
Sit patri, genito, flaminique sancto,
Cujus manet trina regnat et unica
Sine fine potentia.

Cod. Pragens. (ol Trebonens.) I E. 25. fol. 154. a. saec. 15. — Bearbeitung
und Veränderung des vorstehenden Liedes. — 3, 4 Moravia Hs.

224. De ss. Cyrillo et Methodio.

- | | |
|---|--|
| 1. Gaudet mater ecclesia
De pontificum gloria,
Quorum vita insignior
Claret et gloriosior. | 2. Swatopluk prudentissimo
Quorum usus consilio
Se baptisinate abluit,
Christo placere studuit. |
|---|--|

- | | |
|---|---|
| <p>3. Borywoyg dux Bohemiae
Christi cognito nomine
Plebem gentis Bohemiae
Divinae subdit gratiae.</p> | <p>4. Regnum credit Moraviae
Cum ducatu Bohemiae,
Per hos regi altissimo
Spreto cultu nequissimo.</p> |
|---|---|

Cod. Pragens. (ol. Trebonens.) I E 25 saec. 15. Zuscrift späterer Hand.

225. De sancto Dionysio.

- | | |
|---|---|
| <p>1. Ave pater scandens polum,
Ave pie visens solum,
Annua festa munia
Tua sacrans praesentia.</p> | <p>3. Ope gubernata fragiles
Mundi hujus in pelago
Atque exutos corpore
Pie benignus suscipe.</p> |
| <p>2. Offer, sacerdos optime,
Moresque et preces nostras
Sacra Fidem, martyr Dei,
Moresque nostras corrige.</p> | <p>4. Quo sine fine gloriam
Deo patri et filio
Una cum sancto spiritu
Tecum canamus perpetim.</p> |

Hymn. et Sequent. ms. S. Emmerami saec. 15. Clm. Monacens. 14667.

226. De sancto Dionysio.

- | | |
|--|--|
| <p>1. Pax Christi velut gladius,
Qua pius gaudet animus,
Fortis ut mors dilectio,
Qua mundi fit despectio.</p> | <p>5. Dant verbum Dei gentibus
Salutem nescientibus,
Ob hoc plectuntur capite
Acceptae Deo victimae.</p> |
| <p>2. Hanc suis amatoribus
Concessit Deus dominus,
Hoc austro gelu solvitur,
Quod aquilone volvitur.</p> | <p>6. Sed sanctus Dionysius
Caput assumens manibus
Deportavit ad tumulum
Viam duorum milium.</p> |
| <p>3. Hoc igne sancti spiritus
Repletus est divinitus
Beatus Dionysius,
Cum venerat Parisius.</p> | <p>7. Post haec ipsius martyr
Corpus translatus Noricis,
Sacer Emmerane, in tua
Collocatur ecclesia.</p> |
| <p>4. Junguntur ei socii
Pernobilis negotii
Rusticus, Eleutherius,
Uterque jam sidereus.</p> | <p>8. Per quorum patrocinia
Et amborum suffragia
Ab universis hostibus
Nos liberari poscimus.</p> |

9. Sit laus patri cum filio,
Sancto simul paraclito,
Qui doctorem hierarchicum
Beavit Dionysium.

Diurn. ms. S. Emmerami saec. 15. Clm. Monacens. 14842. A. — Hymn. et Sequent. ms. S. Emmerami saec. 15/16. Clm. Monacens. 14667. B. — Nach Str. 4 Divisio.

227. In translatione s. Dionysii.

Ad Nocturnum.

1. Consonent cuncta nostrae vocis organa,
Psallat vis omnis utriusque hominis
Hymnum laudando in hoc natalitio,
Quod nobis magnum jam redditur annum.
2. Hoc festum namque coelendum praecipue
Hic venerandi patris Dionysii
Praesenti templo sacravit translatio
Mire repertis revelata literis.
3. Unde divinam, precamur, clementiam
Ut nos illius mereamur precibus,
Quem pro patrono huic dedit coenobio,
Translatum longe de partibus Galliae.
4. Gloria patri sempiterna perpeti,
Laus coaeterno sit ejus et filio
Honor que sancto pneumati paraclito
Et nunc et ultra per aeterna saecula.

Diurn. ms. Sanemmeramen. saec. 15. Clm. Monacens. 14842. A. — Hymn. et Sequent. ms. Sanemmeramen. saec. 15/16. Clm. Monacens. 14667. B. — 2, 4 revelata lateris A. — 3, 1 deprecamur A.

228. In translatione s. Dionysii.

- | | |
|--|---|
| 1. Electus doctor gentium
Convertens Dionysium,
Athenis patrem ordinat,
Quem Clemens Gallis destinat. | 5. Discussis enim omnibus
Scrutiniis in somnibus,
Ne dubium sit posteris,
Rem certam vulgant literis. |
| 2. Hic fidem plantans dogmate
Plantatam rigat sanguine,
Hic victor coelo spiritum,
Dat terrae carnis habitum. | 6. Nos ergo semper facias,
Jesu benigne, gratias
Tibi devotas canere
Pro tam insigni munere. |
| 3. Tandem devotis fraudibus
Colendum Caesar laudibus
Patronum Gallis abstulit
Et Ratisponam detulit. | 7. Et tu, Machari nobilis,
Christi pugil immobilis,
Tuo dicatos pulvere
Fac tecum coelo vivere. |
| 4. Post plures annos igitur,
Dum super hoc ambigitur,
Caesar et papa veniunt
Et sanctum hic inveniunt. | 8. Hinc Emmeramus lateri
Wolfgangus alter alteri,
Hoc praesul inter praesules
Tu nos salvari postules. |

9. Gloria tibi, Domine,
Cujus signamur nomine,
Cum patre et paraclito
Pro pignore tam inclyto.

Brev. ms. S. Emmerami saec. 15. Clm. Monacens. 14600. — Diurn. ms. S. Emmerami saec. 15. Clm. Monacens. 14664. — Hymn. et Sequent. ms. S. Emmerami saec. 15/16. Clm. Monacens. 14667. — Brev. monast. S. Emmerami imp. 1571.

229. De sancta Dorothea.

1. Festum nunc celebre colamus hodie,
Melodum gloriae pangamus sobrie,
Cantica sonora, neumata decora
Vox promat citharea.
2. Conscendat jubilans hymnus ad aethera
Coelorum, eliminans crimina vetera,
Veniam implores corrigendo mores,
O dulcis Dorothea.
3. Idola destruis, cellula virtutis,
Gentiles instruis, regula salutis,
Per te, virgo bona, sororum corona
Fulcitur gemmis aurea.
4. Urunt flammivomae mamillas faculae,
Carnem fuscinae lacerant ferreae,
Fortiter caeditur, acriter teritur
Facies fuste rosea.
5. De viridario rosas notario
Mittis orario vitae solaris
Errantem allicis, damnatum eruis
A nece sic tartarea.
6. Oramus, domina, reprime noxia,
Morbos elimina, cicatrices sana,
Da flere scelera, et cum angelica
Lactari semper chorea.
7. Praestet hoc trinitas veraque unitas,
Pater et filius, almus paraclitus,
Simplex essentia, regens viventia,
Cui serviunt aethera.

Brev. ms. S. Floriani XI 386 saec. 15. A. — Brev. ms. S. Floriani XI 402 saec. 15. B. — Brev. ms. Mellicense 992 saec. 15. C. — Brev. ms. Secoviense saec. 15. Cod. Graecens. 1556. D.

1, 1 Festum quam celebre C. — 4, 3 teritur fehlt A. — 4, 4 fasee rosea A. — 7, 3 Simplex cui serviunt aethera A. — 7, 4 Per saeculorum saecula A. — Vgl. Morel 395.

230. De sancto Edmundo.

Ad Vesperas.

- | | |
|---------------------------------|---------------------------|
| 1. Jam Christus, dator munerum, | 2. Solemnis surgit hodie |
| Munus Edmundo gloriae | In Edmundi praeconium |
| Dedit in locum siderum | Novae dies laetitiae |
| Mutans lacum miseriae. | Novum dans mundo gaudium. |

- | | |
|---|--|
| <p>3. Dum hora laudum Domini
Se praesentat praesentibus,
Reddamus ejus nomini
Laudes votis et vocibus.</p> <p>4. De patris lumen lumine,
Beatae proles virginis,
Nos labentes in crimine
Mundes a labe criminis.</p> <p>5. Impleta sancto spiritu
Maneant vasa cordium,
Qui implevit in sonitu
Fide corda fidelium.</p> | <p>6. Ex omni parte precibus
Edmundi tuos protege,
Tu, qui tibi faventibus
Te faventem non denegas.</p> <p>7. Judaea Judae similis,
Cur ei differs credere,
Qui pro te natus humilis
Te primo venit quaerere?</p> <p>8. Sed signis et virtutibus
Edmundi quae lux hominum
Tuis offert obtutibus,
Convertaris ad Dominum.</p> <p>9. Gloria tibi, trinitas,
In personarum proprio,
Una permanens deitas
Sine fine principio.</p> |
|---|--|

Antiph. ms. Hilariense V anni 1632. — Mel.: Jam regina discubuit. —
Vgl. den Hymnus gleichen Anfangs De sancto Claudio.

231. De sancto Edmundo.

Ad Tertiam.

- | | |
|---|---|
| <p>1. Aeterne rex regnantium,
Regnans in throno gloriae,
Quo fidei pugnantium
Datur triumphus gratiae.</p> <p>2. Scandens ad te vox pauperum
Precum ferens praeconia,
Manum referat munerum
Perfectam super omnia.</p> <p>3. Ut trina vis, qua vivitur,
Dum vivit in te, Domine,
Mane si quid extollitur,
Flectat in Jesu nomine.</p> | <p>4. Fremunt servi, cum Dominus
Servos quaerat in tartaro,
Gaudent cum nihilominus
Regnat Deus Dei caro.</p> <p>5. Hinc te precamur supplices,
Dum hora surgit tertia,
Spiritus in nos duplices
Tua superna gratia.</p> <p>6. Gloria, laus, imperium
Voce reddatur sedula
Edmundo danti gaudium
In sempiterna saecula.</p> |
|---|---|

Ant. ms. Hilariense V anni 1632 mit Mel. — 3, 2 Dum vivit in nomine
Hs. — Das Lied ist offenbar älter als seine Quelle; das beweist der tadellos
gehandhabte zweisilbige männliche Reim.

232. De sancto Edmundo.

Ad Completorium.

- | | |
|---|---|
| <p>1. Christe, qui lux es mentium,
Mentes fide purificans,
Mentibus te timentium
Lumen beatum praedicans.</p> | <p>2. Precamur mente debita,
Visita nos et instrue
Et per Edmundi merita
Quietam noctem tribue.</p> |
|---|---|

- | | |
|--|---|
| <p>3. Ne gravis nos exercitus
De nocte nocens obruat,
Ne reus carnis exitus
Nos tibi reos statuatur.</p> <p>4. Oculi carnis dormiant,
Qui se contra nos erigunt,
Hostes cape, ne capiant
Famulos, qui te diligunt.</p> | <p>5. Defensor, nos ab hostibus
Defendas, ut solitus es,
Ne mercentur sanguinibus,
Quos sanguine mercatus es.</p> <p>6. Memento tui memorum
Et pro nobis de virgine
Natus in fine temporum,
Adesto nobis, Domine.</p> |
|--|---|
7. Praesta, pater, fili, flamen,
Ut a nobis periculum
Omne tollas et gravamen
Regnans per omne saeculum.

Antiph. ms. Hilariense V anni 1632.

233. De sancta Elisabeth.

- | | |
|---|---|
| <p>1. Deus tuorum militum
Pauperum atque divitum,
Veni missus divinitus
Nunc sancte nobis spiritus.</p> <p>2. Primo dierum omnium
Qui eras, fac solemnum
Elisabeth nos promere
Jam lucis orto sidere.</p> <p>3. Vexilla regis prodeunt,
Haereses cunctae pereunt
Per signa suae gratiae,
Magnae Deus potentiae.</p> <p>4. Exsultet coelum laudibus
Elisabeth quod precibus
Redit ad te omnis reus,
Rector potens, verax Deus.</p> | <p>5. Aeterna Christi munera,
Elisabeth per opera
Fractis membris redit vigor,
Rerum, Deus, tenax vigor.</p> <p>6. Rex gloriose martyrum,
Ut vincamus hostem dirum,
Datur exempli species,
Christe, qui lux es et dies.</p> <p>7. Jesu, corona celsior,
Omni qui es humilior,
Fac ditet nos humilitas,
O lux beata trinitas.</p> <p>8. Virginis proles opifex,
Quos percutit peccatifax
Converte nos ad Dominum
Te lucis ante terminum.</p> |
|---|---|
9. Veni, redemptor gentium,
Tollens vitae fastidium,
Ut veniamus fulgidi
Ad coenam agni providi.

Brev. ms. S. Floriani XI 475 saec. 15. A. — Brev. ms. Dueumburgense 68 saec. 15. B. — Brev. ms. Capit. Cracoviens. 20 saec. 14. C.

2, 2 da solemnum BC. — 4, 2 Elisabethque A. — 6, 1 Christe redemptor omnium BC; daß die Lesart von A die richtige ist, beweist der Reim, der durch den ganzen Hymnus zweisilbig ist. BC scheuten die Anrufung rex martyrum in einem Liede de vidua; daher die Änderung. — 6, 3 Dator exempli A. — 8, 2 pervertit A; peccati lex B. — 8, 3 Ad te converte A; Converte ad te B. — Die ersten und letzten Zeilen der Strophen Anfänge bekannter Hymnen.

234. De sancta Elisabeth.

Ad Nocturnum.

1. Exultent filiae matris ecclesiae,
Nam regis filia contemnens vilia
Scandit ad aethera, sumens post aspera
Aeterna Christi munera.
2. Ligna cum vidua ista ingenua
Deo collegerat, ignem accenderat
In domo animae, ardens te intime,
Lucis creator optime.
3. Illustris matrona jactat duo dona
Gazophulacio, fides et actio
Currunt in stadio, ades cum bravio,
Jesu, nostra redemptio.
4. Summa nobilitas et morum claritas
Ornat Elisabeth, servat cum Jochabet
Foedus conjugii in spe refugii,
Summi largitor praemii.
5. Ancilla pauperum, filia procerum
Fieri voluit, utrumque tenuit,
Animae speculum et opus sedulum,
Agnoscat omne saeculum.
6. Bonorum operum donum fructiferum
Sentit et recipit, dum fide percipit,
Quanta sit gratia, quae dat cum gloria
Beata nobis gaudia.
7. Elisit aemulum, decorat saeculum
Multis miraculis lumen dat oculis,
Vires debilibus, succurrit omnibus,
Exsultet coelum laudibus.
8. Te invocantibus adsis fidelibus,
Qui nullum despicias sed omnes respicias,
Tu via, veritas, vitae aeternitas,
Tu trinitatis unitas.

Cod. S. Petri Salisburgens. a V 8 saec. 15. A. — Cod. S. Petri Salisburgens. a V 15 saec. 16. B. — Diurn. ms. Norimbergens. anni 1514. Clm. Monacens. 15915. C.

235. De sancta Elisabeth.

Ad Vesperas.

- | | |
|---|---|
| 1. Gaude, felix Hungaria,
Gaude de Christi munere,
Laudes in voce varia
Corde promas et opere. | 2. Elisabeth sanctissima
De te nascendo prodiit,
Rite detestans infima
Coeleste regnum petiit. |
|---|---|

- | | |
|--|--|
| <p>3. Terreni regis filia
Regi coelesti placuit,
Electum super millia
Quaerens invenit, tenuit.</p> <p>4. Conjuncta coeli civibus
Vitae potatur flumine,
Divinis vacans laudibus
Lumen videt in lumine.</p> <p>5. Laeta stupet Thuringia
Fractis naturae regulis,
Dum perficit suffragia
Fiunt miranda saeculis.</p> | <p>6. Vita defunctis redditur,
Aegris confertur sanitas,
Claudus directe graditur,
Caecos illustrat claritas.</p> <p>7. Hanc ergo dignis laudibus
Nostra collaudet concio,
Quae nos profusis precibus
Commendat Dei filio.</p> <p>8. Sit laus patri cum filio,
Sancto simul paraclito,
Qui nos purgatos vitio
Regno colloceat coelico.</p> |
|--|--|

Brev. ms. Sector. Vindobon. 53 b. 10 saec. 14. A. — Brev. ms. Francisc. Poseniens. 50 saec. 15. B. — Orat. ms. Tegurin. anni 1469. Clm. Monacens. 20 124. C. — Brev. FF. Praedicatt. imp. Venetiis 1514. D.

2, 2 De te nascente A; de renascendo C. — 3, 1 Sereni regis B. Str. 5 6, 7 fehlen D. — 5, 1 stupent A. — 6, 1 Vitae defunctus A.

236. De sancta Elisabeth.

Ad Nocturnum.

- | | |
|--|--|
| <p>1. Magnae Deus potentiae,
Qui potentes non abjicis,
Elisabeth egregiae
Aures inclina canticis.</p> <p>2. Dilecta tibi famula
Pro te facta paupercula,
Quia pavit famelicis,
Cibos sumpsit angelicos.</p> <p>3. Horrendas morbi species
Et lepram non abhorruit,
Unde viventis facies
Ut sol frequenter splenduit.</p> <p>4. Exemplum facta viduis
Claris fulget miraculis
Vitam reddendo mortuis,
Membris quietem tremulis.</p> | <p>5. Contractis, paralyticis,
Caecis et epilepticis,
Surdis, mutis, deformibus
Succurrit almis precibus.</p> <p>6. Cuncta morborum genera
Depellit ejus dextera,
Amplectens enim vetera
Laeva nescivit opera.</p> <p>7. Per eam, Christe, quaesumus
Quia per nos non possumus,
Ut a matris letiferae
Tu nos ablactes ubere.</p> <p>8. Proli honorem regiae
Fac prosequentes modulis,
Sincera mentis acie
Tuis adjuuge vernulis.</p> |
|--|--|
9. Sis, pater potentissime,
Fili sapientissime,
Spiritus benignissime,
Tutela nobis animae.

Brev. ms. Aquilegiense saec. 15. Cod. semin. Brixinens. s. sign. A. — Orat. ms. Tegurin. anni 1469. Clm. Monacens. 20 124. B. — Clm. Monacens. 8394 saec. 15. B.

1, 4 Aurem A. — 6, 1 Contra morborum AB. — 6, 3 Cujus amplectens dextera BC. — 6, 4 Laeva nescit BC.

237. De sancta Elisabeth.

- | | |
|---|---|
| <p>1. Surgit de stirpe regia
Lux singularis gloriae,
Ferens alta prodigia
Nata regis Hungariae.</p> <p>2. Elisabeth puellula
Generis spreto culmine
Vitam ponit sub regula
Vili contenta tegmine.</p> <p>3. Felix nonus Gregorius
Hanc fovit, et dum docuit,
Instructa volat altuis,
Coeli regna promeruit.</p> | <p>4. Nam mortuo lantgravio
Viro cuncta pauperibus
Prompto praebet subsidio
Piis intenta usibus.</p> <p>5. Plangunt leprosi ulcera
Sanctae tutricis funera,
Color laetus moerentibus
Fit signis subsequentibus.</p> <p>6. Octo resurgunt mortui,
Morborum cuncta genera,
Sumant precantes servuli
Aeterna Christi munera.</p> |
|---|---|
- Brev. ms. bibl. Rossianae s. sign. saec. 14.

238. De sancto Emmeramo.

- | | |
|--|--|
| <p>1. Lauda, Hierusalem, Deum,
Lauda, Sion, atque eum,
Qui confortavit pessulum,
Portas, seras et ostium</p> <p>2. Sanctae matris ecclesiae,
Cum Emmeramum paterne
Pontificat Bavariae
Civitati Ratisbonae.</p> <p>3. Oritur Aquitaniae,
Praesulatur Pictaviae,
Quas reliquit cum genere
Ditatus dei munere.</p> <p>4. Domum patris et populum
Oblitus est ob Dominum,
Intravit in exsilium,
Quaesivit Dei filium.</p> | <p>5. Putationis tempore
More botri se scindere
Et membratim dividere
Volens, Deo confidere.</p> <p>6. Scalam ascendit patiens
Ut Jacob Deum sitiens,
Mulctatus membris singulis,
Hic est casus terribilis.</p> <p>7. Fortunata Bavaria,
Tu claudis sanctuaria,
Quae non celant cellaria
Per varia suffragia.</p> <p>8. O dulce decus praesulum,
Cruoris ferens flosculum,
Funde preces ad Dominum,
Quod noxas tollat hominum.</p> |
|--|--|
9. Gloria tibi, Domine,
Qui certantes magnifice
Pro tuo sancto nomine
Coronasti deifice.

Hymn. et sequent. ms. S. Emmerami saec. 15. Clm. Monacens. 14667. — Die Hs. besagt zwar „Alia prosa de Sancto Emmeramo“; indessen beweist doch die Form, besonders die Doxologie am Schlusse, daß das Lied ein Hymnus und keine Sequenz ist. — 7, 3 selant Hs.

239. De sancto Emmerico.

- | | |
|---|--|
| <p>1. Chorus coelestis agminis,
Coetus superni culminis
Ad thronum summi numinis
Melos attollat carminis.</p> | <p>2. Cujus rivus dulcedinis
Et decor pulchritudinis
Dignis largitur [luminis]
Donum beatitudinis.</p> |
|---|--|

- | | |
|--|--|
| <p>3. Hujus vigore gratiae
Confessor stirpis regiae
Aevo in pueritiae
Cultum sequens munditiae,</p> <p>4. Henricus, dux catholicus,
Regis et haeres unicus,
Miles Christi mirificus
In carne vixit coelicus.</p> <p>5. Mundum contempsit labilem,
Carnem subegit fragilem,
Daemonis et versatilem
Ensem subegit debilem.</p> | <p>6. Hoste sic victo triplici
Confessor virgo coelici
Principis et uranici
Stola vestitur duplici.</p> <p>7. Qua decoratur splendide
Turbae amictus nitidae,
Consors est sine macula
Agni per cuncta saecula.</p> <p>8. Patri decus ingenito,
Gloria unigenito,
Sitque compar laus debito
Spiritus paraclito.</p> |
|--|--|

Brev. ms. Franciscan. Poseniens. saec. 15. No. 50. — 2, 3 Dignus. Lücke in der Handschrift sichtbar. — 2, 4 Domini beatitudinis Hs. — 4, 1 Emmericus Hs. gegen das Vermafs; Emmericus und Henricus gehen als Synonyma. — 8, 3 debito laus Hs.

240. De sancto Emmerico.

- | | |
|--|--|
| <p>1. Plaude, parens Pannonia,
De tam felici filio,
Cujus virtute varia
Coelum repletur gaudio.</p> <p>2. In te regnum de germine
Dux Henricus exoritur,
Ortus salutis semine
Deo cultore seritur.</p> | <p>3. Ab ipsa pueritia
Deum timere dididit,
Subter pedum vestigia
Cuncta terrena subjicit.</p> <p>4. Conservans pudicitiam
Vitae devitat maculam,
Domans cordis lasciviam
Spernit consortis copulam.</p> |
|--|--|
5. Summo patri et Domino
Ejusque soli filio
Cum spiritu paraclito
Sit sempiterna gloria.

Brev. ms. Albense saec. 15. Cod. Lambacens. LXXXIX. A. — Brev. ms. Palat. Vindob. 1812 saec. 14. B. — Cod. Pragense. XIII G 9 saec. 15. C.

1, 1 Gaude parens felix Pannonia C. — 2, 2 Dux Emmericus A. — 3, 3 Beatus pedum A. — 5, 1 Trino Deo et simplici A. — 5, 4 Et nunc et in perpetuum A; In sempiterna C.

241. De sancto Erasmo.

Ad Nocturnum.

- | | |
|---|--|
| <p>1. Martyr Christi eximie,
Mundum vicisti hodie,
Quando ab hac miseria
Scandis ad vera gaudia.</p> <p>2. Qui dum pro fide tunderis,
Plumbo, pice perfunderis,
Oleo, cera, sulfure
Solutis in sartagine,</p> | <p>3. Et nil laesionis pateris;
Dum his Caesar perfunderis
Heu, clamat, uror misere,
Succurre, sancte, propere.</p> <p>4. Pars vulgi perit tertia,
Quando corruscant fulmina,
Ne pereamus hodie,
Salva nos ab hoc daemone.</p> |
|---|--|

- | | |
|---|--|
| <p>5. Christum praedicat omnibus
In ipsum confidentibus,
Draconi sanctus imperat,
Ne quemquam hic contaminat.</p> | <p>6. Credit plebs videns talia,
Et quadraginta milia
Sunt baptizati hominum
Adstantes ad spectaculum.</p> |
|---|--|
7. Laus, honor, virtus, gloria
Regnanti super sidera
Sit patri et sit filio,
Spiritus paraclito.

Hymnarius bonus Joh. de Domassin. anni 1429. Cod. Pragens. XVII
F 20. — 1, 3 Quando fehlt Hs. — 3, 3 clamas Hs.

242. De sancto Erasmo.

Ad Vesperas.

- | | |
|--|--|
| <p>1. Martyris sacri annua
Erasmi nunc solemnna
Celebrando terrestria
Perstrepent et coelestia.</p> | <p>5. Quem angelus arripiens
Levavit ac praeciens,
Quod foret illic praedicans
Et mentes Christo convertens.</p> |
| <p>2. Nam ipse ab infantia
Refulsit diva gratia,
Nocte surgendo media
Ferre gliscit inedia.</p> | <p>6. Respice, praesul praeclare,
Qui passus es tam amare
Resinae, plumbi fervore,
Picis tenacis que cerae.</p> |
| <p>3. O sacerdos piissime,
Qui sprete vitae carie
Vivebas percastissime,
Pauperum fautor optime.</p> | <p>7. Sit nobis gravis haec poena
Protectio a catena
Hostis, semper fide plena
Coeli speremus amoena.</p> |
| <p>4. Praesulatus aspernator,
Egestatis adamator,
Cujus corvus praepositor
Dapis, praecepti auditor.</p> | <p>8. Tibi, Deus altissime
Atque fili piissime
Spiritus ac paraclite,
Sit honor, decus perenne.</p> |

Hymnarius bonus. Joh. de Domassin. anni 1429. Cod. Pragens. XVII
F 20. A. — Hymn. ms. cum commento saec. 15. Cod. Pragens. XIII
G 9. B. — 1, 1 sacra B. — 1, 3 celebrent B. — 1, 4 ac coelestia B. — 2, 3
surgens media B. — 3, 2 vitae carcere A. — 5, 1 accipiens A. — 7, 1 haec
gravis B. — 8, 4 decus, honor A.

243. De sancto Erasmo.

1. O pater alme, clemens atque pie,
Da te laudemus, ardenter amemus
Nunc revoluta martyris in festo
Sancti Erasmi.
2. Hic pius, prudens, idola deludens
Sed deum caeli animo fideli
Voce fatetur nec minis terretur
Imperatoris.

3. Tentus insignis praesul a malignis,
Mente non sanus Diocletianus
Hunc Dei sanctum carceris ad antrum
Ferro ligavit.
4. Fustibus caesus sulphureque laesus,
Hinc calefacto plumbo resoluto
Praesul addictus, nec per haec est victus
Fortis athleta.
5. O martyr digne praesul et benigne,
Nos tuae laudi vacantes exaudi
Nosque commenda Deo et emenda
Crimina nostra.
6. Domino regum canamus in aevum,
Qui coronavit sanctos et beavit,
Quorum obtentu nostroque conventu
Coelica dentur.

Brev. ms. Plagense s. sign. anni 1499. A. — Brev. ms. Voraviense 129 saec. 15. B. — Brev. ms. Scotor. Vindob. 50 h 9 saec. 15. C. — Brev. ms. Lincense *F* o 24 anni 1525. D. — Brev. Kimense imp. s. l. 1518. E.

244. De sancto Erasmo.

Ad Nocturnum.

- | | |
|---|---|
| 1. Fortis athleta martyrurum
Et lux clara pontificum
Erasmus est, cujus sacra
Festa colit ecclesia. | 4. Erasmus, vir egregius,
Ter caesus duris fustibus,
Ungulis tortus inguine
Ferreā uritur tegmine. |
| 2. Cum quibus ille gaudia
Tunc descendit ad ardua
Deicolarum dapibus
Fruiturus coelestibus. | 5. Resolutis plumbo, pice,
Cera, resina, sulphure
Ac oleo hic perfusus
Illaesus stat ab ignibus. |
| 3. Hunc vita fert antistitem
Ac Christi probat martyrem,
Quia victis tortoribus
Jam gaudet in coelestibus. | 6. Hujus prece assidua
Nobis rerum auge bona
Ac post culparum veniam,
Christe, da coeli gloriam. |
| 7. Haec genitor praestet summus
Genitorisque filius
Sanctus simul paraclitus,
Trinus et unus Dominus. | |

Brev. ms. Secoviense saec. 15. Cod. Graecens. 1548. A. — Antiph. ms. Scheftlariense anni 1425. Clm. Monacens. 17 002. B. — 3, 1 vita fecit A.

245. De sancto Erasmo.

- | | |
|---|--|
| 1. Erasmi de victoria
Psalmis, hymnis, dramatibus
Gratuletur ecclesia,
Exsultet coelum laudibus. | 2. Regis ferocis pertulit
Erasmus discriminium,
Aegrotis mente contulit
Magnum salutis gaudium. |
|---|--|

- | | |
|--|---|
| <p>3. Ardebat quidem reddere
Haeredes tui filii
Tuo tibi ex munere,
Sum milargitor praemii.</p> <p>4. Signis, verbis, subsidiis
Animas infidelium
Tuis dedit imperiis,
Rex Christe, factor omnium.</p> | <p>5. Duro caesum martyrio
Martyrem hunc emeritum
Unis digne consortio,
Deus, tuorum militum.</p> <p>6. Valvam pandis aetheream
Sancto tanto dignissime
Post coronam purpuream,
Aeternae rex altissime.</p> |
|--|---|
7. Subventu nos propitio
Consolari divinitus,
Cum patre et cum filio
Veni, creator spiritus.

Cod. Gottwicens. 202 saec. 15. A. — Brev. ms. Capit. Cracovien. 20. saec. 15. B. — Brev. ms. Graecense 1548 saec. 15. C. — 1, 1 de fehlt C. — 1, 2 Psalmis de vicinis de agmatibus B. — 2, 2 discriminum B. — 3, 1 Arebat A. — 3, 3 ex fehlt A. — 5, 1 Multo caesum B. — 5, 2 hunc meritum B. — 5, 3 Vitis digne B.

246. De sancto Erasmo.

- | | |
|--|--|
| <p>1. Haec dies acceptabilis,
Qua pater venerabilis
Erasmus coelo spiritum
Per dignum reddit meritum.</p> <p>2. Praesul doctorque celebris
Multos duxit de tenebris
Per verbum evangelicum
Ad Christum lumen coelicum.</p> <p>3. Doctrinis et miraculis
Hostes fugat ut jaculis,
Ritum profanum destruit,
Cultum divinum iustruit.</p> | <p>4. Christi miles egregius,
Armiger quippe regius,
Verum secutus Jonathan
Ad pugnam promptus inclitam.</p> <p>5. Per bella triumphalia
Multa subjugat milia,
Et hostiles satellites
Fideles fiunt milites.</p> <p>6. Rex coelestis magnalia
Ac mira mirabilia
Ostendit in hoc milite,
Qui militavit inclite.</p> |
|--|--|
7. Qui nos sacro precamine
Emundatos a crimine
Commendet regi domino
Qui regnat sine termino.

Brev. ms. Gottwicense 436 saec. 15. A. — Brev. ms. S. Floriani XI 472 saec. 15. B. — 3, 2 et jaculis B. — 5, 3 Et sic hostiles A.

247. De sancto Erhardo.

- | | |
|---|--|
| <p>1. Proles praeclara Scotiae,
Praesul Erharde inclite,
Quem nobis clemens Dominus
A terrae misit finibus.</p> | <p>2. Et cujus probant merita
Per signorum indicia,
Quae fiunt in debilibus
Et multis aegrotantibus.</p> |
|---|--|

- | | |
|---|--|
| <p>3. Hunc locum tui corporis
Valla pacis praesidiis,
Ut nos et monasterium
Sequamur vitae dominum.</p> <p>4. Patronum te virgineus
Consentiat hic cuneus,
Omnis cum clero populus,
Senes cum junioribus.</p> | <p>5. En Jesum Christum Dominum
Fac tu nobis propitium,
Ut et nos tibi debitum
Persolvamus obsequium.</p> <p>6. Laus tibi, sancta trinitas,
Vera et una deitas,
Quae in sanctorum meritis
Semper es admirabilis.</p> |
|---|--|

Brev. ms. S. Floriani XI 406 saec. 15. A. — Diurn. ms. Mallerstorfense saec. 15. Clm. Monacens. 8159. B. — Brev. ms. S. Emmerami saec. 15. Clm. Monacens. 14913. C. — Str. 2 fehlt B. — 3, 3 Ut sit hoc monasterium B. — 3, 4 Salutis dominicum (l. domicilium) B. — 4, 2 Sentiat hic B. — 5, 1 Tu Jesum B. — 5, 2 Fac nobis B. — Der Hymnus war jedenfalls (vergl. 3, 1 u. 4, 1—2) für das Niedermünster in Regensburg gemacht.

248. De sancto Erhardo.

Ad Laudes.

- | | |
|--|---|
| <p>1. Prompto et puro animo
Hymnum canamus Domino
Pro patris nostri meritis,
Sancti Erhardi praesulis.</p> <p>2. Nobilis hic scotigena
Et verus mundi advena
Praedicans evangelium
Convertit corda gentium.</p> <p>3. Doctrinis ac miraculis
Fidemque dedit populis,
Fratre juvante plurima
Construxit monasteria.</p> <p>4. Novus Christi agricola
Loca quaerens fructifera,
Propter lucra dominica
Petivit regna Norica.</p> | <p>5. Et tandem fessus senio,
Coelesti dignus praemio,
Diem hic clausit ultimum
Victurus apud Dominum.</p> <p>6. Ejus quanta sint merita,
Testantur beneficia,
Quae impetrat, debilium
Sanitas et languentium.</p> <p>7. Hujus placatus precibus
Esto nobis propitius
Et Christianis omnibus
Te Deum invocantibus.</p> <p>8. Pro tali patrocinio
Laus tibi et confessio,
A quo sumit exordium
Omne sanctorum meritum.</p> |
|--|---|

Brev. ms. Garstense anni 1415. Cod. Lincens. f p 12. A. — Brev. ms. S. Crucis. 320 saec. 14. B. — Hymn. et Sequent. ms. S. Emmerami saec. 15/16. Clm. Monacens. 14667. C. — 2, 4 gentilium A. — 4, 1 Bonus Christi B.

249. De sancto Eustachio.

Ad Laudes.

- | | |
|--|--|
| <p>1. Romam redit Eustachius,
Victor miles egregius
Regni devictis hostibus,
Castrorum fractis postibus.</p> | <p>2. Trajanus jam obierat,
Viam carnis inierat,
Adriani malitia
Successit cum saevitia.</p> |
|--|--|

- | | |
|--|--|
| 3. Imperio praedominans,
Christianos abominans
Mortem infert credentibus
Et Christum confitentibus. | 4. Impellitur Eustachius,
Ut offerat quantocius
Simulacris inanibus
Humanis factis manibus. |
|--|--|

5. Ab Adriano destitit
Et illi sectae restitit,
Detestans idolatriam,
Anhelans coeli patriam.

Brev. ms. Voraviense 268 saec. 15. A. — Brev. ms. Secoviense saec. 15.
Cod. Graecens. 471. B.

250. De sancto Eustachio.

- | | |
|---|--|
| 1. O mira dispensatio,
Dei praedestinatio,
Quemvis trahis subtiliter
Et salvas mirabiliter. | 4. Itur et fit obediens
Katechizatus rediens,
Renatus in baptismo
Cessat ab omni schismate. |
| 2. Mittis cervum cruciferum,
Qui fecit salutiferum
Tuum asseclam Placidum,
Gentilitate perfidum. | 5. Vocatur tunc Eustachius,
Qui Placidus dictus prius,
Mutato sibi nomine
Surgit fides in homine. |
| 3. Humane cervus loquitur,
Quo Placidus instruitur,
Episcopum ut adeat
Et in baptismo madeat. | 6. Ipse, uxor et filii
De deitate conscii,
In trinitatem creduli
Fidem sectantur seduli. |

7. Et nos cum ipsis Dominum
Profitentes unitrinum
Mente laudemus sedula
Per saeculorum saecula.

Brev. ms. S. Floriani XI 472. saec. 15. A. — Brev. ms. Lincense 170
24 saec. 15. B. — Brev. ms. Plagense. s. sign. anni 1499. C. — Brev. ms.
Voraviense 268 saec. 15. D.

1, 1 O miranda D. — 2, 1 crucifixum BC. — 6, 1 Ipse vox A. — 7, 2
unicum A. — 7, 4 In saeculorum CD.

251. De sancta Felicitate.

- | | |
|--|---|
| 1. Gaude, mater ecclesia,
Tantae matris sollemnia
Recolendo celebribus
Cordum ac vocum laudibus. | 3. Felix mater Felicitas,
Felix fratrum nativitas,
Quos matri mater gratia
Patris junxit in patria. |
| 2. Quae septiformis spiritus
Donis imbuta coelitus
Septem profudit pignora,
Septena coeli sidera. | 4. Contemptis cruciatibus,
Blanditiis, terroribus,
Certant mortis in stadio
Sancti pro vitae bravio. |

- | | |
|---|--|
| <p>5. Poenas tortor accumulatur
Nec simul omnes jugulat,
Terrere parans alium
Alius per supplicium.</p> | <p>7. Confortat mares femina,
Cum fletu spargit semina,
Quae laetanter recipiat,
Cum tempus messis veniat.</p> |
| <p>6. Mater natorum vulnera
Gaudens videt et funera,
Regno gestit praemittere,
Quos sic sequatur propere.</p> | <p>8. Tu nunc, mater cum filiis,
Coeli fruentes gaudiis,
Nostis Deum supplicibus
Piis placare precibus.</p> |
9. Sit trinitati gloria
Sanctorum in victoria,
Laus, honor, jubilatio
Et gratiarum actio.

Brev. ms. Aquilegiense saec. 15. Cod. semin. Brixinens. s. sign. — Nach Str. 6 „Divisio“. — 8, 2 ferentes gaudiis. — 8, 3 Nostris deum.

252. De sanctis Fereolo et Ferutio.

Ad Vesperas.

- | | |
|--|---|
| <p>1. Psallat chorus fidelium
Festum revolvens annum,
Quo martyres in curia
Locati sunt siderea.</p> | <p>4. Quorum nos patrocinia
Ad coeli ducant agmina,
Ut regnemus cum incolis
In sacris tabernaculis.</p> |
| <p>2. Sacerdos hic Fereolus,
Irenaei discipulus,
Sacris refulsit moribus
Dignisque actionibus.</p> | <p>5. Protegatur Chrysopolis
Horum sanctis suffragiis,
Per quos rogamus Dominum
Suae salutis praemium.</p> |
| <p>3. In sacro namque dogmate
Resplenduit mirifice
Cum levita Ferutio,
Athleta Dei maximo.</p> | <p>6. Cui laus, virtus, imperium
Per omne manens saeculum,
Qui regnat trinus unice,
Cuncta regens justissime.</p> |

Brev. ms. S. Deodati saec. 16. Clm. Monacens. 10909. — 2, 2 Hic Hyr-remi. — 5, 1 Chrysopolis = Vesontium (Bisontium).

253. De sancto Francisco.

Ad Laudes.

- | | |
|---|--|
| <p>1. Plaude, turba paupercula,
Patre ditata paupere,
Laudis propina pocula
Sacro depressa ubere.</p> | <p>3. Vili contentus tegmine,
Sacro calescens flamine,
Vincunt algorem caumata,
Christi dum gestat stigmata.</p> |
| <p>2. Hic simplex, rectus, humilis,
Pacis cultor amabilis,
Lumen in vase fictili
Ardens, lucens in fragili.</p> | <p>4. Carnem mundumque conterens,
Hostes malignos proterens,
Auream victor meruit
Aureolam, dum docuit.</p> |

- | | |
|--|--|
| <p>5. Pauper, nudus egreditur,
Coelum dives ingreditur,
Spargit virtutum munera,
Aegris profligat vulnere.</p> | <p>6. Verorum pater pauperum,
Nos pauperes fac spiritu,
Consortes redde superum
Ereptos ab interitu.</p> |
| <p>7. Patri, nato, paraclito
Decus, honor et gloria,
Sint hujus sancti merito
Nobis aeterna gaudia.</p> | |

Hymn. ms. Francisc. saec. 14. Cod. Pragense. XIII B 1. A. — Brev. ms. Francisc. anni 1464. Cod. Admontens. 851. B. — Brev. ms. Francisc. saec. 14. Cod. Griesens. 27. C. — Unvollständig und inkorrekt bei Mone 922.

254. In festo stigmatum s. Francisci.

- | | |
|---|--|
| <p>1. Crucis Christi mons Alvernae
Recenset mysteria,
Ubi salutis aeternae
Dantur privilegia,
Dum Franciscus dat lucernae
Crucis sua studia.</p> | <p>4. Ad quem venit rex e caelo
Amictu seraphico,
Sex alarum tectus velo
Aspectu pacifico,
Affixusque crucis telo
Portentu mirifico.</p> |
| <p>2. Hoc in monte vir devotus
Specu solitaria,
Pauper a mundo semotus
Condensat jejunia,
Vigil, nudus, ardens totus
Crebra dat suspiria.</p> | <p>5. Cernit servus redemptorem
Passum impassibilem,
Sanctorum imperatorem,
Tam puim, tam humilem,
Verborum audit tenorem
Viro non effabilem.</p> |
| <p>3. Solus ergo clausus orans
Mente sursum agitur,
Super gestis crucis plorans
Moerore conficitur
Crucisque fructum implorans
Animo resolvitur.</p> | <p>6. Vertex montis inflammatur
Vicinis cernentibus,
Cor Francisci transformatur
Amoris ardoribus,
Corpus vero mox ornatur
Mirandis stigmatibus.</p> |
| <p>7. Collaudetur crucifixus
Tollens mundi scelera,
Quem laudat concrucifixus
Crucis ferens vulnere,
Franciscus, prorsus innixus
Super Christi foedera.</p> | |

Cod. S. Peter Salisburg. a. VI. 52. saec. 15. — Cfr. Daniel I, 316.

255. De sancto Gabriele.

Ad matutinum.

- | | |
|---|--|
| <p>1. In Gabrielis ordine
Aeterna lucet claritas,
Ardet amoris lumine
Seraphica limpeditas.</p> | <p>2. Throni, Virtutes, Seraphim,
Potestates, Archangeli,
Dominationes, Cherubim,
Principatus et angeli.</p> |
|---|--|

- | | |
|--|---|
| <p>3. Hi spiritus angelici
Assistunt Deo jugiter
Et trinitati simplici
Sanctus proclamant dulciter.</p> <p>4. Ex quorum coetu mittitur
Nostrae salutis bajulus,
Hic Gabriel qui dicitur,
Magni consilii angelus.</p> | <p>5. Ab arce missus coelitus
Divinam per indaginem,
Virtute fatur spiritus,
Sanctam repleti virginem.</p> <p>6. Declarat hoc mysterium
Gabriel sanctae virgini,
Quae clamat pandens gaudium:
Ecce ancilla domini.</p> <p>7. O signifer angelice,
Qui donas mundo gaudia,
Tuis praesenta coelice
Aeterna frui gloria.</p> |
|--|---|

Brev. ms. Rappoltivillan. saec. 15. Clm. Monacens. 10929. A. — Cod. S. Petri Salisburgens. a IV 42 saec. 15. B. — 6, 3 gaudens B. — Diurn. ms. Francisc. saec. 15. Cod. Pragense. VII H 8. C. — 1, 1 Gabrielis in ordine C. — 1, 3 Gaudet amoris C. — 1, 4 Seraphice B. — 2, 3 atque Cherubim AB. — 5, 4 Sanctus repleti C. — 6, 3 gaudens B. — 7, 4 Tuisque praesta C.

256. De sancto Gabriele.

Ad Laudes.

- | | |
|---|--|
| <p>1. In hierarchia coelica
Mirus fulget hierarchicus,
Secreta rimans deica
Dux angelorum unicus.</p> <p>2. Ardens amore nimio
Divino dictus Seraphim,
Plenus Dei mysterio
Digne vocatur Cherubim.</p> <p>3. Virtus de coelo prodiit
Per hunc virtutum cumulum,
Coelum caecis aperuit
Nobis Deus per angelum.</p> | <p>4. Potestas ejus cernitur
Cum volat missus subito,
Et caro Christi gignitur
Ex ejus verbo credit.</p> <p>5. Thronorum robor Gabriel
Ignaram captat virginem,
Concipere Emanuel,
Trinitatis imaginem.</p> <p>6. O signifer angelice,
Qui dones mundo gaudia,
Tuis praesenta coelice
Aeterna frui gloria.</p> |
|---|--|

Brev. ms. Rappoltivillan. saec. 15. Clm. Monacens. 10929. A. — Brev. ms. Hermetisvillan. saec. 15. Cod. Griesens. 56. B. — Diurn. ms. Franciscan. saec. 15. Cod. Pragense. VII H 8. C. — Cod. S. Petri Salisburgens. a IV 42 saec. 15. D.

1, 2 Nixus fulget D; Murus est hierarchicus B. — 4, 4 creditur B. — 5, 2 In aram captat B. — 6, 3 Tuis praesenta A; Tuisque praesta C.

257. De sancto Gabriele.

In 2. Vesperis.

- | | |
|--|--|
| <p>1. Lux coelorum, angelorum
Decus decantat veniens
De Maria melodia:
Verbum supernum pro-
diens.</p> | <p>2. Ave stella, Dei cella,
Navigantis in aequora,
Roris plena vitae vena,
Illumina nunc pectora.</p> |
|--|--|

- | | |
|---|--|
| <p>3. Devotorum angelorum
Precibus fuis hodie
Vota sume, o rex summe,
Te deprecamur hague.</p> <p>4. Tu de caelis Gabrielis
Voce venisti angeli,
Nos defendes, cum descendes,
Jesu, salvator saeculi.</p> | <p>5. Jesum natum per affatum
Gabrielis praefulgidi,
Confitemur et scutemur
Hostis a telo perfidi.</p> <p>6. Cum beatis nobis datis
Sanctorum sertis numerum,
Vitam donet, nos coronet,
Conditor alme siderum.</p> |
|---|--|

Diurn. ms. Francisc. saec. 15. Cod. Pragenses. VII H 8. A. — Diurn. ms. Hermetisvillan. saec. 15. Cod. Griesens. 56. B. — Brev. ms. S. Odiliae Rappoltvillan. saec. 15. Clm. Monacens. 10929. C. — Cod. S. Petri Salisburgens. a IV 42. saec. 15/16. D. — 1, 1 Dux coelorum A; Lux sanctorum B. — 3, 1 De istorum D.

258. De sancto Gaudentio.

In Vesp. et Noct.

- | | |
|--|---|
| <p>1. Felix per omne saeculum
Est urbs Novariensium,
Ubi confessor inclitus
Dei fulsit Gaudentius.</p> <p>2. Hunc senior Laurentius
Peremptus a crudelibus
Mausolei cultoribus
Lectorem parvum docuit.</p> <p>3. Editus Hipporegiae,
Nutritus sed Novariae,
Martini post notarius,
Eusebii mox socius.</p> <p>4. Simplicianus exhibet
Hunc primum hic pontificem,
Sicut ipse praedixerat,
Cunctorum fides rutilat.</p> | <p>5. Quem Petrus coeli claviger
Sibi probat non imparem,
Urbis matronam nobilem
Ad liberandum dirigens.</p> <p>6. A quo sanata exstitit,
Dum hostis pulsus abiit,
Et ejus salus omnium
Moestorum fuit gaudium.</p> <p>7. Dum transiit Gaudentius,
Successor est Agapius,
Quem ipse praelegerat,
In carne donec aderat.</p> <p>8. Credentes Christo Domino
Salvantur ejus merito,
Si digne confitebimur,
Et nos omnes salvabimur.</p> |
|--|---|

9. Praesta, beata trinitas,
Concede, simplex unitas,
Ut precibus Gaudentii
Possimus coelo perfrui.

Brev. ms. saec. 15. s. sign. bibl. Rossianae. — 7, 2 Agapius Hs. — 7, 4 atterat Hs.

259. De sancto Gaudentio.

Ad Laudes.

- | | |
|--|---|
| <p>1. Clari sacerdos nominis,
Sacri peritus dogmatis,
Plebem Dei Gaudentius
Sacris pavit sermonibus.</p> | <p>2. Hunc imbuit Laurentius,
Ejus laude clarissimus,
Hunc illi dignum meritum
Junxit parem Eusebium.</p> |
|--|---|

- | | |
|--|---|
| <p>3. Pergit minister et comes
Mori paratus exsul est,
Miles probavit, praesulis
Se posse formam sumere.</p> <p>4. Pius vates Ambrosius,
Facundiae qui floribus
Decus fuit ecclesiae,
Gaudentium sic alloquens:</p> <p>5. Reor, episcopaberis.
Respondit: Vera asseris,
Creandus sum ab altero,
Migrabis ante saeculo.</p> | <p>6. In re canit Ambrosius,
In tempore Gaudentius,
Causam paris miraculi
Vero loquuntur spiritu.</p> <p>7. Petrus coelorum janitor
Suo movit oraculo
Urbis matronam nobilem
Ad vatis aedem currere.</p> <p>8. Dum templa gressu contigit,
Daemonem fides expulit,
Exusta peste femina
Mox egit Deo gratias.</p> <p>9. Praesta, beata trinitas,
Concede simplex unitas,
Ut precibus Gaudentii
Possimus coela perfrui.</p> |
|--|---|

Brev. ms. saec. 15. bib. Rossianae s. sign. — 4, 1 Qui pius vates Hs. — 8, 1 Sum templa gressu Hs.

260. De sancto Georgio.

- | | |
|---|--|
| <p>1. Artis decor, verbi schema
Personet decoris thema,
Novae laudis diadema
Cudat regi gloriae.</p> <p>2. Plaudat color et figura
Cum rhetoricae pictura,
Promat omnis genitura
Elyon victoriae.</p> <p>3. Canant sphaerae planetarum,
Plaudant circuli stellarum,
Pliades et lux earum
Ardoris vibramine.</p> | <p>4. Euris spirat ab aurora,
Zephyrus a noctis hora,
Auster festum hoc irrorat
Fecundo rigamine.</p> <p>5. Ipsa die vernant prata
Et in spicas tument sata,
Lucent Tempe flore grata
Et vernant de gramine.</p> <p>6. Annum condit ver odore,
Sol in gyro proprio
Novo polit humum flore
Roris temperamine.</p> <p>7. Genitori, geniturae,
Proli patris et figurae,
Modulentur plasmaturae
Cum amborum flamine.</p> |
|---|--|

Brev. ms. Landshutense saec. 15. Clm. Univ. Monacens. 153. A. — Cod. Sangallens. 418 saec. 15. B.

1, 1 urbis scena B. — 1, 4 Cui dat B. — 2, 1 Pandat B. — 3, 1 Gaudet B. — Nach Str. 6 eine Strophe in unbesorgtem Versmaße Ave pater Gregori etc., die sicher unecht ist. B. — Das Versmaße legt die Vermutung nahe, daß unser Hymnus ursprünglich als Sequenz u. z. auf die Melodie Verbum bonum gedichtet worden.

261. De sancto Georgio.

- | | |
|--|---|
| 1. Festum beati martyris
Georii digne colimus,
Domine, rex piissime,
Tu precum vota suscipe. | 5. Hinc agonista Domini
Impavidus sartaginem
Plumbum ferventem insiliit
Atque laetus repausavit. |
| 2. Qui pro aeterno nomine
Regis tormenta sustulit,
Ut mereamur praemia
Suscipere coelestia. | 6. Ignis de coelo mittitur
Idolumque comburitur
Et idola in pulverem
Redacta sunt et cinerem. |
| 3. Hic Daciano principe
Suspensus in equuleo
Laceratus est unguis
Lateribusque crematus. | 7. Post haec tyrannus pessimus
Ira repletus fervida
Praecipiens decollare
Choris junxit angelicis. |
| 4. Missus in antrum carceris,
Post haec in rotam aeneam
Impositus comminuit
Incolumis et permansit. | 8. O pie martyr Geori,
Pro nobis ora Dominum,
Ut Suevienses incolas
Pio favore protegas. |
9. Praestet hoc nobis deitas
Beata patris ac nati
Cum pneumate paraclito
Et nunc et in perpetuum.

Hymn. ms. S. Galli 410 saec. 15. — 3, 3 est fehlt Hs. — 3, 4 Lateribus atque Hs. — 6, 4 in cinerem Hs.

262. De sancto Georgio.

Ad Laudes.

- | | |
|--|--|
| 1. Glorioso Christi martyr,
miles invictissime,
Qui pro fide trinitatis
tulisti supplicium,
En triumphas super astra
inter flores martyrum. | 2. Te devote suspirantes
exuas periculis
Ac post hujus carnis metam
jungas coeli civibus,
Quo perenni valeamus
tecum frui gloria. |
|--|--|
3. Gloria et honor Deo
usquequo altissimo
Una patri filioque
inclito paraclito,
Cui laus sit et potestas
per aeterna saecula.

Brev. ms. S. Waltrudis Montens. anni 1597. Hsch. 7966 der kk. Familien-Fidei-Kommiß-Bibliothek Wien.

263. De sancto Georgio.

1. Novelli sideris exorto jubare
Mundus cum superis festo non impare
Promunt praeconia, nos enim gratia
Visit ex alto oriens.
2. Granum projicitur in terrae gremium,
Dans, quando moritur, fructum eximium,
Sic post martyrium odorem varium
Dat Georgius moriens.
3. Ictus supplicii fortiter patiens,
Palmam martyrii ovans suscipiens,
Hinc beneficia mater ecclesia
Per eum plura suscipit.
4. Qui patientia tormenta superat,
Meriti gratia lictores tolerat,
Effuso sanguine pro Christi nomine
Bravium vitae accipit.
5. O martyr semina culparum remove,
Virtutum germina in nobis promove,
Ut ita libere possimus currere
In mandatorum semita.
6. Implora precibus jugiter Dominum,
Nobis pauperibus amorem geminum
Libens ut tribuat atque nos instruat
Reddendo vota debita.
7. Nostraque inclytis describi nomina
Procura meritis in vitae pagina,
Ut poli solium post hoc exsilium
Capiamus feliciter.
8. Patri ingenito honor et gloria,
Sit unigenito salus, victoria
Benigno flamine sit, trino numini
Laus sit nunc et perenniter.

Brev. ms. Ducumburgense 68 saec. 15. A. — Brev. ms. Ducumburgense
67. saec. 15. B. — Nach Str. 4 „Divisio“.

264. De sancto Gregorio.

1. Laudibus dignis resonemus omnes
Corde devoto veneranda sacra
Tam refulgentis meritis beati
Festa patroni.
2. Qui satus Romae patre Gordiano,
Silvia matre genitus pudica,
Traxit et famam genere ex avito
Nobilitatis.

3. Artibus puris teneris sub annis
Impiger sensus aluit tenellos
Atque gustavit studio frequenti
Dogmata Christi.
4. Struxit ad Christi venerationem
Claustra sex fratrum Siculis in arvis,
Septimum sumptu proprio latina
Struxit in urbe.
5. Post cleri ritus statuit precesque,
Cuncta restaurans monumenta sedis,
Ordines cleri revocansque sacros
Papa creatus.
6. Nunc tuis praesens age sis, Gregori,
Corde sincero flagitamus omnes,
Quatenus sacris sociemur astris
Arce polorum.
7. Sit Deo nostro decus et potestas,
Sit salus perpes, sit honor perennis,
Qui poli summa residet in arce
Trinus et unus.

Hymnar. ms. Hermetisvillan. anni 1553. Cod. Griesens. 23.

265. De sancta Gertrude.

Ad Vesperas.

- | | |
|---|---|
| 1. Jesu, flos matris virginis,
Votis faveto supplicis
Hymnizantis tibi gregis
Gertrudis festa praesulis. | 4. Tuis, precamur, meritis
Nos solve nexu criminis.
Ut cum judex advenerit,
Agni jungamur dexteris. |
| 2. Tempsit quae tui gratia
Cosmi ridentis basia,
Malens coeli theoricam
Vitam sequi quam perditam. | 5. Nunc et te rogat pupillus,
Gertrudis virgo, grex tuus
Suffragia, quo precibus
Votisque preces fundimus. |
| 3. Hanc matrem sensit pupillus,
Inops, egens et languidus,
Pedem claudis, lumen caecis
Vitam praebentem mortuis. | 6. Trinae monadi gloria
Sit perpes, pangant omnia
Simploque semper triplici,
Laus, decus, virtus parili. |

Cod. Palat. Vindob. 4715 anni 1427.

266. De sancta Hedwige.

In Vesp. et Laudibus.

- | | |
|--|--|
| 1. Congaudeat ecclesia
Hedwigi claris moribus,
Quam coronavit gloria
Christus in coeli sedibus. | 2. In exemplum est posita
Nobilibus haec nobilis,
Nam univit seposita
Facta dives et humilis. |
|--|--|

- | | |
|---|---|
| <p>3. Haec temperatis moribus
Nec non placidis exstitit,
Valde larga pauperibus
Voluptatibus restitit.</p> <p>4. Utens perpaucis poculis,
Fastus corporis mitigat
Et sursum cordis oculis
Tensis docet, quem diligit.</p> | <p>5. Vita, mores, miracula
Excellensque devotio
Pro Christi clamant famula,
Quod sit cum Dei filio.</p> <p>6. Praesta, Deus, petentibus
Per Hedwigis suffragia,
Ut in eorum mentibus
Tua non desit gratia.</p> |
|---|---|

Brev. ms. Altovadense L II saec. 14. A. — Brev. ms. Palat. Vindob. saec. 14. B. — 4, 4 diligit A. — 5, 3 Christi clamant quod famula A. — 5, 4 Sibi cum Dei filio A.

267. De sancta Hedwige.

- | | |
|--|---|
| <p>1. Exsultet jam angelica
Festiva turba gaudio,
Laetetur aula coelica
Hedwigis natalitio.</p> <p>2. Hesther nova fastigio
Sed fastus prorsus nescia,
Humilitatis studio
Pervenit ad coelestia.</p> | <p>3. Judith fulgens jejunio,
Dorsum cruentans verbere.
Hostem prostravit gladio,
Carnem non sinens serpere</p> <p>4. Marthae gerens officia
Pietatis visceribus,
Anhelans ad coelestia
Sparsit quaeque pauperibus.</p> |
|--|---|
5. Summi largitor praemii,
Hedwigis natalitio
Fac nos ejus consortii
Aeterno frui gaudio.

Antiph. ms. Praedicatt. Cracoviens. s. sign. saec. 15/16. — Mel.: Aeterni patris unice.

268. De sancta Hedwige.

Ad Vesperas.

- | | |
|---|--|
| <p>1. Gemma fulget ecclesiae,
Hedwigis, ductrix Slesiae
In lucem data gratiae
Gaudiumque Poloniae.</p> <p>2. Fulget vita mirabilis,
Plena bonis operibus,
Multimodis in populis
Meritorum virtutibus.</p> <p>3. Sub annis pueritiae
Dei timore subdita,
Cor gerit innocentiae
Devotioni dedita.</p> | <p>4. Sacris imbuta literis
Aetate licet tenera
Thesaurum sui pectoris
Nova condit et vetera.</p> <p>5. Instat orationibus,
Psalmos non cessat promere,
Pro malis imminentibus
Die noctuque gemere.</p> <p>6. Cujus praeclara merita
Nobis implorent veniam,
Ut dimittantur debita
Per Jesu Christi gratiam.</p> |
|---|--|

7. Nos supplices exaudias
Pacemque nobis conferas,
Omnes fideles protegas,
Te deprecamur, trinitas.

Hymn. ms. (c. commento) saec. 15. Cod. bibl. Jagellonicae 2012. A. —
Brev. ms. sec. notulam et ritum dominorum theutonicorum imp. s. l. 1500. B.

1, 3 u. 4 Ducissam sanctam colite | Vos gentes nunc Poloniae A. —
2, 1 Fulsit ista miraculis A. — Str. 4 u. 5 verstellt A. — 4, 4 Laetanter
scandit aethera A. — Str. 7 fehlt B.

269. De sancta Hedwige.

- | | |
|---|---|
| 1. Gemma lucet ecclesiae
Novo fulgore rutilans,
Hedwigis mater Slesiae
Nos meritis laetificans. | 3. Haec est oliva pullulans
Rivosque fundens olei,
Robur mentis illuminans
Cognitione fidei. |
| 2. Ex nobili plantario
Prodit cedrus de Libano,
Perenni virens folio
Fit cypressus ex platano. | 4. Pietatis dulcedine,
Viriditate frondium,
Carismatum pinguedine
Morbos curans debilium. |
| 5. Sic de palmis victoriae
Praedulces fructus capiens,
Triumphum tenet gloriae
Aeterna dona possidens. | |

Brev. S. Annae Pragae saec. 16. Cod. Pragens. XII D 3.

270. De sancta Hedwige.

Ad Laudes.

- | | |
|--|--|
| 1. Hedwigis piis actibus
Non cessabat insistere,
Pro malis imminentibus
Die noctuque quaerere. | 4. Florens vita, miraculis,
Imperabat daemonibus,
Optatam in periculis
Opem ferens poscentibus. |
| 2. Sacris imbuta litteris
Divina mente sedula
Novae legis ac veteris
Scrutabatur oracula. | 5. Psallebat flexis genibus
Aut humi dato corpore,
Fixis in coelum vultibus
Orabat omni tempore. |
| 3. Plena Dei scientia
Et prophetiae spiritu
Multa vidit praesagia
De defunctorum exitu. | 6. Cujus praeclara merita
Nobis implorent veniam,
Ut dimittantur debita
Per Jesu Christi gratiam. |
| 7. Hujus nobis per merita
Christus condonans debita,
Det in praesenti gratiam
Et in futuro gloriam. | |

Brev. ms. S. Annae Pragenses. saec. 16. Cod. Pragenses. XII D 3. A. — Antiph. ms. Praedicatt. Cracoviensis. s. sign. saec. 15/16. B. — Brev. sec. notulam et ritum dominorum Theutonicorum imp. 1500. C.

3, 4 Defunctorum exitu A; Defunctorum in exitu B. — 6, 1—4 in mit abweichender Reimstellung A:

Hujus nobis per merita
Christus condonans debita
Det in praesenti gratiam
Et in futuro gloriam.

271. De sancta Hedwige.

- | | |
|---|---|
| 1. Laudemus votis intimis
Hedwigem, venam copiae,
Profusam elemosynis
Egenorum inopiae. | 4. Infirmos, clausos carcere
Visitavit sollicitè,
Absolvit prece, munere
Saepe truncandos capite. |
| 2. Mandatum Dei provide
Quae dum implere studuit,
Pro potu aquae frigidae
Justi mercedem tenuit. | 5. Peregrinos excipiens
Curavit lotis pedibus,
Jus sepulturae faciens
Defunctorum corporibus. |
| 3. Manus levans esuriem
Panem petenti tribuit,
Algoris pellens rabiem
Veste nudum operuit. | 6. Hujus nobis per merita
Christus condonans debita
Det in praesenti gratiam
Et in futuro gloriam. |

Brev. St. Annae Pragenses. saec. 16. Cod. Pragenses. XII D 3. A. — Brev. sec. notulam et ritum dominorum Theutonicorum imp. s. l. 1500. B.

1, 3 Perfusam AB. — 2, 1 Quae legem Dei B. — 2, 2 Clam adimplere B. — 3, 1 Famis levans B. — Str. 4 u. 5 verstellt B. — 4, 4 truncatos A.

272. De sancta Hedwige.

Ad Laudes.

- | | |
|---|---|
| 1. Laudis tantae praeconia
Sonent in cunctis auribus
Et haec sacra solemnia
Festiva fiant omnibus. | 3. Hinc ergo psalmi resonent
Cum dulcisonis laudibus,
Quibus affectus consonent
Sacris pleni dulcoribus. |
| 2. Sic enim honorabitur,
Quem honorari vult Deus,
Nec in ea frustrabitur
Orans pro crimine reus. | 4. Tuque, beata femina,
Voces audi precantium
Et ad sanctorum agmina
Vota juva credentium. |
| 5. Praesta, Deus, petentibus
Per Hedwigis suffragia,
Ut in corum mentibus
Tua non desit gratia. | |

Brev. ms. Altovadense LII saec. 14. A. — Antiph. ms. Mus. Francisc. Brunen. 433 saec. 14. B. — Brev. ms. Palat. Vindob. 1868 saec. 14. C. — „Ad nocturnum“ BC.

273. De sancta Hedwige.

Ad Nocturnum.

- | | |
|--|--|
| 1. Te decet hymnus gloriae,
Deus, in hac sacra die,
Qua Hedwigis eximiae
Recensentur sollemnia. | 4. Fulsit et per prodigia
Haec mulier egregia,
Nam in plerisque rutilant,
Qui jam sanati jubilant. |
| 2. Te in ipsius gloria
Nostra laudent praeconia,
Nam ipsam tu glorificas
Per virtutes magnificas. | 5. Caeci, claudi reparantur,
Nece strati suscitantur,
Adfuit aegrotantibus
Pia pie precantibus. |
| 3. Mirandae patientiae
Fuit et affluentiae,
Plena bonis operibus,
Fulgens placidis moribus. | 6. Adsis et nobis, domina,
Pellens nostra discrimina
Et tuis fulti precibus
Jungamur coeli civibus. |
7. Praesta, Deus, petentibus
Per Hedwigis suffragia,
Ut in eorum mentibus
Tua non desit gratia.

Brev. ms. Altovadense LII saec. 14. A. — Antiph. ms. Musaei Franciscae Brunens. 433 saec. 14. B. — Brev. ms. Palat. Vindob. 1868 saec. 14. C. — Str. 7 fehlt A.

274. De sancta Helena.

- | | |
|---|--|
| 1. Factor orbis et omnium
In orbe existentium,
Dirige clemens mentium
Vota tibi psallentium. | 4. Haec circa ministerium
Ceum Martha frequens martyrum,
Ex fundamentis editas
Decoravit ecclesias. |
| 2. Cujus misericordia
Salvari volens omnia
Sibi suisque vernulam
Praedestinavit Helenam. | 5. Ipsius per te precibus
Justificari poscimus,
Ut post carnis exuvias
Coelum nobis aperias. |
| 3. Cujus sollicitudine
Passionis dominicae
Lignum tectum inquiritur
Quaesitumque detegitur. | 6. Trino et individuo
Cunctipotenti Domino
Regnanti sine termino
Sit laus et jubilatio. |

Hymn. ms. saec. 15. Cod. bibl. publ. Salisburgens. V 1 J 201 A. — Antiph. ms. Sanctense s. sign. saec. 13. B. — Brev. ms. Capit. Dusseldorpien. saec. 15. Cod. Dusseldorpien. C. 64. — 1, 2 subsistentium C. — 3, 4 quaeritur C. — 3, 4 retegitur A.

275. De sancto Hellario et soc.

- | | |
|---|---|
| 1. Exsultet coelum laudibus,
Resultet terra gaudiis,
Dum Hellarium virtutibus
Ut miramur variis. | 2. Cujus Levita legitur
Vir Tacianus Hellari,
Qui secum poenas patitur
Fide firmatus hilari. |
|---|---|

- | | |
|--|---|
| <p>3. Felix consors catholicus
Hac fide fit felicior;
Quem sanxit apostolicus,
Ut cultu sit celebrior.</p> <p>4. Accedit large Largius
Simul cum Dionysio,
Tantum in arce socius
Dei praestante filio.</p> | <p>5. Vos ergo, Christi milites
Et gloriosi meritis,
Efficite nos divites
In regno, quo nunc vivitis.</p> <p>6. Concedat hoc ingenuus
Una cum unigenito,
Qui sunt in esse penitus
Aequales cum paraclito.</p> |
|--|---|

Brev. ms. Aquilegien. saec. 15. Cod. sem. Brixin. s. sign. — 2, 2 Hellari
Hs. nach der im Mittelalter vielfach üblichen Aussprache statt Hellarii. Cfri
Analecta III, 12 not. — 3, 3 sanctit Hs. — 6, 4 una cum paraclito Hs.
wohl aus 6, 2 eingeschlichene Wiederholung.

276. De sancta Hemma.

Ad Vesp. et Mat.

- | | |
|---|---|
| <p>1. Consurgat laeta concio
Spei ditata munere,
Larga referre Domino
Vota piorum carmine.</p> <p>2. Alliciamus vocibus
Laudisonis altissimum,
Corda movendo potius
Compaginesque corporum.</p> <p>3. Pro nobis Hemma deprecans
Adsit benigna, petimus,
Ipsam jucundo mitigans
Plausu canendo carius.</p> <p>4. Auctor bonorum optime,
Te collaudantes visita,
Cordis obscura remove,
Lustrata redde pectora.</p> | <p>5. Hemmae nos fove precibus,
Quam vitae colit ratio,
Cujus in laude canimus
Tibi suavi gaudio.</p> <p>6. Memento, salus omnium,
Quod singulorum merita
Tu fingis dans initium,
Effectus atque praemia.</p> <p>7. Revela sensus, instrue
Mentes, adesce propera,
Fac aspiremus intime
Donantem te solatia.</p> <p>8. Praesta pater cum filio,
Deus unus in gloria
Regnansque cum paraclito
In sempiterna saecula.</p> |
|---|---|

Cod. ms. Gurens. sine Nr. saec. 14. Fürstbischöfl. Archiv unter den
Kanonisationsakten.

277. De sancta Hemma.

Ad Laudes.

- | | |
|---|--|
| <p>1. Omnis decora pectore
Femella grata Domino,
Ore fragrans aromate
Fructuque nitens candido.</p> <p>2. Non conjunx neque vidua
Fit expers agni thalami,
Pridemque sibi commoda
Clari ministrat oppidi.</p> | <p>3. Nunc quondam sponsi quaerulae
Gaudent annexae socio
Thorique dona capere
Perennis vitae praemio.</p> <p>4. Rosarum cultae floribus,
Clarior ornatae laureis,
Sacris ditatae moribus.
Locis cubando fulgidis.</p> |
|---|--|

- | | |
|--|---|
| <p>5. Gliscunt tinnire júbilo
Júcunda laudum cantica,
Clangore sub organico
Semper novando gaudia.</p> <p>6. Matris honoris sociae,
Quam prolis visu decorant,
Matres sponsaeque filiae
Regis quo regna possident.</p> | <p>7. Sanctorum tu rex intimo
Dignus amore cordium,
Amplecti desiderio,
Dulcis amor fidelium.</p> <p>8. Sit tibi patri gloria
Prolique cum paraclito
Nunc et per cuncta saecula
Soli Deoque Domino.</p> |
|--|---|

Cod. Gurcens. s. sign. saec. 14. (Fürstbischöfl. Archiv Klagenfurt.)

278. De sancto Hermagora.

- | | |
|--|--|
| <p>1. Aeterne Deus, solio
Coelorum sedens rutilo,
Nunc Hermagorae precibus
Absolve nos sceleribus.</p> <p>2. Fortunatique comodis
Nos omnes reple monitis,
Qui Hermagora praevis
Succurrat lapso populo.</p> <p>3. Quos junxit tui caritas
Merito colit civitas,
Haec hisdemque pastoribus
Erepta est daemonibus.</p> <p>4. Proinde festa gaudii
Omnes vicini populi
Undique proni cursitant
Laetaque mente jubillant.</p> | <p>5. Nunc Deo, pastor inclite,
Nosmet commenda sedule,
Quem praescivisti inclytum,
Ut diluas flagitium.</p> <p>6. Pro cujus nutu feminam
Salvastis Alexandriam,
Eo juvante populum
Ad coeli perduc solium.</p> <p>7. Hujus amore capite
Truncatus es ut hodie,
Sublimes Aquilegiam
Urbem fovendo Austriam.</p> <p>8. Praestet pater ingenitus,
Hoc ejus unigenitus,
Sanctus quoque paraclitus
Nunc martyrum pro laudibus.</p> |
|--|--|

Brev. ms. Aquilegiens. saec. 15. Cod. semin. Brixinens. A. — Cod. ms. Oenipontans. 783. saec. 15. B.

2, 4 Succurre A. — 5, 3 Quem concinisti B. — 7, 1 Cujus B. — 7, 3 Sublimet B.

279. De sancto Hieronymo.

In 1. Vesperis.

- | | |
|---|---|
| <p>1. Hymnum novum salvatori
Chorus noster promat laetus,
Homini qui peccatori
Crimen prorsus tersit vetus.</p> <p>2. Vivere cum in errore
Cerneret quem suae laudis,
Huic solemnem de doctore
Inscio providit fraudis.</p> | <p>3. Hic errores multos spexit
Christi fidem tenebrantes,
Roboratus quos detexit,
Canes extirpans latrantes.</p> <p>4. Fidei tu magne doctor,
O Jeronyme beate,
Mire scripturae translator,
Plebis pater sceleratae.</p> |
|---|---|

- | | |
|--|--|
| <p>5. Presbyter o cardinalis
Humilis ac eremita,
Alter Paule obstans malis,
Sedule Bethlehemita.</p> <p>6. Hostis trux haereticorum
Miram nudans falsitatem,
Runco falsorum errorum
Puram monstrans veritatem.</p> | <p>7. Sis pro nobis intercessor
Celebrantibus haec festa,
Pie clemens o confessor
Pellens hostium molesta.</p> <p>8. Summum apud genitorem,
Natum sacrum atque flamen,
Sui regni largitorem,
Trinum unum Deum. Amen.</p> |
|--|--|

Brev. ms. Palat. Vindob. 13847 saec. 15. A. — Cod. Graecen. 970 saec. 15. B. — 3, 3 quos dilexit A. — 4, 1 Fidei cum A. — 6, 1 crux haereticorum B: — 6, 2 Mitam nudans A. — 6, 3 Ratio falsorum A. — 7, 3 o fehlt A.

280. De sancto Hieronymo.

Ad Vesperas.

- | | |
|---|--|
| <p>1. Laude laudet laxa magnum
Christi plebs Jeronymum,
Doctrinarum fluit stagnum
Rigans mentis hominum,
Patet iter nunc ad agnum,
Pium Jesum Dominum.</p> <p>2. Lucis lumen lucet clarum,
Quod gignit Sclavonia,
Vasta mundi gratiarum
Luce lustrat spatia,
Cedit imber tenebrarum,
Rutilat ecclesia.</p> <p>3. Patrem patri parens Deo
Linquens Romam petiit,
Tanta didicit, quod eo
Nullus major exstitit,
Graeco verbo vel Hebraco
Puer artes habuit.</p> | <p>4. Sumit summus summos status
Cardinalis apicis,
Ludo fugit deturpatus
Muliebris tegminis,
In deserto duos actus
Fert amore numinis.</p> <p>5. Rudes roret ros ut mentes,
Construit coenobium,
Libros scripsit et discentes
Docet Dei studium,
Tunc errores vim per dentes
Petunt praecipitium.</p> <p>6. Mortis morsu mortem perdens
Coeli scandit atria,
Sibi currit Christus praesens
Cum coelesti curia,
Quod Cyrillus visu cernens
Acta pandit gaudia.</p> |
|---|--|
7. Regi regum reddat laudes
Concio fidelium,
Quem Jeronimi praegrandes
Preces dent propitium,
Donet coeli donet dapes
Ipse deus omnium.

Brev. ms. Altovadense XXV saec. 15. A. — Brev. ms. Altovadense CXLII saec. 15. B. — Brev. ms. Trebonense saec. 15. Cod. Pragense. VII C 3. C. — Brev. ms. Pragense VI F 12. saec. 14 add. 15. D. — Vgl. Morel 436.

1, 2 plebis A. — 3, 4 exiit C. — 6, 5 vim cernentes A. — 7, 5 coeli donet fehlt A. — 7, 6 Ipsi decus omnium A. — „Canitur sub nota: Urbs beata.“ C.

281. De sancto Hieronymo.

Ad Laudes.

- | | |
|---|--|
| <p>1. Splendent coeli sedilia
Ornata celso sidere,
Jeronymi magnalia
Extollantur in aethera.</p> <p>2. Clarum sidus illuminans
Universam ecclesiam,
Vitam mortalem terminans
Ad coeli transit curiam.</p> | <p>3. De supernis irriguo
Montes fecit fructiferos,
In planis stilo congruo
Nodos amovit asperos.</p> <p>4. Aegrorum dum frequentia
Tumba sancta requiritur,
Sanantur membra saucia,
Salusque multis redditur.</p> <p>5. In sanctorum splendoribus
Uni Deo sit gloria,
Jeronymi qui precibus
Det nobis coeli gaudia.</p> |
|---|--|

Brev. ms. Altovadense XXV saec. 15. A. — Brev. ms. Altovadense CXLII saec. 15. B. — Antiphon. ms. Pragense XII A 9 saec. 15 mit Mel. C. — Brev. ms. Trebonense saec. 15. Cod. Pragens. XII A 9. D.

282. De sancto Hieronymo.

Ad Nocturnum.

- | | |
|---|---|
| <p>1. Coelesti doctus lumine
Jeronymus eximius,
Divini verbi semine
Mundum replet uberius.</p> <p>2. Ferventi desiderio
Hic vir plenus virtutibus
Jugi vacabat studio
Et lacrymosis precibus.</p> | <p>3. Belli triumpho triplicis
Victor insignis acie,
Conservat decus duplicis
Virginalis munditiae.</p> <p>4. Hic specimen Sclavoniae,
Is doctor sapientiae,
Hic speculum ecclesiae,
Exemplar sanctimoniae.</p> <p>5. In sanctorum splendoribus
Uni Deo sit gloria,
Jeronymi qui precibus
Det nobis coeli gaudia.</p> |
|---|---|

Brev. ms. Altovadense XXV saec. 15. A. — Brev. ms. Altovadense CXLII. saec. 15. B. — Brev. ms. Trebonense saec. 15. Cod. Pragens. VII C. 3. C.

283. De sancto Jacobo.

- | | |
|--|--|
| <p>1. Psallat chorus tripudium,
Illuxit mundo gaudium,
Jesus salvator gentium
Dum coronavit Jacobum.</p> <p>2. Hic Zebedaei filius,
Frater Johannis inclitus,
Veritatis discipulus,
Christi testis egregius.</p> | <p>3. Qui Petrum unxit oleo,
Jordanem transit baculo,
Bino floret connubio
Devotionis studio.</p> <p>4. Jesum vocantem sequitur,
In mari pater linquitur,
Praedicator efficitur,
Samaritanis mittitur.</p> |
|--|--|

- | | |
|---|--|
| <p>5. Errores gentis corrigit,
Ritus profanos dirimit,
Aras sacrandas erigit,
Ad coelos plebem dirigit.</p> <p>6. Antipater hunc gladio
Necavit placens populo,
Sanctum annectens azymo
Cruoris testimonio.</p> | <p>7. Patrone tuis precibus
Fac, ut vitam in melius
Nostram reformet [actibus]
Aeterni patris filius.</p> <p>8. Gloria summo Domino
Sit, ejus unigenito
Cum spiritu paraclito
Nunc et perenni saeculo.</p> |
|---|--|

Brev. ms. Pragense VI F. 12 saec. 15.

284. De ss. Joachim et Anna.

- | | |
|--|--|
| <p>1. O beate Joachim
et Anna beata,
Nostrae decantationes
Preces et laudationes
Sint vobis oblata,
Et nostra peccamina
Per vestra precamina
Mox fiant ablata.</p> | <p>2. O beata genitrix
nostri redemptoris,
Tui cari genitores
Fiant tecum precatore
Pro nobis his horis,
Ut cedant, quae noceant,
Et adsint, quae placeant,
Dono salvatoris.</p> |
|--|--|

3. Praesta, summe genitor,
nos te venerari
Nunc et semper tuo nato
Atque verbo incarnato
Nos incorporari,
Dante tuo spiramine,
Cum quis in solo numine
Praestas doxa pari.

Brev. ms. Brixinense saec. 15. Cod. sem. Brixinens. s. sign.

285. De sancto Jodoco.

1. Pange cunctorum Domino caterva
Docta mellicum resonare melos,
Festa cum sancti remeant Jodoci
Rite colenda.
2. Qui Deum summum recolens sequendum,
Vilis et pauper, modicus minister
Exstitit, paucis famulis pro Christo
Terrea linquens.
3. Nam pius regnum sibi contributum,
Fratris obtentum, populi rogatum
Sprevit, ut coeli roseum tribunal
Scandere posset.
4. Solium linquens, patriam subinde,
Omnibus votis eremum petivit,
Solutus ut soli famulans tonanti
Semper adesset.

5. Cujus ut nobis veniam precatu,
Christe, concedas, humiles rogamus,
Quo tibi pium resonemus hymnum
Corde parato.
6. Sit patri summo pariterque nato
Flamini nec non decus et potestas,
Qui regit semper moderatur atque
Saecula cuncta.

Psalt. ms. c. hymn. Claustro-neoburgense 968 saec. ¹⁴/₁₅. — 2, 3 famulis
Christi Hs. — 3, 1 piis Hs. — 3, 2 rogatu Hs. — 4, 1 Solum Hs.

286. De sancto Jodoco.

- | | |
|--|--|
| 1. Sancta mater ecclesia
Laetetur cum facesia,
Recolendo solemnna
Tanti patris perennia. | 5. Hujus immensa gratia
Per multa terrae spatia
Ab infirmis visitatur,
Quibus statim salus datur. |
| 2. Coeli obumbratus jubare,
Coeli cibatus nectare,
Gaudet in exsiliis,
Tristatur in deliciis. | 6. Adjutor necessitatis
Et collator honestatis,
Visus, vocis et auditus
Reformator non invitus. |
| 3. Regnum mundi profanum
Sprevit, vidit Dei manum,
Arae Dei ut adstaret
Et divina celebraret. | 7. Pater Judoce, patrone,
Fruens Dei visione,
Tuis piis supplicibus
Christum placare precibus. |
| 4. Sanctorum quaerens limina,
Labore spargit semina,
Quae laetanter recipiat,
Cum tempus messis veniat. | 8. Defende tuos famulos
In laude tua sedulos,
Aegros sana, salva sanos,
Leva pressos, rege vanos. |
| 9. Sit trinitati gloria
Confessoris memoria,
Laus, honor, jubilatio
Et gratiarum actio. | |

Brev. ms. Chimense saec. 15. Clm. Monacens. 5306. A. — Clm. Monacens.
(ol. Tegurin.) 19636 saec. 15. B. — 3, 1 Egenum mundum ut A. — 5, 1
Cum immensa A. — 7, 2 Favens Dei A.

287. De ss. Ingenuino et Albino.

- | | |
|--|--|
| 1. Salutis reddunt gaudia
Sacra nobis solemnna,
Quae replicans praeterita
Anni revolvit orbita. | 3. Gaudeat coeli curia
Istis aucta sodalibus,
Laetetur et ecclesia
Sub his militans patribus. |
| 2. Praeurrentes in stadio
Praesules dignos bravio
Expleto cursu hodie
Coronavit rex gloriae. | 4. Qui ex vasis spurcitiae
Vasa nos pudicitiae
Et ex servis nequitiae
Filios forment gratiae. |

- | | |
|--|---|
| <p>5. Peccati pressos cumulo
De hoc mundi ergastulo
Ad patriam nos exsules
Transferte, sancti praesules.</p> | <p>6. Vestro dentur precamine
Nobis virtutes animae,
In ultimo examine
Vita coeli cum agmine.</p> |
| <p>7. Doxa patri, laus filio,
Honor pneumati hagio,
Et tu parentis sophia,
Sother, salva nos, Messia.</p> | |

Brev. ms. Brixinense saec. 15. Cod. sem. Brixin. s. sign. A. — Cod. Oenipontan. 783 saec. 15. B. — Brev. Brixinense imp. Augustae 1487. C. — 5, 1 annulo B; tumulo A.

288. In nativitate s. Johannis B.

- | | |
|---|---|
| <p>1. Deus salus credentium,
Quem nulla vox mortalium
Laudare digne sufficit,
Nostris fave concentibus.</p> | <p>4. Hic namque dignus exstitit
Sacro Dei praeconio,
Natos quod inter conjugum
Non esset illo celsior.</p> |
| <p>2. In hac die praecipue,
Qua natus esse creditur
Tuus Johannes praevious
Ac praeco sacratissimus.</p> | <p>5. O quanta mundo gaudia
Praecursor iste detulit,
Cum dixit: orbis crimina
Agnus jam venit tollere.</p> |
| <p>3. Quem dum teneret obsitum
Maternus adhuc uterus,
Motu sui corpusculi
Te nuntiavit affore.</p> | <p>6. In cujus ortu gaudiis
Mundus repletur maximis,
Hoc nos ab omni crimine
Deus praecante liberet.</p> |
| <p>7. Deo patri sit gloria
Ejusque soli filio
Cum spiritu paraclito
Nunc et per omne saeculum.</p> | |

Brev. ms. S. Georgii saec. 14. Cod. Pragense. VI F 12. A. — Brev. ms. Pragense XII G 11 a saec. 14. B. — Brev. ms. Pragense XIII C 1 b saec. 14. C. — Brev. ms. S. Nicolai saec. 15. Clm. Monacens. 1614. D.

„In conceptione beatissimi Johannis baptistae.“ D — 2, 2 Sicut conceptus creditur D. — 3, 1 Qui dum haberet D. — Str. 4 u. 5 verstellte D. — 4, 3 Natusque D; inter conjuges A; conjugium B. — 5, 3 Cum toti orbis D. — 6, 1 Quibus conceptus gaudiis D. — 6, 3 Haec nos AD.

289. In nativitate s. Johannis B.

- | | |
|---|--|
| <p>1. Salve Johannes, nomine
Prasago Dei gratia,
Felix felici omine
Divina de clementia.</p> | <p>3. De sterili non sterilis
Prodis proles magnifica,
Prolis pater mirabilis
Effectus vita coelica.</p> |
| <p>2. Ultra legem nascentium
Ortum praecurris gaudio,
Deum salutas omnium
Clausus in matris gremio.</p> | <p>4. In coetum apostolicum
Tui translati filii,
Patrem probant mirificum
Doctorem evangelii.</p> |

5. In patrem pater omnium
Te specialem eligit,
Baptistae ministerium
Christus a te dum exigit.
6. Tu gaudes privilegio
Prae cunctis natis hominum,
Sanctorum in collegio
Primatus per officium.
7. Trinitati deificae
Laus, honor, virtus, gloria
Johannis in mirificae
Sanctitatis memoria.

Cod. Palat. Vindobon. (ol. Campen.) 883 saec. 14/15. — Steht innerhalb einer Folge liturgischer Hymnen.

290. In decollatione s. Johannis B.

1. Sancti baptistae martyris Johannis
Festum colamus, in quo recitamus,
Regem Herodem eum decollasse
Propter puellam.
2. Justus Johannes regem arguebat
Atque dicebat, ei non licere
Secum habere coadulterantem
Fratris uxorem.
3. Mulier prava insidiabatur
Et nitebatur sanctum jugulari,
Sed operari istud non valebat
Propter Herodem.
4. Namque Herodes secum metuebat,
Custodiebat audiens libenter,
Impatienter tandem illum portans
Incarceravit.
5. Sui natalis coenam rex tunc fecit,
Adesse fecit nobiles plerosque,
Saltans puella placuit Herodi
Et invitatis.
6. Jurejurando illi rex promisit,
Se donaturum, quidquid postularet,
Caput Johannis ista postulavit
Monitis matris.
7. Rex contristatus propter jusjurandum
Atque puellam nolens contristare,
Caput Johannis misit amputari
Et dari sibi.
8. Corpus a suis fuit asportatum
Atque locatum fuit in sepulchro,
Precibus cujus hymnum hunc canentes
Nos adjuvemur.

9. Laudibus cives celebrant superni
Te Deus simplex pariterque trine,
Supplices et nos veniam precamur,
Parce peccatis.

Antiph. m. S. Johannis Pistoriens. saec. 15. Cod. bill. Rossianae s. sign. —
Mel.: Quod chorus vatum.

291. De sancto Johanne Ev.

- | | |
|--|--|
| 1. Jesu, sapor amantium
Et merces ineffabilis,
In Johannis praeconium
Nobis esto placabilis. | 3. Jucundemur uberius
Ob ejus reverentiam,
Qui frater est et filius
Per virginis custodiam. |
| 2. Cui commisisti virginem
Matrem in cruce moriens,
Illum tibi consimilem
Fratrem et natum faciens. | 4. Melos clangat et resonet
In Johannis memoria,
Quem precemur, ut praeparet
Nobis locum in patria. |

Cod. Palat. Vindob. (ol. Campen.) 883 saec. ¹⁴/₁₅. Steht innerhalb einer
Reihe liturgischer Hymnen.

292. De sancto Johanne Ev.

Ad Laudes.

- | | |
|--|--|
| 1. Joanni laudes canimus
Et virtutum insignia,
Dum patrata recolimus
Ejus prece prodigia. | 4. Matri moerenti filium
Defunctum vivum reddidit,
Vivens pandit mysterium
Incredulus sic credidit. |
| 2. Bibens veneni poculum
Mortem ex hoc non pertulit,
Geminatur miraculum,
Vitam exstinctis contulit. | 5. Somnum mortis hic capiens
Nullum dolorem sentiit,
Vitam praesentem finiens
Dierum plenus obiit. |
| 3. Drusianam discipulam
Dum a morte resuscitat,
Flentem plebem pauperculam
In Christi laudes excitat. | 6. Gloria tibi, Domine,
Qui natus es de virgine
Cum patre et sancto spiritu
In sempiterna saecula. |

Antiph. ms. Plagense saec. 16. Mel.: Salvete flores martyrum.

293. De sancto Johanne Ev.

Ad Vesperas.

- | | |
|--|---|
| 1. Johannes, grandis aquila,
Coeli perlustrans cardinem,
Verbum ens ante saecula
Deum scribit et hominem. | 2. Carnis nitens munditia
Diligitur prae ceteris,
Mentis intelligentia
Pandit arcana posteris. |
|--|---|

- | | |
|--|---|
| <p>3. Medullam coeli rapuit
Aquila grandis roboris,
In coena dum recubuit
De fonte potans pectoris.</p> <p>4. Stans juxta crucem domini
Finem vidit discipulus,
Fidem facturus homini,
Testis fidelis sedulus.</p> | <p>5. Missus in fervens dolium
Pugil illaesus exiit,
Virgo vincens incendium
Trinam coronam meruit.</p> <p>6. Gloria tibi, Domine,
Qui natus es de virgine
Cum patre et sancto spiritu
In sempiterna saecula.</p> |
|--|---|

Antiph. ms. Plagense saec. 16. — Mel.: Salvete flores martyrum.

294. In festo s. Johannis ante portam.

In 1. Vesperis.

- | | |
|---|---|
| <p>1. Coelestis roris gratia
Devotas mentes compluat,
Quas ad hoc festum gloria
Sancti Johannis aggregat.</p> <p>2. Dudum qui ferens verbera
Cum turba apostolica,
A concilii conspectu
Transiit gaudens pro Jesu.</p> <p>3. Constanter Christum praedicans,
Flagellis caesus hodie
Ludibriaque perferens
Poenae non cessit igneae.</p> | <p>4. Statum scripsit ecclesiae
Addictus post exilio,
Sed revelat hunc crebrius
Divina sanctum visio.</p> <p>5. Donec veniret, Dominus
Istum manere censuit,
Qui mundi malis obrutus
Poenas mortis non pertulit.</p> <p>6. Imploret hunc humiliter
Fidelium nunc populus
Orantem pro sanctissimo
Collegarum collegio.</p> |
|---|---|
7. Sub cruce datus filius
Mariae et vicarius
Commendet nos altissimo
Trino et uni Domino.

Brev. ms. Lincense 1702 anni 1525. — 4, 2 Addictus est Hs.

295. In festo s. Johannis ante portam.

In 1. Vesperis.

- | | |
|---|--|
| <p>1. Concentu jucundo
Deum collaudemus,
Opere fecundo
Voci concordemus,
Corde consonemus.</p> <p>2. Ovis mox pastoris
Vocem ut audit,
Ruptis mundi loris
Haec pede contrivit.
Et post Christum ivit.</p> | <p>3. Navi, reti, patre
Relictis in mari,
Didicit cum fratre
Arte salutari
Homines piscari.</p> <p>4. Respuit uxorem
Johannes amplecti,
Currit post odorem
Dilecti dilecti,
Prae cunctis electi.</p> |
|---|--|

- | | |
|--|--|
| <p>5. Avis alte volans
 Secreta rimatur,
 In cruce consolans
 Custos matri datur,
 Filius vocatur.</p> <p>6. Dolii ferventis
 Oleo intrusus
 Gaudet ut unguentis
 Balneans perfusus,
 Tortor est confusus.</p> | <p>7. Valde honorandus
 Est Christi dilectus,
 Angelis mirandus
 Cubat supra pectus,
 O quam felix lectus!</p> <p>8. Sempiternum solem
 Aquila respexit,
 Verbum Dei prolem
 Scriptitans detexit,
 Mundum mundus exit.</p> |
|--|--|
9. Gloria parenti,
 Honor ejus nato,
 Laus sit procedenti
 Pneumati beato
 Sine fine dato.

Brev. ms. Cellae Principum saec. 14 Clm. Monacens. 7213. — 8, 3 verbum Dei solem Hs.

296. In festo sancti Johannis ante portam.

Ad Matutinum.

1. Amplitudinem in sancto Joanne
 Dilectionis tuae relucens
 Da nobis digne depromere, regum
 Rex pie, Christe.
2. Eminentius nam dilectione
 Ceteris singulari inflammasti,
 Quem a deliciis nuptialibus
 Pie vocasti.
3. Sanguine Christus hunc sibi conjunxit,
 Sed suam per adoptionem factus
 Est frater ejusdem atque filius
 Virginis matris.
4. Apostolatus culmine refulgens
 Divinitatis arcana eructat,
 Qui reti piscando antea vili
 Victum quaerebat.
5. Procellis mundi nunquam derelictum
 E coelo Christus dulciter vocavit,
 Atque inde egredientem coeli
 Lux circumfulsit
6. Pro nobis ergo nunc interveniat,
 Qui ampliori caritatis Christi
 Prærogativis caeteris discipu-
 lis eminebat.

7. Patri potenti, proli sapienti,
Flamini sancto, amborum splendori,
Regnanti super aethera decante-
mus Alleluja.

Brev. ms. Lincense *F* o 24 anni 1525.

297. In festo s. Johannis ante portam.

Ad Laudes.

- | | |
|--|---|
| 1. Reduxit anni orbita
Hujus diei gaudia,
Johannes cum apostolus,
Athleta invictissimus, | 4. Corporisque virginei,
A vae-mortis extranei,
Sancti Johannis coelitus
Glebam abscondit Dominus. |
| 2. Subjectus poenis olei
Ferventis et exsilii,
Christum qui post personuit
Multisque miris claruit. | 5. Olim emissum desuper
Scaturit manna tumulo,
Per quod nimirum castitas
Ornatur laudis titulo. |
| 3. Vocatione Domini
Fossa migravit tumuli,
Venit lux tanta coelitus,
Quam nullus tulit oculus. | 6. Hunc attolamus pariter
Omnes sonoris laudibus,
Coelorum multipliciter
Quem adornavit Dominus. |
| 7. Genitor atque filius
Et spiritus paraclitus
Succurrat nobis miseris
Sancti Johannis meritis. | |

Brev. ms. Lincense *F* o 24 anni 1524.

298. De sancto Johanne Eleemosynario.

1. Laudibus summis decus ad tonantis
Carminis ductu modo personare
Da tuis digne tua facta, eleimon
Sancte Johannes.
2. Natus in Cypri patria parentum
Stirpe praeclara puer es per omnes
Mire laudatus probitate vitae
Urbe Amatunta.
3. Dum tuam castis ageres juventam
Moribus, virgo tibi se Maria
Noctis in visu redimita serto
Monstrat olivae.
4. Quae sit et qualis properans videre,
Te monet sese jubet ac amare,
Ut suis votis faveas aperte
Mente fideli.

5. Annuis matris Domini monentis
Jussibus castis, memorans olivae
Fronde spectata pietatis istic
Signa latere.
6. Protinus miro puer aestuare
Corde coepisti miserantis igne,
Fervida post hac pietate egenis
Viscera solvis.
7. Cum tuae toto patuisset orbe
Fama virtutis radiosa, sanctus
Urbe Alexandri patriarcha cuncta
Laude gubernas.
8. Quasvis et cleri et populi cohortes
Legibus rectis moderaris omnes,
Te facis justo reticere iniquas
Judice lites.
9. Hinc simul pauper, miser ac egenus,
Naufragans dona et peregrinus omnes
Dante te laeti referunt opima
Aeris et auri.
10. Prodigus quamvis gremio sinuque
Aes recondebas, inopum nec unquam est,
Plus tibi semper tribuente Christo,
Arca minuta.
11. Jure te laudant calami loquaces,
Pauperum patrem solite beatum
Concinunt cuncti, qui hodie corruscas
Laude perenni.
12. Gloriam summo referant parenti,
Flamini ac nato pueri senesque,
Gratias reddat paritate laudis
Omnis et aetas.

Brev. ms. Capit. Cracoviens. 23. anni 1443.

299. De sancto Josepho.

Ad Vesperas.

1. Christe, lux siderum, splendor sanctorum,
Lumen de lumine, verbum de Deo,
Patre progrediens, mundo refulgens.
2. Agnus, qui pro tuis per te salvandis
Natus de virgine, rex, Dei agne,
Vincula tu mortis moriens solvis.

3. Virgineus totus virginis natus,
Virgini es sponsus, virginum custos,
Matri dans celebrem Joseph custodem.
4. Nos ejus precibus perennes fletus
Dones evadere, rex pie Christe,
Cujus das hodie festis ovare.
5. Nutritor Domini tu Jesu Christi,
Joseph, egregiae sponsus Mariae,
Sed testis virginis et piae matris.
6. Gaudia tu matris unici patris
Corde simul gestans, pro nobis orans
Sis matrem virginem ejusque prolem.
7. Laus Deo sit patri, laus patris proli,
Laus sancto flamine patris ac nati,
Laus trino et uni perenni. Amen.

Brev. ms. Aquileiense saec. 15. Cod. semin. Brixin. s. sign.

300. De sancto Josepho.

Ad Vesperas.

- | | |
|--|--|
| 1. Joseph stirpis Davidicae,
Sponse almae theoticae,
Adesto nostris precibus,
Quas tibi pie fundimus. | 4. Adesse tuis famulis
Dignare, dux amabilis,
Sentiant nostra pectora
Tua semper juvamina. |
| 2. O gloriose bajule,
Monarche coeli curiae,
Ut digne demus cantica,
Nostra disrumpe vincula. | 5. O faber beatissime,
Succurre benignissime
Nosque supplices respice,
Vota servorum suscipe. |
| 3. O custos matris Domini,
Devotos tuo nomini,
Joseph alme, per aspera
Salva semper et prospera. | 6. Praesta, pater ingenite,
Jesu cum sancto flamine,
Ut Joseph almi precibus
Jungamur in coelestibus. |

Brev. ms. Lincense 17024 saec. 15. A. — Brev. Roman. imp. Venetiis 1513. B. — 2, 1 Gloriose bajule. B. — 2, 4 disrumpe crimina. B. — „In tono: Jesu nostra redemptio“ B; daher der fehlerhafte Anfang bei Daniel I, 280:
Jesu nostra redemptio
Joseph stirpis Davidicae
Adesto nostris precibus etc.

301. De sancta Juliana.

1. Laetitiam nobis tribuit lux ecce serena,
Qua virgo sapiens coelum petiit Juliana.
2. Haec etenim sexu fragilis sed mente virilis
Poenis multimodis victis Sathanam superavit.
3. Excoquitur flamma plumboque nitens velut aurum,
Hinc ictu gladii migrans adiit paradysum.

4. Obtineas ergo veniam nobis, Juliana,
Ut caro dum moritur, sanctis animae socientur.
5. Laus et honor virtusque Deo trino sit et uni,
Qui regnum stabile semper retinet sine fine.

Hymn. ms. Hermetisvillan. anni 1553 Cod. Griesens. 23.

302. De sancta Justina.

Ad Nocturnum.

- | | |
|---|--|
| 1. Justina beatissima,
Aeterni regis famula
Et cultrix prudentissima
Non segnis neque fatua. | 5. Quapropter gens incredula
Fremebant in juvenculam,
Verberibus et gladiis
Hanc perfodebant acriter. |
| 2. Fluenta evangelii,
Quae pia aure audiit,
Sermone nec non opere
Libens complere studuit. | 6. Sed virgo prudentissima.
In sexu quamvis fragili,
Constanter et viriliter
Vincebat omnes fortiter. |
| 3. Christum aperte profitens,
Summi tonantis filium,
Mundi factorem et natum
De virgine sanctissima; | 7. Mortale corpus tradidit
Pro Christo ad supplicium
Et immortalem spiritum
Commendat ad altissimum. |
| 4. E contra mundi idola
Fabrorum manu peracta,
Metalla stolidissima,
Daemonibus simillima. | 8. Quem trinum et unum Deum
Omnes fatemur pariter
Regnantem super aethera
Per saeculorum saecula. |

Diurn. ms. Neoclaustrense XII F 23 saec. 15. A. — Brev. ms. Admontense 746 a. anni 1439 B. — Brev. ms. S. Spiritus et Galli (ap. Paviam) saec. 15. Clm. Monacens. 7217. C. — Brev. ms. Palat. Vindob. 1896 saec. 15. D. 5, 3 audivit B; adiit D. — 3, 1 Ipsum B; Christi D. — 4, 1 mundi fabula B; Contra mundi D. — 7, 4 commendabat B.

303. De sancta Justina.

Ad Laudes.

- | | |
|---|--|
| 1. Justina, quae Christi martyr,
Constans fidei pectore,
Oblita saevi vulneris
Mortem subit, ut viveret. | 4. Ne mens timeret anxia,
Sexum fides armaverat,
Perducta ad aras idoli
Est facta Christi victima. |
| 2. Mucronis iram profugit,
Auget, quod ibat tollere
Hostis, furorem perdidit,
Dum vita crevit funere. | 5. Miles licet perculerit,
Tamen coronam rex dedit,
Membris apertis vulnere
Coelum patescit martyri. |
| 3. Confessa lumen gentium,
Fundens cruorem pro Deo,
Qui nos ut sic redimeret,
Fudit sacratum sanguinem. | 6. Percussor est ad inferos,
Percussa vadit ad polos,
Christo fideles qui ferit,
Se mergit, illos erigit. |

- | | |
|---|--|
| <p>7. Precamur, ut roges patrem
Natumque, sanctum spiritum,
Dignetur ut placabilis,
Quos condidit, defendere.</p> | <p>8. Personae enim, quae micant,
Sed solus est altissimus,
Sic unus in tribus Deus
Et tres in uno credimus.</p> |
|---|--|

Diurn. ms. Neoclaustrense XII F 23 saec. 15. A. — Brev. ms. Admontense 746 a. anni 1439 B. — Brev. ms. S. Spiritus et Galli saec. 15. Clm. Monacens. 7217. C. — Brev. ms. Palat. Vindob. 1896 saec. 15. D.

2, 2 quod dabat tollere B. — 2, 4 Dum viva B. — 5, 1 licite perculit D; protulit B; perculimit A. — 6, 1 Praecursor D.

304. De sancta Justina.

Ad Vesperas.

- | | |
|---|---|
| <p>1. Phoebus astris cum omnibus,
Phebe cunctis sideribus,
Aether tellusque laudibus,
Sonetque plebs carminibus.</p> <p>2. Justina, virgo Domini,
Prosapia prae nobili
Illustris cosmi ac poli
Martyrque theu filii.</p> <p>3. Provecta in sublimia
Per bina natalitia,
Abjecta hic ad infima
Per bina haec mortalia.</p> | <p>4. Urbs Patavi Venetica
Ortu neceque florida
Maximiano sobrie
Quam suffert a Sub-Caesare.</p> <p>5. Convexa coeli adiit,
Agmen coelorum petiit,
Tam dogma Christi sustulit,
Quam cruor sui praestitit.</p> <p>6. Altithrono nos afferat,
Quae hic nos prece vegetat,
Conjungi secum satagat,
Quo perfrui nos agit.</p> |
|---|---|

7. Sit, Christe, rex piissime,
Tibi patrique gloria
Cum spiritu paraclito
In sempiterna saecula.

Brev. ms. Palat. Vindob. 1896 saec. 15. A. — Diurn. ms. Neoclaustrense Neostadii XII. F 23 saec. 15 B. — Brev. ms. Admontense 746 a. anni 1439. C. — Brev. ms. Cellae Principum saec. 15. Clm. Monacens. 7217. D. — Sämtliche Hss. sec. consuetudinem monachorum congregationis S. Justinae seu unitatis O.S.B.

4, 1 Urbis pictava C. — 5, 2 Agni coelorum A. — 5, 4 perstitit B. — 6, 1 Altithroni A; Altithronum B.

305. De sancta Katharina.

- | | |
|--|--|
| <p>1. Ave decus virgineum
Inter catervas virginum,
Ave lumen sidereum
Lucis non habens terminum.</p> <p>2. Haec clara fuit genere
Sed clarior virtutibus,
Christi nata caractere
Comes datur martyribus.</p> | <p>3. Sacro vicit eloquio
Plebem virgo rhetoricam,
Dein victo Maxentio
Fidem docet catholicam.</p> <p>4. Spondentis fugit munera,
Minas spernit Maxentii
Et voluntate libera
Fert agonem martyrii.</p> |
|--|--|

- | | |
|--|---|
| <p>5. Dum tenetur in carcere,
Reginam et Porphyrium
Docet ad vitam currere
Vitae promittens bravium.</p> <p>6. Sternit rotarum machinam,
Prosternuntur artifices,
Stupent ad stantem feminam
Magi, vates, haruspices.</p> <p>7. Dum ferit collum niveum
Percussoris improbitas,
Stillat liquorem lacteum,
Quo signatur virginitas.</p> | <p>8. Coetus hanc angelicus
In monte sepelit Sina,
Et audiuntur coelitus
Sonorae vocis carmina</p> <p>9. Olei liquor nobilis
De membris manat virginis,
Quo linitur debilis
Et recedit incolumis.</p> <p>10. Ergo tuis supplicibus
Fave, virgo, propitia
Christoque tuis precibus
Nos clementer concilia,</p> |
|--|---|
11. Patri, nato, paraclito
Sit perpes jubilatio,
Qui sublimavit inclito
Katharinam martyrio.

Brev. ms. Palat. Vindobon. 1717 saec. 14. Mit Mel. = Ad cocnam agni providi.

306. De sancta Katharina.

- | | |
|---|--|
| <p>1. Ave beata regina,
Martyr Christi Katharina,
Sumens nostra precamina
Perducas ad coelestia.</p> <p>2. Regnum mundi quae sprevisi
Et tormenta devicisti,
Pro Christo, quem dilexisti,
Tuum sanguinem fudisti.</p> | <p>3. Multis peccatis gravamur,
Absolve, quibus ligamur,
Ne subito moriamur,
Virgo Christi, te precamur.</p> <p>4. Decollatam te mons Sina
Sepelivit per agmina
Angolorum canentia:
Christo semper sit gloria.</p> |
|---|--|

Brev. ms. Pragense VI E 4 a. saec. 14.

307. De sancta Katharina.

Ad Laudes.

- | | |
|--|---|
| <p>1. Ad festum sanctae Virginis
Katharinae et martyris
Dei laetentur populi
Per omne tempus saeculi.</p> <p>2. Haec jam virgo Deo digna,
Pia, dulcis et benigna,
Bis sex dies jejunando
Complevit in ergastulo.</p> <p>3. Cui missus est Michael
Archangelus et signifer,
Ut secura de proelio
Sit Dei adjutorio.</p> | <p>4. Quae pugnantes vituperat
Illos, cum quibus lis erat,
Dicens: Qui in Deo sperat,
Semper vincit et superat.</p> <p>5. Demum Christus apparuit,
Quem virgo sancta meruit
Videre, quia renuit
Mundum, de quo non doluit.</p> <p>6. Virgo nata regis Costi,
Miserere semper nostri,
Ne sit dies judicii
Nobis poena supplicii.</p> |
|--|---|

- | | |
|---|---|
| 7. Illud imple, quod petisti,
Et tu, rex, qui promisisti,
Ut in exitu animae
Sis nobis salus veniae. | 8. Salus, honor, imperium
Sit creatori omnium
Cum Nazareno filio
Et spiritu paraclito. |
|---|---|

Brev. ms. saec. 14. Cod. bibl. Rossianae. s. sign.

308. De sancta Katharina.

- | | |
|---|--|
| 1. Ave Dei sponsa,
Virgo Katharina,
Vitae medicina
Nostrae et tutela. | 4. Sacri roris unda
Tua manat tumba,
Quo linitus miser,
Sanus fit et aeger. |
| 2. Costi regis nata,
Nostra sume vota,
Martyr Christi pia,
Nobis sis propitia. | 5. Nostras audi preces,
Cunctas terge faeces,
Ut mundo corpore
Te laudemus ore. |
| 3. Regis blandimenta,
Minas et tormenta
Tu vicisti fide
Firma et sermone. | 6. Prosit nobis pium
Tis patrocinium
Modo carne vivis
Et post jam defunctis. |

7. Sit laus regi summo,
Patri atque nato,
Spiritus sancto
Cuncta per saecula.

Brev. ms. Altovadense XVII anni 1404. A. — Brev. ms. Altovadense XXV saec. 15. B. — Brev. ms. Pragense VI. F 12 saec. 15. C. — Brev. ms. Melitensis. in Pedepontis Praegae anni 1398 D. — Brev. Pragense imp. Venet. 1517. E. —

3, 1 Blandimenta regis ABCD. — 5, 3 mundo corde A. — 6, 2 Tuum patrocinium ABCD; einer der Fälle, in denen das unverständlich gewordenen tis, durch tuum ersetzt, das Versmafs verdorben. — 6, 3 Modo nobis vivis BC; Mundo carne vivis D. — 4, 4 Post hoc jam BC; Et post hoc defunctis D. — Mel. des Hymnus offenbar Ave maris stella.

309. De sancta Katharina.

- | | |
|--|--|
| 1. Tu nos, virgo pia,
De terrena via
Transfer ad divina,
Dulcis Katharina. | 4. Fortis tu fuisti,
Sola dum vicisti
Doctorum cohortes,
Fac nos fide fortes. |
| 2. Costi regis nata,
Christo regi data,
Cum quo semper manes,
Nos aegrotos sanes. | 5. Clemens aliquando
Fueras rogando
Ante mortem Deum,
Nunc et roges eum. |
| 3. Omnium errata,
Facta, cogitata,
Per tuos labores
Ut mudentur, ores. | 6. Ille tuo voto
Parebat ex toto,
Cui tu paruisti,
Mortem dum subisti |

7. Sit laus Deo patri
Summo Christo decus etc.

Brev. ms. Claustroneoburgense 596 saec. 14. A. — Brev. ms. S. Floriani XI 406 saec. 15. B. — Brev. ms. S. Emmerami saec. 15. Clm. Monacens. 14638 C. — Str. 1—3 durch Ausschneiden einer Initiale verstümmelt B. — 3, 2 Summo regi AB. — 3, 1 Hominum errata B. — 6, 3 parasti A.

310. De sancta Katharina.

- | | |
|---|--|
| 1. O rex benigne Domine,
Virginum palma fulgida,
Audi quas fundunt populi
Preces precantes cernui. | 3. Hujus oratu supplices
Precamur atque humiles,
Pacem concede cordium,
Vitare labem criminum. |
| 2. Almae virginis rutilat
Festa dies ac celebris
Katharinae, nos precibus
Cujus muniri petimus. | 4. Mentis accendat caritas,
Igne flammescat animos,
Divino semper munere
Sic vigeamus perpetim. |
| 5. Praestet hoc ipsa trinitas
Patris natique pariter,
Sanctus amborum spiritus
Cuncta gubernans saecula. | |

Brev. ms. S. Georgii Pragense. saec. 14. Cod. Pragense. VI F 12. A. — Brev. ms. Claustroneoburgense 1000 anni 1336 B. — Brev. ms. Graecense 1548 saec. 15. C. — Hymn. ms. Hermetisvillan. anni 1553. Cod. Griesens. 23. D. — Brev. ms. Monacense 23181 saec. 14. E. — Als de s. Margaretha BE; De communi virginis D.

311. De sancta Katharina.

Ad Vesperas.

- | | |
|---|---|
| 1. Katharina mirabilis
Atque Deo amabilis,
Per omnia laudabilis,
Nobis succurre miseris. | 4. Post triumphum martyrii
Te portaverunt angeli
In montem sanctum Sinai,
Sic jusserat vox Domini. |
| 2. Adsis nobis exsulibus
Tuum festum colentibus,
Et carentes virtutibus
Nos subleva sideribus. | 5. Quae dum eras in saeculo,
Corde vivebas Domino,
Florens flore virgineo
Regem videns in solio. |
| 3. De tuis sacris ossibus
Manat liquor languentibus
Curans eos doloribus
Tuis orationibus. | 6. Unde, virgo sanctissima,
Nos de morte perpetua
Salva prece assidua
Per saeculorum saecula. |
| 7. Hoc Deus det omnipotens
Et filius omnitenens
Cum spiritu paraclito,
Qui regnat in perpetuo. | |

Brev. ms. bibl. Rossianae s. sign. saec. 14. — 4, 3 In monte sancto Hs. — 5, 4 Regis videns Hs. — 6, 1 virgo sacratissima.

312. De sancta Katharina.

Ad Vesperas.

- | | |
|---|--|
| 1. Katharina, flos Graeciae,
Regnat cum palma gloriae,
Arcta pugnans militiae,
Dies venit victoriae. | 6. Regnare mundo respuit,
Christo regnare cupiens,
Mox in ipsa refluoruit
Verbum supernum pro-
diens |
| 2. Angelicis in manibus
Fertur ad Sina verticem,
Quam assumpsit cum laudibus
Chorus novae Jerusalem. | 7. Ictum dirae laesionis
Pro te tulit mitissime
Tuae memor passionis,
Aeterne rex altissime |
| 3. Te cohors Evae flebilis
Implorat patrem luminum,
Esto nobis placabilis,
Jesu, corona virginum | 8. Natum Christum de virgine
Virgo promit mundiciae,
Quod prodiit abs semine
Magnae Deus potentiae. |
| 4. Haec Costi regis unica
Saevum vicit Maxentium,
Tua se cinxit tunica,
Christe, redemptor omnium. | 9. Adjuva, dulcis filia,
Ut mente pura candidi
Transeamus cum gloria
Ad coenam agni providi |
| 5. Ex Sion mitis filia
Tibi, Christe, complacuit,
Cum haec in coeli curia
Novum sidus emicuit. | 10. Unitrino sit gloria
De virginis victoria,
Fer, patris sapientia,
Beata nobis gaudia. |

Chm. Monacens. (ol. Sanemmeramens.) 14926 saec. 15. Mel.: In Mariam vitae viam.

313. De sancta Katharina.

- | | |
|---|---|
| 1. Christe, redemptor omnium,
Victor, spes atque praemium,
Exaudi vota cordium
Hoc festo te colentium. | 5. Nam turba philosophica
Credit, vincit zetorica,
Succumbit dialectica,
Elinguis fit rhetorica. |
| 2. Haec virgo, proles regia,
Contemnens mundi gaudia
Conscendit ad coelestia,
Quae martyr est egregia. | 6. Regiua gustu fidei
Chori consors aetherei
Per consensum Porphyrii
Palnam subit martyrii. |
| 3. Haec in se Christum induens,
Adorans, amans, intuens
Mentem divinis imbuit,
Terrena cuncta respuit. | 7. Orare virgo sinitur,
Quod petit, adipiscitur,
Nam omni salus redditur,
Cum praesens festum colitur. |
| 4. Doctrinis fulta mysticis
Ac verbis evangelicis
Argumentis rhetoricis
Vim tollit et sophisticis. | 8. Cervicem praebet, caeditur,
Lac pro cruore funditur,
Ab angelis deducitur,
In monte Sina conditur. |

9. Nunc ergo, judex hagio
Nos virginis egregiae
Festum colentes hodie
Tuae reforma gratiae.

10. Deo patri sit gloria,
Honor, virtus, victoria,
Natoque laus par inclito
Cum spiritu paraclito.

Brev. ms. S. Petri Salisburg. a IV 11 saec. 14. A. — Brev. ms. Altovadense LII saec. 14. B. — Brev. ms. Zwethalense 120 saec. 14. C. — Brev. ms. Sanemmeramense saec. 15. Clm. Monacens. 14638 D. — Diurn. ms. Francisc. saec. 15. Cod. Pragense. VII H 8. E.

2, 4 mater est A. — 3, 1 Haec virgo Christum E. — 3, 3 divinis induit BC. — Str. 4 fehlt E. — Str. 5 fehlt A; steht hinter Str. 6 E. — 5, 1 Mox turba E. — 5, 2 zetorica von ζήτωρ = ζητήτωρ (ζητέω). — Str. 7 fehlt E. — Str. 8 fehlt AE. — 10, 3 par fehlt BC. — 10, 1—4: Summo parenti gloria | Natoque laus quam maxima | Cum sancto sit spiramine | Et nunc et omni tempore. E.

314. De sancta Katharina.

1. Sponsae Christi eximiae
Representantur nuptiae
Katharinae, tripudiis
Gaudentibus coelicolis.

4. Hinc perlustrans terrestria
Multa patrat miracula,
Caecis refundens lumina
Et mutis reddens famina.

2. Instat dies sanctissima
Principalis et annua,
In qua truncata capite
Cum Christo coepit vivere.

5. Ex olei liquamine,
Quod sancto fluit corpore,
Aegri tacti prosiliunt
In ejusdem praeconium.

3. Hinc laureata residet
In gremiis Jerusalem
Sponsi vultu, quem potius
Adamarat, perfruitur.

6. Festivitas haec celebris
Est nuptiarum gaudiis,
Quibus agnus cum virgine
Copulatur in requie.

7. Deo patri sit gloria
Cum filio in saecula
Ac spiritu paraclito,
Cum quo regnat sacra virgo.

Diurn. ms. Altovadense I saec. 14. A. — Nocturn. ms. Veteris montis saec. 14. Cod. Dusseldorpien. C 61. B. — Psalt. ms. Veteris montis saec. 13. Cod. Dusseldorpien. C 58. C. — Brev. Aarhusiense imp. Aarhusiae 1519. D. — 1, 3 Margarethae tripudiis D. — 3, 2 germinare A. — 4, 4 mutis verba perdit D. — Str. 5 fehlt D. — 6, 1 Haec est illa festivitas et D.

315. De sancta Katharina.

1. Festus sereni luminis
Illuxit dies virginis
Katharinae, quae regias
Intrat ornata nuptias.

3. Haec quinquagenos rhetores
Victos reddit indecores,
Sed decorantur taliter
Igne purgati pariter.

2. Haec pulchra, prudens, nobilis,
Sacris imbuta litteris,
Sacra regis mortifera
Exprobrat voce libera.

4. Virgo flagellis caeditur,
Carcere caesa clauditur,
Fame quoque confligitur,
Pane coelesti pascitur.

- | | |
|--|---|
| <p>5. Rotas frangit et conterit,
Rotis fractis plebs interit,
Regina Christum praedicat,
Torta mamillis evolat.</p> <p>6. Hinc decollanda ducitur,
Virgo lictori traditur,
Orat, ut sui memores
Salvando, Christe, liberes.</p> <p>7. Vox de coelis mox sequitur,
Quae sic vota prosequitur:
Pro quibus oras, annuo,
Opem salutis spondeo.</p> | <p>8. Post haec exspectans frameam
Cervicem flectit lacteam,
In signum pudicitiae
Lac effundit pro sanguine.</p> <p>9. Mox angelorum agmina
Corpus levant in aera
Et in Sinai culmine
Divino locant numine.</p> <p>10. Deo sit laus et gloria
Katharinae memoria,
Nos post hanc vitam gratiae
Vita coronet gloriae.</p> |
|--|---|

Cod. Palat. Vindob. (ol. Campens.) 883 saec. ¹⁴/₁₅. A. — Psalt. ms. Veteris montis saec. 13. Cod. Dusseldorpien. C 58 B. — Noct. ms. Veteris montis saec. 14. Cod. Dusseldorpien. C 61. C. — 4, 2 Carcere clausa A. — 4, 3 Clausa fame constringitur BC. — 6, 4 Christus liberet A. — 8, 2 tendit A.

316. De sancta Katharina.

In 2. Vesperis.

- | | |
|--|---|
| <p>1. Gaude, mater ecclesia,
Cujus praedulcis filia
Cum triumphali gloria
Transivit ad coelestia.</p> <p>2. Regali ex progenie
Clara fuit specie,
Plena sapientiae,
Mirae eloquentiae.</p> <p>3. Maxentium redarguit,
Quod Deos falsos coluit,
Post haec magistros superat,
Quibus eam concluserat.</p> <p>4. Diro caesa verbere
Clauditur in carcere,
Cibo carens penitus
Confortatur coelitus.</p> | <p>5. Angelico munimine
Rotam sensit minime,
Sed turba caesa fulmine
Ruit obmisso ordine.</p> <p>6. Decollata virgine
Lac manat cum sanguine,
Sic ostendisti, Domine,
Signum innocentiae.</p> <p>7. Angeli adveniunt,
Laudes dignas concinunt,
Ad montem Sina deferunt
Corpus et sepeliunt.</p> <p>8. Ecce iam per saecula
Sonant haec miracula,
Quod ibi stillat oleum,
Vera salus debilium.</p> |
|--|---|

9. Gloria tibi, Domine,
Mirabili in virgine
Cum patre et sancto spiritu
In sempiterna saecula.

Brev. ms. Graecense 1462 saec. 15. — 3, 4 Quibus vi concluserat Hs.

317. De sancta Katharina.

- | | |
|--|--|
| <p>1. Cordis ima cum júbilo
Ablato mortis nubilo
Promat in laudem virginis
Praedulce melos carminis.</p> | <p>2. Ab urbe Alexandria
Nam Costi regis filia,
Katharina praenobilis,
Refulsit rosae similis.</p> |
|--|--|

- | | |
|--|--|
| <p>3. Terrore non concutitur,
Dum carcere recluditur,
Ab angelis custoditur,
Fame sitique premitur.</p> <p>4. Excaecatos dum superat
Oratores, mox praeparat
Testes fide praenobiles
Et athletas immobiles.</p> <p>5. Rotarum sic vertiginem
Collidit et caliginem,
Maxentium saevissimum
Confudit os virgineum.</p> | <p>6. Ignem suffert et vincula
Christi vera discipula,
Docta Dei cum digito
Sic claruit martyrio.</p> <p>7. Novit illam rex virginum
Expertem mole criminum,
Locans corpus virgineum
Angelorum collegium.</p> <p>8. Adesto, virgo, sedulo
Servis in hoc exsilio,
Ut tecum in perpetuo
Regnent perenni gaudio.</p> <p>9. Hoc praestet summus Dominus,
Qui te ditavit coelitus,
Ut sibi fiat cognitus
Clerus et omnis populus.</p> |
|--|--|

Brev. ms. Ducumburgense 67 saec. 15. A. — Brev. ms. Ducumburgense
68 saec. 15. B. — 7, 4 collegio B. — 8, 1 sedula B.

318. De sancta Katharina.

- | | |
|--|---|
| <p>1. Ave gemma claritatis,
Ornans templum Domini,
Geminaeque caritatis
Vas auri, Dei nomini
Consecratum, depuratum
Ad instar carbunculi.</p> <p>2. Totus totam inflammavit
Te sacratam virginem
Sacer ignis et purgavit
Auferens rubiginem,
De argento vas formavit
Rerum dans originem.</p> <p>3. Ex regali stirpe vita
Nata sorte diceris,
Sacris scriptis erudita
Rhetoribus praeficeris
Quinquagenis disputando,
Sic victrix efficeris.</p> | <p>4. Rotis sacrum corpus datur
Dedicatae martyris,
Flagris trita decollatur
Nec cedit suppliciis,
Gens vesana dissipatur
Poena mortis duplicis.</p> <p>5. In supremis montis Sina
Manibus angelicis
Sepelitur Katharina
Condigna obsequiis,
Membris sacris medicina
Liquor manat languidis.</p> <p>6. Nobis ergo tu benigna
Mundo fluctuantibus
Adsis, virgo Deo digna,
Mari naufragantibus,
Da salutem, nam virtutem
Tuam prece poscimus.</p> <p>7. Ascendentem imploramus
Te ad thronum gratiae
Sempiternum, invocamus,
Ut nos tuae gloriae
Cohaeredes regni simus
Post vallem miseriae,</p> |
|--|---|

Clm. Monacens. (ol. Alrispacens.) 2581 saec. 12 add. saec. 14. Auf dem letzten Blatt: „Karitati tuae Christe ad honorem virginis Katharinae cedat iste hymnus; novis modulis hymnizemus sacra festa [c]arminibus sobriis.“

319. De sancto Kiliano.

1. Mare, fons, ostium atque terrarum
Deus, tu omnium caput bonorum,
A te bona fluunt, ad te recurrunt.
2. Longe ab insulis pars bona maris
Ad fontem rediit teque requirit,
Jesu, viventium fontem aquarum.
3. Maris fons est Deus, pars Kilianus,
Quem procul patriis sitit ab oris,
Cervi more suum tendit ad haustum.
4. Scotorum insulae felix alumnus,
Nos prece sedula dignos fac aqua,
Quam quisque biberit, sitim post nescit.
5. Mundos baptismate fraudes iniquae
Semper inficiunt, semper demergunt
Per stagnum criminis in poenam mortis.
6. Sed tuis precibus omnes rogamus
De saeva eripi noxa Charybdis
Tangentes lacrymis portum salutis.
7. Laus tibi, trinitas, laus et potestas,
Te laudant flumina, coeli ac terrae,
A mari ad mare laus sit hac die.

Brev. ms. Lambacense CLXVI saec. 14. A. — Brev. ms. Lambacense CLXIV saec. 15. B. — Brev. ms. S. Floriani XI 472 saec. 15. C. — Brev. cathed. Eystettens. imp. s. l. et a. D. — 3, 1 pars Colomannus C; pars Willibaldus D. — 3, 3 sitit ad haustum B. — 4, 1 Anglorum insulae D. — 5, 1 si ades inique C; fraudes tuique D. — 5, 2 maleque mergunt.

320. De sancto Ladislao.

- | | |
|--|--|
| <ol style="list-style-type: none"> 1. Regis regum civis ave,
Regum gemma Ladislave,
Regni consors gloriae,
Regem regum rex agressus
Sis defensor indefessus
Et atleta patriae. 2. Salve, salus Hungarorum,
Rex cohaeres angelorum,
Vas coelestis gloriae,
Ab aeterno vas electum,
Vas insigne, vas effectum
Vendicans iustitiae. | <ol style="list-style-type: none"> 3. Hungarorum gens, congaude
Nova novi regis laude
Pulsans tintinabula,
Felix ave Varadinum,
Cujus augens fama signum
Resonat in saecula. 4. Tibi, Christe, chorus hymnum
Cantat orbis, quod per lignum
Ad te trahis omnia,
Scala factus ascensorum
Et corona confessorum,
Tibi laus et gloria. |
|--|--|

Brev. ms. Pragense XIII G 9. saec. 15. A. — Brev. ms. Pestiense saec. 15. Cod. bibl. univers. 74. B. — 1, 3 Novus consors A. — 2, 6 Vendicat in saecula A. — 3, 6 Vendicat justitiae. — 4, 4 Scala scandens ascendentium. A.

321. De sancto Lamberto.

- | | |
|---|---|
| 1. Grates sint regi gloriae,
Quem martyrum victoriae
Laudant effuso sanguine
Legitimo certamine. | 4. Attolle nunc, ecclesia,
Sancti Lamberti merita.
Qui hic ob Christi gloriam
Carnis mactavit hostiam. |
| 2. De quorum hic collegio
Honore nitet regio,
Lambertus, lampas lucida
Laude resplendet fulgida. | 5. Invicte miles Domini,
Jam posce finem crimini.
Ne nos in hac miseria
Relinquat Christi gratia. |
| 3. Tyranni sprevit lanceam
Atque Dodonis frameam
Ac mundi transitoria,
Desiderans coelestia. | 6. Laus sit patri et filio,
Spiritus paraclito
Ac sempiterna gloria
In saeculorum saecula. |

Brev. ms. S. Lamberti saec. 15. Cod. Graecens. 1521 A. — Brev. ms. S. Lamberti saec. 15. Cod. Graecens. 1541. B.

322. De sancto Lamberto.

Ad Laudes.

- | | |
|--|--|
| 1. Adstemus mente vigili
Summo summorum principi,
Recursione annua
Lucis agentes gaudia. | 3. Hunc invocemus intimis
Suspiriis et lacrymis,
Ut in exactu judicis
Poenas excuset meritis. |
| 2. Qua beatum pontificem,
Sanctae legis opificem,
Lambertum choris coelitum
Conjunxit per martyrrium. | 4. Concedat hoc ingenitus
Ingenitoque genitus
Et ex utroque prodiens
Unus cuncta diffiniens. |

Brev. ms. S. Lamberti saec. 15. Cod. Graecens. 1541 A. — Brev. ms. Aquilegiense saec. 15. Cod. semin. Brixin. s. sign. B. — 1, 4 agendis. B. — 3, 1 Hunc imitemus A. — 3, 4 excusat B.

323. De sancto Lamberto.

Ad Nocturnum.

- | | |
|---|---|
| 1. Hymnizemus rerum summum
plasmatorem omnium
In assumptu sui testis,
Lamberti antistitis,
Consummata carnis lucta
nunc ludentis laurea. | 2. Hic a primo volvens aevo
sacras leges animo
Assuescebat in divinis
promptus exercitiis,
Norma recte conversandi
sese nitens excoli. |
|---|---|

- | | |
|--|--|
| <p>3. Ex hoc ejus divulgata
vitae famae gloria
Provisore suo primis
totus grex Trajecticus
Concordando sui curae
hunc balavit praefore.</p> <p>4. Elevatus in privatum
elevavit meritum,
Morum probos promens fructus
crevit in virtutibus,
Suasit verum coli Deum
damnans cultum daemonum</p> <p>5. Quidam tanti semen verbi
refutantes perfidi,
Comportantes pectus tortum
venerunt Leodium,
Illic sibi praeoptatum
mactabant episcopum.</p> | <p>6. Hujus vitae quae sit via,
monstrant signa plurima,
Quae per illum circumquaque
panduntur assidue,
Cujuscunque pestis moestam
relevantem sarcinam.</p> <p>7. Cujus donis gaudet laetus
omnis sinus Noricus,
Latus septus cespes sanctus
sed laetetur amplius
Per virtutum clarus facta
ossa tenens sobria.</p> <p>8. Tanti pro te per insontem
viri fusum sanguinem,
Mundans nodos cordis foedos
da successus floridos
Majestatis sub occulto
regnans absque termino.</p> |
|--|--|

Brev. ms. Aquilegiense saec. 15. Cod. semin. Brixinens. s. sign. — Es reimen nicht die Verse, sondern die Halbverse. — 1, 1 Hymnizamus Hs.

324. De sancto Lamberto.

- | | |
|---|---|
| <p>1. Hymnum canamus gloriae
Christo, qui rex est gratiae,
Et martyris victoriam
Dicamus ad memoriam.</p> <p>2. Adsunt sacra solemnia,
Quibus docet ecclesia,
Qua sit virtute praeditus
Lambertus, martyr inclitus.</p> <p>3. Invictus in certamine
Athleta Christi nomine
Fidem sinceram tenuit
Et claritate micuit.</p> | <p>4. Crimen Pipini prohibens,
Curam solerter adhibens,
Incestas damnat nuptias
Verae saluti noxias.</p> <p>5. Hinc, ut sumatur ultio,
Praesul datur supplicio,
Poenam suffert alacriter,
Quam placat causa jugiter.</p> <p>6. Deo patri sit gloria
Ejusque soli filio
Cum spiritu paraclito
Nunc et per omne saeculum.</p> |
|---|---|

Brev. ms. Capit. Dusseldorpien. saec. 15. Cod. Dusseldorpien. C 64. A. — Hymn. ms. Hermetisvillanus anni 1553. Cod. Griesens. 23. B. — 1, 1 gratiae B. — 1, 4 gloriae B. — Doxologie nicht vollständig A.

325. De sancto Lamberto.

Ad Laudes.

- | | |
|---|---|
| <p>1. Martyr sacer Lambertus
Laudis munere dignus,
Hanc diem tinxit cruore
Palmae functus honore.</p> | <p>2. Tanto pio parente
Coeli sede nitente
Civis cluit senatorum
Consors angelicorum.</p> |
|---|---|

- | | |
|--|--|
| <p>3. Gaudet chorus herorum
Felix vatidicorum,
Perpetim congloriente
Auctus tanto compare.</p> <p>4. Quin et apostolorum
Plaudit turba piorum,
Cum quibus in duodenis
Pausat sedibus altis.</p> <p>5. Purpureus senatus.
Laeto corde beatus
Praemiis hunc cohaeredem
Laudat participantem.</p> | <p>6. Insuper confessorum
Coetus conspicuorum
Elevat consacerdotem
Mixtum dona fruentem.</p> <p>7. Exhinc plebs virginalis
Pansis mitibus alis
Gratulatur cum recepto
Coeli caelibe casto.</p> <p>8. Quem furentis praedonis
Fervens ira Dodonis
Cum sociis conspiratis
Celsis miserat astris.</p> |
|--|--|
9. Tanto patre precante
Nostra crimina dele,
O trinum numen et unum
Regnans omne per aevum.

Brev. ms. S. Lamberti saec. 15. Cod. Graecens. 1541. A. — Brev. ms. Aquilegiense saec. 15. Cod. semin. Brixinens. s. sign. B.

2, 1 Tanto et pio B. — 2, 2 sede mente A. — 3, 4 compare tanto A. — 5, 3 primus hunc B. — Str. 7 fehlt A. — 8, 3 ira de donis B. — 9, 1 Tanti patris B. — Das seltene Versmaß des Hymnus lautet im Schema:

— — — — —
 — — — — —
 — — — — —
 — — — — —

326. De sancto Launomaro.

Ad Vesperas.

- | | |
|--|--|
| <p>1. Semper Deum mirabilem,
Nostrae salutis principem,
Nunc annuis recursibus
Puris canamus mentibus.</p> <p>2. Adsunt enim celebria
Launomari solemnia,
Cujus probantur merita
Praeclara per miracula.</p> | <p>3. Patrarat haec, dum viveret
Hic carneo sub tegmine,
Patrat subidem talia
Coeli tenens palatia.</p> <p>4. Hujus precatu servulis
Adesto, Christe, propriis
Et post quieta tempora
Dona beata gaudia.</p> |
|--|--|
5. Laus, honor, virtus, gloria
Deo patri et filio
Sanctoque sit spiritui
In sempiterna saecula.

Orat. ms. S. Launomari ap. Blesam. saec. 15¹⁶. Cod. bibl. Rossianae s. sign.

327. De sancto Laurentio.

Ad Nocturnum.

- | | |
|---|---|
| <p>1. Laeta reduxit tempora
Dies athletae proprius,
Quo digna lauro tempora
Victor cingit Laurentius.</p> | <p>2. Post patrem clamat praeivium,
Ne currat sine filio,
Instat vestigans studium
Omni jam dignus bravo.</p> |
|---|---|

- | | |
|---|---|
| <p>3. In caecos opem luminis,
Opes spargit in pauperes,
Christi confessor nominis
Vincla spreuit et carceres.</p> <p>4. Ut nullis cedens caedibus
Cratem subit ut joculum,
Angelis et hominibus
Probitatis spectaculum.</p> | <p>5. Odor ascendit inclitus,
Ardor partitur hostiam,
Coelo fulgorem spiritus,
Fornaci carnis scorium.</p> <p>6. Laurenti, martyr lautior
Et holocaustum pinguius,
Quos ignis urit longior,
Tu nos resperge crebrius.</p> <p>7. Sit trinitati gloria,
Cujus fides Laurentium
Constanter per incendium
Duxit in refrigerium.</p> |
|---|---|

Antiph. ms. Plagense s. sign. saec. 16. A. — Brev. sec. rit. candidiss. ord. Praemonstrat. imp. Parisiis 1598 B.

328. De sancto Laurentio.

Ad Nocturnum.

- | | |
|--|--|
| <p>1. Tibi, Christe, rex gloriae,
Laus et honor sit hodie,
Celebretur in gaudio
Solemnis hic Laurentio.</p> <p>2. Festa dies recolitur,
Deo vivens qua moritur
Carne levita maximus,
Odas hinc laeti solvimus.</p> <p>3. Sixtum requirit gladius,
Flet in agone socius,
Relictum se conqueritur,
Morte dum vita potitur.</p> | <p>4. Mens ergo coelis dedita
Fide dispensat credita,
Ignis mox per supplicium
Transit in refrigerium.</p> <p>5. Ubi laeto de foenore
Perenni gaudens tempore,
O Laurenti, nos respice
Salvans ab ira vindice.</p> <p>6. Sit potestas ingenito,
Sit honor unigenito,
Hymnum cantemus cernui,
Laus sancto sit spiritui.</p> |
|--|--|

Brev. ms. Aquilegiense saec. 15. Cod. semin. Brixinens. s. sign.

329. De sancto Laurentio.

Ad Laudes.

- | | |
|---|--|
| <p>1. Exsultet jam angelica
Festiva turba gaudio,
Et omnis aula coelica
Laetetur in Laurentio.</p> <p>2. Adjungit hunc angelicis
Interna cordis puritas,
Et choris apostolicis
Doctrina, fructus, dignitas.</p> | <p>3. Diutina martyribus
Carnis ac mentis passio
Et confessorum coetibus
Conformis vitae ratio</p> <p>4. Felix, qui digne jungitur
Tantis in coelo sociis,
In ejus laudem igitur
Resultet terra gaudiis.</p> <p>5. Summi largitor praemii,
Quem decet laus et gloria,
Da meritis Laurentii
Beata nobis gaudia.</p> |
|---|--|

Antiph. ms. Plagense s. sign. saec. 16. A. — Brev. FF. Praedicatt. imp. Venetiis. 1514. B. — Brev. sec. rit. candid. ord. Praemonst. imp. Parisiis. 1598. C.

1, 4 in Gregorio B. — 5, 3 meritis Gregorii B.

330. De sancto Leonhardo.

- | | |
|---|---|
| 1. O Leonharde pastor bone,
Clarum sidus rutilans,
Sacrae fidei colone
Labis chaos mutilans
Evangeliiq; sator
Mortis purgans lolia. | 4. Pigmentalis ad medelam
Nardus salutifera,
Odor suavis ad tutelam
Contra cuncta pestifera,
Removendo corruptelam
Sacra per prodigia. |
| 2. Infernorum spoliator
Viam lucis reserans,
Captivorum liberator
Fidem Christi praedicans,
Mundum vincens praedicator
Hosti rapis spolia. | 5. Te rogamus, pater pie,
Leonharde, fletibus,
Praesens sis extrema die,
Sathanae de retibus
Nos absolas et a Styge
Tua cum potentia. |
| 3. Tua voce, fortis leo,
Mortuos vivificas,
Praedicando multos Deo
Perditos reaedificas,
Persequenti poenitentis
Abscondis vestigia. | 6. Vitiorum de sentina
Et de mortis carcere
Nos eruas, a ruina,
Reis velis parcere,
Aures precibus inclina
Tua pro clementia. |
| 7. Praesta, pater atque nate,
Dei sapientia,
Confer, spiritus beate,
Nexus et essentia,
Trinitas in unitate,
Ens regens viventia. | |

Brev. ms. Hospitalense saec. 15. Cod. chart. S. Pauli ad Laventum 320 A. — Brev. ms. Lambaccense CLXXIV saec. 15. B. — Brev. ms. Claustroneoburgense 978 saec. 15. C. — Brev. ms. Scotor. Vindob. 50 h 9 saec. 15. D. — Brev. ms. Palat. Vindob. 1893 saec. 14. E. — Brev. ms. Aquilegiense saec. 15. Cod. semin. Brixinens. s. sign. F.

1, 4 mundis labis mutilans B. — 1, 6 lolium B. — 4, 6 rapens spodium B. — 5, 2 precibus B. — 6, 3 et a ruina DEF. — 6, 6 prae clementia B; per elementiam F. — Von den geraden Verszeilen reimen stets 2 und 4 jeder Strophe, während die letzten Zeilen alle unter sich reimen.

331. De sancto Leonhardo.

- | | |
|---|---|
| 1. Plaudat chorus fidelium
Christum bonorum praemium,
Qui Leonhardo gaudia
Concessit immortalia. | 2. Concessit illi solvere
Taetro ligatos carcere,
Concessit et peccamina
Solvat, remittat crimina. |
|---|---|

- | | |
|--|---|
| <p>3. Ejus sacram potentiam
Et in solvendo gratiam
Clamant silentes carceres
Turrisque grandes aggeres.</p> <p>4. Clamant mucrones, ocreae,
Tormenta, lora, lanceae,
Nexus, cathenae, circuli,
Omnisque forma vinculi.</p> | <p>5. Confert opem poscentibus,
Adest se invocantibus,
Et nobis adsit laetior
Et protegat serenior.</p> <p>6. Patri, proli, paraclito
Sit laus honore debito,
Qui Leonhardi servulis
Det gloriam cum angelis.</p> |
|--|---|

Brev. ms. S. Nicolai ap. Patav. saec. 15. Clm. Monacens. 16140. Procession.
ms. Francofurtan. anni 1588. Cod. Bremen. b 56. B. — 1, 3 Ut Leonhardo A. —
2, 2 Retro ligatos A. — 3, 4 Turrique Hs. — 5, 2 sqq. Adsum dicit vocan-
tibus | Vocatus adsit laetior | Vocem protrahat senior. A.

332. De sancto Leonhardo.

- | | |
|--|--|
| <p>1. Plaudat manu plebs fidelis
Visitata nunc de caelis,
Cum beati Leonhardi
Signa fragrant more nardi.</p> <p>2. Ortus hic de stirpe clara,
Clodovaeo regi cara,
Qui Francorum sceptrum gerens
Christo fide tunc adhaerens.</p> <p>3. Praesul sacer, o Remigi,
Per baptismum rapis Stygi
Hunc infantem, cum emundas
Ipsum, levas super undas.</p> <p>4. Puer factus adolescens,
Sursum sanctitate crescens,
Cum egenis dividebat
Large cuncta, quae habebat.</p> | <p>5. Verbum Dei praedicavit,
Signis dicta confirmavit,
Curat aegros, solvit vinctos,
Reddit vitae tunc extinctos.</p> <p>6. Leonhardus vir beatus,
Stola lucis trabeatus,
Vita carnis expirante
Signa facit nunc ut ante.</p> <p>7. Omnes juvat, nullum spernit,
Peccatores non secernit,
Cunctis pie suffragatur,
Cum devote deprecatur.</p> <p>8. Invocemus et nos tardi
Nomen sancti Leonhardi,
Prece ejus ut adjuti
In extremis simus tuti.</p> |
|--|--|

9. Honor patri sit et nato
Atque pneumati beato,
Qui amborum exstat flamen,
Clamitemus omnes. Amen.

Brev. ms. Cisterciense saec. 14. Clm. Monacens. 23280. — Nach Str. 5
„divisio“.

333. De sancto Leopoldo.

In 1. Vesperis.

1. Austriae decus, princeps et patrone,
Da, Leopolde, quibus advocaris,
Gaudia, alto qui es de sanguine
Marchio cretus.
2. Vitam pudice agis juvenilem
Ac demum spondes conthoralem castam,
Supplices Deo vivitis parentes
Prole fecundi.

3. Virtutis robur detestari fecit
Vitia cuncta, animo potenti
Hostes repellis plebemque defendis
Pace jucunda.
4. Sparsit agrestes silva tibi frondes,
Quando venatu incedebas tuo,
Gaudes invisum peperisse fructum
Ramos sambuci.
5. Capitis velum annos post repertum
Conjugi tuae vento vi ablatum,
Illic tu struis indice sambuco
Aram sacratam.
6. Quam dedicasti rebus locupletem,
Ut dei cultus virginisque matris
Jugiter crescat, honor, virtus et laus
Omne per aevum.
7. Spiritum tandem reddis Deo mundum,
Marchio sancte, anno tunc salutis
Sexto ter deno undies centeno
Mense Novembri.
8. Vexilla tua possident paterna
Austriae duces, illos tu commenda,
Ut vivant justī Deoque accepti
Totum per orbem.
9. Insignem clarum pietate virum,
Te nos precamur, patriam tuere,
Corpora munda frugibus et nostros
Lares adorna.
10. Gloria patri resonemus omnes
Ejusque nato jubilemus apte,
Cum quibus regnas simul et, creator
Spiritus alme.

Brev. ms. Ducumburgense Nr. 68. saec. 15. A. — Brev. ms. Claustroneo-
burgense 590 saec. 14. add. saec. 15. B. — Brev. ms. Lincense Γ o 24 saec.
15. C. — 1, 2 advoceris CB. — 1, 3 pudore A. — 2, 2 spondens BC. —
3, 3 propellis BC. — 3, 3 defendens C. — 5, 2 Gurgiti tuo A.

334. De sancto Leopoldo.

Ad Laudes.

1. Aurora rubens fugat noctis stellas,
Alma ac luce promat vox humana
Quascunque laudes, animus exsultet
Corde jucundo.

2. Laudent te Deum regem in excelsis
Principes omnes, pueri et senes,
Viduae, matres, sanctimoniales,
Castitas omnis.
3. Limina sacra Crucis et Neuburgae
Laudent, Mellicum Austriaeque fines
Patronum sanctum, Leopoldum pium,
Coelo regnantem.
4. Pietas, summa notio tu Dei,
Daemones pelle, teneant ne fata
Fonte lavatos, cruore redemptos,
Protege semper.
5. Laudemus patrem, filio sit honor,
Spiritus sanctus nanciscatur laudes,
Trinus et unus sit nobiscum Deus
Laude perenni.

Brev. ms. Lincense I o 24 anni 1525 A. — Brev. ms. Claustroneoburgense 590 saec. 14. add. saec. 15. B. — 1, 2 Alma ac A. — 3, 1 et fehlt A.

335. De sancto Leopoldo.

- | | |
|--|--|
| 1. Lux visa per caliginem
In terram mittit radium,
Quando sanctorum aliquem
Nobis donat egregium. | 5. Oriatur hinc claritas
Veritatis catholicae,
Fides, spes atque caritas,
Virtutes theologicae. |
| 2. Exit ab ea, quidquid est,
Quod ab ipsa distinguitur,
Sed multum damni interest,
Dum quis ab hac disjungitur. | 6. Laetemur nunc in Domino
Leopoldi solemnina
Colamus charis glutino
Vita cedente noxia. |
| 3. O via, vita, veritas,
Te, Christe, jubar optimum,
Nescit malorum caecitas,
Sed videt mens fidelium. | 7. Dies agentes prosperos
Contra versuti jacula,
Ne lugeamus asperos
Per infinita saecula. |
| 4. Petamus ergo gratiam,
Ut Leopoldi merita
Nobis impetrent veniam,
Mala vadant praeterita. | 8. Ut cum finis adveniat
Vitae praesentis concite
Maria nos respiciat
Cum Leopoldo comite. |
| 9. Sit patri laus et inclito
Excelsa nato gloria
Summo quoque paraclito,
Nostra quod est victoria. | |

Brev. ms. Sitanstettense XCII saec. 15. A. — Brev. ms. Plagense s. sign. anni 1499 B. — Brev. ms. Claustroneoburgense 590 saec. 14 add. 15. C. — Cod. Ducumburgens. 180 anni 1620. D. — Miss. ms. Palat. Vindob. 1839. saec. ¹⁵/₁₆. E.

2, 2 constringitur E; disjungitur D. — 2, 4 distinguitur BE. — Str. 4 fehlt E. — 4, 3 reducant veniam D. — 5, 2 praelucidae BE. — 6, 1 Late-

mur ut in B. — 6, 2 memoriam D. — 6, 3 charitatis (st. *χαρις*) glutino B. — 6, 2—4 Humilitate placita | Spreto enlparum cumulo | Et voluptate noxia E. — 8, 1 finis accurrerit D; advenerit E. — 8, 2 praesentis miserae D. — 8, 3 respexerit DE. — 9, 1 et filio DE. — 9, 2 Celsa dilecto gloria DE.

336. De sancto Leopoldo.

Ad Matutinum.

1. Da, fabricator noctis et diei,
Arcana sancta contemplari tua,
Coelo suspendis lucis tuac sedem
Solus potenter.
2. Clare distinguis lumineque imple
Machinam mundi reliqua et astra
Lucere jubes hominis ad visum
Orbe manente.
3. Calor vitalis vigeat in nobis,
Quo tibi tandem debita solvamus
Digne nocturna, hostibus ne vagis
Impediamur.
4. Tu immortalis es beatitudo,
Hinc optant cuncti residere tecum
Summo affectu nostrumque clamorem
Audi benigne.
5. Ut Leopoldus facta tibi prece
Monstret psallentes, meritis per sua
Augeat fidem, populum australem
Pace defendat.
6. Praesta hoc, pater, filio cum tuo,
Spiritus alme, Deus simplex unus,
Cuncta qui regis atque omni aevo
Cuncta gubernas.

Brev. ms. Lincense *I* o 24 anni 1525 A. — Brev. ms. Claustroneo-burgense 590 saec. 14. add. poster. B.

337. De sancto Livino.

- | | |
|---|---|
| 1. Laetum carmen decantetur
Ac Livini praedicetur
Vitae fama valida, | 4. Instillando guttas lactis
Labiis matris praetactis
Lucis abundantia. |
| 2. In conspectu satis claret,
Super os matris volaret
Dum columba vivida. | 5. Nocte intra palatium
Parentum in solatium
Fit signans praesagium |
| 3. Vitam signans in materno
Alvo prolis de superno
Mira Dei gratia | 6. Vitae suae laureandae
Et coronae sibi dandae
Nobis in suffragium. |

7. Sit laus patri atque nato
Cum hoc pneumati beato
Hic et aeternaliter.

Brev. ms. Burchusense saec. 15. Clm. Monacens. 5246.

338. De sancto Longino.

- | | |
|---|--|
| 1. Verbum aeternum prodiens
Formam accepit servuli,
Sponte in cruce moriens
Mortem abstulit saeculi. | 4. Tandem dura sub regula
Carnis gesta mortificans,
Jugi cum abstinencia
Spiritus vivificans. |
| 2. Veluti anguis aeneus
Pendens in crucis stipite,
Quo sanabatur populus
A morsu dirae viperae. | 5. Vana devastat idola
Sermone et opere,
Tormenta fert crudelia
In suo sacro corpore. |
| 3. Christi latus aperiens
Miles crudeli lancea,
Corde puro prospiciens
Sanatur ejus gratia. | 6. Demum truncatus capite
Fulget per insignia,
Quibus clarescit limpide
Ipsius sanctimonia. |
| 7. Patri, nato cum spiritu,
Deo sit uni gloria,
Qui mundum ab interitu
Sua salvavit gratia. | |

Brev. ms. Capit. Olomucens. 301 saec. 15. A. — Brev. ms. S. Jacobi
Brunens. 26 anni 1499. B.

339. De sancto Longino.

Ad 1. Vesperas.

- | | |
|---|---|
| 1. Magnae Deus potentiae,
Qui tuae dono gratiae
Ex vase contumeliae
Instauras vasa gloriae. | 4. Renuntians militiae
Et terrenae substantiae
Juste, pie et sobrie
Sub jugo vixit gratiae. |
| 2. Nam militem saevitiae,
Qui mucroneque lanceae
De tuo sacro latere
Undam fudit cum sanguine, | 5. Ac diro poenae genere
Tortus virili pectore
Tandem truncari capite
Pro tuo tulit nomine. |
| 3. Illustrans mentem corpore
Membrum facis ecclesiae,
Ut corde, ore, opere
Te collaudaret hodie. | 6. Quem in coelesti culmine
Palma fulcis victoriae,
Cujus de sacro corpore
Signa fiunt clementiae. |
| 7. Hujus obtentu, rex pie,
Tuo benigno munere
Confer hic sancte vivere
Et te in coelo cernere. | |

Brev. ms. S. Jacobi Brunens. 28 saec. 15. — 4, 4 vixit gloriae Hs.

340. De sancta Ludmilla.

Ad Nocturnum.

- | | |
|--|--|
| 1. A somno pigros excita,
Soporem mentis abjice,
In laudes tuas incita,
Aeterni patris unice. | 3. Nobis prosit suffragium
Ludmillaeque martyrium,
Perenne praesta bravium,
Deus creator omnium. |
| 2. Nostras mentes illumina
Claritate eximia,
Perduc ad vitae lumina
Dans gaudiorum praemia. | 4. Actus nostros sic corrige,
Ne delinquamus iterum,
Coeleste munus porrige,
Conditor alme siderum. |
| 5. Praesta, beata trinitas,
Manere in concordia,
Concede, simplex unitas,
Beata nobis gaudia. | |

Brev. ms. Pragense XIII B 9 saec. 15. A. — Brev. ms. Pragense XII G 11 saec. 14. B. — 1, 1 Excitat B. — Die Schlufszeilen der Strophen Anfänge bekannter Hymnen.

341. De sancta Ludmilla.

- | | |
|--|--|
| 1. Haec sunt sacra solemnia
Ludmillae venerabilis,
Congaudeat ecclesia
Voce cantus laudabilis. | 4. Quam ultor nihilominus
Metum necis incutiens
Vindicavit mox Dominus
Lictores interficiens. |
| 2. Haec est vernalis primula,
Quae de terra Bohemiae
Prima vernans et sedula
Fit vas coelestis gratiae. | 5. Nam diversus interitus
Hos cum omni familia
Sic absorbit penitus,
Ut perirent per omnia. |
| 3. Prima noctis vigilia
Fune capit interitum,
Per quod coelestis curia
Ejus obtinet spiritum. | 6. O quam celebris haec dies,
Quam illustravit gratia,
Nam Ludmillae datur quies
Cum divina potentia. |
| 7. Trino Deo et simplici
Laus, honor, virtus, gloria,
Nam agminis jam coelici
Ludmilla gaudet patria. | |

Brev. ms. Altovadense XXV saec. 14. add. 15 A. — Brev. Trebonense saec. 15. Cod. Prag. VII C 3. B. — Brev. ms. Palatin. Vindobon. 1674. saec. 15. C.

342. De sancta Ludmilla.

- | | |
|---|--|
| 1. In Ludmilla salvatoris
Laudemus clementiam,
De tenebris quam vocavit
Ad fidei gratiam
Et virtutum hanc effecit
Omnium discipulam. | 2. Haec amatrix castitatis
Et sanctorum operum,
Imitatrix pietatis
Dulcis nutrix pauperum,
Consolatrix afflictorum
Poenitendi speculum. |
|---|--|

- | | |
|--|---|
| <p>3. Pro fidei fundamento
Sustinet martyrium,
Cultus Christi pro augmento
Coeli tenet bravium,
Est pro cleri alimento
Consors coeli civium.</p> | <p>4. Mater sancta et patrona,
Bohemorum domina,
Posce nobis prece pia
Coelestia gaudia,
Fac, ut pulso hoste tuus
Te collaudet populus.</p> |
|--|---|

5. Patri summo sit laus, decus
Natoque victoria
Spirituique beato
Sempiterna gaudia,
Qui coronet celebrantes
Ludmillae solemnia.

Brev. ms. Pragense XIV F 12 saec. 15. add. 16. — 1, 6 Omniumque
Hs. — Poenitentiae Hs. — 4, 5 hoste tuo Hs. — 4, 6 collaudat Hs.

343. De sancta Ludmilla.

In 1. Vesperis.

- | | |
|--|--|
| <p>1. Lux vera lucis radium
Sparsit in hemisphaerium
Bohemorum ad gaudium
Per Ludmillae martyrium.</p> | <p>4. Mortale solvens debitum
Deo commendat spiritum,
Coelicum subit aditum
Et lictores interitum.</p> |
| <p>2. Vetus error nam abiit,
Lumen fidei adiit
Gens Bohema et gratiae,
Baptisma et spem gloriae.</p> | <p>5. Insignia sanctitatis
Sunt, redolent suaviter
Dono fontis pietatis
Ossa sua perenniter.</p> |
| <p>3. Dum Christi vacat laudibus
Prima noctis vigilia,
Nurus hanc plena fraudibus
Sua necat familia.</p> | <p>6. Lauda Deum, Bohemia,
Psalle, gaude, tripudia,
Ludmillae per suffragia
Regna sperans coelestia.</p> |

7. Altissimi veri Dei
Nobis donet memoria,
Ut regnemus licet rei
Cum Ludmilla in gloria.

Brev. ms. Pragense XII G 11 a. saec. 14. A. — Brev. ms. Pragense XII
B 9. saec. 15. B.

344. De sancto Ludovico.

Ad Vesperas.

- | | |
|--|--|
| <p>1. Vergente mundi vespere
Sol mundo misit Hesperum,
Ut in praesenti carcere
Luce fulgeret operum.</p> | <p>2. Ludovicus ex nomine
Sacra praesignans studia,
Lucem doctus a lumine
Dat in vitae custodia.</p> |
|--|--|

- | | |
|--|---|
| <p>3. Hic puer purus animo
Sed vir perfectus sensibus,
Cepit servire Domino
Senem se praebens moribus.</p> <p>4. Ductus in Arragoniam
Obses pro patre deditus,
Servavit patientiam
In coelo mente positus.</p> | <p>5. Ibi manens septennio
Vacavit sapientiae,
Divino magisterio
Captus Rachelis specie.</p> <p>6. Summi patris potentia
Nos regat, unigeniti
Illustret sapientia,
Uret amor paracliti.</p> |
|--|---|

Brev. ms. Francisc. anni 1464. Cod. Admontens. 851.

345. De sancto Ludovico.

Ad Vesperas.

- | | |
|--|--|
| <p>1. Vergente mundi vespere
Sol mundi misit Hesperum,
Qui micans ut in aethere
Lucem monstravit operum.</p> <p>2. Ludovicus per omnia
Ductu divinae gratiae
Vectus est ab infantia
Solem sequens justitiae.</p> <p>3. Regali stirpe genitus
Contempsit primogenita,
Regno terreno penitus
Mente carens gratuita.</p> <p>4. Detentus in Hesperia
Claret per patientiam,
Nam passus nivis gravia
Praefert semper laetitiam.</p> | <p>5. Dum patitur exilium
Datur solerti studio,
Christus ejus ingenium
Suo perfundit radio.</p> <p>6. Quo repletus deifice
Profert cunctis salvifica,
Ubique fans authentice
Dei praeco mirifica.</p> <p>7. Factus Francisci filius
Virgo candens ut lilium,
Fit et praesul eximius,
Collega nunc coelestium.</p> <p>8. Patri, genito, flamine
Devota reddant agmina
Laudem condignam numini
Per vespertina carmina.</p> |
|--|--|

Brev. ms. Francisc. anni 1474. Cod. Hilariens. CXII. A. — Diurn. ms. Francisc. saec. 15. Cod. Pragense. VII H 8. B. — Diurn. ms. Hermetisvillan. saec. 15. Cod. Griesense. 56. C. — 4, 1 Hispania A. — 5, 1 Cum patitur C. — 7, 1 Sancti Francisci C. — 8, 1 Patri renato flamine C. — Mel.: Plaude turba paupercula B. — Vgl. Acta SS. Aug. 3, 804.

346. De sancto Ludovico episcopo.

Ad Laudes.

- | | |
|---|--|
| <p>1. Aurora lucis rutilat
Hinc mundo tenebrosa,
Dum Ludovicus jubilat
In throno luminosa.</p> <p>2. Jam caecis lumen reparat
Lux ejus radiosa,
Et debiles corroborat
Vis sua virtuosa.</p> | <p>3. Surdorum aures aperit,
Mutis reddit affatum,
Petentes se non deserit
Cunctis donans optatum.</p> <p>4. Pressos a malis eruens
Emundat maculosos,
Defunctis vitam tribuens
Curat daemoniosos.</p> |
|---|--|

- | | |
|---|--|
| <p>5. Francorum et Siciliae
Domus congratulentur,
Aragonum, Hungariae
Regna conjucundentur.</p> | <p>6. De tam claro lucifero
Ecclesia laetatur,
Cujus prece stellifero
Coelo promoveatur.</p> |
|---|--|

Brev. ms. Francisc. anni 1464. Cod. Admontens. 851.

347. De sancto Ludovico episcopo.

Ad Nocturnum.

- | | |
|--|--|
| <p>1. Dum medium silentium
Noctis nunc tenent omnia,
Decantet vox fidelium
Ludovici magnalia.</p> <p>2. In nocte taetra saeculi
Sanctus hic mite claruit,
Menti cujus infantuli
Divina lux emicuit.</p> <p>3. Orationum hostias
Christo devotus immolat
Carnis domans ineptias
Ad alta mente convolat.</p> | <p>4. Virginitatis lilium
Hunc angelis parificat,
Humilitas sublimium
Ipsam loco dignificat.</p> <p>5. Pietatis compassio
Possedit ejus animum,
Egenorum obsequio
Se subdit velut infimum.</p> <p>6. Patri, nato, paraclito
Vota reddantur cordium,
Qui hujus sancti merito
Praestent nobis subsidium.</p> |
|--|--|

Brev. ms. Francisc. anni 1464 Cod. Admontens. 851. — 5, 4 impium Hs.

348. De sancto Ludovico episcopo.

Ad Nocturnum.

- | | |
|---|--|
| <p>1. Dum medium silentium
Noctis nunc tenent omnia,
Coetus cantet fidelium
Ludovici praeconia.</p> <p>2. In nocte nempe saeculi
Plenus fulsit virtutibus
Clarus director populi
Velut coelum sideribus.</p> <p>3. Hic splendet sapientia,
Nitescit et virginitas,
Rorat misericordia
Rubetque fluens caritas.</p> <p>4. Hunc regulat religio,
Motum firmat tranquillitas,
Extollit contemplatio,
Parvificat humilitas.</p> | <p>5. Hic patet ab initio
Virtutum universitas,
Quas miro magisterio
Scripsit beata trinitas.</p> <p>6. Tu, qui plenus virtutibus
Fuisti sine numero,
Tuis sacris influxibus
Nos juva cursu prospero.</p> <p>7. Et qui minorum habitum
Portasti minor ceteris,
Post vitae jungas transitum
Tibi devotos superis.</p> <p>8. Trino Deo et simplici
Digna laudum praeambula
Sint et tanto pontifici
Per infinita saecula.</p> |
|---|--|

Brev. ms. Francisc. anni 1474. Cod. Hilariens. CXII. A. — Diurn. ms. Francisc. saec. 15. Cod. Pragenses. VII H 8. B. Mit doppelter Intonation: Ver-
gente mundi vespere und Lux ex Olympo.

349. De sancto Ludovico.

Ad Laudes.

- | | |
|--|--|
| <p>1. Ut lux aurorae rutilat
Lucique solis plenius
Se Ludovicus similat
Ut verae lucis filius.</p> <p>2. Nam jubar summi sideris
Semper gessit in facie,
Dum nostri par itineris
Adhuc foret in acie.</p> <p>3. Qui vita sursum habitans
Hanc angelis parificat,
Et somnolentes excitans
Nos spiritu laetificat.</p> <p>4. Umbram noctis exterminat
Fulgore sapientiae,
Sed clarius illuminat
Per culmen sanctimoniae.</p> | <p>5. Aestum doloris temperat
Stillans ejus compassio,
Carnemque suam macerat
In pauperum collegio.</p> <p>6. Ergo tu, pater inclite,
Procura tibi subditis,
In patria jam praedite,
Nos abundare meritis.</p> <p>7. Tuisque detur fratribus,
Te precantes solícite
Ut pergant sanctis gressibus
Ad coelum recto limite.</p> <p>8. Laus, honor, virtus, gloria
Trinitati deificae,
Quae cunctis exstat praevia,
Sit pro tanto pontifice.</p> |
|--|--|

Brev. ms. Francisc. anni 1474. Cod. Hilariens. CXII. A. — Diurn. ms. Francisc. saec. 15. Cod. Pragens. VII H 8. B. — Brev. ms. S. Odiliae Rappoltvillan. saec. 15. Clm. Monacens. 10929. C. — Brev. Roman. imp. Venerabilis 1506. D. — Mel.: Vergente mundi vespere und Plaude turba paupercula.

350. De sancto Ludovico.

- | | |
|--|--|
| <p>1. Pulset coelum laus amoena,
Laus cunctorum fidelium,
Moduletur vox serena
Ludovici praeconium.</p> <p>2. Ludovicus infantulus
Devotae mentis studio
Coepit vacare sedulus
Virtutum exercitio.</p> | <p>3. Fide constans, spe subvectus,
Caritatis operibus
Digne vacans est electus
Ex perfectorum millibus.</p> <p>4. Omnem reatum animae
Quam cruciant humanitus
Piae laverunt lacrimae
Simul et matris transitus.</p> |
|--|--|
5. Omnis spiritus invocet
Supernum regem inclitum,
Qui nos in regno colloceat
Per Ludovici meritum.

Antiph. ms. Hilariense anni 1632.

351. De sancto Ludovico episcopo.

In 2. Vesperis.

- | | |
|--|--|
| <p>1. Ludovicus ut amicus
Christi mox jugum subiit,
Dum praeclara nobis clara
Proles de coelo prodiit.</p> | <p>2. Non turbatur, dum artatur
Pro patre jussu regio,
Sic meretur, ut laudetur
Incoelesti collegio.</p> |
|--|--|

- | | |
|---|---|
| <p>3. Est promissum post emissum
Minorum cinctus cordula,
Ergo toto cordis voto
Plaude, turba pauper-
cula.</p> | <p>5. Sic in eo dante Deo
Viget omnis perfectio,
Cujus vita fuit ita
Laus regi plena gaudio.</p> |
| <p>4. In Tolosa velut rosa
Candet princeps ecclesiae,
Cui praelato jam beato
En gratulemur hodie.</p> | <p>6. Hujus prece nos a nece
Per trinitatis bravium
Liberatos fac beatos,
Jesu, lux vera mentium.</p> |

Brev. ms. Francisc. anni 1474. Cod. Hilariens. CXII. A. — Diurn. ms. Francisc. saec. 15. Cod. Pragense. VII H 3. B. — Brev. ms. S. Odiliae Rappoltivillan. saec. 15. Clm. Monacens. 10929 C. — Brev. Roman. imp. Venetiis 1506. D. — Die Schlufszeilen der Strophen Anfänge der bekannten Ordenshymnen auf Franz von Assisi und Anton von Padua.

352. De sancta Magdalena.

- | | |
|--|--|
| <p>1. Grates reddamus Domino,
Fratres, corde et animo,
Qui peccantes non perire
Vult sed correctos vivere.</p> | <p>3. Passum in cruce Dominum
Flendo quaerens ad tumulum
Prima videre meruit,
Ab inferis cum rediit.</p> |
| <p>2. Magdalенаe haec Mariae
Gesta docent sanctissimae,
Quae carnis suae maculas
Fusas lavit per lacrimas.</p> | <p>4. Cujus prece piissime
Tu nos exaudi Domine
Et nostra delens crimina
Aeterna dona gaudia.</p> |
5. Sit trinitati debita
Laus et perennis gloria,
Sit decus et imperium
Modo et in perpetuum.

Brev. ms. Lunaelacense saec. 14. Cod. Palat. Vindob. 1950 A. — Brev. ms. Benedictin. saec. 14. Clm. Monacens. 23179. B.

353. De sancta Magdalena.

- | | |
|---|---|
| <p>1. O quam digna memoria,
Quae tam rea in vitiis,
Locata fit in gloria
Fruens coeli deliciis.</p> | <p>4. Et sorori praeficitur
Devotionis studio,
Quo mens ardens afficitur
Dulcedinis tripudio.</p> |
| <p>2. Haec est dicta Magdalena,
Clarior orta parentibus,
Sed peccatis fuit plena
Carnis abutens sensibus.</p> | <p>5. Haec Lazarum ab inferis
Suis reduxit precibus,
Quia Christum prae ceteris
Suis placavit fletibus.</p> |
| <p>3. Sed lacrimarum flumine
Dum compuncta resolvitur,
Sancto peruncta numine
A peccatis absolvitur.</p> | <p>6. Quem dilexit ferventius
Sub cruce stans intrepida
Et quaesivit frequentius
In sepulchro non tepida.</p> |

- | | |
|---|--|
| <p>7. Et sic videndo Dominum
Vitae tulit laetitiam,
Sicut seductrix hominum.
Eva sevit tristitiam</p> | <p>8. Suis ergo nos precibus
A vitiorum aestibus,
Christe, conjunge coetibus
Sanctorum in coelestibus.</p> |
|---|--|
9. Trinitati laudatio
In unitatis gloria,
Sit et par veneratio
In aeterna memoria.

Cod. Palat. Vindob. (ol. Campens.) 883 saec. 14/15. — Das Lied steht in einer Folge liturgischer Hymnen.

354. De sancta Magdalena.

1. Repleta gaudio fidelis concio
Hymnum laetitiae decantet hodie
Christo, qui gratiam dedit et veniam
Mariae quondam debili.
2. Illa per nimia cucurrit vitia,
Peccavit publice, sed prolis deicae
Per medicamina purgavit crimina
Affectu admirabili.
3. Haec mulier pia, poenitendi via,
Exoret veniae fontemque gratiae,
Ne nos culpis gravet sed sordidos lavet
Fonte inextinguibili.
4. Patri ingenito ejusque genito
Sanctoque flamini, amborum numini,
Sit laus et gloria, qui ligat omnia
Catena indissolubili.

Brev. ms. Palatin. Vindob. 13420 saec. 14.

355. De sancta Maria Magdalena.

1. Festa dilectae Domini Mariae,
Quam reis formam posuit sequendam,
Annua nobis reditu retorquet
Flammeus orbis.
2. Haec pedes Christi lacrimis rigavit,
Oculis mulcens, refovens capillis,
Quin et infudit capiti verendo
Nectar olivi.
3. Inde calcato Stygio tyranno
Prima surgentem meruit videre,
Nuntio firmans animos paventes
Discipulorum.

4. Ergo te felix petimus virago,
Dulcis exemplum veniae, Maria,
Fac bonum Jesum famulis misellis
Conciliatum.
5. Laudibus cives celebrant superni
Te, Deus simplex pariterque trine,
Supplices et nos veniam precamur,
Parce redemptis.

Hymn. ms. S. Galli 26 saec. 14.

356. De sancto Malachia.

- | | |
|---|---|
| 1. Malachiae solemnia
Votis et hymnis debitis
Mater colit ecclesia
Sancti confisa meritis. | 5. Clero clarens et populis
Malachiae religio
Sortitur archipraesulis
Gradum de sacerdotio. |
| 2. A barbaris Hiberniae
Carnis duxit originem,
Sed nullam de barbarie
Culpae traxit aeruginem. | 6. Hinc signis et virtutibus
Mundum fulgens illuminat,
Ex lucris spiritalibus
Christo talenta geminat. |
| 3. Lex Dei docet puerum
Et spiritalis unctio,
Fructus replevit operum
Virtutis exercitio. | 7. In Claravalle moritur,
Quem clare monstrat vivere,
Manusque manco redditur
Attacto sancti funere. |
| 4. Ad Imari vestigia
Dum juvenis instruitur,
Sanctitatis fastigia
Sanctum sequens assequitur | 8. Adesto votis supplicum,
Malachia sanctissime,
Munus nobis salvificum
Dans corporis et animae. |
9. Sit laus patri cum filio
In unitate spiritus,
In quo sit nobis unio
Cum Malachia coelitus.

Brev. ms. Altovadense CXXVI saec. 15. A. — Antiph. ms. Hilariense V
anni 1632. B. — Nach Str. 4 „divisio“ B.

357. De sancta Margaretha.

- | | |
|---|---|
| 1. Adest triumphus nobilis,
Festum coelis inducitur,
Quo sponsa cum amabilis
In thalamum traducitur. | 3. Egrediens daemon callidus
Terret draconis specie,
Sed mox aufugit pallidus
Signo crepans victoriae. |
| 2. Rubet perfusa sanguine,
Virgis caesa acerrimis,
Stat fortis in certamine
Locis clausa deterrimis. | 4. Tandem ligatis manibus
In vas aquae demergitur,
Sed fractis ligaminibus
Virgo ridens egreditur. |

- | | |
|---|---|
| <p>5. Ad tribunal perducitur,
Verba spreuit mulcentia,
Ut plectatur praecipitur
Capitali sententia.</p> <p>6. Imminente cervicibus
Mucrone jam horribili
Orat profusis precibus
Christum peccatu flebili:</p> | <p>7. In quacunque angustia
Turbati quique fuerint,
Exaudi hos per omnia,
Qui te per me petierint.</p> <p>8. Vox tonat de sublimibus:
Intra jam sponsi gaudia,
Sed et te venerantibus
Promitto coeli gaudia.</p> <p>9. Laus patri sit cum filio,
Jucunde psallant coelibes,
Qui coelibatus lilio
Sibi despondit virgines.</p> |
|---|---|

Brev. ms. Franciscan. Poseniens. No. 50 saec. 15. — 3, 2 speciem Hs.

358. De sancta Margaretha.

- | | |
|---|--|
| <p>1. Venerandae virginis
Et gloriosae martyris,
Celebremus inclita
Margaritae solennia.</p> <p>2. Ejus devotis laudibus
Insistamus alacrius,
Huic hymnizemus intimo
Cordis et oris jubilo.</p> | <p>3. Haec a pueritia
Praeventa Dei gratia
Terrena spernens gaudia
Tetendit ad coelestia.</p> <p>4. Respuit Olybrium,
Sathan evertit impium,
Fuso triumphans sanguine
Fit sponsa regi gloriae.</p> <p>5. Cujus nos patrociniis
Munda, Jesu, a maculis,
Cum patre flatuque sacro
Qui regnas sine termino.</p> |
|---|--|

Hymn. ms. Salisburgens. (bibl. publ.) V 1 J 201 saec. 15. — 4, 2 imperium Hs.

359. De sancta Margaretha.

1. Ut tibi laudes resonemus omnes
Virgo formosa, martyr gratiosa,
O Margareta, Christi testis laeta,
Pro nobis ora.
2. Vernula Christi esse meruisti,
Spernens profanos Deos atque vanos,
Largire bona, paradisi dona
Coelitus rora.
3. Haec matris vice fertur a nutrice
Fide non vana docta Christiana,
Quam ut praefectus vidit est illectus
Veneris more.

4. Illa constanter atque gratulanter
Non valens flecti precibus praefecti,
Ipsam inflatus terrens et iratus
Mortis timore.
5. Hinc virgo caesa faculis est laesa,
Post aestum flammae mergitur in amne,
Dolore tuta funibus soluta
Digne salvatur.
6. Post tormentales poenas et letales
Christo dilecta, praesidi despecta,
Prece suorum memor famulorum
Sic decollatur.
7. Laus patri detur, nato jubiletur,
Amborum flamen commendetur, Amen,
Cum sanctis dei depromamus regi
Coelicum carmen.

Antiph. ms. Voraviense 29 saec. 14. add. 15 A. — Brev. ms. S. Floriani XI 384 saec. 14. B. — Brev. ms. S. Floriani XI 386 saec. 15. C. — Brev. ms. S. Floriani XI 404 saec. 15. D. — 7, 2 commendamus B.

360. De sancta Margaretha.

Ad Laudes.

- | | |
|--|--|
| 1. Solemnis dies virginis
Celebretur cum gaudio,
Quae novam dans laetitiam
Supremo choro virginum. | 3. Felix puella caeditur
Ac laniatur ungulis,
Ignibusque comburitur
Et dolio immittitur. |
| 2. Caput draconis horridi
Calcans virgo sub pedibus,
Qui clamans voce quaerula,
Rogans, ut sibi parceret. | 4. Tandem virgo Margaretha
Ad decollandum ducitur,
Quae servos sui memores
Superno Deo commendet. |

Orat. ms. Dorotheae de Mittelhusen anni 1449. Clm. Monacens. 10 930. — 1, 3 dans ecclesiae laetitiam Hs. — 4, 4 commendes Hs.

361. De sancta Margaretha.

Ad Laudes.

- | | |
|--|---|
| 1. Per totius orbis fines
Congaudeant fideles
In hoc festo venerandae
Virginis et martyris
Margarethae, quae mundanae
Sprevit pompam gloriae. | 2. Et quae sursum sunt sapiens
Et virtutum lampades
In occulto cordis gerens
Ardebat, deliciis
Interesse summi regis
Omnibus imperantis. |
|--|---|

- | | |
|--|--|
| <p>3. Pro quo spretis hujus mundi
 Cunctis vanitatibus
 Edomabat carnis luxur
 Vigilans assidue
 Et deprecans tota mente
 Pro statu ecclesiae.</p> | <p>4. Margaretha, martyr sancta,
 Fundimus precamina,
 Te per illum obsecrantes,
 Pro quo mortem passa es,
 Ut nos omnes consoleris
 Et a malo protegas.</p> |
|--|--|
5. Te laudamus Deum trinum
 In personis, sed unum
 In honore deitatis,
 Cum quo regnat inclita
 Margaretha nunc et semper
 Per aeterna saecula.

Brev. ms. Lincense *F* p 19 saec. 14. A. — Clm. Monacens. 14 703 saec. 14.
 B. — Hymn. ms. Sangallens. 16 anni 1446. C. — 2, 2 virtutem lapides C. —
 2, 6 In omnibus imperans C; Cunctis imperantibus A. — 3, 3 Obdomabat
 C. — 4, 5 consolaris C. — 5, 4 regnat in umbra C.

362. De sancta Margaretha.

1. Pangat chorus hymnum Dei filio
 Pro martyris Margarethae proelio,
 Quae praefecto passa sub Olybrio
 Consecrari meruit martyrio.
2. Jesu Christi propter diligentiam
 Se praefecti spernit esse sociam,
 Per divinam impolluta gratiam
 Mundi hujus evasit spurcitiam.
3. Castigatur, carceratur regina,
 Sed te coelo tenebrosa nubila
 Illuminant magnifica lumina,
 Inaudita audit consolamina.
4. A dracone devoratur pessimo,
 Signo crucis exit potentissimo,
 Tormento discruciatur plurimo,
 Ligno sublevatur in altissimo,
5. Caro ferro scalpitur sanctissima,
 Concrematur lampade terrificam,
 Ad aethera Christi clamat amica:
 Judicium meum, Deus, judica.
6. Immergitur aquae virgo regia
 Nexa simul manus ac vestigia,
 Abluitur dum in aqua media,
 Ligamina disrumpuntur fortia.
7. Decollari datur carnificibus,
 Extra castrum ducitur verberibus,
 Decollata fertur in coelestibus,
 Angelicis ulnis et concentibus

8. Supplicamus ergo tibi, domina,
Qui tua recolimus certamina,
Dei sentiamus adjuvamina,
Per tua sanctissima oramina.
9. Summo creatori patri gloria,
Ejus unigenito victoria,
Sacro flamini laus omnifaria,
Qui saecula Deus regit omnia.

Brev. ms. Albense saec. 15. Cod. Lambacens. LXXXIX. A. — Hymn. ms. Hermetisvillan. anni 1553. Cod. Griesens. 23. B.

1, 1 Pange B. — 1, 2 Margarethae fehlt A. — 3, 1 regia B. — 3, 2 lumina verschr. B. — 4, 4 sublevatur potentissimo A. — 5, 3 clamat anima. B. — 6, 1 Immersatur A. — 6, 2 Coxa simul B. — 6, 3 Abluuntur B. — 6, 4 rumpunt fortia A. — 8, 2 tua colimus A. — 9, 1 Mundi creatori B. — 9, 4 Qui saecula Deus unus A; Per saecula Deus unus omnia B.

363. De sancta Margaretha.

Ad Vesperas.

1. O stella lucida, Margaretha fida,
Mundum exsuperas, mundum non formidas,
Calcas daemonium, spernis Olybrium,
Auctore Deo omnium.
2. O rosa florida, virgo praefulgida,
Virgarum tu plagas saevasque ungulas
Per Christi gratiam atque potentiam
Vincis ac tenes gloriam.
3. O decus coelicum, lumen mirificum,
Lampades igneas dolique aquas,
Acutum gladium, mortis supplicium
Annulas propter bravium.
4. Ave, rorifera Margaretha pia,
Malcho tu exitum impetrasti pium,
Nosque non deseras, reis opem feras,
Cum transimus mortis seras.
5. Ave, pedissequa Mariae, sic de qua
Congaudent angeli, plaudunt archangeli,
Coelestis curia, omnis ecclesia
Psallit tua praeconia.
6. Ave, coelicola, praesens plebecula
Tuum martyrium celebrat, ut pium
Sponsum admoneas, ut fixum facias,
Jurando quod audieras.
7. Te patrem gratiae, summae potentiae,
Te Jesum comparem, spiritum aequalem
In coeli patria in una gloria
Noscamus cuncta saecula.

Brev. ms. Campoliliense 5. saec. 14. add. 15. A. — Brev. ms. Ducumburgense 80 saec. 15. B.

364. De sancta Margaretha.

Ad Nocturnum.

- | | |
|---|--|
| <p>1. Magnae dies laetitiae
Nobis illuxit coelitus,
Quo Margaretham hodie
Rex aequisivit gloriae.</p> | <p>3. Regnum mundi despiciens
Se nobilem non meminit,
Oves nutricis nutriens
Sic pauper victum meruit.</p> |
| <p>2. Annis sub infantilibus
Christi fidem amplectitur,
Qua displicens parentibus
Domo parentum pellitur.</p> | <p>4. Grandi decore omnium
Accepta erat oculis,
Cum spreuit Olybrium
Multis stipatum populis.</p> |
5. Sit laus Patri cum filio
Jucundo psallant coelites,
Qui coelibatus lilio
Sibi despondit virgines.

Brev. ms. Trebonense saec. 15. Cod. Pragenses. VI G 6. A. — Brev. ms. Francisc. Poseniens. 50 saec. 15. B. — 1, 4 accersivit B. — 3, 1 Regem mundi B. — 3, 3 nutricis pascendo B. — 5, 2 Jucunde B. — 5, 4 despondens A.

365. De sancta Margaretha.

- | | |
|---|---|
| <p>1. Laudes solvat harmonia,
Quod in coeli hierarchia
Summa regnat cum sophia
Margaretha virgo pia.</p> | <p>4. Nec virgarum haec caesuras,
Flammarum neque laesuras
Expavebat licet duras
Propter fidem passa curas.</p> |
| <p>2. Haec dum annos juveniles
Gessit, actus spreuit viles,
Est effecta Christi miles,
Tactus contempsit viriles.</p> | <p>5. Jam triumphi per agonem
Superavit et draconem
Et in fine per mucronem
Mortis tulit passionem.</p> |
| <p>3. Amans veri sponsi chorum
Cultus liquit idolorum
Nec ob ictus tormentorum
Deum negavit deorum.</p> | <p>6. Adsta, martyr trabeata,
Sic ad coelum ordinata
Vota Christo fundat grata,
Nostra cedantque peccata.</p> |
7. Ergo laudes, quas tenemur,
Demus et, ut nos salvemur,
Unum Deum veneremur,
Quem nos trinum confitemur.

Brev. ms. Plagense anni 1499 s. sign. A. — Brev. Trebonense saec. 15. Cod. Pragenses. VI G 6. B. — Brev. ms. Raigradense $\frac{D}{K}$ I a 17 saec. 14. C. — Brev. ms. Scotorum Vindobon. 50 h 8 saec. 15. D. — Brev. ms. Campoliliense 1 saec. 14. E. — Brev. ms. Voraviense 122 saec. 14. F. — Brev. ms. Lincense F p 19 saec. 14. G.
1, 2 Quos in G. — 3, 1 sponsi fehlt G. — 7, 1 Ut tenemus AD. — Vgl. den Hymnus gleichen Anfangs Mone 1044.

366. De sancta Margarethae.

- | | |
|---|--|
| 1. Laetetur omne saeculum
Margarethae praeconio,
Pro te donans corpusculum,
Jesu, nostra redemptio. | 4. Sponso suo obviavit
Exornata lampadibus,
Dum has Christo praesentavit,
Exsultat coelum laudibus. |
| 2. Pectus crucis signaculo
In draconem praemuniens,
Solvit hunc isto baculo
Verbum supernum pro-
diens. | 5. Impetres nobis loculum
Ad amoena paradisi
Atque coeleste pabulum
Ad coenam agni providi. |
| 3. O quam probant Margaretham
Flamina diri serpentis,
A quibus liberat laetam
Corde natus exparentis. | 6. Virgo pro nobis postulet
Et genitoris genitus,
Tu par utrique conditor,
Veni, creator spiritus. |

Brev. ms. S. Deodati. saec. 16. Clm. Moacens. 10909.

367. De sancta Margaretha.

- | | |
|---|--|
| 1. Jesu, corona virginum,
Perpes salus credentium,
Audi voces fidelium
Tibi laudes canentium. | 3. Exsultent ergo agmina,
Coeli plaudat ecclesia,
Sed tu magis specialis
Gaude chorus virginalis. |
| 2. Hac in die, qua praeclara
Per tormenta it amara
Ad coelorum regna laeta
Virgo Christi Margaretha. | 4. Margaretha, Deo digna,
Tuo sponso nos consigna,
Ut in luce prece tua
Gloriemur per saecula. |
5. Praesta, pater omnipotens
Per Jesum Christum Dominum,
Qui tecum in perpetuum
Regnat cum sancto spiritu.

Processionale ms. Cremifanense 102 saec. 16. A. — Brev. ms. Altovadense XXV saec. 14. add. 15. B. — Brev. ms. Trebonense saec. 15. Cod. Pragense. VI G. 6 C. — Hymn. ms. Sangallens. 410 saec. 15. D. — Brev. ms. Montis aprini saec. 15. Clm. Monacens. 5917 E. — Brev. ms. Oenipontan. 610 saec. 15. F. — Brev. ms. Lincense I p 19. saec. 14 G. — Brev. ms. bibl. publ. Salisburg. V 2 E 41 saec. 15. H.

2, 3 u. 4. Ad coelorum regna plana | Virgo Dei Juliana F. — 3, 1 Exsultent regi H. — 5, 1 Praesta pater piissime etc. G.

368. De sancta Margaretha.

1. Coeli militia consonet dulciter,
Felix ecclesia laudet communiter
Dominum, qui virginum
Est sponsus, rosa, liliū.

2. Cujus est hodie ducta in thalamum
Margaretha, piaae hujus supplicium
Intra regna polorum
Verum continet bravium.
3. Sua gentilitas est generatio,
Sed legis aequitas verae fit ratio,
Quod haec credit in Christum
Negans quodlibet idolum.
4. Propter concubitum clauditur carcere,
Spernens Olybrium permanet in fide,
Carcer luce corruscat,
Pede daemonem calcitrat.
5. Prior daemon ater glutit hanc horridus,
Se cruce munit haec, scinditur impius,
Flamma vincitur, nudas
Palmas erigit et suas.
6. Orat sub gladio martyr ingenua,
Laurum fert columba, cernuat genua,
Cervix alba secatur,
Sponso virgo suo datur.
7. Jesu protege nos, gloria virginum,
Trinus nempe monos, a faece criminum
Tu nos absolve digno
Sponsae virginis merito.

Antiph. ms. Capit. Cracoviense 84 saec. 14 A. — Hymn. ms. c. commento saec. 15. Cod. bibl. Jagellonicae 2012 B.

3, 1 Tua gentilitas A. — Str. 5 fehlt B. In der That fehlt derselben der sonst beobachtete Binnenreim vor der Cäsar der Asklepiadeen; leider ist dies auch bei Str. 6 der Fall. — 7, 4 virginis martyrio A. — Die Mel. des Hymnus: Sanctorum meritis A.

369. De sancta Margaretha.

Ad Vesperas.

1. Gaudens ecclesia conferat organa
In laudem Domini cantica concinens
Ac digne recolat virginis aunua
Margarethae solemnina.
2. Quae spretis opibus, regia gloria,
Praefecti thalamo seseque denique
Et victis pariter daemone, carcere
Fert ensis nece praemia.
3. Et poenas varias perpeti gaudio,
Praefecti copulam filio virginis
Et densas tenebras lumine splendido
Commutat prudens filia.

4. Hujus nos meritis et prece virginis
Fac mundi, Domine, gaudia spernere
Carnem conterere, daemones vincere
Nec non captare praemia.

5. Praesta hoc, genitor optime maxime,
Hoc tu, nate Dei et bone spiritus,
Regnans perpetue, fulgida trinitas,
Per cuncta pie saecula.

Brev. ms. Lincense *l* p. 19. saec. 14. A. — Brev. ms. Montis aprini saec. 15. Clm. Monacens. 6035. B. — Vesperale ms. Underdorfense saec. 15. Clm. Monacens. 7772. C.

1, 1 conferat agmina A. — 1, 3 recolens C. — 2, 1 Cum spretis A; gloriam B. — 2, 2—4 u. 3, 2—4 verstellit A. — 2, 3 Et victo pariter B; daemoniis A; carcerem B. — 3, 1 ut poenas varias B.

370. De sancta Margaretha.

1. Chorus iste tibi, Christe,
Laude canat euphona,
Atque tota plebs devota
Voce psallat consona
Margarethae recolendo
Votiva solemnia.

2. Quae dum mundi declinavit
Blandimenta noxia,
Illam sibi subarravit,
Qui regnat per saecula,
Quo et sponso mater sancta
Laetetur ecclesia.

3. Cui fidem mox intacta
Servavit omnimodo,
Tandem vita hac peracta
Ornatur martyrio,
Sidus fulgens pretiosum
In coelesti curia.

4. Margaretha hinc nitore
Tuo nos irradiat,
Et ut tuo cum factore
In superna patria
Collaetari mereamur,
Apud Christum supplica.

5. Uni tribus coequalis
Laus sit et victoria,
Quibus consubstantialis
Honor est et gloria,
Solo ex quo, per quem, in quo
Sunt et exstant omnia.

Brev. ms. saec. 15. Cod. bibl. publ. Salisburgens. V 3 B 20; A. — Brev. ms. Graecense 1548 saec. 15. B. — Brev. ms. Millestadiense saec. 14. Cod. Musaei Virunens. 218. C. — Brev. ms. saec. 15. Clm. Monacens. 23067.

371. De sancta Margaretha.

1. Haec dies clara rutilat,
Qua plebs fidelis personat
Margarethae praeconia
Triumphantis in gloria.

2. Haec nata stirpe regia
Nutricis dum ovilia
Curavit et balantibus
Haesit campos petentibus,

- | | |
|--|--|
| <p>3. Hanc praeses sponsam ducere
Cupivit, sed indicare
Tunc virgo se Christicolam
Non distulit catholicam.</p> <p>4. Mox ipsam praeses percuti
Jussit, sed virgo veluti
Gigas has poenas pertulit
Nec flammās ignis timuit.</p> | <p>5. Hanc draco non perterruit,
Quae nec submergi potuit,
Sed mox cum quinque millibus
Decollatur credentibus.</p> <p>6. Hujus, o Christe, precibus
Nos salva cum coelestibus
Regnans cum patre et spiritu
In sempiterna saecula.</p> |
|--|--|

Hymn. ms. S. Galli 410 saec. 15. — 2, 3 bidentibus Hs.

372. De sancta Margaretha.

- | | |
|--|---|
| <p>1. Ave, fulgens et praeclara,
Margaretha Deo cara,
Fac nos Christo jubilare
Semper atque laudes dare.</p> <p>2. Ave, martyr speciosa,
Precibus suffragiosa,
Vere laude jubilosa,
Consolatrix uterosa.</p> | <p>3. Ave, dulcis et beata,
Margaretha Christo grata,
Martyr et virgo sacrata,
Sis pro nobis exorata.</p> <p>4. Honor, virtus et potestas,
Laus perennis et majestas
Soli Deo uno, tamen
In personis trino. Amen.</p> |
|--|---|

Hymn. ms. Claustro-neoburgens. 968. saec. 14. — 4, 3 u. 4 Soli Deo trino
tamen | In personis — — Amen. Hs.

373. De sancta Margaretha.

- | | |
|--|---|
| <p>1. Ave Margaretha,
Christi sponsa laeta,
Peccata deleta
Fac fortis athleta.</p> <p>2. Victrix sapientum,
Dum vicis tormentum,
Duc nos ad conventum
Sanctorum concentum.</p> | <p>3. Solve maculatum
Cor nostrum reatum
Et in bonum statum
Christo redde gratum.</p> <p>4. Sit laus Deo patri,
Summo Christo decus,
Spiritui sancto
Tribus honor unus.</p> |
|--|---|

Brev. ms. bibl. Jagellonicae 1256 saec. 15. — Mel.: Ave maris stella.

374. De sancta Margaretha.

- | | |
|---|--|
| <p>1. Sion exsultent filiae
Deo verbo et opere,
Qui dux et sponsus virginum,
Flos est et palma martyrum.</p> <p>2. Nox instat ecce media,
Vigil resultet anima,
Vas adaptet et oleum,
Sponsus pulsatur ad ostium.</p> | <p>3. Voce pulsantis cognita
Virgo prudens Margarita
Exit jam lotis pedibus
Lucem portans in manibus.</p> <p>4. Quem quaesivit, jam reperit,
Sponsum dilectum suscipit,
Thoro matris ecclesiae
Donum collegit gratiae.</p> |
|---|--|

- | | |
|---|--|
| <p>5. Flammis, aquis, verberibus,
 Feris, vinclis, carceribus
 Sed nec morte vincitur,
 Cum amet, quem amplectitur.</p> | <p>6. Plexa succumbit capite,
 Caput resumens animae,
 Christi fit juncta corpori,
 Hinc spes humano generi.</p> |
|---|--|
7. Gloria tibi, trinitas,
 Et tibi, vera unitas,
 Tua nos salvet gratia
 In sempiterna saecula.

Brev. ms. Palat. Vindob. 1893 saec. 14. A. — Brev. ms. Aquilegiense saec. 15. Cod. semin. Brixinens. s. sign. B. — 1, 2 verbis et B. — 5, 3 Nec morte A. — 5, 4 Quando amat quoque plectitur B. — 7, 2 Ejus nos unit veritas B.

375. De sancta Margaretha.

Ad Laudes.

- | | |
|--|---|
| <p>1. Adeste, turbae virginum,
 Sponsum laudantes Dominum,
 Margarethae solemnita
 Dum recolit ecclesia.</p> | <p>4. Haec dum nutricis gregibus
 Praeest juncta virginibus,
 Prae urbe Antiochia
 Olybrio fit obvia.</p> |
| <p>2. Annis quae primis spiritus
 Sancti perfusa coelitus
 Rore contempsit gaudia
 Mundana transitoria.</p> | <p>5. Cujus voto contraria
 Tormenta suffert varia,
 Sed perseverat libera
 Mens poenis frangi nescia.</p> |
| <p>3. Hanc pater Theodosius
 Odit, sed Dei filius,
 Dum pro se spernit omnia,
 Regni jubet sit socia.</p> | <p>6. Cum mundo carnem, daemonem
 Dum vicit fide integra,
 Totum transcendens hominem
 Jam mente tenet supra.</p> |
7. Deo patri sit gloria
 Ejusque soli filio
 Cum spiritu paraclito
 In sempiterna saecula.

Antiph. ms. Lubicense (Cod. s. sign.) saec. 15.

376. De sancta Maria Aegyptiaca.

- | | |
|---|--|
| <p>1. Hymnizemus regi Christo,
 Qui eduxit ex Aegypto
 Mariam forti brachio,
 Miretur omnis natio.</p> | <p>4. Vocem spernit exactoris,
 Jussa complet salvatoris,
 Cujus bibendo calicem
 Virtutum scandit apicem.</p> |
| <p>2. Proceedit sexus fragilis,
 Ad pugnandum inhabilis,
 Intrat secreium eremum,
 Coeleste spectat praemium.</p> | <p>5. Magnum plane miraculum.
 Gloriosum spectaculum,
 Per charitatem geminam
 Sic triumphare feminam.</p> |
| <p>3. Victa prius ab hostibus
 Tandem resumptis viribus
 Fugit aspectus hominum,
 Vires conculcat daemonum.</p> | <p>6. Hostem prosternit triplicem,
 Palmam gestat multiplicem,
 Stolum meretur duplicem,
 Victrix jam tenet Simplicem.</p> |

7. Trinitati sit gloria,
Cujus haec est victoria,
Honor, decus, imperium
Et nunc et in perpetuum.

Hymn. ms. S. Mariae ad arborem saec. 15. Cod. Sanctens. reg. XVI ms. 2. A. — Brev. ms. Altovadense LXIII saec. 14. B. — Brev. ms. Capit. Dusseldorpien. saec. 15. Cod. Dusseldorpien. C 64. C. — Brev. ms. Melitens. in Pedepontis Pragens. 8 anni 1389. D. — Hymn. ms. saec. 15. Cod. bibl. publ. Salisburgens. V 1 J 201. E. — 1, 1 Hymnizemus fehlt D. — 2, 4 praestat praemium B.

377. De ss. Marino et Ammiano.

In Vesperis.

- | | |
|---|---|
| 1. O quam mire, Deus, tuae
consulis ecclesiae,
O quam multipliciter,
quam misericorditer,
Humanae fragilitati
es dignatus compati. | 3. Post haec crescente ubique
per vastum mundum fide
Plura loca sublimasti
per quos illuc misisti,
Qui morti se tradidere
pro vitae talione. |
| 2. Interdicti ligni gustum
namque amarissimum
Delevisti per amarum
passionis poculum,
Mutans ligni maledictum
in crucis elogium. | 4. Quorum duo sub amore
Christi coaluere,
Marinus et Ammianus,
Uterque Deo carus,
Quos nobis esse patronos
Dedit pius Dominus. |
| 5. Sit laus sanctae trinitati,
divinae pietati,
Quae non cessat subvenire,
qui merentur perire,
Nos per beatum Marinum
salvet et Ammianum. | |

Brev. ms. Rotense saec. 15. Clm. Monacens. 23 146. A. Diurn. ms. Rotense saec. 15. Clm. Monacens. 23 203 B. — Bemerkenswert ist der Reim, der hier ganz gegen das Wesen des trochäischen Tetrameters die geraden und ungeraden Verse bindet. — 3, 1 sq. verstellt. AB.

378. De sancta Martha.

In 2. Vesperis.

- | | |
|--|---|
| 1. Rulitat Marthae dies, hospita
Domini, sororis Magdalенаe,
Resonent cantica lactitiae
Imperatori summae gloriae. | 3. Cujus prece Dominus foetidum
A morte suscitavit Lazarum,
Liberet per ipsius meritum
A morte perpetua populum. |
| 2. Quae suscepit Christum hospitio,
Laetatur polorum in solio,
Quam dulcis exstitit susceptio,
Per quam datur Olympi regio. | 4. Felix regis coelorum hospita,
Aula cujus nitet emerita,
Petimus, hunc pro nobis rogita,
Quo vivamus tecum in aethera. |

5. Gloria cum patre sit genito
Spirituque perenni sancto,
Qui Deus trinus et omnipotens
Hanc memorum faciat memorem.

Cod. Sitanstettens. CCXXXII saec. 15. A. — Brev. ms. Cracoviense saec. 15.
Cod. bibl. Jagellonicae 1258. B. — 3, 2 Ab orco A. — 4, 2 vices et merita
A; nitet o Martha B. — 4, 2 nobis roga B. — 4, 4 in aethere B. — 5, 4
faciat memoriam A.

379. De sancta Martha.

- | | |
|---|---|
| 1. A solis ortus cardine
Ad usque terrae semitam
Toto cordis conamine
Christi laudemus hospitam. | 3. Natantem virum suffocat
Rhodanus amnis medio,
Sed hunc a morte revocat
Marthae frequens oratio. |
| 2. Haec gloriosa domina
Multis ministrans populis
De tuis verbis semina
Reformavit miraculis. | 4. Haec pia gestans viscera
Per fidei constantiam
Tarasconis mortifera
Peste purgavit patriam. |
| 5. Deus pro nobis omnibus
Eam semper exaudiat
Et a malis incessibus
Nos, ubique custodiat. | |

Brev. ms. Altovadense XXV saec. 15. A. — Brev. ms. Trebonense saec.
15. Cod. Pragense VII C. 3. B. — Brev. ms. Pragense XII A. 22. saec. 14.
C. — Brev. Pragense imp. Venet. 1517. D. — 5, 4 Eam semper custodiat
AC; Suam semper D.

380. De sancta Martha.

- | | |
|---|--|
| 1. Hymnizet nunc plebs credula,
Cum Martha, Christi sedula
Receptrix, hinc eripitur
Et coelitus excipitur. | 4. Nos Marthae bona portio
Coeli jungat consortio,
Dans ob hanc vitam Lazaro
Nos abstrahat a Tartaro. |
| 2. In ista fluxum sanguinis
Stringens Christus, flos virginis,
Hujus castellum introit,
Quem frequens ista colligit. | 5. O placens hospes hospiti,
Sicut in terris capiti,
Sic membris pande coelicam
Domum et archangelicam. |
| 3. Contemplans soror otio
Vacat, hujus devotio
Sollicitat et satagit,
Actuum nihil negligit. | 6. In sepultura gloria
Qui scripto te memoria
Aeterna dignam edocet,
Nos per te tecum colloket. |
| 7. Sit Patri, sit et genito,
Sit honor par paraclito,
Qui per te trahat hospite
Nos ad se recto tramite. | |

Brev. ms. Salisburgense saec. 15. Cod. bibl. publ. Salisburgens. V 3 B 20. A. — Brev. ms. Nonnbergense 26 B 29 saec. 15. B. — Brev. ms. S. Floriani XI 417 anni 1487. C. — Brev. ms. S. Floriani XI 472 saec. 15. D. — Brev. ms. Plagense s. sign. anni 1499 E. — Brev. ms. Palat. Vindob. 1893 saec. 14. F.

1, 1 Hymnum nunc plebs F. — 2, 1 En ista A. — 3, 2 Vocat hujus AD. — 3, 4 Actumque E. — 5, 4 Domum et angelicam ACD; Domum et fac evangelicam F. — 6, 1 gloriam E. — 6, 2 memoriam E. — 6, 2 scripta C. — 6, 3 Aeterna fehlt A. — 7, 2 Sit honorque C.

381. De sancta Martha.

1. Magnae laetitiae lux fulget hodie,
Vox laudis debitae, mens, manus opere
Domini hospitae concordii foedere
Agant festum nunc celebre.
2. Adsunt solemnities felicitatis transitus,
Nam cum victoria jam liber spiritus
Recepit praemia beata coelitus,
Plena magnaue gaudia.
3. Resonans plausibus modis dulcissimos
Concinnis vocibus laetos et intimos
Sinceris mentibus cantus suavissimos
Dare compellunt animos.
4. Tibi cum funeris fiant exsequiae,
Votivi muneris Christi praesentiae,
Digne concinere, festive, sobrie
Decet carmina promere.
5. Hinc auctor omnium, memor quod placitum
Sumpsit obsequium, hospitae debium
Reddit hospitium aeternum, inclitum,
Regnat quo Christus, solium.
6. Agmen angelicum hanc ad perpetuum
Duxit hymnidicum chorum spirituum,
Triumphique canticum psallens, Christe, tuum
Thronum scandit ad arduum.
7. Oramus, Domine, regnans perenniter
Divino numine cum patre pariter
Sanctoquo flamine, nos salva jugiter,
Coelorum pius arbiter.

Brev. ms. Nonnbergense 26 B 29 saec. 15 A. — Brev. ms. Minorit. Vindobon. s. sign. saec. 15. B. — Hymn. ms. Claustroneoburgens. 968 saec. 14/15. C. — Brev. ms. Augustan. saec. 15. Clm. Monacens. 3002. D.

2, 2 Jan cum BC. — 3, 2 Continuis A; concinnus C. — 5, 1 Huic auctor C; Nunc auctor B. — 5, 3 inclitum fehlt B. — 6, 3 Triumphique fehlt B. — Die letzten Zeilen ergeben: Festum nunc celebre magnaue gaudia. | Compellunt animos carmina promere etc., d. h. die erste Strophe des alten Himmelfahrtsliedes, das vorstehendem seine Melodie geliehen.

382. De sancta Martha.

Ad Laudes.

- | | |
|---|--|
| <p>1. Marthae solventes debitum
Exsultemus in laudibus,
Ut deprecemur Dominum,
Quem pavit suis dapibus.</p> <p>2. Ab Asia in Europam
Venit haec Christi hospita,
Quam recepit portus maris,
Ut fertur, in Marsilia.</p> <p>3. Ac deinde Tarasconis,
Sic vocatus a bestia,
Quae inibi habitabat,
Cunctarum crudelissima.</p> | <p>4. Quam haec Christi apostola
Agressa est intrepida
Et munita singnaculo
Crucis ligavit cingulo.</p> <p>5. Tunc populus incoluit
Locum, quem ante horruit,
Qui corruscat miraculis
Beatae Marthae meritis.</p> <p>6. Exaudi preces supplicum
Juncta choris coelestium
Tuumque pro nobis, Martha,
Hospitem Christum rogit.</p> |
|---|--|

Cod. Sitanstettens. CCCXXXII saec. 15. A. — Brev. ms. Capit. Cracoviens.
20 saec. 15. B. — 3, 2 vocatur A. — 5, 2 corrui A. —

383. De sancta Martha.

- | | |
|---|--|
| <p>1. Pange lingua praeconium
Marthae cantus dulcedinis,
Quam laudat evangelium,
Collaudet et vox hominis.</p> <p>2. Conservans sine macula
Pudicitiae lilium,
Implebat mente sedula
Pietatis obsequia.</p> | <p>3. Veritatis discipula,
Sed magistra fidelium,
Ut vera Christi famula
Divisit patrimonium.</p> <p>4. Ad pedes apostolicos
Posuit ejus pretium,
Quae paverat famelicos
Mundi calcans fastiginum.</p> |
|---|--|
5. Praesta, beata trinitas,
Ut in terra viventium
Nobis detur haereditas
Per ipsius suffragium.

Brev. ms. Altovadense XXV saec. 15. A. — Brev. ms. Altovadense LXIII
saec. 15. B. — Brev. ms. Trebonense saec. 15. Cod. Pragense VII C 3 C. —
Brev. ms. Pragense XII A 22 saec. 14. D. — Brev. Pragense imp. Venetiis
1517. E. —

384. De sancta Martha.

- | | |
|--|--|
| <p>1. Deo nostro sit jucunda
Decoraque laudatio,
Cujus virtus est profunda
Et immensa ratio,
Qui nobis cruoris unda
Fit mentis purgatio.</p> | <p>2. Qui descendit pro salute
Nostra in exsilium,
Sed monstravit se virtute
Verum Dei filium,
Ut afferret nobis tutae
Salutis auxilium.</p> |
|--|--|

- | | |
|---|---|
| <p>3. Intrans quoddam in castellum
Per Martham excipitur,
Sedet soror ad scabellum,
Jesu dum allicitur
Verbo, per quod cunctis bellum
Vitiis indicitur.</p> <p>4. Marthae soli fuit cura
De Jesu servitio,
Hinc turbatur erga plura
Grato beneficio
Et procurat mente pura
Exceptum hospitio.</p> | <p>5. Demum venit Tarasconem
Verbum Dei serere,
Ubi grandem mox draconem
Meruit conterere
Et conversam concionem
Christum docet quaerere.</p> <p>6. Hospes Christi, Deo cara,
Cujus larga gratia
Ascendisti ad praeclara
Coelorum palatia,
Ibi commanendi para
Nobis semper spatia.</p> |
|---|---|
7. Illud nobis, pater, praesta
Natoque cum flamine,
Cujus veneramur festa,
Ejus ut juvamine
In extremo nos molesta
Ne premant examine.

Brev. ms. Capit. Dusseldorpien. saec. 15. Cod. Dusseldorpiens. C. 64.

385. De sancta Martha.

- | | |
|--|--|
| <p>1. Exsultet coelum laudibus,
Resultet terra gaudiis,
Laetis canamus vocibus
Et ex totis praecordiis.</p> <p>2. Psalmis, hymnis et canticis
Excitetur devotio,
Placetur ira judicis
In hoc sacro solemnio.</p> | <p>3. Sint pura cordis intima,
Sordes absint libidinum,
Mundificetur anima
Prorsus a labe criminum.</p> <p>4. Haec est dies laetitiae,
Qua coronavit hospitam
Jesus Christus, rex gloriae,
Mercedem reddens debitam.</p> |
|--|--|
5. Rogemus, ut haec hospita
Cum tota coeli curia
Obtineat per merita
Beata nobis gaudia.

Brev. ms. Altovadense LXIII. saec. 14. A. — Brev. ms. Altovadense XXV saec. 15. B. — Brev. ms. Pragense XII A 22. saec. 14. C. — Brev. ms. Trebonense saec. 15. Cod. Pragense. VII C 3 D. — Brev. Pragense imp. Venetiis 1517. D. — 3, 4 Probis a clade B.

386. De sancto Martino.

- | | |
|---|--|
| <p>1. Martini laudes incliti
Quis digne fari poterit
Virtutum gemmis praediti?
Laudanti laus supererit.</p> <p>2. In sanctitatis culmine
Nulli secundus claruit,
In confessorum agmine
Sidus impar emicuit.</p> | <p>3. Tres suscitavit mortuos
Christum sequens in numero,
Fide, spe, forma vacuos
Pio portavit humero.</p> <p>4. Virgo, doctor egregius
Bina gaudet aureola,
Apostolorum socius
Humilitatis viola.</p> |
|---|--|

5. Sit trinitati gloria
Sub unitatis clausula
Martini per solemniam
In sempiterna saecula.

Psalt. c. hymn. ms. S. Mariae ad arborem saec. 15. Cod. Sanctens. reg. XVI ms. 2.

387. De sancto Martino.

- | | |
|--|--|
| 1. En gratulemur spiritu
Voto colentes debito
Haec festa, quae solemnibus
Martinus ornat gaudiis. | 4. Hic arma nobis coelica
Instante pugna conferat,
Hoc proeliantem cominus
Hostis fugetur noxius. |
| 2. Tu supple, Christe, quod minus
Vis nostra languens efficit,
Tu da quietos temporum
Nobis dies praesentium. | 5. Hic nos per undas saeculi
Clavo gubernet prospero,
Ne forte nostram spumea
Puppim Charybdis sorbeat. |
| 3. Martinus autem praeuius,
Fac, ut sit horis omnibus,
Ne daemonum fallacia
Pes noster impactus ruat. | 6. Hic nos triumpho nobili
Et laureatos mystice
Aptet tuis conspectibus
Junctos supernis civibus. |

Hymn. ms. Diessens. (c. comment.) saec. 15. Clm. Monacens. 5504.

388. De sancto Materno.

- | | |
|--|---|
| 1. Treviris dum esset stans
Gentibus et praedicans
Multum duris et severis,
In nulla parte sinceris. | 5. Alium dona sodalem,
Sive talem vel aequalem,
Qui me juvet praedicare,
Precor, pater summe care. |
| 2. Plures tamen converterunt,
Et ad fidem aduxerunt,
Sicut omni mundo patet
Et in scripturis nil latet. | 6. In vero Christo spem fixit
Petrus et consolans dixit:
Hujus sume curvaturam,
Nec plus ullam gere curam. |
| 3. Ecce breviter quid factum,
Sicut transiit ad actum,
Tunc Maternus est defunctus,
Terra stomacho subunctus. | 7. Baculo tange sepulchrum,
Materni, quod erat pulchrum,
Suscitatur mox a morte
Docens pie in cohorte. |
| 4. Panuntaus ivit Romam,
Sicut haec praescripta promam,
Defunctum asserens Petro,
Prudenti magis quam Jethro. | 8. Sit gloria Deo patri,
Laus et honor sacrae matri
In praesenti diecula
Et sempiterna saecula. |

Cod. Pragenses. XIII G g saec. 15. — 3, 2 transit. Hs. — 4, 1 Lies: Eucharistus ivit. — 6, 3 Huic sume Hs. — 8, 4 Et in sempiterna Hs.

389. De sancto Matthaeo.

- | | |
|---|--|
| 1. O verbum fidelissimum
Digneque acceptissimum,
Venisse Jesum Dominum
Peccantibus remedium. | 5. Huc publicani currite,
Dapes captate gratiae,
Dat vobis jus hospitii
Cum Jesu domus Matthaei. |
| 2. Matthaeum de negotio
Qui visum vocat publico,
Hinc mente sequax alacri
Lucrum liquit thelonci. | 6. Qui sumptus de theloneo
Deservit evangelio,
Praeclarus lingua, calamo,
Fidem probat martyrio. |
| 3. Purae specular animae
Sol penetrat justitiae,
In quo mox vere faciem
Suam rex homo perficit. | 7. Hos, Jesu bone, respice
Nutuque trahe gratiae,
Quos salves aeternaliter
Almis Matthaei precibus. |
| 4. Hinc mentis, carnis domate
Laetus excepto Domino,
Pasturus Deum hominem
Duplex parat convivium. | 8. Simus nos tibi epulum,
Nostrumque tu convivium,
Sanctis tuis consocias
Nos et in bono saties. |
9. Praesta, pater piissime
Patrique compar unice,
Cum spiritu paraclito
Nunc et per omne saeculum.

Brev. ms. Voraviense 108. saec. 14/15. A. — Brev. ms. Claustroneoburgense 1200 saec. 14. B. — Hymn. ms. Claustroneoburgens. 996 saec. 14/15. C. — Mel: Verbum supernum. — 4, 3 Passurus ABC. — 5, 1 Hinc A. — 6, 1 sumpsit B. — 7, 1 Nos Jesu BC.

390. De sancto Matthaeo.

- | | |
|---|--|
| 1. Lex sacra jam egreditur,
Matthaeus cum eligitur,
Quem a suo teloneo
Dei vocavit jussio. | 4. Apostolatus gratiam
Adeptus summo studio,
Hostium pertinaciam
Frangit in Dei filio. |
| 2. Qui linquens teloneum
Dei sequens filium,
Toto cordis tripudio
Adhaesit evangelio. | 5. In crucis fide hominum
Statuens plura milia,
Digne secutus Dominum
Conscripsit evangelia. |
| 3. Per hunc nunc Aethiopia
Repulsa idolatria
Christo Domino militat,
Idola cuncta abdicat. | 6. Sanctis plenus operibus
Fulgens atque virtutibus
Pro Christo hic occiditur,
Quo nunc felix perfruitur. |
7. Deo patri sit gloria etc.

Brev. ms. Pragense XIII G 9 saec. 15. —

391. De sancto Mauritio et sociis.

1. Festivitatis annualis gloriam
Honore, fratres, concinamus debito,
Qua Thebaeorum laureati martyres
Gaudent sodales semet auctos coelici.
2. Hi saeviente rege quondam pessimo
Amore Christi sunt necati pariter,
Fuso cruore sempiternum praemium
Sumunt coronam peramantes gaudii.
3. Maximianus, idolorum servitor,
Plebi fidelis sed tonanti perfidus,
Illis diebus immolator squalidus,
Christi negator confitentes perculit.
4. Pro nobis alma semper ora legio,
Pro nobis almus oret et Mauritius,
Nobis misellis condolendo servulis
Opem benignam supplicando conferat.
5. Sit trinitati sempiterna gloria,
Honor, potestas atque jubilatio,
In unitate cui manet imperium
Ex tunc et modo per aeterna saecula.

Brev. ms. Lincense *Γ* p 19. saec. 12. A. — Brev. ms. Lunaelacense saec. 14
Cod. Palatin. Vindob. 1950 B.

1, 3 Qua coelicolarum A. — 2, 1 quondam rege B. — 4, 3 condolendo
sedulis A. — 4, 4 conferas A.

392. De sancto Mauritio.

- | | |
|--|---|
| 1. Christum laudemus Dominum
Et Deum patrem luminum,
In quo triumphat coelitus
Princeps et dux Mauritius. | 4. Fermentum sacrae fidei
Et amor cordis ignei
Dulcorant jam supplicia
Per gratiam in gratia. |
| 2. Cum corona victoriae
Ad thronum tendit gloriae,
Cum tot et tantis milibus
Veris Christi martyribus. | 5. O martyres sanctissimi,
Coelesti Deo proximi,
Qui vestris nunc in milibus
Regnatis in sublimibus; |
| 3. Quanta salus terrestrium,
Quantus honor coelestium
In Christo triumphantium
Et milibus laetantium. | 6. In virtute multiplici
Plebi favete supplici
Et nos a malis omnibus
Vestris salvate precibus. |

7. Praestet aeterna trinitas
Manens et regnans deitas,
Ingenitus ac genitus
Et spiritus paradius.

Brev. ms. Plagense saec. 15. s. sign. A. — Brev. ms. Voraviense 129 saec.
15. B. — Brev. ms. Admontense 874 saec. 15. C. — Clm. Monacens. (ol. Montis
apriini) 6017 saec. 15. D.

3, 4 Et militibus B. — 4, 3 Dulcorat B. — 5, 2 Qui vestra nunc A.
Martyris nunc in B. — 5, 4 Regnas A; regnans B. — 6, 4 Vestris salvare A C.

393. De sancto Mauritio.

Ad Nocturnum.

- | | |
|---|---|
| <p>1. Christo coelorum agmina
Dent laudes et mortalia,
Cum multis septus milibus
Scandit astra Mauritius.</p> <p>2. Thebaea felix legio,
Cruore compta muricis
Victrix triumphii laurea
Fide vicisti terra.</p> | <p>3. Plaudunt honore coelici
Canendo melos obvii,
Tendunt et ulnas gaudii
Vitae ducentes principi.</p> <p>4. Sis nostri memor, domina,
Dum pangis agno cantica,
Gravatos sorde libera,
Delendo mortis crimina.</p> <p>5. Salve, beata trinitas,
Simul et una deitas,
Juva creatrix saeculum,
Quae regnas in perpetuum.</p> |
|---|---|

Cod. Palat. Vindob. 2682 saec. 15. A. — Brev. ms. Secovien. saec. 15. Cod. Graecen. 1548. B. — Hymn. ms. Griesen. 155 saec. 15¹⁶. C.

1, 1 Christe A C. — 2, 2 Crucis templa mauricis C. 2, 3 verschrieben: Victrix triumphii laureati devicisti B. — 3, 1 Plaudent A; 6 laudum honore C. — 3, 2 melos ovii A; melos obin C. — 4, 1 memor fehlt C. — 4, 2 Tu pangis C. — 5, 3 Viva creatrix AC; die deutsche Interlinearversion von A hat viva gelesen: „lebendig seepharinne“.

394. De sancto Mauritio.

- | | |
|--|---|
| <p>1. Ave martyr egregie,
Mauriti, princeps principum,
Ave victor dignissime,
Cohortis ductor inclitae.</p> <p>2. Salve testis dulcissime,
Exuperi piissime,
Salve comes et legio,
Salvete cosmi lumina.</p> | <p>3. Oramus vestris precibus,
Culpis mundemur omnibus,
Jungamur piis coetibus,
Agni sequamur choreas.</p> <p>4. Praesta, pater ingenite,
Praesta, Deus tu genite,
Praesta, sacer paraclite,
Rex per aeterna saecula.</p> |
|--|---|

Hymn. et Sequent. ms. S. Emmerani saec 15. Clm. Monacens. 14667. — Vgl. den Hymnus gleichen Anfangs auf St. Ursula.

395. De sancto Mauro.

- | | |
|--|--|
| <p>1. Res tuae sunt, altissime,
Laudes sanctorum gliscere,
Mauri beati supplices
Has flagitamus suscipe.</p> <p>2. Gemma resplendens fulgida,
Quam protulit Valeria,
Secundo Romam prodiens,
Orbis caduca fugiens.</p> | <p>3. Huic Maurus sequax traditus,
Cunctis ut esset portmodum
Aptum remotis commodum
Sequentibus altithronum.</p> <p>4. Sic et labentem fluctibus
Puerum retraxit crinibus
Currans per undas fluminis
Jussu boni pii patris.</p> |
|--|--|

5. Laus patri invisibili,
 Laus sit et almo flamini,
 Laus sit et unigenito,
 Orbis terrarum domino.

Hymnar. ms. Griesen. 154 saec. 16. A. — Cod. Hamburg. 1568 saec. 15. B. — Brev. . . sec. rubricam S. Martini sacri monasterii montis Pannoniae imp. Venetiis 1506. C. — 1, 1 Rex tuae A. — 1, 4 Hanc. AC.

396. De sancta Monica.

- | | |
|--|---|
| 1. Adest fletus et gaudii
Dies, in qua plangitur
Vita latens in tenebris,
Quae nimis decipitur
In errore Manichaei,
Post fonte abluitur. | 4. Baptizatur a praesule
In magno miraculo,
Novae datur militiae
Vir a Simpliciano,
Illuminatur in fide
Sanctae matris merito. |
| 2. Pergit Romam Augustinus
Piae cum matris fletu,
Transit hinc Mediolanum
Receptus a civibus,
Terra marique filium
Quem mater insequitur. | 5. Ad natale revertuntur
Fantes arcana Dei,
Vilescebat iste mundus
His cum oblectamentis,
Quem genuit, haec laetatur,
Videre servum Christi. |
| 3. Planctus ibi commutatur
In vehemens gaudium,
Dum praedicat Ambrosium
Dogma salutiferum,
Convertitur Augustinus,
Defensor fidelium. | 6. Ad ostia Tiberina
Post fletus et agones,
Post viri natiue lucra
Ultimos claudit dies
Haec pia mater Monica,
Migravit feliciter. |
| 7. Regi regum salus, vita,
Decus et imperium,
Trinitati laus et honor
Sit per matris meritum,
Quae luctu nobis donavit
Doctorem fidelium. | |

Antiph. ms. Plagense saec. 16 s. sign. — Melodie: Urbs beata Hierusalem. — Alles weist auf französischen Ursprung des Liedes.

397. De sancta Monica.

Ad Vesperas.

- | | |
|--|--|
| 1. Alma mater genorosa
Doctoris praecipui,
Et affectu viscerosa
Amoris melliflui,
Tota vita virtuosa
Nostro lucet usui. | 2. Alta, mater pietatis,
In tota ecclesia
Per exempla sanctitatis
Fulges relucencia
Et affectu caritatis
Viget refraglantia |
|--|--|

- | | |
|---|---|
| <p>3. Sancta mater amorosa,
 Circa tuum filium
 Exstitisti lacrimosa
 Praecavens exsilium.
 Ne ex morte aerumnosa
 Sentiret supplicium.</p> | <p>5. Tibi, mater, supplicamus
 Ex piis affectibus,
 Tuas preces imploramus
 Multis cum gemitibus,
 Ut per te possideamus
 Deum in coelestibus.</p> |
| <p>4. Eja, Monica beata,
 Coeli sedes solio,
 Ad superna elevata
 Claro lucet radio,
 Inter angelos locata
 Tuo stas cum filio.</p> | <p>6. Sempiternae trinitati
 Melos demus dulciter,
 Trinaeque divinitati
 Cantemus hilariter,
 Gloria humanitati
 Christi sit perenniter.</p> |

Brev. ms. Novacellense anni 1501. Cod. Oenipont. 405.

398. De sancta Monica.

Ad Nocturnum.

- | | |
|---|---|
| <p>1. Patris nostri Augustini
 Mater sancta Monica
 In amorem Dei trini
 Arsit ut seraphica
 Fuitque verbi divini
 Jugiter famelica.</p> | <p>3. Tantae lacrymae manarunt
 Ab infessis oculis,
 Pectus, ventrem irrigarunt
 Ex profusis rivulis,
 In coelestibus clamarunt
 Coram sanctis angelis.</p> |
| <p>2. Quanta fuit vis amoris
 Erga suum filium,
 Tanta fuit vis doloris
 Petentis auxilium,
 Unde flebat cunctis horis
 Ad excelsum solium.</p> | <p>4. O beata mater pia,
 Supplicamus jugiter,
 Esto nobis hic in via
 Adjutrix viriliter
 Et ad coelorum gaudia
 Ducas nos alacriter.</p> |

Sempiternae trinitati etc.

Brev. ms. Novacellense anni 1501. Cod. Oenipontan. 405. — 4, 5 coeli
 Hs. — 4, 6 Ducas alacriter Hs.

399. De sancto Morando.

In Vesp. et Noct.

- | | |
|---|---|
| <p>1. Iste confessor Domini,
 Vita Morandus humili
 Cella vixit coenobii
 Jugo religionis.</p> | <p>3. Cujus festa plebs devota
 Pura mente, fide tota
 Labe celebret amota
 Peccatorum vilium.</p> |
| <p>2. Astra corde contemplatur,
 Lege Dei meditatur,
 Die, nocte immoratur
 Psalmis devotionis.</p> | <p>4. Omnibus pater carebat
 Vitiis, dum hic vivebat,
 Fratres suos sic alebat,
 Decebat ut filium.</p> |

- | | |
|--|---|
| <p>5. Bonitate, castitate
Praeditus hic pietate
Fuit et pudicitate
Sanctus hoc in saeculo.</p> | <p>6. Unde chorus in honore
Noster psallens cum clangore
Vocis, cordis et amore
Ipsius in jubilo.</p> |
| <p>7. Summo gloria parenti,
Laus aeterna sit nascenti
Et paraclito, clementi
Deo sine termino.</p> | |

Cod. ms. Palat. Vindob. 1946. anni. 1482.

400. De sancto Nicolao.

1. Deus, fons omnium, rex saeculorum,
Tibi persolvimus, quidquid nos sumus,
Lapsis da veniam, vita, da vitam.
2. Johannis socium, David par sanctum,
Sanctis parentibus esset ut sanctus,
Sanctum Nicolaum unxisti dignum.
3. Sacerdos inclitus, nulli secundus,
Dispensat triticum tuis comisum,
In tantum colendus, in quantum bonus.
4. Est clemens omnibus, mitis et pius
Lucerna Domini, lux, porta mundi,
Salus credentium, spes populorum.
5. Aurum largus donat, occidi vetat,
Adest undivagis in mari nautis,
Ejus ad tumulum manat olivum.
6. Sancte Nicolae, nobis succure,
Tua nos merita protegant sancta,
Ut tuis precibus simus, securi.
7. Laus tibi, trinitas, summa majestas,
Sanctorum gloria tibi sit apta
Nobis protectio, salus in mundo.

Cod. Palat. Vindob. 1885 saec. 12. A. — Cod. S. Petri Salisburgens. a
VI 52 saec. 15. B.

3, 3 In quantum colendus in tantum bonus B. — 6, 3 securi simus A.

401. De sancto Nicolao.

- | | |
|---|---|
| <p>1. Spes peccatorum maxima
Et confessorum gloria,
Nicolae dulcissime,
Te nunc laudantes respice.</p> | <p>3. Precamur, amantissime,
Pro nobis intercedere,
Ut nobis supplicantibus
Proprietur Dominus.</p> |
| <p>2. In vocibus laudantium
Votis aspira cordium,
Quae pulsantur singultibus
Pro admissis criminibus.</p> | <p>4. Ora patrem et filium,
Per quem redemit saeculum,
Ut nos amborum spiritus
Tueatur ab hostibus;</p> |

- | | |
|---|---|
| <p>5. Solvat nexorum vincula,
Cuncta depellat noxia,
Post hujus vitae terminum
Perenne donet gaudium.</p> | <p>6. Sit trinitati gloria,
Cujus laetemur gratia,
Angelorum spiritibus
Sit laus cum sanctis omnibus.</p> |
|---|---|

Diurn. ms. Altovadense I. saec. 14. — 5, 1 sq. solvet, depellet Hs.

402. De sancto Nicolao.

In 2. Vesperis.

- | | |
|---|---|
| <p>1. Confessor Christi fulgide,
Laude digne Nicolae,
Fer opem supplicantibus,
Qui tua festa colimus.</p> | <p>3. Cunctipotentem Dominum
Redde placatum et pium,
Ne pro reatu puniat
Sed miseris indulgeat.</p> |
| <p>2. Qui culmen pontificii
Sortitus manu Domini,
Subjectos sibi famulos
Deo fecisti congruos.</p> | <p>4. Laus sit Deo per saecula,
Qui nutu regit omnia,
Qui dignum sibi famulum
Adoptavit Nicolaum.</p> |

Brev. ms. Mlle de Memorency. anni 1597. Hsch. der kk. Familien-Fideikommiss-Bibl. Wien 7966.

403. De sancto Nicolao.

Ad Completorium.

- | | |
|---|---|
| <p>1. Christi confessor inclite,
Vota tuorum suscipe,
Auresque pias porrige
Laudanti te catervulae.</p> | <p>3. Cum datur salus languidis,
Redditur vita mortuis,
Lumen caecis refunditur,
Capiunt gressum debiles.</p> |
| <p>2. Et sicut multis coelitus
Adhuc in carne positus
Ad te confugientibus,
Nunc nobis sis propitius;</p> | <p>4. Vitae perennis commoda
Simul feras et praemia,
Tua juvante gratia
Nostra precatur turmula.</p> |
5. Praestèt hoc patris pietas,
Praestet et nati caritas
Paraclitique gratia
Per cuncta semper saecula.

Diurn. ms. Altovadense I. saec. 14.

404. De sancto Nicolao.

- | | |
|--|--|
| <p>1. Ave praesul alme,
Dei cultor magne,
Ave pastor sane
Plebis Nicolae.</p> | <p>3. Fugis universum
Crimen architectus
Supra firmam petram
Locas fundamentum.</p> |
| <p>2. Viam vitae monstrans,
Iter mortis damnans,
Te sequentes portam
Coeli introducis.</p> | <p>4. Auri dono vetas
Stupri foedum nefas,
Patris et natarum
Tegis velle pravum.</p> |

- | | |
|--|--|
| <p>5. Nautae tribulati
Turbulento mari
Ut te vocaverunt,
Cessit aquae motus.</p> | <p>6. Nos in hujus mundi
Tempestate saeva,
Ad te nos clamantes
Juva prece tua.</p> |
| <p>7. Praestet nobis summus
Pater atque natus,
Una sanctum pneuma
Nunc et in aeternum.</p> | |

Cod. Palat. Vindobon. 1671 saec. 13. Mit Neumen. A. — Orat. ms. Tegurinum anni 1470. Clm. Monacens. 20021. Auf Benedikt. B.

1, 1 Ave pater alme B. — 1, 3 Ave dux invicte B. — 1, 4 Sancte Benedicte B. — Str. 4 u. fehlen B. — 7, 1 u. 2 Per te nos pater summus | Salvat atque natus B.

405. De sancto Nicolao.

Ad Tertiam.

- | | |
|---|---|
| <p>1. Aeterne rex altissime,
Vota tuorum suscipe
Nosque tui famuli
Prece salva Nicolai.</p> | <p>4. Tua prece assidua
Ut nostra solvas crimina
Et coeli dones praemia,
Voce precamur sedula.</p> |
| <p>2. Cujus pium suffragium
Det nobis hic solatium
Et in futuro gaudium,
Quod postulamus unicum.</p> | <p>5. Ut caritate spiritus
Sic effluamus invicem,
Quo corde cum suspiriis
Christum sequamur intimis.</p> |
| <p>3. Adesto, praesul inclite,
Precesque nostros suscipe
Offerque summo praesuli
Preces devotas populi.</p> | <p>6. Hoc praestet nobis trinitas
Et trina semper unitas,
Quam decet laus cum gloria
In saeculorum saecula.</p> |

Diurn. ms. Altovadense I. saec. 14. — 1, 3 Fehlt eine Sylbe am Versmafs. — 5, 1 Et charitate. — 5, 1 effluamur.

406. De sancto Nicolao.

- | | |
|--|--|
| <p>1. Adest dies sanctissimus,
Virtute clara splendidus,
Qua Nicolaus egregius
Locatur in coelestibus.</p> | <p>4. Fit praesul Christi nobilis
Pro sanctitatis meritis,
Qui illum exornaverat
Coelestis regni gratia.</p> |
| <p>2. Hic parvus infans corpore,
Magnus tamen Dei fide,
Quarta vel sexta feria
Semel sugebat ubera.</p> | <p>5. Adesto, praesul inclite,
Precesque nostras suscipe
Offerque summo praesuli
Preces devotas populi.</p> |
| <p>3. Virtute fulgens nobili,
Vigiliis, jejuniis
Domabat corpus juvenis,
Ne foedaretur vitiis.</p> | <p>6. Sit trinitati gloria,
Aeterna laus et inclita,
Summo patri et filio
Cum flamine parcalito.</p> |

Brev. ms. Secoviense saec. 15. Cod. Gracens. 1556. A. — Cod. Palat. Vindobon. 1671 saec. 13 B. —

1, 1 Ave dies A. — 1, 2 Nicolaus sanctissimus A. — 3, 1 nobili AB; der sonst regelrechte Reim auch 4, 3 und 4 durch Endassonanz vertreten. — Der Hymnus steht ad. vesp. in B, ad. noct. in A.

407. De sancto Norberto.

Ad Nocturnum.

- | | |
|--|---|
| 1. Optatus votis omnium
Venit dies clarissimus,
Quo patris nostri spiritum
Suscepit orbis Dominus. | 4. O grande nobis gaudium,
Coenobitarum speculum,
O decus archipraesulum,
Norma vitae credentium. |
| 2. Hic nativum linquens solum
Praemonstratum se contulit,
Ubi Deo totus servit
Fallax revincens saeculum. | 5. Agamus ergo gratias
Albi vestitus indici
Et veniam prece dulci
Rogemus patrem omnium. |
| 3. Vitam degit angelicam
Gradu incedens praevio,
Ut tandem sequatur ducem
Canonicorum concio. | 6. Te, hujus rector saeculi,
Precatur ordo candidus,
Ut Norberto suo duci
Jungatur in coelestibus. |

Hymn. ms. Schäftlariens. saec. 15. Clm. Monacens. 23092. add. post. A. — Brev. sec. rit. candidiss. ord. Praemonst. imp. Parisiis 1598. B.

408. De sancta Ottilia.

In 1. Vesperis.

- | | |
|--|---|
| 1. Orbis conditor ac rector,
Christe serenissime,
Deus universitatis,
Rex regum sanctissime,
Per te laudes inspiratas
Sume clementissime. | 4. Laudabilis Ottilia
Fulsit mirabilius,
Nam referta fuit vere
Virtutum monilibus,
Plaustra, boves post ruinas
Priscis reddit viribus. |
| 2. Dos, flos Ottiliae tuae,
Virginis eximiae,
Cui tribuisti munus
Lucis in baptismo
Tam mentis quam suae frontis
Consignatae chrismate. | 5. Jam vacuum prece digna
Vas implevit temeto,
Ut sorores recrearet
ordine sic congruo,
Quando voluit, revixit
et est tracta saeculo. |
| 3. Ipsa celsi praecursoris
Suscipit oraculum,
Et monetur, ut decenter
figat tabernaculum,
Quo laxetur piae plebis
Gratia piculum. | 6. Altissimo genitori
sit cum nato gloria
Spirituque utriusque,
decus et victoria,
Creatori gubernanti
sub se cuncta saecula. |

Vesperale. ms. Underdorfense saec. 15. Clm. Monacens. 7772. A. — Brev. ms. Raitenbuchense saec. 15. Clm. Monacens. 12214. B. — Brev. ms. Raitenbuchense saec. 15. Clm. Monacens. 24006 C. — Cod. Sangallens. 418 saec. 15. D. 1, 4 regum rectissime D. — 2, 1 Mos, flos C. — 2, 5 frontis suae B. — 2, 6 consignat B.

409. De sancta Ottilia.

In 2. Vesperis.

- | | |
|---|--|
| <p>1. Alma virga Ottilia,
Clarior orta natalibus,
Resplenduit in populis
Puella sacrae indolis.</p> <p>2. Clausis orba luminibus
Sed clarior cum praecordiis,
Perpressa est exsilium
Parentum per consilium.</p> <p>3. In fonte vero lavacri
Mox ut tincta sanata est,
Chrismate sacro ungitur,
Decora patent lumina.</p> | <p>4. Pulchra quidem haec corpore,
Sed fide multo pulchrior,
Spernebat mundi gloriam
Tendens aeternam patriam.</p> <p>5. Te venerantes conjunctam
Angelicis spiritibus
Nunc personemus laudibus
Tibi devotae famuli.</p> <p>6. Subveni nobis, domina,
Assiduis precatibus,
Quo mereamur consequi
Coelestis regni gaudia.</p> |
|---|--|

Gloria sit ingenito
Gloria unigenito,
Gloria sit paraclito
In sempiterna saecula.

Brev. ms. Trebonense saec. 15. Pragense. VI F 20 A. — Vesperale ms. Underdorfense saec. 15. Clm. Monacens. 7772. B. — Brev. ms. Reitenbuchense saec. 15. Clm. Monacens. 12214. C. — Cod. S. Galli 1418 saec. 15. D.

2, 1 Clausa orba A. Clare orbata D. — 2, 2 Sed clara praecordiis A. Clara tamen praecordiis BC. — 3, 1 In fontem vero A. — 3, 2 Mox intincta est sanata A. Mox ut tincta signata est BC. — 3, 3 Chrisma sacrum inungitur BC; Cum chrismate immergitur D. — 4, 1 haec facie A. — 5, 4 devoti famulae AD. — 6, 3 Quibus meremur A. — 6, 4 Jungamur ut coelestibus A. — 7, 1 Gloria patri ut ingenito A. Gloria patri ingenito BCD.

410. De sancto Panthaleone.

- | | |
|--|--|
| <p>1. Fons universalis boni
De sinu altissimi,
Jesu Christe, te rogamus,
Tibi grates solvimus,
A quo manat omne bonum
Gratis, non per meritum.</p> <p>2. Ex te manavit in mundum
Pietatis oleum,
Pantaleon puer annis
Sed maturus moribus,
Medicina languentium,
Portus naufragantium.</p> <p>3. Lucratus es feliciter,
Hermolae presbyter,
Dum filium ecclesiae
Genuisti in fide,
Qui non timuit occidi
Pro gloria fidei.</p> | <p>4. Ecce triumphalis dies
Pretiosi martyris,
Coelum, terram ad annua
Invitat solemnia,
Et indicit laetitiam
Et promittit veniam.</p> <p>5. Sume, Panthaleon pater,
Laudes, vota pariter
Intercede, te rogamus,
Supplex pro supplicibus,
Ne nos ira judicantis
Puniat pro vitis.</p> <p>6. Praesta, pater per filium,
Magnum mundi pretium,
Sanctum quoque per spiritum,
Advocatum omnium,
Quibus est una gloria
Per aeterna saecula.</p> |
|--|--|

Brev. ms. S. Floriani XI 403 saec. 15. A. — Brev. ms. Voraviense 152 saec. 14. add. 15. B. — 4, 2 Gloriosi martyris B. — 4, 5 incidit verschr. A.

411. De sancto Panthaleone.

1. Jesu, tuorum palma perpes martyrum,
Pantaleonem qui sacraſti martyrem,
Nobis per ipſum da perenne gaudium,
Ob feſta cujus nos ovantes adſumus.
2. Hunc Hermolaus, preſbyter ſanctus tuus,
Tibi fidelem fecit eſſe militem,
Docet, profanam ſpernat idolatriam
Et te ſalubrem diligit ſemper ducem.
3. Hinc ipſe multos praedicans incredulos
Convertit ad te cum ſuo ſimul patre,
Serpente laeſum ſalvavit et caeculum
Praeclara plura fecit et miracula.
4. Maximiano rege poſt haec peſſimo
Volente poenas carne pro te plurimas
Eſt paſſus igne, beſtiis et carcere,
Quibus triumphum ſalvus egit plurimum.
5. Demum ſub enſe plexus inclita nece,
Coeleſte regnum ſumpsit a te praemium,
Nos quo precante ſolve cuncto crimine
Et fac ſuperna numerari patria.
6. Praeſta benigne, Chriſte, cum tuo patre
Et cum ſacrato ſpiritu paraclito,
Qui trinus unum numen et ſanctiſſimum,
Aeterna cunctis laus ſit tibi ſaeculis.

Brev. ms. Chunegundis, abbatissae S. Georgii, filiae Ottokari regis Cod. Pragens. VII D 9. A. — Brev. ms. S. Georgii saec. 14. Cod. Pragens. VI F 12. B. — Brev. ms. S. Georgii. saec. 14. Cod. Pragens. VII G 7. C. — Brev. ms. S. Georgii saec. 14. Cod. Pragens. XIII C 1 a. D.

1, 3 Da nobis per ipſum D. — 2, 1 Hinc Hermolaus B. — 3, 3 ſalva- vit atque B. — 3, 4 plura fehlt B.

412. De sancto Panthaleone.

- | | |
|--|---|
| <p>1. Panthaleonis annua
Recolamus ſolemnium,
Quem ad jucunda gaudia
Mater praemiſit filium.</p> <p>2. Qui ſtirpe ſatis nobili
Humilibus patentia
Mente aſcendit humili
Clausa ſuperbis atria.</p> <p>3. Vultus decor angelici
Vernans in ejus facie
Signa ſinebat elici
Promiſſae ſibi gloriae.</p> | <p>4. Laetare, Nicomedia,
Felix alumni ſanguine,
Per cujus eſ ſuffragia
Vero perfuſa lumine.</p> <p>5. Miranda canunt opera,
Quae geſſit pius medicus,
Puer exſtinctus vipera,
Caecus et paraliticus.</p> <p>6. Tormenta docent ignea,
Quanta ſint ejus praemia,
Fretum et moles ſaxea
Juſto nocere nescia.</p> |
|--|---|

- | | |
|---|---|
| <p>7. En martyris praeconium
 Ensis accedit cereus
 Et fluens per martyrium
 Liquor ex carne lacteus.</p> | <p>8. Pantaleon egregie,
 Precum tuarum munere,
 Fac nos ad cives patriae
 Cum incolis ascendere.</p> |
| <p>9. Praestet pater ingenuus
 Una cum unigenito,
 Quos laudet omnis spiritus
 Cum spiritu paraclito.</p> | |

Brev. ms. Admontense 874 saec. 15. — 1, 2 solennia Hs. — 1, 4 promisit filia Hs. — 5, 2 gessit medicus[†]Hs. — 7, 4 Liquor fehlt. Hs.

413. De sancto Paulo Erem.

- | | |
|---|---|
| <p>1. Ordo sanctorum militum
 Eremitarum humilis
 Paulum collaudat inclitum
 Et monachorum jubilis.</p> | <p>5. Suum praedixit exitum
 Propheta pandens abdita,
 Leo deplorat obitum
 Flectens genua subdita.</p> |
| <p>2. Pauper, mitis et docilis,
 Caelebs, pius, obediens,
 Modestus, sanctus, humilis,
 Justus, verus et sapiens.</p> | <p>6. Te transitu mirabilem
 Sanctorum in splendoribus,
 De coelis honorabilem
 Translatum coeli civibus</p> |
| <p>3. Quaesivit hunc Antonius,
 Quem Christus ei praetulit,
 Panem coelestem nuntius
 Jejuno corvus attulit.</p> | <p>7. Veste nudata praedicat
 Antonius, Hieronymus
 Laude multa magnificat,
 Te, pater pie, petimus:</p> |
| <p>4. Rosa fulgens et inclita,
 Baptista Christo praevio
 Paulus Eliae conscita
 Consimilis in invio.</p> | <p>8. Christi nos auge [munere],
 Auctos fove precatibus,
 Pacis adstringe foedere,
 Redde polorum sedibus.</p> |

9. Honor et virtus inclito
 Patri prolique genito,
 Sacro spirato flamine
 Sit sine meta termini.

Diurn. ms. Paulinorum saec. 15. Cod. Gottwicens. 439. — 8, 3 foedera Hs. — 9, 1 inclyte Hs. — 9, 2 genite Hs.

414. De sancto Petro Coelestino.

Ad Vesperas.

- | | |
|--|--|
| <p>1. In coelorum rosario
 Rosa novella ponitur,
 In sanctorum collegio
 Novus sanctus colligitur.</p> | <p>2. Hic Petrus recte dicitur,
 Nam fuit sede solidus
 Et ut Petrus cognoscitur
 Boni zelator fervidus.</p> |
|--|--|

- | | |
|--|---|
| <p>3. Petrus errorum devia
Fide fugat catholica,
Murus daemonum vitia
Necat cum spe mirifica.</p> <p>4. Coelestinus nunc noscitur
Cum fit Christi vicarius,
Nam coelitus ostenditur
Ante, post et tunc medius.</p> <p>5. Honoris cedit apici
Forma factus humilium,
Se manifestat refici
Consortio simplicium.</p> | <p>6. Clemens quintus conformiter
Christo disponens agere,
Ex probatis solemniter
Hunc sanctum jubet colere.</p> <p>7. Nunc trinitati gratias
Reddamus omnes debitas,
Concinamus alacriter
Dicentes una pariter:</p> <p>8. Gloria patri Domino
Nato atque paraclito,
Nos hujus sancti merito,
Coeli fruamur gaudio.</p> |
|--|---|

Clm. Monacens. (ol. Montis aprini) 6017 saec. 15.

415. De sancto Petro Coelestino.

Ad Nocturnum.

- | | |
|---|---|
| <p>1. Plaudens mater ecclesia
Lauda Dei magnalia
Per haec Petri celebra
Confessoris solemnia.</p> <p>2. Ab infantia primitus
Mundi declinans strepitus,
Operatur divinitus,
Quae non erant humanitus.</p> <p>3. Vacare Deo cupiens
Abdita petit montium,
Silet, laborat aut legit,
Orans vigilat ninium.</p> <p>4. Vixit in abstinentia,
Vilitate, penuria,
Multos traxit ad Dominum
Consolans omnem miserum.</p> | <p>5. Continuo jejunio
Carnis terit superbiam,
Lorica seu cilicio,
Gestans cathenam ferream.</p> <p>6. Demum in hora ultima
E mundo sui transitus
Crux emicat in aera,
Qua conscendit superius.</p> <p>7. Petre, confessor inclite,
Sic gressus nostros dirige,
Ut, quem monstrasti, tramite
Procedamus sequentes te.</p> <p>8. Gloria patri Domino
Nato atque paraclito,
Nos hujus sancti merito
Coeli fruamur gaudio.</p> |
|---|---|

Clm. Monacens. (ol. Eberspergens.) 6017 saec. 15. A. — Brev. Coelestin.
imp. Neapoli 1488. B. — 5, 2 terat B.

416. De sancto Petro Coelestino.

Ad Laudes.

- | | |
|--|--|
| <p>1. Lux sanctorum confessorum,
Petrus in coeli sedibus
Introivit, ubi vivit,
Exsultet coelum laudi-
bus.</p> | <p>2. Coenobita mirus vita
Miranda facit opera,
Dum dormivit, acquisivit
Aeterna Christi mu-
nera.</p> |
|--|--|

- | | |
|---|---|
| <p>3. Hora mortis dirae sortis,
 In qua timent, qui exeunt,
 Morienti, congaudenti
 Vexilla regis prodeunt.</p> | <p>5. Tu perfectus, simplex, rectus
 Exis de mundi scelere,
 Vitas sordes, unde gaudes
 Jamlucis orto sidere.</p> |
| <p>4. Vir fidelis est in caelis
 Ut procurator munerum,
 Per hunc dona nobis dona,
 Conditor alme siderum.</p> | <p>6. Trinus unus donet munus,
 Quo vivamus in gloria,
 Sic coronet sicque donet
 Beata nobis gaudia.</p> |

Clm. Monacens. (ol. Montis aprini) 6017 saec. 15. A. — Brev. Coelestin.
 imp. Neapoli 1488. B.

417. In translatione s. Petri Coelestini.

Ad Laudes.

- | | |
|--|--|
| <p>1. Novum ducem et praeivium
 Dat Deus in praeconium,
 Qui nova per fastigia
 Regat virtutum culmina.</p> | <p>4. Patrum secutus tramitem
 Vitam elegit humilem,
 Nam summo pontificio
 Cessit quieto animo.</p> |
| <p>2. Petrus de petra solidus
 Surgit ut stella fulgidus,
 Fidem ornavit moribus
 Mundi spretis honoribus.</p> | <p>5. Splendor Olympo veniens,
 Cum signo crucis rediens,
 Petri beati spiritum
 Tulit ad coeli bravium,</p> |
| <p>3. Coelestinus hic dicitur,
 Cum ad papatum sumitur,
 Totus exstitit coelicus,
 Persistens vir angelicus.</p> | <p>6. Sit ergo nunc laudatio
 Plena, cujus translatio
 Gesta est pari gaudio
 Loco et colle Madio.</p> |
7. Uni trinoque Domino
 Sit honor sine termino,
 Qui nostro dedit tempore
 Perfrui tanto lumine.

Antiph. ms. Coelestin. saec. ¹⁵/₁₆. Cod. Pragen. VIII C. 15. A. — Brev.
 Coelestin. imp. Neapoli 1488. — Erste Str. mit Mel. A.

418. In translatione s. Petri Coelestini.

Ad Vesperas.

1. Claret in orbe tua mira sanctitas,
 Perquam est orta saeculo serenitas
 Lucis internae, vitae speciositas,
 Petre confessor.
2. Tu, pater alme, functus pontificio
 Summo levare mentis beneficio
 Malens, quam trahi mundi artificio,
 Renuntiasti.

3. Nam tuum fuit hoc sanctum propositum,
Ut solitudo te teneret obsitum,
Deo dicatum dignum mundum coelitum
Sprevisti mundum.
4. Tantum praepolles sanctitate sedula,
Artus conservans omni sine macula,
Ut Deo sanctis stes ut ardens facula
Sanctis loquelis.
5. Petre beate, sis nostra protectio,
Ut tui sancti corporis translatio,
Eam qui colunt, plena sit laudatio
Firma virtute.
6. Laetetur ergo et exsultet Aquila,
Quae renovatur Petri per miracula,
Et expiantur quaeque sunt piacula,
Novo regressu.
7. Sit Deo nostro summa laus et gloria,
A quo largitur clericis victoria,
Sanctis ut fiat in terra memoria.
Laude divina.

Antiph. ms. Coelestin. saec. 15 Cod. Pragense. VIII. C. 15. A. — Brev. Coelestin. imp. Neapoli 1488 B. — A nur Str. 1 mit Mel.

419. In translatione s. Petri Coelestini.

Ad Nocturnum.

- | | |
|---|---|
| 1. Exsultet jam angelica
Turba coelestis curiae,
Laetetur plebs catholica
Petrum collaudans hodie. | 4. In matris jacet gremio
Dilecti corpus filii,
Pro cujus suffragio
Aegri curantur varii. |
| 2. Cujus corpus extrahitur
De Campaniae partibus
Et datur Aquilensibus,
A quibus digne colitur. | 5. Per Petrum multipliciter
Dotatur haec ecclesia,
A culpa, poena pariter
Donatur indulgentia. |
| 3. Pontificalem infulam
Ubi Petrus assumpsit,
Fuit translatus Aquilam,
Ut Deus disposuerat. | 6. Gaudete, cives Aquilae,
Colentes haec solemniam,
Habetis donum nobile
Ex Christi providentia. |
| 7. Sit Deo trino simplici
Laus, decus et imperium,
Sit Petri prece supplici
Nobis perenne gaudium. | |

Antiph. ms. Coelestin. saec. 15/16. Cod. Pragense. VIII C 15. A. — Brev. Coelestin. imp. Neapoli 1488 B. — Str. 1 mit Mel. A.

420. De sancto Placido.

In Vesperis.

- | | |
|---|---|
| <p>1. Plaude, turba monachorum,
De triumpho sociorum,
Quos coronat rex coelorum
Inter choros angelorum.</p> <p>2. Lauda satis, non tacere,
Cernens tuos praevalere
Et in mensa consedere
Cum ceteris tironibus.</p> <p>3. Qui pro Christo cruentati
Et de pugna laureati
Velut reges purpurati
Et in thronis collocati.</p> | <p>4. Magnos habes advocatos
Super coelos exaltatos,
Summo regi semper gratos,
Ad rogandum praeparatos.</p> <p>5. Quorum meritis salvari
Possimus et illustrari,
Super nivem dealbari
Et in coelis collocari.</p> <p>6. Regi sanctorum omnium
Sit laus per cuncta saecula,
Qui istos per martyrrium
Magnos fecit in gloria.</p> |
|---|---|

Cod. ms. Scotor. Vindobon. 53 f. 6 anni 1419.

421. De sancto Placido.

Ad Nocturnum.

- | | |
|---|---|
| <p>1. Ovantes Christi martyrrium
Gesta miranda canimus,
Quorum tormenta corporum
Dira fuisse cernimus.</p> <p>2. Genis quaque rubentibus
Vestro cruore roseo,
Fulgentibus, candentibus
Omni decore niveo.</p> | <p>3. Vos roseis et fulgidis
Florum coronis aureis
Cum agno melos canitis
Super montes aromatis.</p> <p>4. Nos quoque tibi psallimus,
Ignosce delinquentibus,
Hostis confractis viribus
Nosque redde coelestibus.</p> |
|---|---|
5. Deo deorum omnium
Salus, honor et gloria,
Qui tuis per martyrrium
Donas immensa munera.

Cod. ms. Scotor. Vindobon. 53 f. 6 anni 1419. — Cod. ms. Hamburgens. 1568 saec. 15. B. — 1, 1 Christi martyres AB gegen den Reim.

422. De sancto Placido.

Ad Laudes.

- | | |
|---|--|
| <p>1. Vastum per orbem canitur
Sacrum schema certaminis,
Monachorum extollitur
Praecelsi decus ordinis.</p> <p>2. Quorum de arce prodeunt
Triginta quinque milites,
Qui cum triumpho redeunt
Poli scandentes limites.</p> | <p>3. Nostri sunt decus ordinis,
Nostri sunt duces agminis,
Nobisque foeda criminis
Dimitte, rex certaminis.</p> <p>4. Dona superna scandere
Sacrosque hymnos promere,
Ad laudes horum martyrrium
Infunde jubar luminum.</p> |
|---|--|

5. Summi patris fastigio
Laudis melos dulcissimum,
Qui nobis ex martyrio
Largitur omne praemium.

Cod. Scotorum Vindobon. 53 f. 6 anni 1419. A. — Cod. ms. Hamburgen.
1568. saec. 15. B. — 1, 1 Vasti per orbem B.

423. De sancto Placido.

Ad Vesperas.

- | | |
|---|---|
| 1. O Casinensis gloria,
Perpes ejus victoria,
Tua digna memoria
Gesta narrat historia. | 4. Post varia supplicia,
Tormenta multiplicia,
Tua membra patricia
Ostenduntur victricia. |
| 2. Romanis ortum regibus
Omnipotentis legibus
In Benedicti gregibus
Educatum te legimus. | 5. Angelorum fis socius
Ense truncatus ocus,
Coelum scandis velocius,
Intende nostris vocibus. |
| 3. Corruscans mirabilibus
Magnis atque nobilibus,
Favens miserabilibus,
Quoquo modo debilibus. | 6. Placide, vir egregie,
Martyr fortis et regie,
Nos fragiles ne despice
Sed protegendo respice. |
| 7. Vita, salus ingenito,
Potestas unigenito,
Flamini perpetuitas,
Sit trino una deitas. | |

Brev. ms. S. Spiritus et Galli ap. Paviam saec. 15. Clm. Moacens. (ol.
Cellae principum) 7217. A. — Brev. Coelestin. imp. Neapoli 1488. B. —
1, 3 Tuam dignam B.

424. De sancto Placido.

Ad Nocturnum.

- | | |
|---|--|
| 1. Qui Casinum excolitis
Et Placidum recolitis,
Hoc totum, quod incolitis,
Hujus fuit, quem colitis. | 4. Benedictus hunc docuit
Et Christum sequi monuit,
Hostis isti non nocuit
Nec traxit ad quod voluit. |
| 2. Exsultanter laetamini,
Gaudenter gratulamini,
Hunc sanctum veneramini,
Per quem et coronamini. | 5. Sub tali magisterio
Hoc vixit monasterio
Anno minus decennio
Coeli dignus rependio. |
| 3. Stirpe satus Octavia
Cum fratribus et Flavia
Sprevit mundi suavia
Coeli sperando gaudia. | 6. Centenis signis claruit
Et, quis esset, apparuit,
Gratulatur Sicilia
Cernendo mirabilia. |

7. Vita, salus ingenito,
Potestas unigenito,
Flamini perpetuitas,
Sit trino una deitas.

Brev. ms. Cellae Principum saec. 15. Clm. Monacens. 7217. A. — Brev. Coelestin. imp. Neapoli 1488. B. — 2, 1 Exsultate A. — 3, 1 Stirpe natus B; Stirpe sanctus A.

425. De sancto Placido.

Ad Laudes.

- | | |
|---|--|
| 1. Captus ab infidelibus
Cum pluribus fidelibus
Perstat ut vir fortissimus,
Vera fide firmissimus. | 5. Conducuntur ad gaudia
Donatus, Faustus, Flavia,
Cum ter denis occiditur,
Firmatus his adjicitur. |
| 2. Ex cruciandi genera
Cogitantur innumera,
Diebus septem septies
Poenarum fit congeries. | 6. Interfectores impii
Poenas dant homicidii,
Nam submerguntur fluctibus
Usi sceleris fructibus. |
| 3. Fractis maxillis, dentibus,
Fit stupor magnus gentibus,
Sine lingua laus resonat,
Et Christi nomen intonat. | 7. Placide, martyr optime,
Cum sociis hoc obtine,
Ut ista nostra concio
Coeli fruatur solio. |
| 4. Ense caput abscinditur,
Et regnum sic acquiritur,
Victorinus, Euty chius
Fratri junguntur citius. | 8. Patri patrisque famini,
Sit procedenti flamine
Virtus, decus, potentia
In saecula manentia. |

Brev. ms. monast. S. Spiritus et Galli prope Paviam saec. 15. Cod. Monacens. (ol. Fürstenzellens.) 7217. A. — Brev. Coelestin. imp. Neapoli 1488. B. — 2, 1 Ex zu cogitantur. — 5, 2 et Flavia B. — 6, 4 fluctibus B. — 8, 1 flamine B.

426. De sancto Prosdocimo.

Ad Laudes.

- | | |
|---|---|
| 1. Illustrat ejus sanctitas
Fervensque summa caritas
Concives et finitimos
Et reddit Deo proximos. | 3. Ad cujus aram sternimus,
Preces devote fundimus,
Processione sedula
Curvantes rite genua. |
| 2. Exemplum praebet omnibus
Doctrinam donat pluribus,
Ut fide vivant stabiles
Et opere consimiles. | 4. Cantantes psalmos vocibus,
Orantes longis fletibus,
Petentes indulgentiam
Et pro delictis veniam. |

- | | |
|---|--|
| <p>5. Nos, pie pastor, adjuva,
 Tuam catervam releva,
 Ut tuis sanctis meritis
 Consociemur inclitis.</p> | <p>6. Sit laus omnipotentiae
 Natoque decus gloriae,
 Sit horum sancto flmini
 Nostroque salus agmini.</p> |
|---|--|

Brev. ms. Sanemmeramense saec. 15. Clm, Monacens. 14838. — Die Hymnen dieses Heiligen ad vespas und matutinum stehen bei Mone III S. 487. Dieser fehlt, obschon er ersichtlich nur eine Fortsetzung jener ist.

427. Quinque fratrum.

Ad Vespas.

- | | |
|--|---|
| <p>1. Fratrum adest solemnitas,
 Laudetur alma trinitas,
 Et vox cum laudum jubilo
 Hymnum decantet, Domino.</p> | <p>3. Laudemus cum instantia
 Pia sanctorum corpora,
 Qui jugi abstinentia
 Contempserunt praesentia.</p> |
| <p>2. Hinc psalmi, laudes, cantica
 Et laetiores personent,
 Psallant voce magnifica
 Melosque dulce jubilent.</p> | <p>4. Christo Deo laus debita
 Per fratrum sancta merita,
 Jungamur ut coelestibus
 Ardore sancti spiritus.</p> |

Brev. ms. Trebonense saec. 15. Cod. Pragense. VI G 6. A. — Brev. ms. Pragense IV F 4 saec. 15. B. — Brev. ms. S. Jacobi Brunens. 30 saec. 15. C. —
 2. 1 Huic psalmi B. — 3, 3 Quae jugi B. — 4, 3 Jungamur in Coelestibus A.

428. De sancto Quirino.

1. Solve servorum facinus tuorum,
 Supplicum mentes tibi da placentes,
 Laudibus crebris ut ab his voceris,
 Sancte Quirine.
2. Annuus cursus redeundo rursus
 Gaudium terrae solet en referre,
 In tui festo populis adesto
 Laetificandis.
3. Patribus claris genitus probaris,
 Flore primaevae foret absque naevo
 Vita quo mundis redimit a lumbis
 Qui redemisti.
4. Inclitum nomen titulans agonem
 Temet hastatum docuit probatum,
 Signifer Christi velut expulisti
 Arma draconis.
5. Tu te millenas patiendo poenas
 Factus es bellis Domini flagellis,
 Protulit vivum caro sancta rivum
 Quando cruoris.

6. Lege divina tua mens opima
Depulit plebis scelus infidelis,
Rege virtutum tribuendo scutum
Crudelitatis.
7. Hoc Dei flamen dedit incitamen,
Daemonis membrum populis tremendum,
Claudium saevum ditione regum
Quem superasti.
8. Forte certamen meruit laudamen,
Cumque nocturnis jugulatus umbris
Sumeres palmam decoratus alman
Martyriorum.
9. Morte calcata capiens amata
Regna coelorum comes angelorum,
In quibus civis sine fine vivis
Israelita.
10. Consulens nobis, pater, ulcerosis,
Dando purgatum precibus reatum,
Esto de caelis veniae medelis
Auxiliator.
11. Cerne contritam miserando vitam,
Morte peccati sumus aggregati,
Nos ut indemnes requie perennes
Vivificemur.
12. Cuncta gignentem celebrent parentem
Seu coaequatum deitate natum,
Atque solamen postulare, flamen,
Gloria semper.

Orat. ms. Tegurin. anni 1469. Clm. Monacens. 20124.

429. De sancto Quirino.

In 1. Vesperis.

- | | |
|--|--|
| 1. Resultet vox laetitiae,
Nam lacrimis moestitiae
Abstersis sanctis oculis
In summis tabernaculis | 4. Ac ille felix genitus,
In sancta fide strenuus
Post mortem patris permanens,
Spiritus obediens, |
| 2. Gaudet martyr praecipuus,
Quirinus, Christi famulus,
Terrenum sceptrum respuens,
Coelorum regi serviens. | 5. Sanissimi consilii
Doctrinis evangelii
Post Jesum vadit propere
Crucem tollens in opere. |
| 3. Imperator egregius
Philippus, qui catholicus
Primus rexit imperium,
Genuerat hunc filium. | 6. Hoc non Caesar fert Claudius,
Nudatum rebus omnibus
Saevis plagis perdomuit
Enseque nocte perimit. |

- | | |
|---|--|
| <p>7. Truncatus datur Tiberi,
Pastoris mox presbyteri
Hunc cura frequens reperit,
Repertum atque sepelit.</p> <p>8. Per annos octoginta sic
Per duos et quadringentos
Romae signorum munere
Recenti mansit corpore.</p> | <p>9. Hinc gemma data Bavaris;
Quirine, hos a tartaris
Salva tuo juvamine
Summum bonum dans animae.</p> <p>10. Praestet aeterna trinitas,
Manens et regnans deitas,
Ingenitus et genitus
Et spiritus paraclitus.</p> |
|---|--|

Brev. ms. S. Emmerami saec. 15. Clm. Monacens. 14790. A. — Brev. ms. Frisingense saec. 15. Clm. Monacens. 19283 B. — Diurn. ms. Tegurin. anni 1503. Clm. Monacens. 19309. C.

8, 2 et duos et trecentos A. — 10, 1 Praesta pater piissime etc. A.

430. De sancto Quirino.

1. Martyr Quirine, fortis in sacra fide
Nobis benignus fer juvamen coelitus
Christumque regem deprecare perpetim,
Ut nostra corda mundet atque corpora.
2. Multis ferimur heu malis et stringimur,
Sed haec resolvi per preces sanctas tui
Speramus omnes, adjuva nos supplices,
Digni supernis quo fruamur gaudiis.
3. Nobis det altus parens atque filius,
Hoc paraclitus praestet altus spiritus,
Qui solus ima continens et ardua
Trinus et unus perpetim regnat Deus.

Clm. Monacens. (ol. Tegurin.) 19636 saec. 15. — 1, 2 fer benignus Hs. — Ein alter Hymnus.

431. De sancto Quirino.

- | | |
|--|--|
| <p>1. Christum laudemus carmine,
Qui sanctum suum martyrem,
Quirinum, fuso sanguine
Coelum concessit scandere.</p> <p>2. Hic Dei fretus gratia
Mundi contempsit lubrica,
Jesu sequens vestigia
Adeptus est coelestia.</p> <p>3. Quem Caesar ferox Claudius
Rebus nudavit omnibus,
Plagis affligens verberum,
Uti negaret Dominum.</p> <p>4. Et nocte caesum gladio
Tiberi immisit fluvio,
Inde levatur provido
Sancti Pastoris studio.</p> | <p>5. Cujus spiritus choreis
Jam conjunctus angelicis
Fruitur coelo beatis
Per aevum laetus gaudiis.</p> <p>6. Dehinc in fines Noricas
Summa delatus gloria
Signorum efficacia
Tota pollet Bavaria.</p> <p>7. Istine virtute martyr
Furor fugatur daemonis.
Lumen orbatus recipit,
Gressum claudicans revehit.</p> <p>8. Omnis hinc languor pellitur,
Salus optata redditur,
Promens de corde genitum
Voti hinc parat gaudium.</p> |
|--|--|

- | | |
|--|--|
| <p>9. Adsis nunc, martyr, quaesumus,
Sancte Quirine, precibus,
Ut mereamur omnibus
Solvi culparum nexibus.</p> | <p>10. Praesta, pater piissime
Patrique compar unice,
Cum spiritu paraclito
Regnans per omne saeculum.</p> |
|--|--|

Brev. ms. S. Emmerami saec. 15. Clm. Monacens. 14790. A. — Brev. ms. Frisingense saec. 15. Clm. Monacens. 19283. B. — Diurn. ms. Tegurinum anni 1503. Clm. Monacens. 19309. C.

2, 1 Hinc Dei A. — 3, 4 Dominum fehlt A. — 7, 1 Istic A. — 8, 3 Per mena A.

432. De sancto Remigio.

In 1. Vesperis.

1. Remigius praesul meritis ortuque venustus
Francorum Domino gentem peperit luculentam.
2. Remedium praestans magnum precibus miserorum
Nobis perpetuum tribuat pius omne per aevum.
3. Subveniat nunc magnificus nostris quoque votis,
Aeternae patriae cives fore quo mereamur.
4. Deo patri atque nato laus cum sancto spiritu
Sit per infinita saecula saeculorum.

Brev. ms. S. Emmerani saec. 15. Clm. Monacens. 14638. — Die Doxologie paßt versmaßlich nicht zum Vorhergehenden.

433. De sancto Roberto.

- | | |
|--|--|
| <p>1. Rex Christe, vita, veritas,
Spes, fides, pax et caritas,
Nos per ista solemnia
Divina reple gratia.</p> <p>2. Ut sancto Roberto pie
Laudes canamus hodie,
Qui vivens regulariter
Mundum devicit fortiter.</p> <p>3. Hic justus, fortis, patiens,
Mundanos luxus fugiens,
Religionis habitum
Sumpsit augendo meritum.</p> <p>4. Quem Dei providentia
Molismensis ecclesia
Primum abbatem habuit,
Sub pastore quo floruit.</p> | <p>5. Hic tandem quaerens aspera,
Locum mutans in prospera,
Radix fuit propaginis
Cistertiensis ordinis.</p> <p>6. Qui, ut Deus providerat,
Regressus, unde venerat,
Coelesti luce praevia
Migravit ad coelestia.</p> <p>7. Precemur ergo Dominum,
Ut nos a labe criminum
Purgatos ejus precibus
Jungat coelorum civibus.</p> <p>8. Sit Trinitati gloria,
Ipsi laudum praeconia,
Cantemus mente sedula
Per infinita saecula.</p> |
|--|--|

Antiph. ms. Hilariense V. anni 1632.

434. De sancta Scholastica.

- | | |
|--|--|
| <p>1. Quem terra, pontus, aethera,
Colunt, deducis hodie
Scholasticam ad supera,
O fons misericordiae.</p> <p>2. Summi largitor praemii,
Hesther Israel filia
Post necem Aman impii
Regni potitur gloria.</p> <p>3. Consors paterni luminis,
Accensa intrat lampade
Virgo ad festum similis
Sacro instructa dogmate.</p> | <p>4. Christe, redemptor omnium,
Judith dum hostem superat,
A principatu criminum
Sese potenter liberat.</p> <p>5. Ad coenam agni providi
Rachel decora facie
Introivit et candidi
Cum honore laetitiae.</p> <p>6. Audi, benigne conditor,
Tuae dilectae meritis
Ne nos antiquus proditor
Suasibus urat tacitis.</p> |
|--|--|
7. A solis ortus cardine
Corde canamus supplici
Hymnum cum oris ordine
Trino Deo et simplici.

Brev. ms. S. Georgii Pragenses. (Abatissae Kolowrat) saec. 15. Cod. Pragenses. XIII E 1. Die ersten Zeilen der Strophen Anränge bekannter Hymnen.

435. De sancto Sebastiano.

- | | |
|---|---|
| <p>1. Laudes canamus inclitas
Canentes regi gratias,
Qui fecit sibi martyrem
Sebastianum militem.</p> <p>2. Hic vir in armis strenuus
Acceptus erat omnibus
Atque imperatoribus
Inter primates positus.</p> <p>3. Qui militans in publico
Gentilium palatio,
Christum tamen quotidie
Adorabat catholice.</p> <p>4. Et sub absconso chlamydis
Conjungens se Christicolis
Deo reddebat animas,
In quas captabat Sathanas.</p> <p>5. Vir sanctus fratres geminos
Et martyres quam plurimos
Firmans eorum animos
Victores fecit inclitos.</p> | <p>6. Tandem, quis esset, claruit,
Lux latere non potuit,
A daemonum cultoribus
Damnatur ut catholicus.</p> <p>7. In campo nudus ponitur
Sagittis et configitur,
Reputatus pro mortuo
Sanus adstabat denuo.</p> <p>8. Dehinc mactatus fustibus
Vir fortis et intrepidus,
Coelo remittens spiritum
Victoris sumpsit praemium.</p> <p>9. Christi bellator inclite,
Tuam catervam respice,
Ut per tua suffragia
Solvantur nostra crimina.</p> <p>10. Laus tibi, sancta trinitas,
Quae martyres glorificas.
Nobis parans subsidia
Per horum digna merita.</p> |
|---|---|

Hymn. ms. Graecens. 392 saec. 15 mit Mel. A. — Brev. ms. Montis aprini auni 1469. Clm. Monacens. 6000 B. — Brev. ms. Montis aprini saec. 15. Clm. Monacens. 6004 C.

436. De sancto Sebastiano.

In Vesperis.

- | | |
|--|--|
| 1. Solvamus omnes congrua
Magno patri praeconia
Sebastiano, vocibus
Demus sonos cum laudibus. | 4. Post ipse gaudens pertulit
Duri genus certaminis
Et per triumphi lauream
Christi subivit gloriam. |
| 2. Ortu refulsit nobilis
Et sanctitate praeditus,
Cultor Dei verissimus
Et miles invictissimus. | 5. Qui praedicati martyris
De sede coeli claruit
Et osculatus propriam
Donavit illi gratiam. |
| 3. Per quem beati martyres
Certare norunt fortiter,
Pluresque vitae maximis
Sunt incitati praemiis. | 6. Tuum, creator, militem
Fac pro redemptis supplicem
Et, quod precamur, audias
Et nostras laxes debitas. |

Orat. ms. S. Launomari ap. Blesam saec. 15/16. Cod bibl. Rossianae s. sign.

437. De sancto Servatio.

- | | |
|--|--|
| 1. Audi precantis agminis
Voces ob actus criminis,
Servati, sancte pontifex,
Nam dulcis atque mitis es. | 3. Vim, quam tenes in nomine,
Imple potenti numine,
Serva gregalem copiam
Praestans salutis gratiam. |
| 2. Tu scis, quod ante gessimus,
Tu nunc, quod ecce poscimus,
Arce sagittas daemonum,
Confer medelam vulnerum. | 4. Servando jam, qui municeps
Coelestis aulae factus es,
Tuos fideles vernulas,
Servando nunquam deseras. |
| 5. Hoc te per illum quaesumus,
A quo redempti vivimus,
Quem laus et omnis gloria
Per cuncta decet saecula. | |

Antiph. ms. Sanctense s. sign. saec. 13. A. — Brev. ms. Sanctense saec. 15 s. sign. B. — Brev. ms. S. Floriani XI 402 saec. 15. C. — Clm. Monacens. (ol. Sanemmeramens.) 14926 saec. 15. D.

438. De sancto Servatio.

Ad Vesperas.

1. Festum nunc celebre mater ecclesia
Laetetur colere magnae gaudia,
Cum coeli solium transit ad arduum
De mundo hoc Servatius.

2. Conscendit cathedram praesul Servatius,
Dum pronum advenam erigit angelus,
Pastoris virgulam porrigens sedulus,
Fit pavor piis mentibus.
3. Qui scandens limina Petri apostoli
Fundens precamina pro vita populi,
Propter solamina dona clavigeri
Accepit clavem coelicam.
4. Oramus, Domine, pater egregie,
Servati, subditos protege famulos,
Ne nos daemonia obruant impia
Dimergant vel in inferos.
5. Ut cum flamivoma nube revertitur
Christus et crimina igne ulciscitur,
Tuis precatibus nostris reatibus
Impetres indulgentiam.
6. Praesta hoc, genitor optime maxime,
Hoc tu, nate Dei et bone spiritus,
Regnans perpetuo fulgida trinitas
Per cuncta pie saecula.

Clm. Monacens. (ol. S. Emmerami) 14926 saec 15. Mit Mel. des Stamm-
liedes.

439. De sancto Servatio.

Ad Nocturnum.

- | | |
|--|--|
| 1. Jesu, nostra redemptio,
Adstantum te devotio
Collaudat, qui Servatio
Tantam donasti gratiam. | 3. Pastus altaris epulo
Jejunus mansit sedulo,
Ni fratrum eum caritas
Cogeret vel infirmitas. |
| 2. Hic solus post apostolos,
Dum instruebat populos,
Linguis sonabat omnium
Per suae vocis organum. | 4. Dum capit hunc rex Attila,
Stertenti servit aquila,
Alternis umbram generans
Alis et aestum temperans. |
| 5. Tibi patrique gloria
Cum sancto sit spiramine
In summa coeli curia
Nunc et per cuncta saecula. | |

Clm. Monacens. (ol. S. Emmerami) 14926. saec. 15. mit Mel. = Fit porta
Christi pervia.

440. De sancto Severino.

In 1. Vesperis.

- | | |
|--|---|
| <p>1. Laude digna jubilemus,
Laudem Deo semper demus,
Qui patronum sanctum virum
Nobis dedit Severinum.</p> <p>2. Doctor verus Arianam
Exstirpavit sectam vanam,
Verbo veritatis sanctam
Illuminans ecclesiam.</p> <p>3. Iste vivus angelorum
Meruit audire chorum,
Martinus ad coelestia
Dum transfertur palatia.</p> | <p>4. Felix praesul, cujus vita
Confortatur eremita,
Qui se cum illo sedulo
Orabat dignum praemio.</p> <p>5. Imber terris siccis datur,
Dum vir Dei reportatur,
Annis tribus qui negatus
Erat sed nec fructus datus.</p> <p>6. Sancte pater Severine,
Praesul urbis Agrippinae,
Ora Deum, ut nos tecum
Gaudeamus sine fine.</p> |
|--|---|
7. Sit laus, honor et potestas,
Decus, virtus et majestas
Deo patri, Christo nato,
Spiritus paraclito.

Brev. ms. Lincense *F* p. 19 saec. 14. A. — Brev. Aarhusiense imp. Aar-
husiae 1519. B. — 1, 2 sqq. Laude digna angelorum | Jubilemus laudem Deo |
Semper Deus qui patronum sanctum corporum | Nobis dedit Severinum A.

441. De sancto Sigismundo.

Ad Vesperas.

- | | |
|---|--|
| <p>1. Laeto corde recolamus
Patroni solemnia
Et cantando gaudeamus
Ad ejus obsequia,
Ut per ipsum habeamus
Sempiterna gaudia.</p> <p>2. Divina scripta testantur,
Quod quidam viri pii
Cum ipso martyrizantur,
Octo ejus socii,
Et cum ipso tumulantur
Duo ejus filii.</p> <p>3. Regnum terrae permutavit
Hic pro regno gloriae,
Deum prae cunctis amavit
Vere vivendo pie,
Deus ipsum exaltavit
Ad superna gaudia.</p> | <p>4. Regnum suum, quod possedit,
Pro superno solio
Sigismundus totum dedit
Beato Mauritio,
Honoribus mundi cedit
Pro aeterno gaudio.</p> <p>5. Virtus Dei operatur
Sigismundi precibus,
Colens locum liberatur,
Quo jacet, a febribus,
Corde mundo qui precatur
Hunc bene cum fletibus.</p> <p>6. Nam dicitur, quod intrare
Paradisi gloriam
Nequit dives, hic istam re-
intravit miseriam,
Ut sic posset penetrare
Juste coeli curiam.</p> |
|---|--|

7. Regi pio laudes demus
 Propter Christi gloriam
 Et cum ipso imploremus
 Peccatorum veniam,
 Ut sic laeti valeamus
 Adipisci gloriam.

Brev. ms. Frisingense saec. 15. Clm. Monacens. 19283.

442. De sancto Sigismundo.

Ad Completorium.

- | | |
|---|---|
| 1. Beata nobis gaudia
Sigismundi industria
Orante sancta Maria
Nobis impetret, Eia. | 3. Sic Deum semper amavit,
Ecclesias visitavit,
Divitias posttergavit
Et pauperibus donavit. |
| 2. Beati viri munere
Qui juste posset vivere
Delictaque corrigere,
Hic coelum posset scandere. | 4. Sigismundi devotio
Plaudat cleri solemnio
Et Agaunensis legio
Psallat cum magno gaudio. |
5. Laus et honor patri pio
 Ejusque soli filio
 Cum spiritu paraclito
 Et nunc et in perpetuum.

Brev. ms. Frisingense saec. 15. Clm. Monacens. 19283.

443. De ss. Sixto et Simplicio.

1. Adest sacrata praesulum
 Festivitas illustrium,
 Confessione cordium
 Qui respuerunt saeculum.
2. Quorum colentes annuam
 Festivitatem propriam
 Ipsos precamur cernui,
 Ut nostra mudent crimina
3. Oratione sedula
 Votisque nostris subditis
 Nobis det indulgentiam
 Eorum intercessio.
4. Praesta, pater piissime
 Patrique compar unice,
 Cum spiritu paraclito
 Regnans per omne saeculum.

Psalt. c. hymn. ms. Bremense b 109 saec. 14/15. A. — Brev. Bremense
 imp. Coloniae 1486. B.

444. De Sororibus BMV.

In 1. Vesperis.

- | | |
|--|---|
| <p>1. Hodierna festivitas
Per mundi claret orbitas,
Qua sunt sorores Mariae
Junctae coelesti curiae.</p> | <p>3. Unguentis Christum optimis
Quaerunt profusis lacrimis,
Sed quem credebant mortuum,
Jam regnat in perpetuum.</p> |
| <p>2. Hae cum sorore Lazari
Voto fruenter hilari
Ad sepulchrum conveniunt,
Jesum videre cupiunt</p> | <p>4. O sorores egregiae,
Nobis sitis propitiae,
Vestris beatis precibus
Nos ferte in coelestibus.</p> |
5. Uni Deo sit gloria
Pro sororum memoria,
Qui nos earum precibus
Jungat sanctorum civibus.

Clm. Monacens. (ol. Superioris Altae) 9508 saec. 15. A. — Brev. Carmelit. imp. Venet. 1579. B. — Mel.: O Christi mater fulgida. A.

445. De Sororibus BMV.

Ad Nocturnum.

- | | |
|--|---|
| <p>1. Laetabundus fidelium
Coetus colat solemnia
Sorum, quae cum virgine
Coeli fruuntur lumine.</p> | <p>3. Ad sepulchrum dominicum
Unguentum ferunt mysticum
Orto jam sole saeculi,
Has sequuntur discipuli.</p> |
| <p>2. Haec quidem luminaria,
Quod nomen sonat Maria,
Poenitentes irradiant,
Ut ad Christum perveniant.</p> | <p>4. Ergo nunc vestris precibus
Annuite supplicibus,
Ut post caduca funera
Festinemus ad supera.</p> |
5. Uni Deo sit gloria
Pro sororum memoria,
Qui nos earum precibus
Jungat sanctorum coetibus.

Clm. Monacens. (ol. Superioris Altae) 9508 saec. 15. A. — Brev. Carmelit. imp. Venetiis 1579 B.

446. De sancto Stanislao.

- | | |
|--|--|
| <p>1. Alma per ejus merita
Vita defunctis redditur,
Dos salutis gratuita
Multis aegris impenditur.</p> | <p>3. Aures conclusae vocibus
Panduntur, mutis labia,
Claudi fruuntur gressibus,
Et fugantur daemonia.</p> |
| <p>2. Dat medelam per anulum
Tabae gravatis morbida,
Ad sacrum cujus tunulum
Membra curantur languida.</p> | <p>4. Martyr, tuis precatibus
Nobis precare veniam,
Ut soluti reatibus
Deo pangamus gloriam.</p> |

5. Ergo jugis sit gloria
Deo regi per saecula,
De martyris victoria
Laude fruamur sedula.

Brev. ms. S. Floriani XI 384 saec. 14. — Brev. ms. S. Floriani XI 386 saec. 15. — Brev. ms. S. Floriani XI 475 saec. 15. — Der Hymnus scheint nur die zweite Hälfte (divisio) eines längeren zu sein.

447. De sancto Stanislao.

- | | |
|--|--|
| 1. Pollens doxis promicuit
Sidus matre Cracovia
Cujus per orbem praebuit
Signis miris insignia. | 5. Decisos artus laniat
Rancor furens tyrannicus,
Quos singulos irradiat
Rex radiis uranicus. |
| 2. Rector gregis egregius,
Stanislaus per saeculum,
Praesul plebis eximius,
Trophaei pandit titulum. | 6. Omnes tutelat sedulo
Aquilarum munimine,
Corpus restaurat famulo
Sacrato medicamine. |
| 3. Athleta Christi graditur
Gravato grege stadio,
Quem crucem tollens sequitur
Vitae perennis bravio. | 7. Transit polum eximiis
Victor pollens miraculis,
Cujus, Christe, suffragiis
Dimitte noxam servulis. |
| 4. Nam trux ab hoc dum angitur
Pro insontum excidio
Rex Boleslaus, plectitur
Sacrae vir matris gemio. | 8. Ergo jugis sit gloria
Deo regi per saecula,
De martyris victoria
Laude fruamur sedula. |

Brev. ms. S. Floriani XI 386 saec. 15. A. — Brev. ms. S. Floriani XI 384 saec. 14. B. — Brev. ms. S. Floriani XI 475. C.
1, 3 praeduit AC. — 4, 1 ad hoc dum agitur A.

448. De sancto Stanislao.

- | | |
|---|--|
| 1. Gaude, mater Polonia,
Prole fecunda nobili,
Summi regis magnalia
Laude frequenta vigili. | 5. Novum pandit miraculum
Splendor in sancto coelitus,
Redintegrat corpusculum
Sparsum coelestis medicus. |
| 2. Cujus benigna gratia
Stanislai pontificis
Passionis insignia
Signis fulgent mirificis. | 6. Sic Stanislaus pontifex
Transit ad coeli curiam,
Ut apud Deum opifex
Nobis imploret veniam. |
| 3. Hic certans pro justitia
Regis non cedit furiae,
Stat pro plebis injuria
Christi miles in acie. | 7. Poscentes ejus merita
Salutis dona referunt,
Morte praeventi subita
Portum ad vitae redeunt. |
| 4. Tyranni truculentiam
Qui dum constanter arguit,
Martyrii victoriam
Membratim caesus meruit. | 8. Cujus ad tactum annuli
Morbi fugantur turgidi,
Ad locum sancti tumuli
Multi curantur languidi. |

- | | |
|---|--|
| <p>9. Surdis auditus redditur,
 Claudis gressus officium,
 Mutorum lingua solvitur
 Et fugatur daemonium.</p> | <p>10. Ergo, felix Cracovia,
 Sacro dotata corpore,
 Deum, qui fecit omnia,
 Benedic omni tempore.</p> |
| <p>11. Sit trinitati gloria,
 Laus, honor, jubilatio
 De martyris victoria
 Sit nobis exsultatio.</p> | |

Antiph. ms. Capit. Cracoviens. 84 saec. 14 A. — Brev. ms. Capit. Cracoviens. 22 saec. 15. B. — Brev. ms. Capit. Cracoviens. 20 saec. 14. C. — Cod. Pragens. XIII C 9 saec. 15. D. — 3, 1 Sic certans A. — Str. 8, 9 u. 10 fehlen C.

449. De sancto Stephano rege.

- | | |
|---|--|
| <p>1. Gaude, mater Hungaria,
 Prolis augens praeconium
 Cum laude multifaria
 Patronum lauda proprium.</p> | <p>4. Puer crescens progreditur
 Sicut cedrus in Libano,
 Praedictum nomen inditur
 Huic a beato Stephano.</p> |
| <p>2. Hic tibi verus lucifer
 Lumen fidei praebuit,
 Datus et ad hoc legifer
 Viam salutis docuit.</p> | <p>5. Dignis datur doctoribus
 Imbuendus in litteris,
 Probis ornatur moribus
 Sub annis adhuc teneris.</p> |
| <p>3. Hujus ortus praedicatur
 Patris coelestis nuntio,
 Mater ad matrem mittitur
 Nascentis vaticinio.</p> | <p>6. Adolescens aggreditur
 Verba salutis serere,
 Gens Hungara convertitur
 Et baptizatur propere.</p> |
7. Trino Deo et simplici
 Sit laus et honor, gloria,
 Qui sancti regis supplici
 Concedat coeli gaudia.

Brev. ms. Albense saec. 15. Cod. Lambacens. LXXXIX. A. — Brev. ms. Palat. Vindob. 1812 saec. 14. B. — 2, 4 salutis praebuit A. — 5, 1 Dignus erat A. — 5, 3 Probis honoratur A. — 7, 3 regis Stephani A. — 7, 4 Prae-
 cedit AB.

450. De sancto Stephano rege.

- | | |
|---|---|
| <p>1. Jam lucis orto sidere
 Gens sancti regis promere
 Consurge laudes coelitus,
 Nos reple sancte spiritus.</p> | <p>3. Gaude, felix Pannonia,
 Deo fundens praeconia,
 Stephani regis merita
 Canat mater ecclesia.</p> |
| <p>2. Veri lux solis oritur
 Tetraque nox dissolvitur,
 Jam fide Christus colitur,
 Horroris nubes tollitur.</p> | <p>4. Gaude, quod tanti praesidis
 Mater condigna diceris,
 Qui reducens de tenebris
 Te conportabit superis.</p> |

- | | |
|--|--|
| <p>5. Hic Geisae ducis filius
Praemonstratus divinitus,
Amore flagrans in Dei
Normam condidit fidei.</p> <p>6. Hic fundans monasteria
His large donat praedia,
Mundi sprexit contagia
Spe tendens ad coelestia.</p> <p>7. Hic signum crucis gestiens,
Mentem divinis imbuens
Hostes devincit fidei,
Quo cives gaudent coelici.</p> | <p>8. Corona fungens regia
Vana contempsit gaudia,
Carne soluta hodie
Cum Christo ovat gloriae.</p> <p>9. Nunc eja, pater inclite.
Tuos devotos respice,
Te laudantes concentibus
Nos serva a nocentibus.</p> <p>10. Summo patri sit gloria,
Nato laus et victoria
Cum spiritu paraclito,
Qui regnat sine termino.</p> |
|--|--|

Cod. Pragens. XIII G 9 saec. 15. — 2, 2 Tetra nox Hs. — 4, 4 confortabit Hs.

451. De sancto Stephano rege.

- | | |
|--|---|
| <p>1. Gaudent coeli nova luce
Tonantis vox dum clangit,
Novo rege, novo duce
Gedconis tuba barrit.</p> <p>2. Per quem fratres liberantur
Paganismi caecitate,
Hungarorum gens laetatur
Ortu prolis et magistri.</p> <p>3. Pannonia gratulatur,
Angelica vox dum sonat,
Decrepitat dux cum Geysa,
Dei cepit repromissa.</p> <p>4. Inquit missus aethereus:
Sum protomartyr Stephanus,
Et qui nascetur Stephanus,
Rex erit et apostolus.</p> <p>5. Pater credens admiratur,
Pavens mater rem miratur,
Voce simul perlustratur:
Nunc porto ducem fidei.</p> | <p>6. Crescunt bona, crescunt laudes,
Cor congaudet, vox non cesset,
Cum non sistat operari
Summus rerum artifex.</p> <p>7. Puer natus vegetatur
Et in regem coronatur.
Regnum rite gubernatur,
Fides Christi dilatatur.</p> <p>8. Sidus claret matutinum,
Ante solem fert vexillum,
Per quem solis fulsit lumen
Hungarorum mentibus.</p> <p>9. Hic est miles, rex et rector,
Qui dum rexit et regnavit
Hostis caudae de cordula
Gentem suam liberavit.</p> <p>10. Jerarchia jam congaudet
Cum rex regem praedicavit
Reparandam ad ruinam
Saxa quadravit barbara.</p> |
|--|---|
11. Almo patri sit gloria
Natoque sit victoria
Amborum cum spiramine
In sempiterno saecula.

Brev. ms. univers. Pestiens. 74. saec. 15. A. — Brev. Strigoniense imp. Venetiis. 1480 B. — 5, 4 Tunc orthodoxae fidei B. — 6, 2 cessat A. — 9, 3 Hostis tandem de tortura B. — 10, 2 regni praedicatur B. — 10, 3 Reparant ad A. — 10, 4 Saxa fehlt A; quadrat B.

452. In inventione s. Stephani.

- | | |
|---|---|
| <p>1. Psallat chorus fidelium
Pro Stephani victoria,
Primi ducis pugnantium
In coelesti militia.</p> | <p>3. Qui pollens in prodigiis,
In verbis sapientiae,
In vitae privilegiis
Arcem munit ecclesiae.</p> |
| <p>2. Qui patris, verbi, spiritus
Virtute, luce, flamine
Plenus, locatur coelitus
In levitarum culmine.</p> | <p>4. Dum lucis hostes arguit
De caecitate mentium
Piasque mentes erigit
Ad lucis desiderium.</p> |
5. Patri, nato, paraclito
Decus, honor et gloria,
Protovictoris merito
Vera sint nobis gaudia.

Brev. ms. Voraviense 157 saec. 14.

453. In festo inventionis s. Stephani.

1. Nunc convexa poli orbis et omnis
Plaudant dulcisoni carminis odas,
In sacri Stephani martyris almi
Festo, quo celebre redditur orbi.
2. Qui moles lapidum inter et ictus
Primus de numero compos opimo,
Dux praestans acie robore vocis,
Primatus retinet jura cruore.
3. Hujus Gamaliel pignora sanctus
Condit mausoleo compote voto,
Quod post et celebre reddidit alme
Monstrans signiferi praemia primi.
4. Tu nunc martyrii gemma beati,
Orantes famulos respice clemens,
Cunctis a barathri faucibus atri
Ereptis tribue gaudia vitae.

Antiphon. ms. S. Stephani Frisingen. saec. 12. Clm. Monac. 21585.

454. In inventione s. Stephani.

- | | |
|---|--|
| <p>1. Exsultet coelum laudibus
Ob diei solemniam,
Quo dux datus martyribus
Aeterna intrat gaudia.</p> | <p>3. Dire saxis dum quatitur,
Dei precatur veniam,
Carnis vinclis dum solvitur,
Liber volat ad patriam.</p> |
| <p>2. Cernens coelestem gloriam,
Cernens Jesu praesidium,
Hostilem spernit furiam,
Spernit stridorem dentium.</p> | <p>4. Divo junctus collegio
Coronatusque gloria
Prece nos et praesidio
Christi firmet in gratia.</p> |

5. Trino simul et simplici,
Qui lux est sine macula,
In hierarchia triplici
Laus omnis sit in saecula.

Brev. ms. Voraviense 157 saec. 14.

455. De sancto Suitberto.

- | | |
|--|---|
| 1. Olim apud nos exsulem
Sed nunc fruentem patria
Laudemus alnum praesulem,
Sanctos decent praeconia. | 5. Locum colens mox alterum,
Qui dictus est in litore
Receptor illic pauperum
Toto resedit tempore. |
| 2. Transmissus huc ab Anglia
Propter salutem gentium
Lingua docebat sobria
Viam salutis omnium. | 6. Aditur a fidelibus
Sancti sepulchrum praesulis,
Signis enim frequentibus
Corruscat hic miraculis. |
| 3. Wilfridus almīs moribus
Probatum Christi militem
In Merciorum finibus
Sacrauit hunc antistitem. | 7. Hujus precatu poscimus
Te, Christe, patris unice,
Et qui patrono psallimus,
Vultu sereno respice. |
| 4. Christi reversus tradidit
Fidem Boructuariis
Novamque sedem perdidit
Expulsus a nefariis. | 8. Sit laus patri cum filio
In unitate spiritus,
Cujus remuneratio
Sanctos coronat coelitus. |

Brev. ms. Lüneburgense 99. saec. 14. A. — Brev. ms. Lüneburgense 67.
saec. 15. B. — 5, 1 mox fehlt B. — 7, 3 Ut qui A.

456. De sancta Thecla.

In 1. Vesperis.

- | | |
|---|---|
| 1. Sacrosancte, gloriose
Coelestis exercitus
Princeps, potens, virtuose,
Resides qui coelitus,
Orbis prima virtuose
Ordinas et exitus. | 4. Alnum patrem et athletam
Ecclesiae fortissimum
Paulum audit, tunc in laetam
Mentem carpit proximum
Christum suis cunctis metam,
Judicem mitissimum. |
| 2. Riga nostras tuo rore
Linguas, solve pectora,
Ut promatur sacro more
Virginis victoria,
Sanctae Theclae, quam ex ore
Tuo tulit, gloria. | 5. In hunc sponsum ardet sponsa
Spernens orbis munera,
Laeta virgo in succensa
Ignis pergit onera,
Inter flammās fit illaesa,
Inter saeva vulnera. |
| 3. Haec exuta mulierum
Mores virum induit,
Suum pectus virgo merum
Illibatum obtulit,
Dei timor nec hoc serum
Immolare potuit. | 6. Alexandrum spernit, saevum
Ducem Antiochiae,
Solum sitit sequi Deum
Expers haec malitiae,
Ut sit consors hinc post aevum
Coelestis militiae. |

- | | |
|---|--|
| <p>7. It segura inter feras
 Ista truces propera,
 Semper Christo laudes veras
 Mente canens libera,
 Cadunt phocae, cadit ursus,
 Anguis, leo, vipera.</p> | <p>8. Sic ut dira hostis fera,
 Ignis et incendia
 Evincantur, Deo mera
 Ferat haec precamina,
 Cum hujus nobis vitae sera
 Dissolventur fragmina.</p> |
|---|--|

9. Sit aeterno patri Deo
 Laus, honor et gloria,
 Sit et nato, qui cum eo
 Regnat in memoria,
 Ab utroque procedenti
 Semper et in saecula.

Cod. Oenipontan. 738. saec. 15 et 16.

457. De sancta Thecla.

Ad Matutinum.

1. Regis aeterni fulget aula choris
 Militum claris, radiata pollent
 Agmina densis coronata viris
 Clara triumphis.
2. Agmine nullo nullus latet error,
 Omnium virtus, omnium potestas
 Foris emicat, madefacta patent
 Sanguinis ora.
3. Hinc ferae truces, rabidi tyranni,
 Legis exhaustae, hinc congesta toto
 Orbe clarescunt genera poenarum
 Milites almos.
4. Hos inter Christi milites lucescunt
 Rosida sexus fragilis vexilla,
 Virginum casto utero fluente
 Sanguine tincta.
5. Scandit his celsis clarior trophaeis
 Filia patrem imitata Paulum,
 Thecla, virilem jam induta mentem
 Roboris almi.
6. Tegit hanc pudor, pietas et fides,
 Caritas ardens indefessa Dei,
 Roseum nexa diadema caput
 Virginitatis.
7. His fortis armis nihil expavescens
 Rabidos stravit hostes et tyrannos
 Flammas exstinxit trucida lenivit
 Ora ferarum.

8. Armes his nostras mentes, exoramus,
Tu sacra virgo Thecla, cujus laudes
Canimus laeti, accipe precantum
Vota snblimis.
9. Hoc nobis praestet trinitas beata,
Unitas compar, simplex, indivisa,
Pater ac natus et ab ipsis unus
Spiritus almus.

Cod. Oenipontan. 783. saec. 15.

458. De sancta Thecla.

Ad Laudes.

- | | |
|---|--|
| 1. Laetis exsultet gaudiis
Coelorum aula principum,
Triumphans in victoriis
Aeterni regis militum. | 4. Ex sexu hoc nam fragili
Vicerunt hostes rabidos,
Sternentes altos, humili
Loco terrentes turbidos. |
| 2. In his fides, in his virtus,
Triumphat in his caritas,
In his Dei viget spiritus
Sanctaque integritas. | 5. His Paulo docta fulgidis
Choreis Thecla nectitur,
Quae vincens iram praesidis
Ceronia sacra plectitur. |
| 3. Vincendi miro genere
Adduntur et his virgines,
Quae sacro suo corpore
Se Deo jungunt martyres. | 6. Cujus instantes laudibus
Hoc die sacratissimo
Juvemur ejus precibus
Ab omni vitae taedio. |
| 7. Quod praestes, sancta trinitas,
Aequalis simplex gloria,
In tribus compar Deitas
In saeculorum saecula. | |

Cod. Oenipontan. 783. saec. 15.

459. De sancto Thoma.

- | | |
|--|---|
| 1. Clarum lumen ecclesiae
Et fulgens lampas Indiae,
O Thoma beatissime,
Nos salva, pater optime. | 4. Multis clares virtutibus,
Nos solve a reatibus
Auctoritate inclita
A Christo tibi tradita. |
| 2. Honore apostolico
Decoratus magnifico
In sede duodecima
Coelestis aulae laurea. | 5. Te post multa miracula,
Flagella atque vincula
Tandem occidunt lanceis
Viri crudeles ferreis. |
| 3. Aegrotos sanas homines,
Sermone fugas daemones,
Per te datur felicitas,
Qui et defunctos suscitās. | 6. Quem cum palma victoriae
Mox suscepit rex gloriae
In coeli tabernacula
Ad electorum agmina. |

7. Laus uni Deo et trino,
Peractae vitae termino
Qui nos Thomae precatibus
Conjungat coeli civibus.

Brev. ms. Ilminense anni 1437. Clm. Monacens. 7391.

460. De sancto Thoma Cantuariensi.

- | | |
|--|---|
| 1. Patris nostri memoriam
Des nos, Thomae victoriam,
Sonare multifariam,
Rex gloriose martyrur. | 5. Sidus hoc, quod emicuit,
Thomas fuit, qui latuit,
Sed hoc in morte patuit,
Rector potens, verax Deus. |
| 2. Adsunt namque insignia
Ipsius nunc solemnna,
Quo prece poscat praemia
Beata nobis gaudia. | 6. Cum sonantur funebria,
Pellantur clamat tristia
Et depromantur gaudia
Chorus novae Jerusalem. |
| 3. Cum contra regem Anglicum
Fert Thomas bellum coelicum
Zelumque vincit hostium,
Vexilla regis prodeunt. | 7. Nos propter Thomae meritum
Fer ad triumphum inclitum,
Coeli decusque politum,
Conditor alme siderum |
| 4. Coelum laetus efficitur,
Thomas ense dum plectitur,
Mundi salus promittitur
Jam lucis orto sidere. | 8. Nostrum aufer opprobrium,
Transfer nos ad convivium,
Mensae loca sedentium
Ad coenam agni providi. |

9. Gloria tibi Domine
Qui natus es de virgine etc.

Brev. ms. S. Crucis. 320. saec. 14. — 1, 2 Det nobis Hs. — 6, 1 sonant funebria Hs.

461. De sancto Thoma Cantuariensi.

- | | |
|---|---|
| 1. Thomae laetemur annuo
Martyris natalitio,
Qui cum Christo passus est,
Christo nascente natus est. | 3. Cujus virtute nominis
Suique tactu sanguinis
Lepra fugatur criminis
Et datur vita mortuis. |
| 2. Rosa rubet in lilio,
Adest mater filio
Suoque secum gremio
Laudat orans pro praemio. | 4. Preces Thomae [et merita]
Dei favente gratia
Sanent nostra discrimina,
Mentes purgent et corpora. |
| 5. Laus sit divino numini,
Deo et vero homini,
Laus sit patri et filio
Flaminique paraclito. | |

Cod. S. Floriani XI 419. saec. 15.

462. De sancto Thoma Cantuariensi.

- | | |
|--|--|
| 1. Ad festa magni praesulis
Et laureati martyris
Concurrat plebs fidelium,
Tenentis cursus bravium. | 5. Nunc clarent sua merita
Per tam mira miracula,
Quae mundo fiunt jugiter
Licet ineffabiliter. |
| 2. Qui rite per exsilium
Vivendi format studium
Carnem domando crucians,
Ut menti sit obtemperans. | 6. Caccis lumen restituens,
Surdus auditum conferens,
Caudos ad gressum dirigit,
Mutis loquelam porrigit. |
| 3. Contemptor injustitiae,
Vir summae pudicitiae
Amplexus est justitiam.
Quam norat sibi sociam. | 7. Mundat leprosos, luridos
Cunctosque sanat languidos,
In coeli regnans curia,
Nos juvans per suffragia. |
| 4. Pro qua fundendo sanguinem
Eundem bibit calicem,
Quem Christus passus ebit,
Dum nos saluti reddidit. | 8. Te nunc, Thoma, suppliciter
Rogamus omnes pariter,
Ut tuis sanctis precibus
Emundes nos criminibus. |
| 9. Ut tua festa colere
Tibique laudes solvere
Possimus casto corpore
In hoc et omni tempore. | |

Cod. S. Petri Salisburgens. a VI 52. saec. 15 A. — Brev. ms. S. Floriani XI 403 saec. 15 B.

4, 2 Eundo A. — 6, 4 loquelam reddidit A. — Doxologie: Gloria tibi Domine, qui natus es B.

463. De sancto Trudberto.

- | | |
|--|--|
| 1. O vera vitis Domine,
Jesu, qui sacro flamine
Tuos confortas palmites
Nos quoque firma fragiles. | 5. Ex clara stirpe genitus,
Genus virtutum floribus
Ornat, dum flori Domino
Fructum fert florens nimio. |
| 2. Ut sitibundo pectore
Pangamus in hoc tempore
Tuam tuique inclitam
Testis Trudberti gloriam. | 6. Carne solutus hodie,
Indutus stola gloriae,
Hujus pro vitae patria
Coeli jam tenet atria. |
| 3. Iste tuo auxilio
Refulsit in hoc saeculo
Arbor onusta fructibus,
Fulgens cunctis virtutibus. | 7. Voce clamemus cernua:
Trudberte, tuos adjuva,
Dum sumus in exilio,
Commenda Dei filio. |
| 4. Per mundi splendens climata
Martyr clarus victoria,
Mundi sprexit fastigia
Tua sequens vestigia. | 8. Sis benedictus in Sion,
Cui nomen exstat Elion,
Deus, deorum Domine,
Unus sub trino nomine. |

Cod. S. Petri Salisburgens. a VI 52. saec. 15.

464. De sancto Trudberto.

- | | |
|---|--|
| <p>1. O summe, solus, unicus,
Qui sempiterni luminis
Clara serenus gratia
Tuos adornas coelitus.</p> | <p>3. Ad cujus acceptissima
En excubantes pignora
Dignum tuis praeconiis
Laeti canorem solvimus.</p> |
| <p>2. Intende nostris laudibus
Tui favore numinis,
Almi triumphum martyris
Trudberti concinentibus.</p> | <p>4. Per ejus obtentum sacris
Illuminari sensibus,
Tuo precantes munere,
Splendor paternae gloriae.</p> |
5. Aeterna patri gloria
Et filio cum pneumate
Mundum regenti perpetim
Resultet omni tempore.

Cod. S. Petri Salisburgens. a VI 52. saec. 15.

465. De sancto Trudberto.

- | | |
|--|---|
| <p>1. Lucerna veri luminis
Fulgore clara sanguinis,
Quae tota flagras coelitus
Ardore sancti spiritus.</p> | <p>2. Infunde nostris mentibus
Tuis pie precatibus
Lucem supernae gratiae,
Trudberte, martyr inclite.</p> |
|--|---|
3. Hoc trinitatis unicae
Lux sempiterna perfice.
Creans, fovens, illuminans,
Fert quidquid universitas.

Cod. S. Petri Salisburgens. a VI 52. saec. 15.

466. De sancto Trudberto.

1. Gaudio plenis animi medullis
Et resultanti celebremus ore
Clara beati Trudberti martyris
Festa benigni.
2. Qui Deo fretus duce de supremo
Venit occasu patria relictā,
Consequi sperans peregre vagando
Moenia coeli.
3. Qui triumphanti rutilus cruore
Scandit insignes hodie senator
Inter invictos proceres opima
Laude receptus.
4. Cum quibus celsa residens curuli
Fascibus pollet nitide supernis
Compos effectus radiantis aulae
Jure perenni.

5. Nunc tuum nobis, pretiose martyr,
Supplici voto petimus, favorem
Coelitus missum pietate larga
Semper adesse.
6. Quo tibi dignas Domino regente
Perpetim grates ferat hoc ovile
Sub tua gaudens ope sempiterno
Munere pacis.
7. Praestet hoc summae genitor sophiae,
Praestet aeterni soboles parentis,
Praestet amborum sociale pneuma
Numine terno.

Cod. S. Petri Salisburgens. a VI 52. saec. 15.

467. De sancto Trudberto.

- | | |
|---|---|
| 1. Ecclesiarum speculum,
Trudberte, praesens saeculum
Spernis, dum rerum copiam
Fugis sequens inopiam. | 4. Martyr, pro nobis supplica,
Sint nobis tua merita
Scutum inexpugnabile,
Salus carnis et animae. |
| 2. Hic carne fers penuriam,
Intrans coelestem curiam,
Abundas hinc divitiis
Et affluis deliciis. | 5. Ut tibi laude debita
Solvamus hic obsequia,
Assiste nobis precibus,
Precamur pronis fletibus. |
| 3. Fers crucem cum tripudio,
Lucrum reportas Domino,
Dispensas servis triticum
Sequendo corde Dominum. | 6. Sit trinitati gloria,
Sit laus, honor, victoria,
Decus et jubilatio,
Sit gratiarum actio. |

Cod. S. Petri Salisburgens. a VI 52. saec. 15.

468. De sancto Udalrico.

- | | |
|---|---|
| 1. Udalrici gloriosi
Pangat natalitia
Praesulisque pretiosi
Plebs, et sinat vitia
Tanti nati generosi
Nutrix major Rhaetia. | 3. O Augusta, sedes digna,
Praesularis civitas,
Tantam dotem Dei signa,
Qua te sua pietas
Exornavit tam benigna,
Summa coeli claritas. |
| 2. Tali clerus gaudens duce
Concinat suavia,
Tanta clara videns luce
Gens relinquat avia,
Hac dulcescens digna nuce
Tota plaudat Suevia. | 4. Udalrice, bone pastor,
Normula clementiae,
Fidei divinae doctor,
Verae sapientiae,
Et coelestis agri cultor,
Rosa patientia. |

- | | |
|--|---|
| <p>5. Christi dulcis o athleta,
Te devote poscimus,
Ne nos mortis tangat meta,
Dele, quod deliquimus,
Turbinis exhauri freta,
Quae nunc navigavimus.</p> <p>6. Offer nobis bonitatem,
Disciplinam Domini,
Vitam mundam, sanctitatem,
Summo junte numini,
Tuo per felicitatem
Supplicamus nomini.</p> | <p>7. Ut post vitam temporalem,
Brevem et instabilem,
Habeamus consodalem
Te patrem amabilem,
Apud Deum commensalem
Coeli venerabilem.</p> <p>8. Deus, nobis hoc dignare
Ob amorem praesulis
Udalrici, pater, dare,
Fili Dei, parvulis,
Pneuma sacrum, nos beare
Sacris velis formulis.</p> |
|--|---|

Cod. ms. Scotorum Vindobonens. 53 c 7 anni 1346. mit Mel. — 1, 4
Plebs in sinat Hs.

469. De sancta Ursula.

Ad Laudes.

- | | |
|--|--|
| <p>1. Scilicet dignum beatis
Civibus spectaculum,
Obviam dum surgit illis
Albicans exercitus,
Et novis fulgens trophaeis
Coetus adstitit Deo.</p> <p>2. Gaudet aether et phalanges
Dant sacrae pium melos,
Martyres suas sodales
Virginesque, dum suas
Filiis rex et sorores
Virgo mater suscipit.</p> <p>3. Angeli canunt beatis
Tot repletis sedibus,
Hostis at frendet petentes
Dum sibi notas domus
Et suas sponsi coronas
Cernit a sponso dari.</p> | <p>4. Vos at, o beata turma,
Seu placet vos sidera,
Sive reginas micantes,
Seu columbas, turtures,
Sive sponsi margaritas,
Sive dici lilia.</p> <p>5. Festa dum vestris triumphis,
Dum sacros damus dies,
Sentiat grex iste, vestro
Vota quae sponso facit,
Esse grata facta per vos
Impetrato munere.</p> <p>6. Vota nostra, quae videtis
In beato lumine,
Dulce si conferte moestis
Chrisma pinguis gratiae,
Luce functis ut diescat
Lux perennis gloriae.</p> |
|--|--|
7. Hoc per has da, factor orbis
Tuque proles virginis
Spiritusque septiformis
Ex utroque par Deus,
Cui decus, laus atque virtus
Post et ante saecula.

Antiph. ms. Plagense s. sign. saec. 16. — Mel.: Urbs beata.

470. De sancta Ursula.

Ad Nocturnum.

- | | |
|--|--|
| <p>1. Recreator et purgator
Purga mentem concinentem
Virginum praeconia,
Auster, veni flatu leni,
Cordis venae fluant plenae
Per sancta suspiria.</p> | <p>4. Colonia sancta, dia
Haec pignora sanctiora
Colligit et suscipit,
Veneratur, gratulatur,
Quod ditatur et donatur
His, quas coelum recipit.</p> |
| <p>2. Britanorum antiquorum
Haec Ursula ex insula
Terminos egreditur,
Cum qua tanta cohors sancta,
Ut collecta sic electa,
Ad palmam dirigitur.</p> | <p>5. Jesu bone, audi pronae
Voces mentis te canentis
Cum sanctis martyribus,
Purga, munda et fecunda,
Ut confortes et consortes
Facias coelestibus.</p> |
| <p>3. Hinc per Rhenum velis plenum
Aggrippinam per divinam
Voluntatem adeunt,
Spernunt mortem, vincunt
fortem,
Spernunt mundum, vas im-
mundum,
Ut regnent, intereunt.</p> | <p>6. Te laudamus, praedicamus
Cum dilectis et electis,
Benedicta trinitas,
Serva, rege tua lege,
Quos creasti et salvasti,
Gloriosa unitas.</p> |

Brev. ms. Secoviense saec. 15. Cod. Graecens. 1548. A. — Brev. ms. Minoraugiense saec. 14. Cod. Montis S. Georgii 247. B. — Hymn. ms. Sanblasian. anni 1504. Cod. S. Pauli ad Laventum Sanbl. cart. 12. C. — Hymn. ms. Hermetisvillan. anni 1553. Cod. Griesens. 23. D. — Brev. ms. Capit. Cracoviens. 20. saec. 15. E. — 1, 1 Te craetor E. — 1, 2 Purga fehlt A. — 2, 5 sit electa D. — 3, 1 Huic A. — 5, 4 et fecunda fehlt E. — 5, 5 Ut confortes fehlt E.

471. De sancta Ursula et sociis.

Ad Laudes.

- | | |
|---|---|
| <p>1. Jesu Christe,
Patris unigenite,
Natus ipse virginis,
Amator castitatis.</p> | <p>4. Quae splendida
Castitatis lilia,
Ut sic magis luceant,
Fuso sanguine purpurant.</p> |
| <p>2. Te inspirante
Mentes tibi devotae
Annos, sexum superant,
Viriliter decertant.</p> | <p>5. Inter quas sancta
Cum sociis Ursula
Ut rosa in Jericho
Floret coram Domino.</p> |
| <p>3. Inter stupenda
Quae facis miracula.
Magnum dat spectaculum
Triumphus feminarum.</p> | <p>6. Haec limina
Petens apostolica
Conducit a patria
Undena secum milia.</p> |

- | | |
|---|---|
| <p>7. Illic instructae
 Sanctae sedis a praesule
 Agrippinam redeunt,
 Ibi martyrizatae sunt.</p> | <p>8. Ergo lauda
 Deum, sancta Colonia,
 Qui te tam sublimibus
 Ditavit pignoribus.</p> |
| <p>9. Laus, gloria,
 Honor et victoria
 Patri sit et filio
 Spirituque sancto.</p> | |

Brev. ms. Altovadense LII saec. 14. A. — Brev. ms. Cisterciense saec. 14. Cod. Pragense. VI G 2. B. — Diurn. ms. Cisterciense anni 1357. Cod. Graecens. 1463. C. — Brev. ms. Capit. Dusseldorpien. saec. 15. Cod. Dusseldorpien. C 64. D.

1, 3 ipse fehlt A. — 2, 2 devotos B. — 4, 1 candida C. — 7, 2 Sacrae sedis BC. — 7, 4 Ibique AD. — Das auffallende Versmafs des syllabierenden Hymnus ist, abgesehen von Unregelmäßigkeiten (4, 4; 6, 4; 7, 4):

[] — — — — —
 — — — — —
 — — — — —
 — — — — —

472. De sancta Ursula.

- | | |
|--|---|
| <p>1. Jerusalem et Sion filiae
 Procul pulsa causa moestitiae
 Jam nunc promant signa laetitiae
 Virginali plaudentes gloriae.</p> | <p>6. Fervet in his amor martyrii
 Inter lucem aeterni radii,
 Nam superni regem palatii
 Contemplari est summa gaudii.</p> |
| <p>2. Martyrii decór purpureus
 Castitatis praefulget lilio,
 Puellarum nobilis cuneus
 Decoratus sacro martyrio.</p> | <p>7. Illuc tendit harum intentio,
 Nam sororum pio srffragio
 Implorato affectu nimio
 Prosteruntur Hunnorum gladio.</p> |
| <p>3. Quid nunc agis, impie zabule,
 Qui circuis devorans sedule,
 En fraus tua aequatur nebulae,
 Dum vinceris per manum Ursulae.</p> | <p>8. Perfunduntur cruore roseo
 Percalcato tumore fumeo,
 Hinc ascenso coelo sidereo
 Praesentant sesponso cum oleo.</p> |
| <p>4. Britannici haec regis filia
 Mundum spernit et mundi gaudia
 Jungit sibi divina gratia
 Convirgines undecim milia.</p> | <p>9. O virginum saccr exercitus,
 Per hoc donum concessum
 coelitus
 Mala nostra fugare penitus,
 Ut praemia dentur divinitus.</p> |
| <p>5. Nobilitant harum collegia
 Teusca virgo atque Tamaria,
 Nostra quibus favent obsequia
 Corde, voce, mente quoque pia.</p> | <p>10. Deo patri ejusque filio
 Cum spiritu, qui est et unctio,
 Luce cujus fulget haec concio,
 Semper sit laus et jubilatio.</p> |

Hymn. ms. Claustro-neoburgens. 968 saec. 14. A. — Brev. Damasini. saec. Clm. Monacens. 5677. B. — Brev. ms. Frisingense saec. 15. Clm. Monacens. 19283 C. — Cod. Palat. Vindob. (ol. Campens.) 883 saec. 14/15 D. — 2, 2 fulget A. — 5, 2 Theuscha D. — 8, 2 funeo D. — 8, 4 Se praesentant A.

473. De sancta Ursula.

In 1. Vesperas.

- | | |
|---|--|
| 1. Gaude, felix Colonia,
Devote laudans Dominum,
Qui per undena milia
Te sublimavit virginum. | 3. In Basilea navibus
Relictis Romam adeunt,
Fusis ad sanctos precibus
Coloniam post redeunt. |
| 2. Quas Ursula de finibus
Anglorum et Britanniae
Tuis adduxit moenibus,
Ut forent salus patriae. | 4. Ubi telis et gladiis
Sub rabie barbarica
Multisque poenis aliis
Regna mercantur coelica. |
| 5. Trinitati sit gloria
Pro sacratis virginibus,
Quae nos ad coeli gaudia
Suis perducant precibus. | |

Brev. ms. Praedicatt. saec. 15. Clm. Monacens. 23163 A. — Brev. FF
Praedicatt. imp. Venetiis 1514. B.

474. De sancta Ursula.

In 1. Vesperis.

- | | |
|---|--|
| 1. Exsultet coetus milium
Sanctarum fulgens virginum,
Suis corona nobilis
Nobiscum adsit servulis. | 4. Iste confessor omnium
Candor sanctarum virginum
Propitietur populis
Undeni chori famulis. |
| 2. Deus, tuarum martyrum
Septus coronis milium,
Undenae turbae virginis
Nos adjuva suffragiis. | 5. Virginis proles Domino
Et Ursulae egregio
Reportet almas virginum
Undecim grates milium. |
| 3. Rex gloriose virginum,
Theos almarum milium,
Earum per suffragia
Dimitte nostra crimina. | 6. Praesta, pater, per virgines
Et, fili, per undecies
Almum flamen per millies
Gloriemur ut septies. |

Cod. S. Petri Salisburgens. a IV 42. saec. ¹⁵/₁₆ A. — Brev. Roman.
imp. Venetiis 1521. B. — 5, 1 Virgines proles AB.

475. De sancta Ursula.

- | | |
|--|---|
| 1. Ave martyr egregia,
Princeps principum [Ursula]
Ave Pinnosa splendida,
Cohortis ductrix inclita. | 3. O insigne collegium,
O concors virtus omnium,
Eadem cunctis proelia,
Una cunctis victoria. |
| 2. Salve testis dulcissima
Victoris boni, Cordula,
Comes et sacra legio,
Jugi colenda gaudio. | 4. Oramus, vestris precibus
Culpis mundemur omnibus,
Piis jungamur coetibus
Agni haerendo gressibus. |

5. Praesta, solus ingenite,
Praesta, tu unigenite,
Praesta nobis, paraclite,
Qui regnas omni tempore.

Orat. ms. Ambergense anni 1476. Chn. Monacens. 2990. — Obschon nur aus einem Gebetbuche geschöpft, dennoch ein zweifellos liturgischer Hymnus. — Vgl. den Hymnus gleichen Anfangs auf Mauritius.

476. De sancto Venantio.

Ad Nocturnum.

- | | |
|---|--|
| 1. Venantius almificus
Totus est Deo devotus,
Mundum relinquens penitus
Simul cum rebus omnibus. | 3. Morans in cavernicula,
Indutus veste candida,
Sequens Christi vestigia,
Qui parat grata praemia. |
| 2. Parentibus stabilia,
Pauperibus mobilia,
Pro Christo dedit omnia,
Quae erant transitoria. | 4. Confortabat Porphyrium
Praebentem magisterium,
Ne timeas supplicium
Pro Christo tibi traditum. |
| 5. Recipies in gloria
Parata tibi praemia,
Quibus exsultant agmina
Sanctorum ac angelica. | |

Brev. ms. bibl. Rossianae s. sign. saec. 14.

477. De sancto Venantio.

Ad Vesperas.

- | | |
|---|---|
| 1. Venanti, martyr inclite,
Te deprecantes suscipe,
Ut possint mente quaerere
Salutem veram integre. | 4. Martyr Venanti, protinus
Nobis succurre citius,
Qui tibi laudes reddimus
Diebus atque noctibus. |
| 2. Puer quindenis, flagita,
Regis ut detur venia,
Captivos semper adjuva
Solvendo dictis vincula. | 5. Christo superno supplica,
Nobis ut detur gratia,
Qui sumus in ecclesia
Solventes tibi debita. |
| 3. Venanti, custos omnium
Tuorum esto civium,
Et maxime fidelium,
Qui credunt Dei filium. | 6. Gloria patri Domino,
Qui dedit non immerito
Venantio carissimo
Regnare cum paraclito. |

Brev. ms. bibl. Rossianae s. sign. saec. 14.

478. De sancto Venantio.

Ad Laudes.

- | | |
|---|---|
| 1. Venantius sanctissimus,
Dei cultor magnificus,
Christum sequens in omnibus,
Ut facit verus famulus. | 2. Athleta Dei crucifer,
Esto noster vexillifer,
Defende nos in proelio,
Dum sumus in exsilio. |
|---|---|

- | | |
|--|---|
| <p>3. Post mortem da consilium
Simulque patrocinium,
Ora pro nobis filium,
Cum judicabit saeculum.</p> | <p>4. Pugnasti cum Antiocho
Pro Camerini populo,
Eripiens a tartaro,
Qui serviebat idolo.</p> |
|--|---|

5. Nos a sinistris liberet
Dextrisque esse imperet,
Qui regnat super omnia,
Collocet nos in gloria.

Brev. ms. bibl. Rossianae s. sign. saec. 14.

479. De sancto Verone.

- | | |
|---|---|
| <p>1. Deus, corona coelitum,
Chori quem laudant omnium,
Fave pius hymnidicis
Catervae nostrae modulis.</p> <p>2. In altis tu mirabilis
Tuos ornans miraculis,
Patrem Veronem pluribus
Honoras qui virtutibus.</p> | <p>3. Ad cujus sacrum morbidi
Adducti tumbam plurimi
Fugatis carnis pestibus
Sanis recedunt gressibus.</p> <p>4. Febres relinquunt corpora,
Caecis redduntur lumina,
Sanantur paralitici,
Purgantur daemoniaci.</p> |
|---|---|

5. Redemptor, hujus precibus
Tuos conserva, quaesumus,
Patrisque tanti meritis
Poli fruamur gaudiis.

Brev. ms. Mlle. de Memorency anni 1597. Hsch. 7966 der k. k. Familien-Fideikommis-Bibliothek in Wien.

480. De sancto Victorino.

- | | |
|---|--|
| <p>1. Vulnus per te, Victorine,
Funde cum precamine,
Tuae preces medicinae
Ungant consolamine,
Nos vestire et dignare
Cum virtutum stamine.</p> <p>2. Exta mentis et succende
Flammis et igniculo
Caritatis et defende
Labis a periculo,
Hostis ne adsultus laedat
Nos letali spiculo.</p> <p>3. Nocte qui te impulsavit
Voce lacrimabili
Ut femella et fraudavit
Fraude inaestimabili,
Quod tu martyr restaurasti
Cum peccatu stabili.</p> | <p>4. Corpus poenis afflixisti
Noxae ob remedia,
Manus plantae infixisti
Ut virtutis taedia
Evaporans et intrares
Angelorum praedia.</p> <p>5. Ejulatu post reatum
Saxi de latibulo
Evolasti linquens statum
Mortis cum prostibulo,
Sertis ut te laurearet
Coeli rex et fibulo.</p> <p>6. Sic nos juves evitare
Antra immunditiae,
Fac et corpus instigare
Actus et justitiae,
Ut cantemus coram throno
Dramata laetitiae.</p> |
|---|--|

- | | |
|--|---|
| <p>7. Fractor legis Caesar Verna
Tradens in exsilium
Beatorum cum caterva
Te, sed rex humilium,
Mox ad hunc ut suspirasti,
Dirigens auxilium.</p> <p>8. Ab Aureliano sursum
Es suspensus pedibus,
Ita complexisti cursum
Carnis nunc in aedibus
Coeli regnans, pugil Christi,
Et sanctorum sedibus.</p> <p>Brev. ms. Plagense s. sign. saec. 15.</p> | <p>9. Vox humana non retexit,
Quibus te ardoribus,
Christe, martyr hic dilexit,
Demptus a languoribus
Cunctis tecum qui respirat
In polorum floribus.</p> <p>10. Sit laus in personis trino,
Uni in essentia,
Deo vero, qui divina
Procreavit entia,
Haec ut essent ruitura
Aevaque manentia.</p> |
|--|---|

481. De sancto Vincentio.

- | | |
|--|---|
| <p>1. Christi miles pretiosus,
Levita Vincentius
Ad tribunal sponte, rogum
Conscendit intrepidus.</p> <p>2. Cujus salis crepitantis
Per corpus minutiae
Sparsim ibant atque prunae
Vernabantur sanguine.</p> | <p>3. Inter haec manet immotus
Ille Dei famulus,
Orans Christum in sublime
Erectis luminibus.</p> <p>4. Gloria et honor Deo
Usquequo altissimo,
Cui laus est et potestas
Per aeterna saecula.</p> |
|--|---|

Brev. ms. Damasium saec. 15. Clm. Monacens. 5695. A. — Brev. ms. ord. hospit. S. Joh. de Hierusalem saec. 15. Clm. Monacens. 10111. B. — Brev. sec. consuet. dom. hospit. Hierosolymitani S. Joh. imp. Spirae 1495. C. 2, 3 ibat C. — 2, 4 Vernebantur C.

482. De sancto Virgilio.

- | | |
|--|---|
| <p>1. Hujus diei gloria
Exsultet coelum laudibus,
Ex cordibus praeconia,
Vota sonent ex vocibus</p> <p>2. Sol ab occasu rediens
Vergente mundi vespere,
Fit novus dies prodiens
Jam lucis orto sidere.</p> <p>3. Virgilius Hibernia
Natus, de mundi finibus
Illuxit, nova gaudia
Dans orientis partibus.</p> <p>4. Hora prima incipiens
Et in diem proficiens
In carne carnem nesciens
Et mundus mundum transiens.</p> | <p>5. De bono semper melior,
Spe grandis, fide firmior,
Caritate perfectior,
Fit morte pretiosior.</p> <p>6. Coelum adauxit gaudiis,
Mundum replet suffragiis,
Perfectos ditat gratiis,
Parvos fovet auxiliis.</p> <p>7. Ex meritorum copia
Gratis redundat gratia,
In laude stat et gloria
Virgilio memoria.</p> <p>8. Sit laus patri cum filio,
Sit gratiarum actio
Spiritus paraclito
Semper ut a principio.</p> |
|--|---|

Brev. ms. Admontense 6 saec. 15. A. — Cod. Palat. Vindob. 547 saec. 15. B. — 2, 1—3 fehlen A. — 4, 1 primum B. — 7, 1 Pro meritorum B.

483. De sancto Vito.

1. Ut queant alium resonare psalmum
Mites et mundi famuli jucundi,
Solve scelestes laqueorum pestes,
Vite beate.
2. Nuntius celso veniens Olympo
Te confortavit, fide confirmavit,
Sed pater fremit, Christianum gemit
Te fore factum.
3. At tu promissi certus jam superni,
Pro quibus oras, veniam imploras,
Casta tuorum in coelos servorum
Dirige vota.
4. Antra deserti carceris perpessus,
Inter leones quievisti fessus,
Te non exurit clibanus, dum furit
Praesidis ira.
5. Caeteri tantum sunt athletae torti
Per exterorum manus dati morti,
Pater vesanus diras infert manus
Te cruciando.
6. O quantum felix meriti praecelsi
Pugil et puer, martyr atque virgo,
Pusio regem superat et legem
Praedicat orbi.
7. Laudibus cives celebrant superni
Te, Deus simplex pariterque trine,
Supplices et nos veniam precamur,
Parce redemptis.
8. Laus Deo patri parilique proli,
Laus et amborum tibi, pnuma sacrum,
Nunc et in toto maneat futuro
Tempore saeculi.

Clm. Monacens. (ol. Tegurin.) 19824 saec. 15. A. — Orat. ms. Tegurin.
saec. 15. Clm. Monacens. 20001. B. — 3, 1 Ut tu A.

484. De sancto Vito.

Emicat alma dies Viti sub honore beati,
Qua superat mundum, emicat alma dies.
Scandit ad alta poli Christoque conjungitur atque,
Ut bravium capiat, scandit ad alta poli.
Corpore parvus erat, sed sese superat ipse,
Corde pius, quamvis corpore parvus erat.
Nam thanatum calcat convincens aequae tyrannum,
Victor ovat palma, nam thanatum calcat.

Hunc prece pulsemus, Christum cernamus ut omnes
 Ipsius obtentu, hunc prece pulsemus.
 Doxa patri semper Domino patrique Messiae
 Pneumate cum sancto doxa patri semper,

Brev. ms. Pragense XII F 16. saec. 15. A. — Hymnarius bonus Joan-
 de Domassin. anni 1429. Cod. Pragens. XVII F 20. B. — Brev. ms. Capit.
 Olomucens. 155 saec. 15. C.

485. De sancto Vito.

Ad Nocturnum.

- | | |
|---|--|
| 1. Ad honorem coronantis
Et coronam gratis dantis
Jubilantes exsulemus,
Exsultando jubilemus
Suo sancto martyri. | 4. Puer tyro tyrannorum
Minas calcat superbiorum,
Ad culturam idolorum
Non rugitus hunc leonum
Nec catasta terruit. |
| 2. Hac in die qua beatum
Testem Vitum laureatum
Sublevando coronavit,
Coronatum sublimavit
Sede regni superi. | 5. O beate martyr Christi,
Cujus crucem tu tulisti,
Qui plorando tunc sevisti,
Quos laetando messuisti
Fructus vite perpetis. |
| 3. Hic aetate praematura
Dono magis quam natura
Vix septennis blandimenta
Mundi ridens et tormenta
Canos sensus induit. | 6. Nos indignos tu, qui dignus,
Nos infirmos tu, qui firmus,
Ad sanctorum angelorum
Tecum porta et conforta.
Tuis sanctis meritis. |
7. Praesta, pater sempiternae,
 Tuque, fili coaeterne,
 Ac amborum sacrum flamen,
 Nobis confer tu solamen,
 O beata trinitas.

Hymnar. ms. Claustro-neoburgens. 968. saec. 14/15 A. — Brev. ms. Seco-
 viense saec. 15. Cod. Graecens. 1548. B.

1, 4 Exaltando A. — 3, 5 Canes B. — 4, 2 supernorum AB. — Str. 6
 fehlt B.

486. De sancta Walburga.

1. Ave flos virginum, soror magnorum
 Fratrum Willibaldi et Wunibaldi,
 Ave virginei sponsa decoris.
2. Inter innumeros, quos misit sanctos,
 Te lectam genuit lectamque misit
 Florem angelicum Anglia mater.
3. Te mater Domini, mater et virgo,
 Choreis virginum virginem junxit
 Filioque suo sponsum dicavit.



4. Ingressa thalamum regis coelorum
Audis angelicum carmen jucundum:
Intra, virgo, tui gaudium sponsi.
5. Laus tibi, trinitas, laus et potestas,
Te laudant virgines quinque prudentes,
Te oret pro nobis virgo Walburgis.

Brev. ms. S. Georgii saec. 14 (init.) Cod. Pragens. VI F 12. A. — Brev. ms. S. Georgii saec. 14 (init.) Cod. Pragens. VII G 7. B. — Brev. ms. S. Georgii saec. 14. Cod. Pragens. XII G 11. C.

2, 2 Te lactam genuit lactamque misit B; Electam genuit lectamque A. — 5. 3 Walburga B.

487. De sancta Waldegrade.

Ad Vesperas.

- | | |
|--|---|
| 1. Spes in periculis,
Salus, honor tuis,
Sancta Waldegrade,
Precamur subveni. | 3. Ab ore belluae
Marinae libera
Portumque naufragis
Salutis impetra. |
| 2. Jactamur in mari,
Procellis tundimur,
Pirata circuit,
Necare nititur. | 4. Hoc praestet unico
Pater cum filio,
Praestet paraclitus
Creator spiritus. |

Brev. ms. S. Waldegrade Montibus Hammoniae anni 1597. Hsch. 7966 der k. k. Familien-Fideikomiss-Bibliothek in Wien.

488. De sancta Waldegrade.

Ad Laudes.

- | | |
|--|---|
| 1. Pange lingua gloriosae
Salutis praecursoria,
Waldegrade pretiosae
Recolens solemniter,
Quam virtutum radiosa
Perlustrant insignia. | 4. Militanti spe coronae
Constantiter in stadio
Patet hostis, quem sermone
Fugatur et opprobrio,
Angelica visione
Fulta sui pretio. |
| 2. Ortu vernans ex praecursoris
Oritur natalibus,
Vitae fastum saecularis
Respuens cum opibus,
Disciplinae regularis
Intendit operibus. | 5. Sicut fornax Babylonis
Pueros clarificat,
Claritate sic agonis
Christus hanc mirificat,
Sanitatum dum in donis
Languentes laetificat. |
| 3. Sacro tandem ab Auberto
Suscepto velamine,
Ut praecursor in deserto
Montis in cacumine,
More vivit inexperto
Divo fervens flamine. | 6. Cujus in hac spem habentes
Protegit memoria,
Morbos pellit, sanat mentes,
Effugatur daemonia,
Sacri ignis in ardentis
Reprimens incendia. |

- | | |
|--|--|
| <p>5. Te, Christe, rex piissime,
Jugis hic pulsans precibus
Hostes expugnat animae
Fraudis elisis actibus.</p> | <p>7. Plus currit in certamine
Longo confligens proelio,
Quam martyr fuso sanguine
Cum ictu gaudens praemio.</p> |
| <p>6. Virtutum actu et fide
Praesul, ornatu praeditus,
Mentis degustat avide
Haustu saporem spiritus.</p> | <p>8. Proinde te, piissime,
Precamur hujus meritis
Nos a peccatis exue
Vitae deducens semitis.</p> |
9. Gloria tibi, Domine,
Gloria Unigenito
Una cum sancto flamine
Cultu reddatur debito.

Antiph. ms. Hilariense V anni 1636. — Mel.: Jesu corona celsior
(Analecta hymnica II p. 116 No. XXI).

494. De sancto Wilhelmo.

Ad Tertiam.

- | | |
|--|---|
| <p>1. Jesu, cordis jucunditas,
Qui peccatores visitas,
Sancti Wilhelmi precibus
Adesto nobis omnibus.</p> | <p>3. Mox vitam eremiticam
Amplectitur, ut coelicam
Contempletur hierarchiam
Viam tenendo regiam.</p> |
| <p>2. Quem dum privasti lumine
Corporis, sancto flamine
Lucrasti, velut gaudia
Mundi contempsit omnia.</p> | <p>4. Tanti patris vestigia
Spernendo transitoria
Sequamur omnes filii,
Consortes tandem gaudii.</p> |
5. Praesta, pater, per filium
Nobis aeternum gaudium
Una cum sancto flamine
Post hanc vitam in lumine.

Brev. ms. Altovadense LII saec. 14. A. — Brev. Roman. imp. Venetiis
1513 B. — 3, 1 Vox vitam A. — „Canatur in tono: Coeli cives applau-
dite“ B.

495. De sancto Wilhelmo.

Ad Completorium.

- | | |
|---|---|
| <p>1. Coelum gaude, terra plaude,
Wilhelmi sunt solennia,
Plebs exsulta laude multa
Mundana vincens gaudia.</p> | <p>3. Hic docebat, dum vivebat,
Carnem mundumque spernere,
Et ad bona fructus dona
Mentem manusque tollere.</p> |
| <p>2. Gaude frater, gaudet pater
In coelesti collegio,
Ubi Jesus, mentis esus,
Stellato sedet solio.</p> | <p>4. Erat mitis, expers litis,
Prudens, pudicus, humilis,
Mente purus et securus,
In lege Dei docilis.</p> |

5. Hunc sequamur, ut fruamur
Trinitatis consortio,
Quam adorat, quam honorat,
Sanctorum laeta concio.

Brev. ms. Altovadense LII. saec. 14. — 1, 1 Coelum laude Hs. — 3, 3
bona frui dona Hs.

496. De sancto Wilhelmo.

Ad Nocturnos.

- | | |
|---|--|
| 1. Aeternae largitor vitae,
Qui dedisti eremitae
Nostro coeli bravium,
Nostris precibus intende,
Pie pater, et impende
Miseris solatium. | 2. In hoc festo confessoris
Tui, nostri protectoris,
Mentes nostras erige
Cum sobrio intellectu
Ad te nostras in conspectu
Tuo vias dirige. |
|---|--|

Brev. ms. Altovadense LII. saec. 14.

497. De sancto Wolfgango.

1. Florem mirificum Suevia protulit.
Cui tam magnificum gratia contulit
Annis sub teneris munus, ut artubus
Jam vernaret et actibus.
2. Doctor fit pueris primo scholaribus,
Decanus Treviris hinc saecularibus,
Post factus monachus saeculum abjicit
Abbatique se subjicit.
3. Tandem Pannoniis fidem dum praedicat.
Motus praeconiis Caesar hunc advocat
Et, licet renuat, Wolfgangum exsulem
Dat Ratisponae praesulem.
4. Ecclesiasticum decus hic integrat,
Claustris monasticum ordinem reparat,
Ad quod Erhardus hunc armat oraculo
Reliquiae miraculo.
5. Dum sanctus subditos dogmate refovet,
Terrores subitos Sathanas commovet,
Quo victo murmurans languidus decedit,
Quem praesul sanum reddidit.
6. Piis hic studuit semper operibus,
In fame tribuit victum pauperibus,
In furto miserum detentum protegit
Ipsamque veste contegit.
7. Errorem superat hic in haeretico
Et ore reserat multa prophetico.
Dans absens equum mox obstat periculis,
Punit et sanat oculis.

- | | |
|--|---|
| <p>5. Te, Christe, rex piissime,
Jugis hic pulsans precibus
Hostes expugnat animae
Fraudis elisis actibus.</p> <p>6. Virtutum actu et fide
Praesul, ornatu praeditus,
Mentis degustat avide
Haustu saporem spiritus.</p> | <p>7. Plus currit in certamine
Longo confligens proelio,
Quam martyr fuso sanguine
Cum ictu gaudens praemio.</p> <p>8. Proinde te, piissime,
Precamur hujus meritis
Nos a peccatis exue
Vitae deducens semitis.</p> |
|--|---|
9. Gloria tibi, Domine,
Gloria Unigenito
Una cum sancto flamine
Cultu reddatur debito.

Antiph. ms. Hilariense V anni 1636. — Mel.: Jesu corona celsior
(Analecta hymnica II p. 116 No. XXI).

494. De sancto Wilhelmo.

Ad Tertiam.

- | | |
|--|--|
| <p>1. Jesu, cordis jucunditas,
Qui peccatores visitas,
Sancti Wilhelmi precibus
Adesto nobis omnibus.</p> <p>2. Quem dum privasti lumine
Corporis, sancto flamine
Lucrasti, velut gaudia
Mundi contempsit omnia.</p> | <p>3. Mox vitam eremiticam
Amplectitur, ut coelicam
Contempletur hierarchiam
Viam tenendo regiam.</p> <p>4. Tanti patris vestigia
Spernendo transitoria
Sequamur omnes filii,
Consortes tandem gaudii.</p> |
|--|--|
5. Praesta, pater, per filium
Nobis aeternum gaudium
Una cum sancto flamine
Post hanc vitam in lumine.

Brev. ms. Altovadense LII saec. 14. A. — Brev. Roman. imp. Venetiis
1513 B. — 3, 1 Vox vitam A. — „Canatur in tono: Coeli cives applau-
dite“ B.

495. De sancto Wilhelmo.

Ad Completorium.

- | | |
|--|---|
| <p>1. Coelum gaude, terra plaude,
Wilhelmi sunt solemnna,
Plebs exsulta laude multa
Mundana vincens gaudia.</p> <p>2. Gaude frater, gaudet pater
In coelesti collegio,
Ubi Jesus, mentis esus,
Stellato sedet solio.</p> | <p>3. Hic docebat, dum vivebat,
Carnem mundumque spernere,
Et ad bona fructus dona
Mentem manusque tollere.</p> <p>4. Erat mitis, expers litis,
Prudens, pudicus, humilis,
Mente purus et securus,
In lege Dei docilis.</p> |
|--|---|

5. Hunc sequamur, ut fruamur
Trinitatis consortio,
Quam adorat, quam honorat,
Sanctorum laeta concio.

Brev. ms. Altovadense LII. saec. 14. — 1, 1 Coelum laude Hs. — 3, 3
bona frui dona Hs.

496. De sancto Wilhelmo.

Ad Nocturnos.

- | | |
|--|--|
| 1. Aeternae largitor vitae,
Qui dedisti eremitae
Nostro coeli braviū,
Nostris precibus intende,
Pie pater, et impende
Miseris solatium. | 2. In hoc festo confessoris
Tui, nostri protectoris,
Mentes nostras erige
Cum sobrio intellectu
Ad te nostras in conspectu
Tuo vias dirige. |
|--|--|

Brev. ms. Altovadense LII. saec. 14.

497. De sancto Wolfgango.

1. Florem mirificum Suevia protulit,
Cui tam magnificum gratia contulit
Annis sub teneris munus, ut artubus
Jam vernaret et actibus.
2. Doctor fit pueris primo scholaribus,
Decanus Treviris hinc saecularibus,
Post factus monachus saeculum abjicit
Abbatique se subjicit.
3. Tandem Pannoniis fidem dum praedicat,
Motus praeconiis Caesar hunc advocat
Et, licet renuat, Wolfgangum exsulem
Dat Ratisponae praesulem.
4. Ecclesiasticum decus hic integrat,
Claustris monasticum ordinem reparat,
Ad quod Erhardus hunc armat oraculo
Reliquiae miraculo.
5. Dum sanctus subditos dogmate refovet,
Terrores subitos Sathanas commovet,
Quo victo murmurans languidus decedit,
Quem praesul sanum reddidit.
6. Piis hic studuit semper operibus,
In fame tribuit victum pauperibus,
In furto miserum detentum protegit
Ipsūque veste contegit.
7. Errorem superat hic in haeretico
Et ore reserat multa prophetico,
Dans absens equum mox obstat periculis,
Punit et sanat oculis.

8. Daemones effugans vitat jactantiam,
Tandem praesentiens mortis instantiam
Sumpto viatico humi provolvitur
Oransque carne solvitur.
9. Regi post transitum somnis haec exarat,
Post sex ad obitum ille se praeparat,
Sed sceptro postmodum functus edidicit,
Quam vera sanctus scripserit.
10. Decus ingenito patri ac genito
Cum sancto spiritu sit, qui nos merito
Wolfgangi civibus jungat angelicis
Sedilibus in coelicis.

Brev. ms. Lunaelacense saec. 15. Cod. Palat. Vindob. 1975 A. — Brev. ms. Kimense imp. s. l. 1518 B. — Brev. monast. S. Emmerami imp. 1571 C. Nach Strophe 5 Divisio AB. — 5, 3 rediit A. — 7, 3 Dat absens A. — 9, 2 sex sed mox A. — 10, 4 Sedibus in A.

498. In translatione sancti Wolfgangi.

- | | |
|---|---|
| 1. Aeterne rex altissime,
Preces tuorum suscipe
Honore tui praesulis,
Cujus festa recolimus. | 7. Caesar Otto praeconiis
Tactus digni pontificis,
Doctorem vocat exulem,
Dat Ratisbonae praesulem. |
| 2. Qui natus ex ingenuis
Parentibus Suevigenis,
Mundique hujus levita
Hic sprevit ab infantia. | 8. Peractisque bis undenis
Annis sui regiminis
Coelo commendans spiritum
Terrae dat carnis habitum. |
| 3. Edoctus sacris literis
Doctrinisque mirabilis,
Exhinc direxit animum,
Ut sequeretur Dominum. | 9. Multis signis dum claruit,
Regi summo qui placuit,
Caesar et papa veniunt,
Sanctum de terra erigunt. |
| 4. Reliquit domum paternam
Terrenamque substantiam
Cunctam contemnens saeculi
Juxta praeceptum Domini. | 10. Transfert papa pontificem
Sacerdosque sacerdotem,
Sacrat et pius humilem
Et confessor confessorem. |
| 5. Tandem petens coenobium
Fit monachorum speculum,
Talis vixit sub regula,
Ut ejus probant merita. | 11. Et tu, praesul clarissime,
Wolfgange beatissime,
Confer et opem omnibus
Ad te confugientibus. |
| 6. Dum in sulcis sterilibus
Arat doctor catholicus
Paganorumque perfida
Revocare volens corda, | 12. Ipsi canamus gloriam,
Trinam regenti machinam,
Qui nos Wolf[gangi precibus
Collocet in coelestibus]. |

Brev. ms. S. Emmerami saec. 15. Clm. Monacen. 14600. — 5, 1 patens. — 8, 4 dans.

499. De sancto Zenone.

Ad Vesperas.

1. Summe rex regno dominans supremo,
Rector et celsi sapiens Olympi,
Lege qui vastum stabili per orbem
Cuncta gubernas.
2. Tu Cephae navi pelago natanti
Provides nautas navis alta doctos
Hanc tuo qui, ne pereat procellis,
Flamine ducunt.
3. Munus ad tantum fideique transtra
Atque Zenonem dederis locandum,
Quem parens quondam peperit, sacrasti
Ventris ab umbra.
4. Hostis ut novit puerum nefandus
Indolis sanctae, rapit hunc Veronae
Matre de cara Medioquelani
Vexit in arces.
5. At tuo tutus clipeo beatus,
Ne sacros daemon laniaret artus,
Exteras exsul subiit nutrices
Lacte ducandus.
6. Cumque discernens veniebat aetas,
Litteras morum radians decore
Hausit ac annis iter a tenellis
Flexit ad astra.
7. Patrias tandem remeans in oras
Ad sacrum felix ubi praesulatus
Culmen ascendit populi que factus
Pastor amatus.
8. Grex ut aeternis fruiturus esset
Pascuis, verbum seruit salutis,
Fulgido firmans operum bonorum
Lumine dicta.
9. Te Deum laudant sua mira magnum,
Morte nam victis animas reduxit,
Daemonum turbas domuit tuoque
Numine pellit.
10. Unde per mundi mare navigantes
Nos juva ventis placidis, ut ipsi
Ejus ad portum meritis vehamur
Aetheris altum.

11. Laus honor summo tibi sit parenti
Gloriae splendor genitoque verbo,
Pneumati sancto decus atque virtus
Nunc et in aevum.

Clm. Monacens. 23 147 saec. 12. add. saec. 16 mit Mel.

500. De sancto Zenone.

Ad Nocturnum.

- | | |
|--|--|
| 1. Effulget orbi speculum
Zeno praesul mirificus,
Cujus festa solemnna
Anni nobis fert orbita. | 6. Subvenit Christi gratia,
Quae se credentes munerat,
Ac liberavit hominem
Reddens saluti pristinae. |
| 2. Qui Christi fide fervidus
Ac praesens spernens saeculum,
Flore virtutum praeditus
Coeli possedit praemium. | 7. Post hoc curavit filiam
Imperatoris unicam,
Quam fecerat hospitium
Daemon tunc sibi pessimus. |
| 3. Hic onus carnis bajulans
Plura fecit miracula,
Ut floret lux clarissima,
Caecis fugavit tenebras. | 8. Athesis amnis alveus
Excrecens ultra solitum
Conscendit ad eximium
Ecclesiae fastigium. |
| 4. Nempe piscans in flumine
Vidit plaustro praecipitem
Cum bubus suis rusticum
Ad amnis ima mergere. | 9. Confestim fulgent merita
Viri sancti dignissima,
Nam mansit aqua solida,
Cum sit natura fluida. |
| 5. Quod hostis hoc nequissimus
Patrasset cernens vir pius,
Preces fudit ad Dominum
Ejus poscens auxilium. | 10. Precamur ergo supplices,
Zeno praesul sanctissime,
Ut coeli nobis Dominum
Efficias propitium. |
| 11. Quo post abluta crimina
Fruamur ejus gloria
Habituri felicia
In aeternum solemnna. | |

Brev. ms. S. Zenonis saec. 15. Clm. Monacens. 23 143. — Doxol.: Praesta pater piissime.



Inhalts-Verzeichnis.

	Seite		Seite
Ab aeterno ordinata	50	Atræ noctis obscuritas	85
Ab aeterno ordinata	14	Auctor salutis unice	22
Ad coenam agni providi	28	Audi precantis agminis	232
Ad coenam agni providi	28	Aurora lucis rutilat	187
Adest dies sanctissimus	216	Aurora rubens fugat	181
Adeste turbae virginum	202	Aurora surgit aurea	109
Adest fletus et gaudii	212	Austriæ decus	180
Adest sacrata praesulum	235	Ave beata regina	167
Adesto sancta trinitas	14	Ave decus virgineum	166
Adest triumphus nobilis	192	Ave Dei sponsa	168
Ad festam magni praesulis	245	Ave Dei thronus	37
Ad festum sanctae virginis	167	Ave dulcis angelica	53
Ad honorem coronantis	256	Ave flos virginum	256
Adsunt plausu celebra	100	Ave fulgens et praeclara	201
Adstemus mente vigili	175	Ave gemma claritatis	173
Aeternae largitor vitae	261	Ave gemma splendens	100
Aeternae mortis tenebras	39	Ave Margaretha	201
Aeterne Deus solio	152	Ave maris stella	49
Aeterne rex altissime	216	Ave maris stella	50
Aeterne rex altissime	262	Ave martyr alma	100
Aeterne rex regnantium	128	Ave martyr egregia	251
Agnes virtutum speculum	72	Ave martyr egregie	211
Agni sponsa Hierusalem	64	Ave mater Anna	77
Alma mater generosa	212	Ave novi partus	50
Alma parente genitus	96	Ave pastor bone	123
Alma per ejus merita	236	Ave pater scandens polum	125
Alma virgo Ottilia	218	Ave praesul alme	215
Alma virgo sponsa regis	69	Ave stans sub cruce	56
Amator dulcis hominum	63	Ave vernans rosa	99
Amplitudinem in sancto	161	Ave vitae vitis	83
Anna mater egregia	76	Barbara virgo inclita	98
Anni rediit circulus	19	Beata nobis gaudia	110
Antonio conferamus	88	Beata nobis gaudia	110
Apolloniae virginis	91	Beata nobis gaudia	235
Apostoli solemnna	102	Beatorum ad roseta	97
Artis decor verbi schema	143	Benedicti sollemnitas	109
Ascensor sessorque poli	26	Benedictus sit Dominus	108
A solis ortus cardine	75	Bernhardinum qui divinum	112
A solis ortus cardine	204	Bonis sonis concordiis	96
A somno pigros excita	185	Bonum doctrinae	107

	Seite		Seite
Canat turba fidelium	84	Deus fons omnium	214
Cantemus laudis canticum	29	Deus manens primordium	20
Captus ab infidelibus	226	Deus salus credentium	157
Cedat tristitia	69	Deus tuorum militum	129
Chorus coelestis agminis	132	Deus tuorum militum	106
Chorus hymnizans coelitum	122	Dies salutis agitur	116
Chorus iste tibi Christe	200	Dignas laudes reddant matri	56
Christe lux siderum	163	Digne colit ecclesia	96
Christe qui lux es mentium	128	Dulce melos et melodis	71
Christe qui tuo corpore	31	Dum matutinis laudibus	258
Christe qui ut agniculus	32	Dum medium silentium	188
Christe redemptor omnium	170	Dum medium silentium	188
Christe supreme dominator	34	Ecclesiarum speculum	247
Christe te das saeculo	32	E coelo rex adveniet	15
Christi verum lumen patris	106	Effulget orbi speculum	264
Christi confessor inclite	215	Electus doctor gentium	126
Christi miles pretiosus	254	Emicat alma dies	255
Christo coelorum agmina	211	En gratulemur hodie	90
Christum laudemus carmine	229	En gratulemur spiritu	208
Christum laudemus Dominum	210	En praeclara virgo Clara	120
Christus nobis sit epulum	32	Erasmi de victoria	135
Christus nos suo corpore	30	Eremitarum cunei	259
Clamor plebis attollitur	84	Exsultemus Deo coeli	95
Clangat fortis tuba evangelica	74	Exsultent coeli agmina	27
Clara clarens labe carens	119	Exsultent filiae matris	130
Claret in orbe tua	222	Exsultet claro sidere	66
Clari sacerdos nominis	142	Exsultet coeli concio	42
Clarum lumen ecclesiae	243	Exsultet coelum laudibus	59
Coelesti doctus lumine	154	Exsultet coelum laudibus	89
Coelestis aulae gloria	115	Exsultet coelum laudibus	150
Coelestis roris gratia	160	Exsultet coelum laudibus	207
Coeli militia consonet dulciter	198	Exsultet coelum laudibus	240
Coelum gaude terra plaude	260	Exsultet coetus milium	251
Collaudent omnes populi	30	Exsultet jam angelica	147
Concentu jucundo	160	Exsultet jam angelica	178
Confessor Christi fulgide	215	Exsultet jam angelica	223
Congaudeat ecclesia	146	Factor orbis et omnium	150
Congaudentes condolete	55	Felix Anna stella coeli	80
Congaudentes jubilemus	117	Felix Maria filio	80
Consonent cuncta	126	Felix nostra religio	106
Consurgat laeta concio	151	Felix per omne saeculum	142
Cordis ima cum júbilo	172	Festa celebra colit	124
Coronam Sion filia	23	Festa dilectae Domini	191
Crucis Christi mons Alvernae	140	Festa patris Augustini	94
Cum sol ad cursum properat	85	Festi laudes hodierni	14
Da fabricator noctis	183	Festis praecipuis	123
De Auctore nunc patrono	93	Festiva gaudia	18
Decente comptus laurea	122	Festiva jam solemnita	20
Decus clarum feminarum	119	Festiva nobis gaudia	18
Deo nostro sit jucunda	206	Festivitatis annualis	210
Deus corona coelitum	253	Festum agat ecclesia	66

	Seite		Seite
Festum beati martyrīs	144	Hymnizemus regi Christo	202
Festum nunc celebre	127	Hymnizemus rerum summum	175
Festum nunc celebre	232	Hymnizet nunc plebs credula	204
Festum sancti Aegidii	68	Hymnum canamus gloriae	22
Festus sereni luminis	171	Hymnum canamus gloriae	176
Florem mirificum	261	Hymnum coelestis gloriae	81
Fons universalis boni	218	Hymnum dicamus hodie	21
Fortis athleta martyrū	135	Hymnum novum salvatori	152
Fortitudo certantium	72	Jam Christus dator munerum	121
Fratrum adest solemnitas	227	Jam Christus dator munerum	127
Fulget in templo legifer	67	Jam lucis orto sidere	238
Gaude civitas coelestis	105	Jam nostra floret vinea	44
Gaude felix Colonia	251	Jerusalem et Sion filiae	250
Gaude felix Hungaria	130	Jesu amor unice	113
Gaude fidelis concio	57	Jesu Christi mater	59
Gaude mater ecclesia	77	Jesu Christe patris unigenite	249
Gaude mater ecclesia	138	Jesu cordis jucunditas	260
Gaude mater ecclesia	172	Jesu corona celsior	259
Gaude mater Hungaria	238	Jesu corona virginum	198
Gaude mater in gaudio	38	Jesu flos matris virginis	146
Gaude mater Polonia	237	Jesu lux vera mentium	91
Gaude mater salvatoris	41	Jesu nostra redemptio	233
Gaudens ecclesia conferat	199	Jesu sapor amantium	159
Gaudent coeli nova luce	239	Jesu tuorum palma	219
Gaude sacrata meritis	75	Illustrat ejus sanctitas	226
Gaude sideribus	58	Impetra nobis gaudia	85
Gaude Sion quod cypressus	40	In coelorum rosario	220
Gaude Sion urbs electa	115	In Gabrielis ordine	140
Gaudet chorus angelicus	114	In hierarchia coelica	141
Gaudet Jerusalem	67	In hoc festo Alexii	73
Gaudet mater ecclesia	124	In Ludmillae salvatoris	185
Gaudio plenis animi	246	Innovatur plebs fidelis	112
Gaudium magnum referunt	117	In plausu grati carminis	44
Gemma fulget ecclesiae	147	Johannes grandis aquila	159
Gemma lucet ecclesiae	148	Johanni laudes canimus	159
Gloriosae veneremur	70	Joseph stirpis Davidicae	164
Gloriose Christi martyr	144	Iste confessor Domini	213
Grates reddamus Domino	190	Jucundemur melodia	92
Grates sint regi gloriae	175	Justina beatissima	165
Gratulentur eremitae	95	Justina quae Christi martyr	165
Gratuletur ecclesia	68	Katharina flos Graciae	170
Haec dies acceptabilis	136	Katharina mirabilis	169
Haec dies clara rutilat	200	Laetabundus fidelium	236
Haec sunt sacra solemnia	185	Laetabundus plaudat mundus	120
Hedwigis piis actibus	148	Laeta reduxit tempora	177
Hodierna festivitas	236	Laetare pacis foedere	67
Honos Deo dulces melos	78	Laetetur omne saeculum	198
Hujus diei gloria	254	Laetetur omne saeculum	54
Hymnis laudum praeconiis	17	Laetetur Sion filia	94
Hymnizantes exsultemus	65	Laetis exsultet gaudiis	243
Hymnizemus regi Christo	98	Laetitiam nobis	164

	Seite		Seite
Laeto corde recolamus	234	Novum depromat canticum	73
Laetum carmen decantetur	183	Novum ducem et praeivium	22
Lauda Hierusalem Deum	132	Novum surgant in gaudium	43
Lauda mater ecclesia	81	Nunc convexa poli	240
Lauda Sion gloriosa	21	O beate Joachim	155
Laude digna jubilemus	234	O benedicta femina	41
Laude laudet laxa magnum	153	O Benedicte inclite	111
Laudemus regem Dominum	34	O Casinensis gloria	225
Laudemus votis intimis	149	O Christe fons omnis boni	118
Laudes canamus inclitas	231	O gloriosa domina	51
Laudes canoras concrepet	105	O gloriosa domina	57
Laudes solvat harmonia	197	O gloriosa domina	79
Laudibus dignis resonemus hymnis	102	O Leonharde pastor bone	179
Laudibus dignis resonemus omnes	145	Olim apud nos exulem	241
Laudibus summis decus	162	O Maria dignissima	47
Laudis tantae praeconia	149	O martyr Afra	68
Laus regi plena gaudio	90	O mira dispensatio	138
Laus tibi honor	13	Omnes fideles plaudite	51
Laus trinitati	13	Omnis decora pectore	151
Lex sacra jam egreditur	209	Omnis fidelis gaudeat	24
Lucerna veri luminis	246	Omnis sanctorum concio	81
Ludovicus ut amicus	189	O parens virgo	42
Lux coelorum angelorum	141	O pater alme	134
Lux ecce surgit aurea	48	Optatus votis omnium	217
Lux ex Olympo prodiens	111	O quam digna memoria	190
Lux hortatur nos solemnibus	87	O quam mire Deus tuae	203
Lux sanctorum confessorum	221	Orbis conditor ac rector	217
Lux vera lucis radium	186	Orbis splendor per climata	92
Lux visa per caliginem	182	Ordo sanctorum militum	220
Magister cum discipulis	31	O regina regni Dei	38
Magnae Deus potentiae	131	Orent pro nobis martyres	63
Magnae Deus potentiae	184	O rex aeternae conditor	65
Magnae dies laetitiae	197	O rex benigne Domine	169
Magnae laetitiae lux	205	O sancta mundi domina	48
Magnum Dei consilium	42	O Sena vetus civitas	112
Magnum gaudium gignitur	24	O sponsa Christi fulgida	46
Malachiae solemnia	192	O stella lucida	196
Mare fons ostium	174	O stella maris praevia	45
Maria Dei genitrix	45	O summe solus unicus	246
Maria mater Domini	47	Ovantes Christi martyrum	224
Marthae solventes debitum	206	O vera vitis Domine	245
Martini laudes incliti	207	O verbum fidelissimum	209
Martyr Christi eximie	133	Pangat chorus hymnum	195
Martyris sacri annua	134	Pange cunctorum Domino	155
Martyr Quirine	229	Pange lingua gloriosae	257
Martyr sacer Lambertus	176	Pange lingua gloriosi	23
Monachorum praeducem	104	Pange lingua praeconium	206
Natura creans omnia	65	Pange lingua studiose	70
Nova Annae solemnia	82	Panthaleonis annua	219
Nova procul et vetera	86	Pastor gregis summi regis	83
Novelli sideris	145	Patris nostri Augustini	213

	Seite		Seite
Patris nostri memoriam	244	Sacris solemnibus	52
Pax Christi velut gladius	125	Sacrosancte gloriose	241
Pendens in crucis cornibus	39	Salutis reddunt gaudia	156
Per totius orbis fines	194	Salve felix miles Christi	121
Phoebus astris cum omnibus	166	Salve festa dies	26
Plasmator coeli siderum	51	Salva festa dies	27
Plaudat chorus fidelium	79	Salve festa dies	32
Plaudat chorus fidelium	179	Salve Johannes nomine	157
Plaudat manu plebs fidelis	180	Salve sancta virgo	58
Plaude coelestis civitas	60	Sancta Annae benedicta	79
Plaude mater ecclesia	86	Sanctae Annae solemnia	76
Plaudens mater ecclesia	221	Sancta mater ecclesia	156
Plaude parens Pannonia	133	Sancti baptistae martyris	158
Plaude turba monachorum	224	Scilicet dignum beatis	248
Plaude turba pauperum	139	Semper Deum mirabilem	177
Pollens doxis promicuit	237	Sion exsultent filiae	201
Praecelsae festum Barbarae	97	Sit pro nobis intercessor	259
Praeclari patris Abrahae	78	Sol claro fulget radio	116
Proles praeclara Scotiae	136	Solemnis dies virginis	194
Promat carminibus	63	Sol qui de stella illuxit	82
Prompto et puro animo	137	Solvamus omnes congrua	232
Psallat chorus fidelium	139	Solve servorum facinus	227
Psallat chorus fidelium	240	Spes in periculis	257
Psallat chorus in jubilo	101	Spes peccatorum maxima	214
Psallat chorus tripudium	154	Splendent coeli sedilia	154
Psallat praesens haec concio	88	Sponsae Christi eximia	171
Pulset cochum laus amoena	189	Spretus livet nec livoris	72
Quem terra pontus aethera	79	Stella lucente mundo	17
Quem terra pontus aethera	92	Stirpe Jesse generosa	44
Quem terra pontus aethera	231	Summe rex regno	263
Qui Casinum excolitis	225	Summi regis mater virgo	37
Quod speculum laudabile	74	Surgit de stirpe regia	132
Recreator et purgator	249	Tanti viri solemnio	89
Reduxit anni orbita	162	Te Christe rex piissime	104
Regem coelestis gloriae	118	Te deceat hymnus gloriae	150
Regi perennis gloriae	258	Thomae laetetur annuo	244
Regis aeterni fulget	242	Tibi Christe rex gloriae	178
Regis regum civis ave	174	Treviris dum esset stans	208
Remigius praesul	230	Tua prece nos insigni	99
Repleta gaudio	191	Tu nos virgo pia	168
Res tuae sunt altissime	211	Udalrici gloriosi	247
Resultet vox laetitiae	228	Ut lux aurorae rutilat	189
Resurrexit leo fortis	25	Ut quaeant alium	255
Rex benedite benedicte	103	Ut tibi laudes	193
Rex Christi vita veritas	230	Ut tuae vitae	103
Rex gloriose martyrum	24	Vastum per orbem canitur	224
Roman redit Eustachius	137	Venanti martyr inclite	252
Rutilat Martiae dies	203	Venantius alnificus	252
Sacrae parentes virginis	52	Venantius sanctissimus	252
Sacrae parentes virginis	82	Venerandae virginis	193
Sacris solemnibus	19	Veni veni o filia	49

	Seite		Seite
Verbum aeternum prodiens . . .	184	Vexilla regis prodeunt	23
Verbum prodiens a patre. . . .	30	Vexilla regis prodeunt	29
Verbum supernum prodiens. . .	53	Virga de Jesse	46
Vergente mundi vespere	16	Virtus summa coelestium.	16
Vergente mundi vespere	186	Voce clara personemus.	114
Vergente mundi vespere	187	Vulnus per te Victorine	253

Druckfehler und Nachträge.

S. 14. Der Hymnus Nr. 5 ist aus den 5 Antiphonen der ersten Vesper eines Marienofficiums zusammengesetzt; umgekehrt kommt auch der Fall vor, daß Hymnen in Antiphonen aufgelöst werden.

S. 21. Lies Cod. S. Petri Salisburgens. a VI 52 statt a VII 52.

S. 34. Der Hymnus Nr. 34 findet sich auch in Antiph. ms. Veteris montis saec. 15. Cod. Dusseldorpiens. C. 62; er scheint also ein Hymnus der Cistercienser, nicht etwa wie Nr. 35 spezifisch böhmischen Ursprungs zu sein.

S. 117. Lies in der Überschrift von Nr. 210 Castulus statt Carsulus.

O. A. M. D. G.





10784

1

THE INSTITUTE OF MEDIAEVAL STUDIES
59 QUEEN'S PARK CRESCENT
TORONTO — 5, CANADA

10284.

